



ترسانه، عام و حکیم بابیسی ال موسی

نصف افندک، خیر ایتدر

۱۲۵۹
۹۲



~~وقف~~

وقف سید طیف

۷

SOLEYMANI E	
Kismi .	Seyyid Nazif ef.
Yeni Kayıt No.	
Eski Kayıt No.	4
Tasnif No.	297.2



بسم الله الرحمن الرحيم *

حمد لمن نزل احسن الحديث * الذي يحق بالآلاء والتحديث *
 وصلاة وسلاما على من اوتي جوامع الكلم * وعلم من علوم الاولين
 والآخرين ما علم * وعلى آله واصحابه الواعين منه * النافلين عنه *
 (وبعد) ذيقول الشيخ اسمعيل حقي * شرفه الله بمزيد الترقى * هذا
 جمع من الحديث النبوي طلب مني شرحه بالتركي المولى علي الحافظ
 القسطنطيني ثم الغلبوي * والحق في ذلك على وارسل رسائل الى * وانا
 في بلدة بروسا * جاهد الله تعالى عن البأساء * فرأيت الاجابة من عظام
 الامور * وعزائم الاجور * وسألت الله ان يمهلي الى ان ينتهي الامر الى
 جهاده * ويبلغ القلم في مضمار البيان الى مداده * وهو المسؤول لكل سؤل
 * الحديث الاول *

* انما الاعمال بالنيات * معلوم اوله كه اعمال ونيات جمع قائم ولكن
 قلت وكثرت نكرانده اعتبار اولنور معارفده دكل زيرا معارفده لام
 جنس ايچون اولمغله معنای جمعيت مضمحل اولور وكلام مثبت ومنفي
 اولمق بردر وكذلك قلت كثر ايچون وبالعكس استقراض اولنور
 پس ديمك اولور كه افراد اعمالدن هر عمل نيتله در يعني بلانية هيچ
 رعمل صحيح دكلدر كا عند الشافعي ويا فضلت وكالي يوقدر كا عند

ابي حنيفه يعني بو حنيفة وامثالنده انما تا كيد ايچوندر كه معنای
 استثنایه راجع در (لا صلاة لجار المسجد الا في المسجد) كي واكثر علما
 وارباب حقايق قول اوله ذاهب اولديلر زيرا حديث صلاته بونك
 مياننده فاروق واردر تأمل بومعنادندر كه ديمشدر در صوم رمضانده
 نيت بولنسه قضا لازم كلور اكر صحيح اولايدي قضا لازم كلز دي
 (پس بويله دينلر نيتي صحت عبادتده شرط قيلديلر وهرنسنه كه
 انكله فرضه توصل اولنه فرضدر ديديلر بوجهندن ديمشدر در كه
 بر مقصودي تحصيل ايتك واجب اولسه واوراده كذبله توصلدن
 غيري چاره بولنسه كذب ايتك واجب اولور (پس نيت روح العملدر كه
 روح حيواني نك بدنه سريانيله بدن حیات بولديغي كي نيتك دخي
 فرض ونافليه سريانيله عمل صحت بولور كرك اول عمل شروط قسمندن
 اولسون وكرك اولسون كا عند الشافعي (ووضوده نيت رفع حدشدر
 بوصورنده نيت مس ممكنه وعند الشافعي طوافه وعند البعض
 سلامه شامل اولور) وديمشدر در كه نيت عند الشروع في الفعل الله
 تعالى به انكله قربت قصد ايتكدر انكيچون الله تعالى انواع ارادتدن
 نيتي اختيار ايتشدر زيرا ارادت قصد مطلقدر كه بطريق القرية
 اولاندن عمد و نيت قصد قلبدر بناء على هذا مجرد تلفظ باللسان
 وحديث نفس نيت اولماز يعني بلا قصد خاطره وارد اولانه اعتبار
 يوقدر) وكذلك قصد ربابي دخي مانع تقر بدر بوسيددن وارد اولديكه
 (نية المؤمن خير من عمله) يعني نيت مؤمن برنسنه در كه غير عاملي عامل
 حكمنده قلور وهم قول وعملدن خير اولور زيرا قول وعمله ربا يوزندن
 فساد دخول ايدر فاما نيت امر مستوردر صوم كي (وتروكه اسقاط
 عذاب ايچون نيت لازم دكلدر مكر كه تارك زنا مثلاً ترك زنايله امثال
 امر شارع مرادايده بوصورنده عذاب معصيتدن معافي اولديغي كي
 مثاب دخي اولور نته كيم مباح احكام شرعيه دنر ديوعامل اولانه
 ثواب واردر مع هذا امور مباخه اصلنده لا ثواب ولا عقاب مقوله سننددر
 (وشول نسنه كه امور اعتقادية دنر توحيد وامثالي كي انك ايچون

نیت لازم اولماز مکر که توحید له مراد کلمه شهادتی قول اوله بوصورتده
 قصد اخلاصه محتاجدر نته کیم حدیثده کلور (من قال لا اله الا الله
 خالصا مخلصا دخل الجنة) یعنی خالص اولدیغی بودر که آفات
 قلبیه دن پاک اوله نفاق و شک کی و مخلص اولدیغی بودر که اول مقاله
 جلیله بی لسانه کتوروب اظهار یله خلوص قصد ایلله (و دیمش لدر که
 نیت عمله مقارن کر کدر واکر اجنبی ایلله فصل واقع اوورسه
 بعض اعمالده صلاوة کبی تکراره محتاجدر الحاصل نیتک عمله
 یا حقیقه و یا حکما اتصالی لازمدر نته کیم مال زکاتی افراز و عزل
 ابتدکی وقتده نیتی کافیدر شویله که فقیره دفع حالده نیت بولمسه
 ضرر و یرمز و صوم رمضانده بعد الغروب نصف نهاره دک نیت
 صحیحدر و نذر معین و نافله دخی بویله در و قضا و نذر مطلقده طلوع
 فجره دک نیت کر کدر که بونلر نیت متأخره ایلله صحیح اولمازلر (وامام زفر
 شهر رمضانک مجموعنه بر نیت کافیدر دیمشدر و لکن مبتدی حاله
 مخالفدر زیرا مبتدی حضور و غیبتدن خالی دکدر حضور دائم اهلی
 ایسه علی الاستغراق نیت ایچنده در یعنی انک نیت واحده کلیده سی
 جمیع اعمالنه من الاول الی الاخر ساریدر (و صوم رمضانده اصل
 اولان نیتی انفجار صبحده ایتملور و لکن متعسر اولمسه دفع حرج
 ایچون تقدیمی تجویز اولندی و بوراده اجنبی ایلله فصل ایتمک ضرر
 و یرمدی اکل و شرب و کلام و منام و جماع کبی (و بعض احوالده نیت
 ابهام اوزرینه اولوب صکره تعیین اولنق صحیحدر مثلا بر کیمسه نک
 اوزرنده ایکی کفارتی اولسه کفارت قتل و ظهار کبی و عتق رقبه
 ایدوب بعده علی التعین بری ایچون نیت ایتمک درستدر (پس) تقدیم
 و تأخیر بعض اسباب و اعذارله در والا مقارنت لازمدر تا که ابتداسی
 شروعدن آخرینه دک سریان و صغ حاصل اوله تکیم (اول الوقت
 رضوان الله) و فقجه ابتدای وقتی محافظه ایتمکده سر الهی سریان
 مذکوردر فافهم جدا (ونیتک حسنی و احسنی و سبئی و سوئی واردر
 نیت حسنه ابرارک نیتدر که لسان و جنانده متعلق آخرتدر و احسن

مقر ینیتک نیتدر که لسان و جنانده متعلق الله تعالیدر و نیت سبئه کفارک
 نیتدر که لسان و جنانده متعلق دنیا در و سوئی منافقینک نیتدر که
 لسانده متعلق آخرت و جنانده دنیا در (پس) نیت ارادت و انبعاث
 قلبدر اکر فجورله اوورسه اسم مضلدن کلور که انک سادنی و خادمی
 شیطاندر و اکر اسم هادیدن کلورسه انک سادنی ملکدر که اول کیمسی
 عالم عدلدن و ایکنجیسی عالم فضلندر (و سبئه ده معتبر اولان عزمدر
 فعل دکل مثلا بر کیمسه یکر می سنه دن صکره ترک صلوة عزم ایتمسه
 عزمی اوزرینه معاقب اولور یوخسه بالفعل ترک صلوة اوزرینه دکل
 زیرا هنوز بالفعل ترک صلوة یوقدر نیت حسنه ده ایسه حسنه یازیلور
 و لکن بو حسنه نیت اوزرینه مبنی اولان حسنه اولمسه (من جاء بالحسنة
 فله عشر امثالها) قیلندن اولماز فاعرفه (و صیبتک نیتی بودر که نیت
 ایتدم بو وقتده الله تعالینک مکلف اوزرینه فرض ابتدکی عمله دبه
 صلوة و صوم و امثالی کبی زیرا صبی اوزرینه بنفسه فروع اعمال فرض
 دکدر اکر صبی عاقل ایکن ایمان کتورسه ایمانی فرض اولور زیرا ایمان
 فرض و نافله یه منقسم اولماز شول جهتدکنکه دوام حق دوام توحیدی
 مستلزمدر بو جهتدن ایمانک سقوطه احتمالی یوقدر و بومعنادندر که
 صغرنده مؤمن اوله نه صحت ایمان اوزرینه ترتب ایدن احکام لازم اولور
 اقارب کفاردن حرمت میراث و اقارب مسلمین دن میراثه استحقاق
 و زوجة مشرکه سی ایلله میانه وقوع فرقت و امثالی کبی الحاصل ایمان
 برنوعدر که فرضدر و لکن عذر صغرسببیه فرضیت فروع ایمان صبیدن
 ساقطدر بعض اعذارله بالغدن ساقط اولدیغی کبی (و دیمش لدر که علم
 مجرد نیت اولماز والا کفری بیلن دخی کافر اولق لازم کلور بلکه علمدن
 صکره قصد مخصوصدر و صوم رمضانده تسخیری نیتدن عدا یتدیلر
 زیرا صوم غدک قصدنی مستلزمدر (و هر عملده حضور قلب اودر که
 مباشرت اولنان عملک ماعداسندن قلب منقطع اوله و اگر غیره مشغول
 اولورسه اکا غفلت دیرر مثلا صلوة حضور اودر که جمیع اجزاسنده
 استحضار نیت بولنه و علی هذا (و مباحث نیت کثیره الاذبال اولمسه

قامت تحریرہ بوقدر خلعت الباس اولندی ماعداسی دکانجه ادوات
علوم فقہیہ دن خریدہ اوله * وانما لكل امری مانوی * امری کسرله
انسان و یا رجل دیمکدر مرء کبی مؤثی امرأه کلور و بوندن اخندن
اولور که زن حکم شرعده مرده تابعدر انک ایچون قرآنده اکثر مواردده
ذکر رجالله اکتفا و لم یصدر وحیدیه کلور (طلب العلم فریضة علی
کل مسلم) یعنی مسلم تخصیص اولندی مع هذا مسلمه اوزرینه دخی طلب
علم فرضدر زیر مسلمه مسلمه تابعدر و بردخی مسلم من اتصف باسلام
ایا کان من رجل وامرأة دیمکدر امری دخی انسان و شخص معناسنه
ما خود اولیجق عام اولور مرءدن مرؤت اخذ ایتشلدر کدورت وزنی
اوزرینه که کمال البر دیمکدر رجولیت کمال الرجل دیمک اولدیغی کبی
و بعض نظم حدیثده (انما کلمه سی مطویه در معنای کلام نبوی بودر که
هر کس ایچون عمل اختیاری و قصد یسندن نیت ایتدیکی خیر و شر
وازددر غیر بوقدر (پس انی که نیت ایتدی معتدیه دکادر وانی که
قصدده مقارن قلدی اگر قصدی حق ایسه اجر و ثواب بواور و اگر
دنیا و ماسوی ایسه اکا کوره مجزی اولور (پس کلامده تکرار بوقدر
زیر انما الاعمال بالنیات صلاح و فساد عمل نیتہ دائر اولدیغی بیانددر
وانما لكل امری مانوی خیر و شر و ثواب و عقابه راجعدر (و بونده
اشارت وارددر که حسن قبول حسن نیتہ راجعدر و منوی بی تعیین
ایتمک شرطدر مثلاً بر کیمسه نک اوزرنده صلوات فائده سی اولسه نیت
مجرده کفایت ایتز بلکه قضا ایتدیکی وقتده فوت اولان ظهر و یا عصر
دیونیت ایلیه اگر بوقول اولمایدی فائده بلا تعیین صحیح اولمق لازم
کلوردی نتکیم کلام اولک اطلاق مضمونی انی اقتضا ایدراشته بودخی
تکرارک اند فاعنه بشقه برو جھدر و لکن کلام آنی تفصیلینک وجه
اوله ارتباطی اقوادر فافهم * فن کانت هجرته الی الله ورسوله * نیتی
تفصیل و مواد منویہ ده اول وقتده مناسب اولان هجرتی تخصیصدر
هجرت کفار اراسنده اولان وطنی ترک و دار اسلامه انتقالدر
کرک مکہ دن مدینه یه اولسون و کرک غیری اولسون بوراده الله تعالی یه

هجرتدن مراد امر ایتدیکی بره هجرتدر نته کیم حضرت ابراهیمدن
علیه السلام بطریق الحکایه کلور (وقال انی ذاهب الی ربی سیدین)
مقصود ابراهیمک نار غرود دن نجاتندن صکره ارض بابلدن ارض
شامه هجرتیه بدر زیر امکان رضایه هجرت همان حقده هجرتدر که اکا
هجرت حکمیہ دیرل نته کیم جناب رسالتہ صلی الله علیه وسلم هجرت
ایتمک هجرت حقیقیہ در که بدن و جوارح ایلہ در و بونک دخی مائی
رسولاء دارده انصامله تحصیل رضادر و اطلاق هجرتہ کوره نابع
رسول دخی انده داخلدر انکیچون تحصیل علم و صحت اهل تقوی
ایچون برداردن برداره انتقال ایتمک امور لازمه دندر نته کیم احباء
العلوم ده کلور چن بر شهرده فقیه فاسقدن غیری اولسه اورادن
هجرت ایتمک لابددر زیرا فقیه فاسقک فتواسنه اعتماد بوقدر و علامت
فسق بودر که حر و یا ابریشیمی غائب اولان لباسی تلبس ایدہ و یا
برقرسه راکب اوله که اوزرنده اتونلو سرجی اوله و یا بونک ایشالی
منکرات ارتکاب ایدہ بوصورته فستی ظاهر اولمش اولور * فهجرته
الی الله ورسوله * یعنی هجرتی کامله و مقبوله در زیر شرط و جزا متحد
و مکرر اولسه کما م مصرف اولور الحاصل شول کیمسه نک که هجرتی
محل رضا و مأمن مصطفایه اوله انک هجرتیه سوز بوقدر که نیتی
خالصه و طویقی صادق اولغله مشاب و مأجور اولور کر کسه قبل
الوصول اثناء طریقده وفات ایلسون نته کیم قرآنده کلور (ومن ینخرج
من بیتہ مهاجراً الی الله ورسوله ثم یدرکه الموت فقد وقع اجره علی الله)
و حدیثده کلور که الله تعالی سنک صور ریکزه و اعمالکزه نظر ایتز
بلکه قلوب و نیاتکزه نظر ایدر یعنی اگر قلوب و نیاتکزه خوب اولورسه
فبها و الا صور و اعمال مجرده کز مفید اولماز چونکه مهاجرک نیتی
دار الهجرتہ وصول ایدی صور تا عدم وصولی مضر اولمادی بلکه
اجر هجرت اعطا اولندی نته کیم اهل ایمانک جتده خلودری نیت
و اعتقاد لرینه راجعدر * ومن کانت هجرته الی دنیا یصیبها * دنیا
بلا تنوین در زیر ادنی لفظنک تأنیی در یصیبها اکا صفتدر بوراده

اصابت تحصیل معناسنه در کردن طبعی دنیایه اوزادوب تحصیلانی
 سهمك نشانه اصابتنه تشبیه ایلدیکه ایکسند دخی سرعت وصول
 و حصول مراد وارد یعنی دخی شول کیمسه نك که هجرتی اصابت
 و تحصیل ایده جکی غرض دنیای دینه اولسه * او امرأه ینکحها * بعض
 روایانده ینکحها یرینه یتزوجها دوشمشدر معنی بر در زیر انکاح لغتده
 ضم وجه در تزوج دخی تأهلدر که انده دخی معنای مذکور وارد
 زیرا برنسنه جفت اولق آخرک انضمامیه در بوراده ینکحها دخی
 امرأه یرینه صفتدر زیر امرأه یرینه مهاجرت ایتک و یا مطلق قصد ایتک
 نکاح شرعیله کر کدر دیو نکاحه ترغیدر نتم کیم او ولدید عوله
 حد ینسنده وادی د عائله وصفده دخی بودر (بعده امرأه دنیاده
 مندرج ایکن تخصیص بالذکر ایتدی زیر اول وقتسنده ام قبس نام
 برخاتون مکهدن مدینه یرینه هجرت ایتش ایدی بر کیمسه دخی اول خانونی
 نکاح ایتک سوداسیله مدینه یرینه مهاجرت ایتد کده جناب نبوی
 بو خصوصه مطلع اولیق اول کیمسه نك سوء نیتنه قمر یضا امرأه یرینه
 تخصیص ایتدی پس بومعنی واقعیه مبنی اولمش اولدی و یا خود
 ذکر امرأه زیاده تحذیردن اوتوری در که امرأه فتنه اولق جهتنیدن
 سارندن اشددر نتم کیم حدیثده کلور (صواحبات یوسف صواحبات
 کرسف) یعنی کرسف بنی اسرائیل زاهدلرندن بر کیمسه ایدیکه بوقدر
 ایام صائم وقائم اولوب عبادته اهتمام ایدر ایکن آخر برخاتونه عاشق
 اولوب کافر اولدی صکره تدارک الهی ایله تائب و مستغفر اولوب اولکی
 درجه سن بولدی (ایشته بوتقریر اوزرینه او امرأه ذکر الخاص
 بعد العام قبیلندن اولدی مزینندن اوتوری ولیکن ائمه نخودن اولان
 ابن مالک دیمشدر که عطف خاص علی العام و او مخصوصدر
 پس بوراده اولکله سی تقسیم ایچونددر که مطلق عطفی منافی دکلدر
 امرأه یرینه دنیایه قسیم و مقابل قیلدیغی علت مذکوره دن اوتوریدر که
 فائده اشدتی در الحاصل و اوله او علت مذکوره حمیلله معناسنه
 متحد و لکن برای امرافظی مفایردر * فیهجرتیه الی ما هاجر الیه * پس

بونیت اوزره اولان کیمسه نك هجرتی دخی نیتنه راجعدر یعنی مقبول
 دکلدر و مقابله سنده مثاب و مأجور اولماز زیرا ترکستانه متوجه اولان
 کیمسه کعبه یرینه وصول بولماز انکیچون خواص ناس الله تعالی دن
 حسن سمت و سداد طریق و وصول منزل استلر و حدیثده کلور که شول
 مال که بالحق وضع اولنه ضایعدر یعنی بی نیت اولان عمل بی روحدر
 انکیچون اعلای علیینه صعود ایده مز بلمکه طینده یعنی عالم اسفل
 طبیعی ده قالور قال الله تعالی (الیه یصعد الکلم الطیب و العمل الصالح
 یرفعه) یعنی عمل صالح اودر که رضاء الله و یا بالحق لا بالنفس معمول اوله
 اشته بومقوله عمل نردبانک پایه سی کیدر که باعث ترقی در پس صلاح
 و خلوص لازم کلدی تا که عمل مقبول و درجات عالییه وصوله وسیله اوله

* الحديث الثاني *

* قال عمر رضی الله عنه بیما نحن عند رسول الله صلی الله علیه وسلم
 ذات یوم * یعنی حضرت عمر رضی الله عنه بیوردیکه برکون حضور
 رسول الله ده اولدیغی زن انسا به پس نحن حضرت عمر دن و اول مجلسده
 حاضر اولان اصحابدن عبارت اولمش اولور والله تعالی نك رسول الله
 اوزرینه تسلیه سی رحمت مخصوصه سیدر که بین الجبین سر
 مکتومدر انکیچون تسلیه حقه نسبت اولور اگر صیغه ماضی و اگر
 مضارع و اگر امر در صلی و یصلی وصل کی سؤال اولور سه که
 چونکه تسلیه فی الحقیقه حقه مضافدر یازنه ندن اضافت اولندی
 نتم کیم کلور (یا ایها الذین آمنوا صلوا علیه) جواب بودر که مقصود
 تذکر تسلیه در تا که حقندن طلب کار صلا اولمقدن خالی اولیه لر
 (و تسلیمدن مراد سلام قولی و تحیت مخصوصه در قال الله تعالی (سلام
 قولاً من رب رحیم) و ذات یوم مسلمانک اسمنه اضافتی قیلندندر پس
 ذات یوم مده صاحبیه بهذه اللفظة التي هی یوم تقدیرنده در که مسمی
 ذات واسم یوم در موصوف اولان مدت حذف اولنوب صفت انک
 مقامنه اقامت اولمشدر ذات لیله و ذات مرة دخی بویه در * از طلع
 علمنا رحل * از مفاجاه ایچوندر طلوع ظهور معناسنه در رحل اردر

بوراده مرد غریب در بر مرد غریب طالع و ظاهر اولدی و مجلس نبوی به
 کلدی * شدید بیاض الثوب * رجله صفت در شید صفت مشبهه در که
 فاعلنه مضافدر یعنی اول غریب صورتلو کلن کیمسه نک لباسی زیاده
 بیاض ایدی بونده لباس بیاضک استجابنه اشارت وار در زیر لباس
 صلحادر خصوصاً یوم جمعه ده استجاب تلبسی منصوص علیه در
 * شدید سواد الشعر * صفت اخرا در بونده ایکی متقابلی جمع وار در که
 بیاض و سواد در و بوا یکبسی اصل الالوان و ماعدا بونلردن مترکبدر
 و بعضیلر عندنده بیاض الواندن دکلدر بلکه محکندن لون قبول ایدر
 مثلاً نور شمس جاءه عکس ایتدکه جامک لونه تابع اولور کرک اجر
 و کرک اصفر و کرک غیری و آب دخی بویه در که ظرفک لونیه متلون
 اولور و دیمشدر که (بالا ترا سیاهی رنگ دکر نباشد) یعنی لون سیاه فوقنده
 رنگ دکر یوقدر بوسیدن احصاء اسماء الهیه ایدنلر نهایت سیورده
 لون سواد کوررلر که اکا عند الصوفیه ظل حقیقی درلر که مقابله نوره
 دکلدر بلکه نور الانوار اولان ضوء حقیقی نک عینی در فافهم جدا
 (شعر فتحه جسمه بتن قیل و صاچدر که صوف و و برک غیری در
 زیر صوف قیونک و امثالک و و بدوه نک نظائر نکدر بوراده شعر دن
 مراد صاچ و صقالدر که سیاه اولدیغی اسباب حسن و لوازم زینتنددر
 زیر انکله مراد جبریلدر نه کیم آشفته ده کلور جبریل ایه رسول الله
 حسن صورتده تمثیل ایدوب کلور دی حتی دحیه صورتده کلدیکی
 مشهور در دحیه ایه اجل عرب ایدی و سواد شعر مرور ایامله فنا
 و هرمدن میرادر زیر نور دن مطبوعدر * لایری علیه اثر السفر * یعنی
 اوزنده اثر سفر کورغز و نشان رهروی یوغیدی انکی چون لباسی متغیر
 اولوردی پس لایری جله سی دخی صفت اخری و یا ناقبلنی ایضا حدر
 * ولا یعرفه منا احد * و بزدن یعنی اصحابدن هیچ بر کیمسه انی بیلز
 یعنی ما بینمزه معروف کیمسه دکلدر و بوندن معلوم اولدیکه اول رجل
 دحیه الکلی دیدکاری صحابی صورتده دکل ایدی والا بلنوردی
 * حتی جلس الی انبی صلی الله علیه وسلم * حتی کله سی طالع به غایتدر

یعنی

یعنی اول رجل طالع و ظاهر مجلس نبوی به منتهی اولوب جلوس ایدی
 بونده جلوس اضطرار بجا آمدن و قعود قیامدن اولور دیو فرق ایده نی
 رد وار در زیر رجل مذکورک جلوسی قیامدن ایدی اضطرار بجا آمدن
 دکل ایدی و سؤال قبرده کلور (اتاه ملکان فاقعده) یعنی بوراده قعود
 قیامدن دکلدر پس جلوس و قعود الفاظ مترادفه دن اولور و قاموسده
 کلور که القعود و المقعد الجلوس او هو من القيام و الجلوس من الضجعة
 و من السجود انتهى یعنی صاحب القاموس جلوس و قعودده ایکی قول
 اولمغه ذاهب اولدی * فاسند رکبه الی رکبه * پس اول رجل دیزنی
 رسول الله صلی الله علیه وسلم دیزینه اسناد ایدی و متصل و معتمد
 قیلدی نه کیم ترک دیز بدیز او توردی دیر و بحکم نشست زانو بزانو دیو
 تعبیر ایلر و بو تعبیردن جبریلک رسول الله زیاده قر بی فهم اولندی
 والا معلم و متعلم میاننده مساحه معتدله درت ذرا عدر الحاصل حالات
 وحی ده بو مقوله مساحه اعتبار اولنماز و بعض امور واردر که باطک
 قر بی ظاهرک دخی قر بی اقتضا ایدر نه کیم طائفه عرب کمال اتحاد
 اشارت ایچون ایکی قوسی بریره کتوروب برالدن اوق اتارلر و قرآنده
 کلور (فکان قاب قوسین) و بو معنایی ایضاح ایچون دیمشدر که
 * و وضع کفیه علی فخذه * دخی اول رجل ایکی الارینی عادت عرب
 اوزرینه رسول الله علیه الصلاة والسلام ایکی اویلقلری اوزرینه
 وضع ایتدی زیرا کرچه کف تشدیدله ال آیه سنده مشهور در و لکن
 مطلق ید معناسنه کلدیکی دخی قاموسده مصر حدر * وقال یا محمد
 اخبرنی عن الاسلام * و دیدیکه یا محمد اسلام ندر بکا اندن خبر ویر
 و تعریف ایلر چونکه رجلمدن مراد جبریلدر و جبریله اسلام نه ایدیکی
 معلومدر پس سؤالی غیره افاده به محمول اولدی و حاصلی تحصیل
 لازم کلدی زیرا بر معنایی غیره افاده ایتک یا اکا خطاب طریقیه و یا
 آخرک لسانندن تعریفله اولور و بوا و اکیدن ابلاغدر فعل قولدن
 ابلاغ اولدیغی کبی تکیم کلور (صلوا کما رایتونی اصلی) و محمد لفظی رسول
 اللهک عالم اجسامده عین خارجیلرینه کوره اسم علمی در اجد مقام

ارواح کوره اسمی اولدیغی کی انکیچون احدى بمعنی الفاعل
 اخذ ایتک اولادر زیرا عقل اول رتبه سنده کثرت جدرینه بناء لواء
 الحمد له سرافراز اولوب جهله انبیا وکل اولیا ارواحی دعوتنه اجابتله
 تحت اللوارنده بولندیلرته کیم (کننت نبیا و آدم بین الماء والطین)
 عالم ابداعدن بری بالفعل نبوتلرینه دالدر اگرچه بومعنائی فهم ایدن
 اقل قلیلدر وصور انبیای محمدن غیری قیاس ایدر لر و محمد مره
 بعد اخری اقوال و افعال وسیرتی اوزرینه محمود دیمکدر و آخر
 محمودیتلری مقام شفاعتده ظاهر اوله جقدر قال الله تعالی (عسی
 ان یبعثک ربک مقاما محمودا) سؤال اولنورسه که نیچوز یا نبی الله
 و یارسول الله دیو تعظیمی مشعر ادائله تعبیر مع هذا معلم خیر توقیر اولنه
 کیشدر حتی بر کیمسه ابوینی اسملریله ذکر ایتک سبب فقر در دیمشدر
 معلم خود فوق ابویندر و قرآنده کلور (لا تجعلا دعا رسول بینکم
 کدعاء بعضکم بعضا) جواب بودر که چونکه جبریل وکل الهی ایدی
 لاجرم اسم علمنی تصریح ایدی تا که محمدله موسوم اولان کیمسه نکر رسالتی
 حاضر بالمجلس اولنره زیاده روشن اوله زیرا اومقوله سؤاللره جواب
 و یرمک هر کسک حالی دکل بلکه رسول صادق شایندر و بردخی
 بودر که جبریل افرادامته قیاس اولماز و بردخی ابتداء وحی ده اولان
 خطابه نسبتله یا محمد دیدی زیرا اول وقتده بالفعل نبوت یوغیدی
 و بوراده اخبرنی دیدی زیرا خبر غیرک اعلام و اخباریله حاصل اولان
 علم وادرا کدر پس دیمک اولور که بکا اعلام ایله اسلام ندر تا که سنک
 اعلامکله بکا علم حاصل اوله و بومقوله به علم کسی در لر که غیریدن
 بطریق الطلب مستفاددر و انک مقابلی علم وهبی در که حقندن بلا عمل
 فائضد سؤال اولنورسه که ایمان اصلدر که تصدیق قلبدر اسلام ایسه
 فرعدر که قلبه متعلقدر فرع ایسه اصل اوزرینه مبنی در پس سؤالده
 اصلی تقدیم ایتک کرک ایدی جواب بودر که ظاهر دن بدء ایلدی زیرا
 دیمشدر که الظاهر عنوان الباطن و اشارت قلبدیکه شرائع و احکام
 ظاهره و سائل حقائق و حکم باطنه در و بعض حکماء الهیه اعضا

و جوارحی اصل طوتمشدر در تکیم من فقد حسا فقد علمادخی اکادالدر که
 عملک مبناسی حس در دیمک اولدی حسدن مراد مشاعر در و کاه اولور که
 مشاعرله ادرا که دخی حس اطلاق اولنور * فقال رسول الله صلی الله
 علیه وسلم الاسلام ان تشهد ان لا اله الا الله وان محمدا رسول الله * پس
 رسول الله دخی سؤالک عقببنده بلا تردد جواب و یروب اسلام بش
 فسنه دن عبارتدر که اول کسی شهادتدر بیسوردی و متعلق شهادت
 لا اله الا الله محمد رسول الله اولدو غن افاده قلدی شهادت مخبر عنیه
 علم و یقیندن صادر اولان اخباره در لر لا الهه اولان اله منکر دن مراد
 معبود بالحق در یعنی معبود بالحق یوقدر الا الله تعالی وارددر که ماسوا
 معبود بالباطل در اصنام و انلی کی قال الله تعالی (افرايت من اتخذ الهه
 هواه) و اله منکر حقندن غیری به اطلاق اولنمشدر قال تعالی (ما علمت لکم
 من اله) و نحوه و اله معرف اطلاق اولنمشدر قال تعالی (هل تعلم له سمیا)
 پس لا اله الا الله لامعبود الا الله دیمکدر که صورت توحید در نته کیم
 لاموجود الا الله حقیقت توحید در و جلاله ده اولان ال فی الحقیقه
 تعریف ایچون اولمغله الف خط حق و لام خط انساندر زیرا وسط
 لساندن حروف حلقیه و شفویه میاننده اولدیغی کی انسان دخی
 برزخی در که غیب و شهادتی جامعدر و یوندن لایله بدء اولندیغک
 سری معلوم اولدی زیرا لام مجمع البحرین در و کون ایله مکنون
 اراسنده اولان ارتباط مرتبه الوهیتده متعین اولور که حقیقت جامعده در
 پس عالم وجوبه کوره الله دینلور که مستخلفدر کسر لامله و عالم امکانه
 کوره انسان دینلور که خلیفه در قال الله تعالی (فاعلم انه لا اله الا الله)
 یعنی متعلق علمی مرتبه الوهیت قلدی که مرتبه ارتباط در پس معلوم
 اولان الوهیت و مرتبه انسانیتدر که مافوقی مجهوندرو بوراده محمد
 رسول الله دینلدی عبده و رسوله دینلدی زیرا الزم اولان اثبات رسالتدر
 و اثبات عبودیت دفع غلو ایچونددر قال الله تعالی (لا تغلوا فی دینکم)
 (معلوم اولاکه ابتداء عالم ایجاد اولان روح محمدی صورت روحیه
 نوریه بولدقده لسان روحه لا اله الا الله دیو شهادت ایدیجک الله تعالی

دخی انی تعظیم ایدوب (محمد رسول الله) ایله مقابله قلدی (و کله شهادت صورتده نقطه دن خالی اولدی زیرا نقطه وحدتدر و مؤدای الوهیت کثرتر که خلقت حق ارتباطی بومر تبه ده در نه کیم مروراندی کثرتره وحدت ایسه محبوبه خفیدر مع هذا نقطه دن غیر یوقدر زیر اهر خطک نهایتی نقطه و بلکه هر خط یا اوج و یا بش و یایدی نقطه دن عبارتدر که مجموعی نقطه واحدیه منهی اولور فافهم (و چونکه لسان بیان ایچون خلق اولندی پس اقرار لسانه تخصیص قلندی زیر اخف و سائر عمل جسد دن ایندر) و شیخ السنه ابو منصور مازیدی مختاری اوزره اقرار شرط در که حقیقت ایمان دن خارجدر نیکیم مذهب اهل حقائق دخی بودر و فی الحدیث (من مات وهو یعلم ان لا اله الا الله دخل الجنة) یعنی اقرار اجزاء احکامه شرط در والا تصدیق قلبی کافیدر و احکام دنیویه دن مراد حیاتنده اکا اقتدا و مطالبه عشر روز کاه و مما تنسده جنازه سی اوزرینه نماز و مقابر مسلینده دفن و میراثی اقارب مسلمینه انتقال واثالی کی چونکه اسلام تسلیم ظاهر در پس واجب اولان اقراری ترکله آثم اولوب کافر اولمق لازم کلور و بونده توسیع دائره رحمت وارد در زیرا اکر اقرار رکن اولیدی مصدق بی اقرار مخلد فی النار اولمق لازم کلور دی بوا یسه تضییق در و فی الحدیث (یخرج من النار من کان فی قلبه منقال ذره من الايمان) و کله شهادتک اسرار و اشاراتنه نهایت یوقدر و بعض اطائف و حقائقی غیر اثار مرزده مثبتدر اکر چه شرکک بر مرتبه خلوسی وار در که کلمات توحید انلرک عندنده کفر در * و تقیم الصلوة * و دخی صلاة مفروضه بی اقامت ایده سن یعنی اسلامک ایکنجی شرطی نمازه کما یذبحی صورت و یرمکدر و اول صورت شروط و قیود ظاهره و باطنیه سنی مراعات و محافظه در زیرا اقامت صلاة بومعنادن عبارتدر والا قائم اولمار بلکه خراب و منهدم اولور (معلوم اولاکه صلاة افضل شعب ایمان اولمغله سائر اوزرینه تقدیم اولندی مقصود صلوات خمس در که نبوتک اون ایکنجی سنه سی مفروضه اولدی و اول وقتده نماز و وضوء شرعی و سورة فاتحه و سائر

سور قرآنیه ایله ایدی زیرا مکده سکسان بش قدر سورة نزول ایتشددر و وضوء قبل رسول الله ثابت اولدی **ا** کرجه آتی مدینه در و سورة فاتحه برد فعه مکده و برد فعه مدینه ده نزول ایدی بلکه فاتحه قبل الوحی لسان اسرا فیلدن مأجوز ایدی زیرا اسرافیل علیه السلام قبل النبوه جناب رسالتیه اوج سنه مقارنت ایدوب بعض کلیات سوبلردی **ا** کرجه شخصی کور غمزدی و او مقولیه هاتف دیرلر و صلاتک فرضیتی کتاب و سنت و اجماع امتله ثابتدر و شرط فرضیت اسلام و عقل و بلوغدر که مدار تکلیف بو اوج نسنه در و شول حدیث که کلور (مر و اولادکم بالصلاة وهم ابناؤ سبع واضربوهم علیها وهم ابناؤ عشرين) بومعنی تأدیه مجولدر و بر کیمسه انکار صلاة ایسه مرتد اولور و کر کسلفک اولوب عدا قلمز ایسه تعزیر شدید و حبس مدید لازم کلور و اگر تهاون اوزرینه اولوب عقاب اللهیدن خوف ایکن ایسه بومصورتده دخی کافر اولور زیرا مکر الهیدن امن کفر در شول معنادنکه حقه عجز نسبت ایتکدر و صلاة عبادت بدینه در که انده نه بدنله و نه مالله نیابت صحیح دکلدر بالاتفاق مکر که بعد الموت کفارتله و صبت ایلیه و یا وارثی تبرع ایده مجده ایسه نفسله نیابت صحیحدر عذر اولمق و صومده مالله فدییه درستدر بیرفانی به کوره (و صلاتک ظاهری افعال و اذکار و باطنی مناجات و مشاهده رب غفار در نیکیم حدیثده اکا اشارت ایدوب کلور) و جعلت قرة عینی فی الصلوة) زیرا چشمک قراری مطالعة محبوب ایله حاصل اولور و جناب نبوته بر امر مشکل عارض اولسه صلاة التجا ایدر لردی و مقصود لری حاصل اولور دی و قرآنده کلور (واستعينوا بالصبر والصلوة) و بر اعرابی جنتده همجوار حضرت اولمق طلبکاری اولدقده (اعنی بکثرة السجود) بیوردیلر یعنی میسانده جهت جامعه و مناسبت معنویه اولدقده همسایه اولمغه امکان یوقدر و صلاتده مشاهده به وسیله اولان حضور قلبدر یوجهندن اجزاء صلاتک مجموعنده غفلتدن حذر لازمدر والا حضور دن خالی اولان جزءک ردی لازم کلوب صلاة

نقصان اوزرینه قالغه مؤدی اولور بوسبدن جماعته تحریر رض اولندی
 ناکه هر کسک اجزاء مقبوله سنده بر صورت مقبولة مشخصه حاصل
 اولوب اجزاء غیر مقبوله به شفیع اوله و جماعته اولان نماز منفردا نماز
 اوزرینه یکریمی یدی مرتبه مفضلدر زیر جماعته اقامت اولنان
 صلوة واحده بلاجماعه اقامت اولنان بر بوم و بر ایله نک صلوتی
 کبیر بر بوم و بر ایله نک فرائضی ایسه اون یدی و رواتی اون رکعتدر که
 مجموعی یکریمی یدی اولور (بعد از علما دیمشدر که صلوتله مراد اتصاله
 فرائض و تبعیه واجبات و سنن و نوافلدر و نقل فرض اوزرینه زائد
 دیمکدر وزائد ایکی وجهله بری مصادمه فرض ایلیوب مخالف شرع
 اولاندر الی وقت نماز کی و بری تکمیل باینددر نوافل صلوت کی کرک
 آنک ایچون اسم مخصوص اولسون صلوة رغایب و صلوة قدر کی و کرک
 اولسون سائر نوافل مطلقه کی و نوافل اوقات مکروهه ده و یا محرمه ده
 اولمچق هیچ برندن منع اولنماز زیر و سائل قرب الهیدر و بعضینک
 کیفیت مخصوصه اوزرینه اولدیغی بدعت سببه اولسنی مستلزم
 دکدر زیر بدعتک مذمومه اولدیغی امر جاهلی و یا بطریق المصادمه
 اولمسیله در و محدث فی الحقیقه بومقبوله بدعتدر که دین ایچنده ضلالتدر
 ماعداسی سنت حسنه و عین هدایتدر (و بعض علماء رسوم ضیق
 فهمندن ناشی نیجه امور شرعیه بی امور بدعیه دن عدا ایدوب ضلالت
 و مضل اولمشدر نازک ناذره اقتداسی صحیح دکدر دیدکاری فاسددر
 زیر اقتدا ای سراجیه ده کلر که (الله علی هذه الصلوة الی التزمها
 هذا علی نفسه) دیسه اقتدا صحیحدر (و بزایه دن نقل ایدوب اشباهه
 کلور که) (یکره الاقتداء فی صلوة الرغائب و صلوة البراءة و صلوة القدر
 الا اذا قل نذرت کذا رکعة بهذا الامام بالجماعة) مع هذا نذره دخی حاجت
 یوقدر زیر بعض صحابه نهجده جناب نبوته صلی الله علیه وسلم
 اقتدا ایتمشدر که اقتدا ارتباط ده جهت جامعه اولمقده کافیدر تکمیل
 نفس نیت عابد ایله معبوداراسنده رابطه در فاعرف (و نووی نام محدثک
 رغائب حقنده قاتل الله واضعها دیدیکی کندی ائمه سندن اولان امام

غزالی به راجعدر زیر غزالی کتاب احیاده صلوة مذکوره بی مقرر
 قلوب صلوة مستحبه در دیمشدر و تقریر دخی وضع حکمنده در
 و کندی امامنه لعنت ایده نک حالی بلاور خصوصاً صاحب مذهبی
 اولان امام شافعی به ساریدر زیر شافعی دیمشدر که (من استحسن
 فقد شرع) یعنی دین ایچنده مستحسن اولان سننه مشر و عاتندر صلوة
 مذکوره ایسه مستحسنات مشایخدر و مجتهد اجتهدانده دکه وجهله
 خطا اوزرینه مقرر دکل ایکن مشایخ مکاشفین توجهله خطای
 اوزرینه مقرر اولوب دهور طویلده صلوة مذکوره بی احیا و اقامت
 ایتمشدر والی آخر الزمان تخلید قلمشدر (و امام مکی که محدث اولدیغندن
 جبال مکه ده اون سننه دن زیاده نباتاتله تعیش ایلیوب وجودی
 سیره رنگ اولوب حالده اکا معادل و دنک یوغیکن نقلا و کشف قوت
 القلوبده صلوة براتی تصحیح ایتمکدری لیدی اولی الابصار نمایان ایکن
 و صاحب تفسیر التبیان و کتاب العقائد مفتی الثقلین امام نسفی یا قوته
 نام کابنده فضائل صلوة قدری عیان ایتمشکن و فضائل اعمالده خیر
 واحد و عمل علماء کافی اولدیغی جمله ارباب اجتهاد و ارباب حقایق
 عندنده متفق علیه ایکن نووی و ابن تیمیه و سبکی و بقای کیلرک ردیه
 شهادت عدول جرح اولنورمی (و خواقین عثمانیه دن سلطان محمد
 الفاتح ایلمنده عقد مجاس اولوب فقهاء دین دن معدود اولان ملا
 خسرو و ملا کورانی و سائر و خصوص اوزره علوم شتاده ماهر
 و اذواق و مکاشفاتده حالی باهر اولان شیخ آق شمس الدین اوراده
 حاضر اولوب صلوة مذکوره نک صحیحی اوزرینه بعد الاجماع و ققیه ده
 ثبت اولمق اوزره امر سلطان لاحق اولوب و جائز واجب مرتبه سننه
 ایروب امور شرعیه ده اولوالامر اطاعتک لزومی معلوم سابق و لاحق
 ایکن اوهام و خیالاته تابع اولان اشخاصک اقوال مزینفه سبیله عمل
 قلنورمی (و هرنه که مخالف طریق خلافتدن جدل و عنادله باز مشلدر
 جمله سی محاب و مردوددر که اهل قبوله ایرادی لازم دکدر زیر باعث
 ملال دل و صداع سردر و بوفقیرک بو خصوصده اثار کثیره سی

وارد و الله واسع علیم * و توتی الزکوة * دخی زکوتی ایتا اید سن
یعنی اسلامک او چنی شرطی ایتاء زکاتدر که ربع عشر در یعنی بیکده
یکرمی بش ابقه در بنی اسرائیلده ایسه ربع مال ایدیکه بیکده ایکی
یوز اللیدر بویله ایکن بوشریعت سه له و سمعه نک قدرنی بلوب
ار باب حرم و طمع ببوست ترابیه دن ناشی امساکده شدیدلر و امر جبار
مخالف و عنید لر در و دیمش لر در که دائرة ولایت و وضع قدم ایتک بذل
مال و جان منوط در پس بخیل اولان ولی اولی از وز کاتده رزیه
بخندن طهارت نفس وارد بلکه زکوة حقیقه نفسی جمیع رذائلدن
تطهیردر بومعنایه صلوة اوزرینه تقدیمی لازم ایدی زیرادیمش لر در که
التخلیه قبل التخلیه یعنی اساس قبل البناء در و لکن صلوتده شرف
معراج روحانی و مشاهده و لقاء رجائی اولغله زکوة اوزرینه تقدیم
اولندی نیکیم صفات الهیه ده علمده شرف زائد اولغله حیات اوزرینه
تقدیم اولندی مع هذا حیات ام الصفات در و كذلك زکوتده زکوة و نما
وارد در که اخراج مال زکاته بقیه ماله برکات کثیره داخل اولور
و کیتدیجک زائد بولور و لکن طیب نفسه مقارن اولق کرکر و الا کرها
اولان عمل حبسدر خالی اولماز و قرب مرتبه رضا بولماز پس بوندن معلوم
اولدیکه هر تلفه خلف وارد زرا الله تعالی اجر محسنی اضاعت ایتن
و مقابله مالد مال و اجر اعطا ایتدیکی کبی مقابله بذل وجود فائده
دخی وجود باقی و زیاده و برکه اول زیاده دن مراد مشاهده جمال
حقدر قال الله تعالی (للذين احسنوا الحسنى و زیاده) و قال الله تعالی
(ولدينا مزيد) وینه تنزیله کلور که (وانفقوا مما جعاکم مستخلفین
فیه) یعنی خلقت یدلرنده اولان اموال فی الحقیقه حقکدر که خلقه
بطریق الخلافه و برمشدر پس اکر عوام و اکر خواص اول اموال دن
انفاق و زکوة و صدقه سنی اخراج لازمدر و هیچ بفرده مال و ملک
الله تعالی نک اولیجی مالک اولماز یعنی مالک زکوة و صدقه سنی نه دن
و یره لم دیه مز زرا حق بنم مالدن و یردیمه سبله خلافة اتفاق لازم
کشدراشته بومالدن انفاقدر و بعض مرد وارد در که مجموع مالی

انفاق ایدر و مال حکمنده اولوب میل ایتدیکی نفسنی دخی بذل ایلر
یعنی مجاهده ایلر تا که نفسندن فنا بوله واکا میل و رغبتی منقطع اوله واکا
عند الصوفیه المحققین مقام تخص در لر جمیع ماسودن و خصوص
اوزرینه نفسنه التفاتدن تخلصدر (و بعض فتاواده کلور که طالب
علم غنی اولسه دخی زکوة الموق جازدر اکر افاده یه و یا استفادیه مشغول
ایسه زرا تنویر الابصار و تفسیر سمرقندیده سورة توبه ده کلور که
طالب العلم نصابه مالک ایسه دخی اکا دفع زکوة ایتک جازدر زرا
حدیثه کلور که (یحوز دفع الزکوة الی طالب العلم و لو کان له نفقة
اربعین سنة) انتهى و مبسوطده کلور که طالب علم و غازی و منقطع
عن الحج نصابه مالک ایسه دخی اکا دفع زکوة جازدر (بوفقی فهم
ایتدیکی بودر که بوراده علمدن مراد علم نافعدر که علم انبیا و اولیادر
بوخسه طالب علوم فلسفیه و عقلیات اولانه طالب علم دیمش لر در که
طلب ایتدیکی وسائل علوم نافعه اوله علم نحو و علم معانی و امثال کبی
و بو مقامک بشقه تحقیقی وارد در که تقریری بومحله مناسب دکلر
(و دیمش لر در که حضرت رسالت صلی الله علیه وسلم هدیه قبول
ایتدی و لکن زکوة و صدقه قبول ایتدی زرا زکوة و صدق مال و صدقه
بطریق الترحم اعطا اولنان نسنه در منصب و جاه نبوی ایسه بویکی
معنادن عالیدر انکیچون صدر اولده آنه دخی جازدر کل ایدیکه هاشمی
اولنلر در زرا اول وقتده انلره مغنمدن دفع اولسان خمس الخمس
کافی ایدی صکره که سادات چوغالیدی فقرادن اولنلرینه قبول زکوة
جازدر دیو فتوی و یردیله پس اکر قبول ایدر لسه رخصتدر و اکر
مراعات عرض هاشمیت ایدوب رد ایدر لسه عزیمتدر (و بو مقامددر که
بعض علماء دین و ائم مجتهدین دعاده (وارجم محمد) دیمکی تجویز ایتدی
زرا جناب نبوی (بالمؤمنین رؤف رحیم) ایله موصوفه رغیرک مرحومی
دکلر و لکن اثر صحیحده وارد اولمشدر نیکیم صدر الشریعه ده وارددر
پس (وارجم محمد و صلی علی محمد) دیمک اولور که بالاده معناسنه اشارت
اولمشدر و قرآنده کلور که (و مما رزقناهم ینفقون) یعنی مال مرزوقدن

اتفاق لازم کلدیکی کبی علم مرزوقدن دخی لازمدر زیر بر کیمسه بر علی
اهلندن کتم ایلسه لجام نارله ملجم اوله پس اگر اتفاق مالده واکر بدل
عبلده محله قابلیت لازمدر مثلاً غنی یه وفاسقه دفع مال اولماز مکر که
فاسق فقیر نفقه سی واجب اولان ذورچدن اوله بوصورته دخی
کفایت قدر اتفاق ایدر زیاده دکل و علم دخی بویله در زیر انا اهله کوله
حرامی الله قلی ویرمک کبی اولور خصوصاً که اسرار آهیه مقوله سنی
کشف ایتکده ضرر بین و خلل عظیم وارد و بوفقیه ار باب انکارله
مبتلی اولدیغم اکثر یا تحریر اسرار و ناقابل اظهار یوزندن کلدی اگر چه
مسئله اولدن معلوم ایدی و لکن خلق اراستنده قابل وارد رطن
اولنوردی حالا حال وقال نه ایدیکی ظاهر در همان خاموش باش
(و دیشلردر که تصرف سلطانیده اولان اموال اصناف اربعه در که
هر برینک بیت مفردی وارد که بجایه بیت المال اطلاق اولنوربری
بیت خمس و زکوة عشر در وبری دخی خراج رؤسدر و اراضینک
خراج موظفی و خراج مقاسمه سی و کفاریک تاجلرندن لنان بویته اولور
وبری دخی برینکدر که وارثی اولیان ترکات موتی وضع اولنور وبری
دخی بیت لغطات در (بو بیوت اربعه اموال سلاطینک مملوکلری
دکندر بر کیمسه اتی ملک سلطاندردیو اعتقاد ایلسه کافر اولور
دیشلردر پس سلاطینه لازم اولان اول اموالی مصارف مخصوصه سنه
صرف ایتکدر و سلطان اوزرینه انلر ایچون زکوة لازم دکندر بلکه
انلر اوزرینه لازم اولان کلدی اموال مملوکه و موروثه لرندن زکوة
ویرمکدر و بوندن فهم اولندیکه کمرک و قیون حقی و امشالی دیو اخذ
اولنان اموال زکوة مقوله سیدر که سلطان اتی کلدی مصارفه صرف
ایتمک حلال دکندر و بوا عصارده شبهه واقع اولغله اول اموالی زکوة
نیکیله ویرنلر دفعه دخی فقرایه تکرار ایدیه دیو قول وارد و زکونک
سائر مسائل فرعیه سی کتب فقهییه دن تتبع اولنه (وزکوة نبوتک
اون بشخی و هجرتک ایکنجی سنه سنده فرض اولمشدر و زکوة فطر
و صلوة عید دخی اول سنه ده در وز کونده معتبر اولان مکان مالدر

حتی کندی بر شهرده و مالی بلد آخرده اولسه زکونی مالی اولان
موضعده ویرر صدقه فطرده معتبر اولان ایسه کندی مکاندر اولاد
صغار و عیادتک مکانی دکندر پس کندی هر زده اولور سه صدقه
فطری ویرر (و دیشلردر که افضل اولان بودر که زکوة و صدقه بی
برادر لرینه و ازدن انلرک اولادنه و اندن اعمام فقراسنه و اندن اهل
سنه سنه یعنی خانه سی زقافته بولنان فقرایه و اندن اهل مصره یعنی
ساکن اولدیغی شهر فقراسنه کذا ذکره لزیمی * و تصوم رمضان *
یعنی شهر رمضان صائم اولان اوله سنکه اسلامک دردنجی شرطدر
و بوندن ظاهر اولدیکه رمضان مراد شهر رمضاندر زیر رمضان
بعض اخبارده کلدیکی اوزره اسماء الهیه دندر انک ایچون رمضان
کلدی و رمضان کندی دیمکدن نهی اولمشدر تا که حق کلدی و حق
کندی دیمکی ایهام ایتیه حق تعالی مجی و ذهاب و بونلرک امثالی صفات
کویه دن مبرادر اگر چه حق کندی بطریق انتزل و مقوله صفاتله
وصف ایتشدر و انک محلی وارد بوراده دنلر تکیم دهری سب ایتکدن
نهی اولندی زیرا دهر کرچه اسم زماندر و لکن حقه دخی دهر دنیلور
انک ایچون بعض اخبارده یاد دهر یاد دهر یاد دهر وارد اولمشدر
پس سب دهر ایتکدره دخی ایهام وارد الحاصل زمان ایچون موضع
اولان رمضان اسم علمی مجموع شهر رمضاندر اگر چه لفظ شهری
طیله دخی مستعملدر تکیم حدیثه کاور (اذا جاء رمضان) الخ
و رمضان دنلدی زیرا ذنوب اهل ایمانی ارماض یعنی احراق و ازاله
ایدر و شهر رمضان دخی هجرتک ایکنجی سنه سنده فرض اولدی
(و فخر عالم صلی الله علیه وسلم طقوز شهر رمضان صائم اولدیلر که
بشی یگرمی طقوز و ماعداسی اوتوزدر زیر شهر یگرمی طقوز اولسه
دخی شهر کامل عد اولنور تکیم حدیثه کاور (شهر اعبدا لایثقصان
رمضان و ذوالحجه) یعنی بویکی شهرک عشر اخیرلری یگرمی طقوز
اولسه دخی ینه فضیلتده اولنور و عدد شهر اوتوزدر و یا خود اندن
مراد ذی الحجه ده اولان علمی تقضیلدر که اجر و ثوابده شهر رمضاندر

کبر و قائلز دیمک در کما فی ابکار الافکار و لیکن وجه اول اوجیه در
زیرا ارباب حقایق عندند افضل الشهور شهر رمضان و اندن شهر
ربیع الاول و اندن شهر الله رجب و اندن شعبان و اندن ذی الحجه
و اندن ذی القعدة و اندن محرم و معادسی برابر در (بعد از صومك
و جویی اصحاب عذر اولیتر در پس پیر فانی که فنا و زواله قریب
اولش و یاقوت بشریه سی فنا بولش در صومه قادر اولیحق بهر
یوم فدیة و بر صدقة فطر کی و الی آخر العمر قضای لازم کلز و سفر
دخی مباح افطار در و لیکن مشقت یو غلبه صوم عزیمت در و شول
مرض که صومه زیاده و یا تمتد و یا هلا که مؤدی اوله بوضو رتده
دخی افطار ایدوب ایام صحتده قضا ایدر و حیض و حبل وارضاعده
دخی افطار ایدر اگر صوم کندینه و یا اولدنه ضرر و بر رسه و عظامش
شدید و جوع که اندن هلاک خوف ازانور بونلر دخی مباحدر و عید
و مقابله سنده اولسه مقیم ایسه ده افطاری می خصد و شول کیمسه که
عذرله افطار ایدر اگر کفارت لازم کلز و اگر مرض و مسافر مرض
و سفری حالنده وفات ایسه و صیت واجب اولساز و اگر مرض
برقاج کون صحتده و مسافر برقاج کون اقامتده اولوب وفات ایسه در
ایام صحت و اقامتلی قدر و صیت بلاطعام واجب اولور و اگر صومنی
افساده کفارت لازم کلسه تکفیر نیته اعتناق رقبه ایدر و اگر قادر
اولر سه ایکی شهر متابعاً صائم اولور و اگر قادر اولر سه التمش مسکینه
صدقة فطر کی نصف صاع و بر و صحیح اولان بودر که کفارت
یمین ده عدد عشره و کفارت صومده عدد ستین مراعات اولنق
لازمدر اگر چه یوم واحد ده دفعاتله مسکین واحد دفعه اولسه دخی
جوازینه قول واردر و کفارتده تداخل اعتبار ایدنلر قوللری اوزره
صوم و سائر ماوجب علیه بر کفارت دور یله حاصل اولور و فدیة
صلوة دوری بر شخصه مجلس واحدده مرار دفع ایتمکله دخی جائز
اولور و صومی اکل و شرب و امثالی افساد ابتدایی کی کذب و غیبت
و غمجه و یمین کاذبه و شهوتله مرأه اجنبیه نک محاسنه نظر ایتمک دخی

توایی ابطال ایدر اگر چه قضا لازم کلز نتکیم ثواب حرامله نماز
دخی بویله و بعض فتاواده کلور که اگر حرام اجه کوسرتوب لباسی
شو کاصات دیمدیه سه حرام اولساز مکر که لباسک کندی مقصوب
و یا حریر اوله و صومك شرعیسی معلومدر و حقیقیسی اولدر که
ماسوای حقدن امساک ایلیه و نفسنی انک شهوات و تعلقاتندن منع
ایده و انک افطاری اقاء الهی ایله در اشتهه لاصائم فرحتان بودر
یعنی بری عید افطار طبیعی و بری عید افطار حقیقیدر که عید اکبر
دید کلری بودر و صوم صفت صمدیه اولمغله بشری ملک مرتبه سینه
ایصال ایدر که مرتبه نوردر بورادندر که رؤیتی تجوع اوزرینه مبنی
قلیدلر اگر چه ریاضت عند المحققین تحسین اخلاق و عند الحكماء تصفیه
محل ایچوندر و علی کل حال منتج فتح دکلدر بلکه منت الهیه بایندندر اگر انک
ایچون سبب منتج اولایدی فتح مکاسب اولق لازم کلوردی هر کمال ایسه
اختصاص الهیدر اگر چه تجو بلره کوره بعضیسی مکاسب کورینور
هیئات * و تکمیل البیت ان استطعت الیه سبیلاً * دخی سن بیتی یعنی کعبه بی
حج و قصد ایلیه سن اگر زاد و راحله جهشتدن اگر قدرتک واریسه یعنی
اسلامک بشنخی شرطی ذی قدرت اولانه حج ایتمکدر و استطاعت
شول قدرت تامه در که فعلک صدوری اگر منوطدر بوسیدن فعله
مقارن اولور زیرا قبل شروع الفعل قدرت حقیقیه متوهمدر محقق
دکلدر قدرت اصلنده صفت الهیه در که عجزی منافیدر نتکیم عجز
صفت عبدیه در که قدرتی منافیدر پس عبد اقدار الهی ایله قادر در
یو خسه بنفسه دکل چونکه موانع مرتفعه اولوب لوازم طریق
موجوده اوله حج فرض اولور شویله که اهل بلدی خروج ایتدوی
وقته استطاعی و ارایکن انلره ایتمسه امام ابو یوسف عندنده و امام
اعظمیدن بر روایت اوزره آثم اولور زیرا فرضیت حج علی الفور در
و امام محمد عندنده تأخیری جائزدر زیرا صلوة کی وقتی موسعدر اگر چه
اول وقت رضوان الله در یعنی آخر عمر نه دکل حج ایدر سه ائمن خصلاص
اولور و اگر قبل الحج وفات ایدر سه آثم اولور و وصیت لازم کلور و اگر

وصبت ایتموب ورثه سی تبرع ایدر لسه عند الامام مر جودر که فرضه بدل
اوله ولیکن بومعنائی وکذلک دور صلوتده و سائر کفار آنده تبرعی
مفردات امامدن عدا تمش لردر (پس سقوط فرضه عند الكل وصبت
لابد در وقر آنده کلور (ومن کفر فان الله غنی عن العالمین) یعنی بر کیمسه
مستطیع اولوب عدا حجی ترک ایلمسه اگر فرضیاتی بطریق الر دایسه
کافر اولور واکر بطریق التکاسل ایسه کفره مقارب اولور نه کیم ترک
صلوتده اولان وعید دخی بویکی معنادن برینه محمولدر که حدیثده
کلور (من ترک الصلوة متعمدا فقد کفر) و ترک صلوة و ترک حج امر هائل
اولمغه لکه انک ترکندن کفر له تعبیر اولمغه تغلیظ و تشدید وارد و ترک
شکرده دخی بو تغلیظ وارد اولمشد ر قال الله تعالی (ومن یشکرفانما
یشکر لنفسه ومن کفر فان الله غنی حمید) وقر آنده فغنی سیئه نک حقنیده که
بومقوله تغلیظ واقع اولمشد در اکا کبیره دنلور (و حج قصد قلبدر که
بعث الھی الیه انبعاث و تحرکدر تا که دعوت ابراهیم علیه السلامه
اجابت حاصل اوله قال الله تعالی (واذن فی الناس بال حج) یعنی بوا مرک
موجبجه حضرت ابراهیم تأذین واعلام ایتموب بیور دیکه (الا ان
ربکم بنی لکم بیتا فحجوه) و بوخط ابده اصل اولان امت محمد در یعنی
ای امت محمد بن ستره امر الھی الیه بر بیت بنا ایلام پس سز انک زیارتی
قصد ایدیکوز تا که حج اصغر ایدیه سزوفی الحقیقه رب بیتی مراد ایدیکوز
تا که حج اکبر ایدیه سز ز بر اکعبه وحدت ذاتیه به اشارتدر و عارف اولان
درود یواره باقر بلکه دیاره نظرایر و شولکه اعمی اوله انک چشمندن
چه حاصل که جمال یوسفی کورمز و بوندن فهم اولندیکه حج غزادن
افضلدر اگر چه غزاقدمدر زرا غزاقفل نفس اماره به رمز اولمغه لکه
تخلیه باینددر خاء محجمه ابده حج ایسه مشاهدۀ روح قبیلنددر که
تخلیه در خاء مهمله ایله (الحمد لله تعالی بو فقیره بو ترتیب اوزره واقع
اولوب ایکی کره غزائمجد دن صکره ایکی کره حج اصغر و اکبر له تدارک
آکھی اولمشد در وفی الحقیقه حج مبرور اودر که خالقدن حقه رجوع
ایدوب بردخی معصیت دکل بلکه ماسوا به التفات ایتمیه سک ز برا

بصرک اول وجهی مطالعه دنصکره غیره نظری حرامدر واکر
حقندن خلقه دوزسه ابدی محجوب اولوب قالور (واتفاق علماء انک
اوزرینه در که مال حرامله حج ایدیه نه ثواب یوقدر بلکه حجی مردود در
اگر چه حج اندن ساقط اولور و امام احمد ساقط اولماز دیمشدر ثوابی
اولمسان سنه بی اعاده لازمدر کراحت ایله ادا اولسان صلاحی اعاده
لازم کلدیکی کی و بر ماده ده که اختلاف مجتهد واقع اوله اوراده احتیاطله
عمل لازمدر قربان عقیده کی (و مال حج مهور نسادن فاضل کرکدر
کرک مؤجله و کرک معجله و بعضیلر دیدیلر که صدق مؤجله دن فضل
شرط دکلدر زرا هنوز مطلوب دکلدر و صدق مؤجل ایله مرآت
غنیه اولماز مکرهر نه وقتیکه مطالبه ایدیه ز و جندن المغه قادره اوله
(وصی و مملوک حج ایتمش اولسه ل بعد البلوغ والاعتاق بردفعه دخی
حج لازمدر فقیر کی دکلدر یعنی فقیر واعمی و مقعد و مفلوج و امثالی
حج ایتمش اولسه ل فرض لنندن واقع اولور فقیر اوزرینه حج فرض دکلدر
دیدکلری آفاقیه کوره در چونکه میقاته داخل و کعبه به واصل اوله
فرضیت حج متعین اولور و بر کیمسه غیری ایچون حج ایتمسه اگر غنی اولوب
مقدما کندی نفسیچون حج ایتمش ایسه کراحت تحریمیه ایله مکر و هدر
زیرا کندی نفسی اوزرینه حج فرض ایکن حج عن الغیر ایتمک جهل
عظیمدر و اگر غنی دکل ایسه کندی نفسی اوزرینه دخی فرض اولور
بو صورتده بعض علماء دیدیلر که اصل حج امر ایلمن کیمسه دن واقع
اولور انکیچون محجوج عنه ایچون نیت و تبلییه سنده دخی اتی ذکر ایدر
و بعضیلر دیدیلر که مأموردن تطوعا واقع اولور و فرض حج ساقط
اولماز بلکه کندی ایچون بردفعه دخی حج ایتمودر و امر اولانه ثواب
نفقه وارد در ولیکن اجماعا حج اندن ساقط اولور نه کیم مؤید زاده
فتاوا سنده بو قولی اختیار وانک اوزرینه اقتضایتمشدر چونکه بومسأله
اختلافدن خالی اولمادی پس افضل اولان مقدما کندی نفسیچون
حج ایدیه نه حج ایدیره ل (و بر کیمسه حج عن الغیر ایتمسه وکیل مطلق
اولقی کرکدر تا که تبعات و مخاطراتدن خلاص اوله یعنی حمله امر ایدن

کیمسه مأ موره دفع مال ایتدی یکی وقتده دیمک ~~کر~~ کر که رکه
آل شو مالی و بنم ایچون ویا فلان ایچون حج ایت و نوجهله
دیلا ریسک اویله ایلله بوضورته مأ موره بالحج دخی غیرینی کندی
یرینه توکیل ایتک جائز اولور کرک مریض اولسون و کرک اولسون
و کرک حرمدہ تعیین ایتسون و کرک آفاده و کندنده فضله مال
قالور سه آمره و یا خود و ارتنه دفع ایتک لازم کلز بوا عصارده
اکثر ناس بومسأله دن غافل اولوب حج عن الغیری افساد و یا حاج
اولانی مشقته دو شوررلر (واشباهده کلور که اهل اسلام انتفاع
ایده جک نسنه بنا ایتک حجه ثانیه دن افضلدر) و حج فرض طاعت
والدیندن اولادر نافله بویله دکلدر و حج غنی حج فقیردن افضلدر زیرا
فقیر مکهدن تأدیه فرض ایدر ذهابنده متطوعدر فضیلت فرض ایسه
تطوعدن افضلدر (و حج تطوع صدقه نافله دن افضلدر و جمهور
علماء دیمش لردر که روح میتهد اهداء اولنان نسنه ده نفس عمل ثوابی
واصل اولور و بعض حنفیه دیدیلر که ثواب انفاق واصل اولور مثلاً
حجه ثواب نفقه واصل اولور بوضه اعمال مناسک ثوابی دکل انکیچون
امر بالحج ایدن فی نفس الامر حاج اولماز بلکه حاج اولان اعمال مناسکی
بالفعل مباح شرت ایدندر و بوقول عندار باب الحقائق اقوادر) بعدذا
صلاة عبادت بدنیه و زکاة عبادت مالیه و صیام عبادت نفسیه و حج
عبادت مرکبدر و بونلر فروض اعیاندر و بونلردن صکره جهاد در که
فروض کفایه دندر و حج و زکاة و صلاة و صیام مدیه جله مستویدر
و اسلام بریت کیدر که انک بابتک مصرعینی تلفظ شهادتین در
وارکانیت دورتدر که صلاة و زکاة و صیام و حجدر پس بوییتی اقامت
لازم کلدی تا که بزی جهنمک زمهریر نفس و حرورندن وقایه ایلله
زیرا حدیثده کلور که ناررب العالمینه شکایت ایلوب یارب بعض
بعضی اکل ایتدی و اجزاء وجودم بری برینه منضم اولدی پس
بکا دن و برکه ایکی دفعه تنفس ایدیم بر نفس شتاده و بر نفس صیفده
پس شوکه یازلده سموم و حروردر انک نفسندندر فتح فائله و شوالکه

قبشر لرده بدوز مهر یردر بودخی انک نفسندندر و بومعنادن
حدیثده کلور (ابر و ابالظهر فان شدة الحر من فیح جهنم) و فیح
جهنمک غلیبا نیدر الحاصل ناس دنیا ده حرشمس و برده واد
کندیلرینی وقایه ایچون ارکان اربعه دن معمول خانه انخا ایتدکری کبی
کرکدر که یوم قیامتده دخی حرور و زمهریر ناردن کندیلرینی حفظ
ایده جک خانه دین بنایدلر زیرا اول کونده جهنم بنفسمافوران و غلیبان
ایده رک موقفه کلسه کرکدر نیکیم سورة ملکه اعداء الله معامله سی
مبین در نعوذ بالله من شرها وسطوتها و خطوتها * قال صدقت *
و بعض نسخده (فحجبنا له یسأله و یصدقه) دخی الحاق اولمشدر
ولکن حدیثده متفق علییه در که بخاری و مسلمده بوالحاق یوقدر
یعنی اول کیمسه جناب نبویدن صلی الله علیه وسلم سؤالنک جوابی
اشد کده صدقت یا محمد یوب جناب نبوتی تصدیق ایلدی تا که کندی
بومعنایه عارف اولوب سؤالی محضاً حاضر بالجس اولنله اسماع ایچون
اولدوغنه اشارت اوله و یادفع وهم ایچون تصدیق ایتدی تا که سائل
جواب مذکور قبول ایتدی دیمه لرتکیم سکوتدن عدم قبول لایح اولور
و یا خود جبر یادن بو تصدیق اشد کده کو یا حدیثی ایکی کیمسه دن
اسماع ایتش اولدی لرایکی شاهد ایسه بر شاهد دن اولی در (سؤال
اولنور سه که تعرف اسلامدن و تخصیص امور مذکوره دن
و تصدیقدن فهم اولنور که اسلام مطلقاً بونلردن عبارت و بونلرک
برینی تارک اولان کافر اوله) جواب بودر که مراد اسلام کاملدر پس
بونلردن برینی ترک ایدن مسلم کامل اولماز دیمکدر بوندن ایسه کفر لازم
کلز الحاصل شهادت رکندر دینلره کوره ترک شهادتله لزوم کفر مقرر در
واجزاء احکام دنیوییه شرطدر دینلره کوره آثم اولیق لازم کلور
قلبنده تصدیق و ارایسه پس تلفظ شهادتی ترکله آثم اولیجی ماعدایی
ترکله بطریق الاولی آثم اولور و بوارکان معظمات دینییه دن اولغسله
اصول و سایر فروع حکمنده قلندی اگرچه شهادت اصل و ماعدایی
شعب و فروعدر و بونلردن فهم اولنلرکه امور مذکوره شرط

دینک ارکان اطلاق منافی دکلدر فاحفظ * قال فاختبرنی عن الایمان *
 اول رجل دیدیکه یا محمد چونکه اسلامدن خبر ویردک پس بکا
 ایماندن دخی خبر ویرتا که بوندن دخی مستفید اولایم و بوندن ایمان
 واسلام متعدد اولیق کورینور مع هذا وحدته ذاهب اولمشلردر
 وحق اولان بودر که اصل دین اصل شجره کبیدر که شجره نیک ابتدا
 نواتدن نباتنده ایکی شعبه سی اولدیغی کبی که بری ذاته وبری دخی
 صفاته اشارتدر اصل دینک دخی ایکی شعبه سی واردر که بری شعبه
 ذاتدر که ایماندر انکیچون ذات کبی باطندر وبری شعبه صفاتدر که
 اسلامدر انکیچون صفات کبی ظاهر در و ذاتک ظهوری صفاتله
 و صفاتک قوامی ذاتله اولدیغی کبی ایمانک دخی ظهوری اسلامله
 واسلامک قوامی ایمانله اولدی انکیچون ایمانی ضعیف اولنلرک اسلامری
 دخی ضعیفدر الحاصل روح وجسد اصلنده امر واحد اولوب صکره
 بعض کیفیات و اعتباراتله متمیز اولدقلری کبی ایمان واسلام دخی
 متمیز اولدیله و متمیز ظاهری وحدت باطنی منافی اولدی نته کیم بعض
 کبار پیور مشلردر که (لنا من امره روح وجسم) یعنی روح وجسمک
 ایکبسی دخی عالم امر دن قلمشدر مع هذا قرآنه عالم امر عالم خلقه
 مقابلدر نته کیم کلور (الاله الخلق والامر) و بومقامک فهمی فی الجملة
 ذوقه دائر در زیر طور عقلدن خارج کبیدر ولکن عقل قدسی اهلنه
 نمایان و اهل دله سنجیل مجلا ده صورت کبی عباندر فاحمد الله علی
 هذا النقر بر و اشکر له علی هذا التحریر فانه الغيرة المزيلة للخیر * قال
 ان تؤمن بالله * جناب نبوت صلی الله علیه وسلم دخی جواب ویروب
 پیوردیکه ایمان اودر که الله تعالی به ایمان کتوره سن یعنی ایمانک متعلق
 الی نسنه در که اولکبسی الله تعالی نیک وجودنی ووجوب وجودنی
 و صفات کمالیه سنی تصدیق ایتکدر وذات و صفات و افعالنده شریکی
 و نظیری یوقدر دیو اعتقاد ایتکدر وانک ذاته عالمک علی و عارفک
 عرفانی و مکاشفک کشفی صغیر بلکه معلوم اولدیغی
 الوهیتی مرتبه سنه دکر نیکم کلور (فا علم انه لا اله الا الله)

وانک ذاتنده انبیا به وکل اولیا به برق شعشعانی واردر که ذاتندن
 حصه لری او قدر در و معرفه الله دید کلری فی الحقیقه صفات
 سلویه یوزندندر که ازاید یعنی بدایتی یوقدر وابدیدر یعنی
 نهایتی یوقدر و قدیمدر که صفات حدو شدن میرا وواجبدر که
 صفات امکاندن معرا دیمکدر و علی هذا زیرا صفات ثبوتیه سبله
 حقیقتی اوزره بیلک مشکدر مثلاً حیات دیو اثبات اولنور ولکن
 حیات ذاتیه سی نوجهله در ادراک اولنلر زیرا قیاسدن خارجدر
 بناء علی هذا کینه ذات وکنه صفاتی ننه کندی یلور انکیچون
 دیمشلردر که (لا یعرف الله الا الله) و عبدک مرتبه سی ایمان باغیدر
 انک مافوقی مکاشفه صفات و دخی مافوقی ذکر اولنلر برق ذاتدر
 و یوبرق و بو مکاشفه ایمان اوزرینه متفرعدر پس ایمان اصل
 و سعادتدر و درجات عالیله بقدر الطقة البشرية کمال علم و معرفته
 امنوطدر (پس اعلى الجنات جنت عدن و فردوس اولدیغی کبی اعلى
 العلوم دخی علم بالله در که بو علمک ار بابی جنت عدن و فردوسده مقیم
 اولورلر زیرا علوه حاله مناسب اولان علوه درجه در و علم بالله کشفیدن
 آشفه سی علم نظر و استدلالدر و اندن آشفه مرتبه به عقائد دیرلر که
 عامه ناسک حالیدر یو خسه علوم دیمشدر (و علم نظر اهلنک اکالی دخی
 آخر اظهار عجز و قصور ایدوب هر نسنه نیک حقیقتی خواص و اوازمی
 یوزندن معلومدر یو خسه نفس حقیقت من حیث هی معلوم دکلدر
 دیمشلردر و ارباب حقیقت بو کلامی قبول ایتملردر زیرا علمک نهایتی
 عجز وجهلدر انکیچون کلور (علیکم بدین العجائز) یعنی عامه ناس قدیمدن
 نه اعتقاد اوزرینه اولدیله رایسه سزدخی اول دین و اول اعتقاد اوزرینه
 اولوکلر زیرا علم نظر انظار دن خالی دکلدر و علم مکاشفه دخی بحر
 محیطدر کلری یوق و حیرتی حددن ارتوقدر (پس کرچه علم البقین
 و عین البقین و حق البقین دیرلر فاما اعتباراتله در ولکن ایمان
 و اعتقادده تمکین کرکدر تا که مفید اوله و علم البقین اهلنک اعتقادندن
 عین البقین اهلنک اعتقاد دی اقوی و حق البقین عین البقینک

فوقنده در و حقیقت حق الیقین رسول الله صلی الله علیه وسلم
مخصوص بر مرتبه عالیّه در و بمراتب اوزرینه اولان اهل ایمان
واهل اعتقادك تمکینه نشانی غل شرعیده متانت وامور دینده
صلابتدر والحمد لله تعالی * وملائکته * دخی حق تعالینک ملائکه سنه
ایمان کتوره سنکه ملائکه ایکنجی مؤمن به در وملائکه به ایمان بر قاج
معنایه در (اولکبسی وجودلری تصدیقدر زیرانصوص قطعیه ایله
ثابت اولغله انلری نفی ایدن کافر اولور و بونلرک وجودلری جمله دن
مقدم اولغله وجود خارجی ترتیبی اوزرینه ذکرده دخی تقدیم
اولندیلر و انلرک اولی عقل اول وملائکه مهیمه در که مجردات دیرلر
بونلر عالم و آدمی بیلزلر و سجده آدم ایله دخی مأمور اولمشلردر
وانلردن صکره ملائکه عرشیه و سماویه و ارضیه خلق اولمشلدر که
بونلر اجسام لطیفه ایله تشکل ایتشلر و سجده آدم ایله مأمور اولمشلردر
وملائکه دن بر طائفه که سجده دن ابا و امتناع ایتکله احراق اولمشلردر
اول ملائکه دن مراد چندن بر طائفه در یو خسه ملائکه معهوده
دکدر زیر ملائکه (لایعصون الله ما امرهم) مضمونیه موصوفلردر
انکیچون هاروت و ماروت حقنده عاصی اولدیلر دیو اعتقاد ایتک
ردنص قاطع اولغله موجب کفر در دیمشلردر و جنه ملک اطلاق
اولمشلدر زیر ملک کی انلرک دخی بعض امور ایچون رسالتلری واردر
نتیکیم ملکه دخی جن اطلاق اولنور اعین ناسدن استیثارلرندن اوتوری
فاحفظ فانه مما ینفعک (وایکنجبسی بودر که ملائکه عباد الله در انس
وجن کی اگرچه بواوچی صور متباینه اوزرینه خلق اولمشلدر
وخصوص اوزرینه ملائکه ذکورت و انوشت ایله متصف دکلدردر
بلکه حقیقت ثالثه در براق کی که سائر حیوانات جنسندن دکلدردر بلکه
بشقه بر حقیقتدر وملائکه نک عباد الله اولدیغی الوهیتلری منافیدر
پس انلره آلهه دینلر کافر اولدیار خصوصاً که اجنحه ایله موصوفلردر
قال الله تعالی (اولی اجنحه مثنی وثلاث ورباع) الله تعالی ایسه بومقوله
اوصافدن میرادر زیر اگرچه اجنحه ملائکه قوت زائده لرینه اشارتدر

فاما اجنحه مسوره وحسیدلری دخی منافی دکلدردر و انلرک قنبتلری
طیور کی صعود ایچون دکل بلکه نزول ایچوندر زیر نورانیتلری
جهنندن عریجلری ذاتی و طبیعیدر که اسباب خارجییه محتاج دکلدردر
نزول ایسه خلاف طبعلریدر که خفت ذاتیه لری نزول اقتضا ایتز
و بونلرده اولان قدرت و قوت اقدار الهی ایله در پس حقیقت قدرت
الله تعالی نکدر (واوچنجبسی بودر که ملائکه مأمورلر و مکلفلردر
نته کیم قرآنده میندردر و لکن ملائکه سماویه بالکن مأمورلر در زیر
علویات عقول مجرد به متصل اولغله انلرک کوره مقتضی نهی یوقدر
ملائکه ارضیدایسه نفوس بشریه و جنیه به اتصاله بحکم الجوار
هم مأمورلر وهم منهیلردر و لکن منهی اولق امکان ذاتی حسبیه در
بوندن ایسه بالفعل صدور عصیان لازم کلز نته کیم (یا ایها النبی اتق الله)
دنلدی مع هذا نبی معصوم اولغله امتناع بال غیر حسبیه اندر افراد
امت کی معصیت صادر اولماز نته کیم الله تعالی حقنده ایلام بری
جائزدر دیدیلر مع هذا خارجده وقوعی یوقدر و بوندن ملائکه طبقات
مختلفه اولق ظاهر اولدی (و بونلرک جمله سی اوزرینه موت جائزدر
ولکن منظر بندن اولغله ابتداء عالم ابداعدن انتهاء دنیایه دک حیاته
اولورلر و لکن ارواحک حیاتی حیات ذاتیه اولغله انلرک موتلری
غشیان کی بر حالتدر سائر دن روح و انلرک بشقه روحله حیاتلری کی
دکدر که مفارقت روحله ذوق موت ایدلر (وحضرت عیسیا علیه
السلام روح اطلاق اولدیغی صورت بشریه ثابته سنی منافی دکلدردر
زیرا مریمدن تولد ایتشددر پس اکا روح مجسم دیمک خطادر فاما
جبریلک صورت اعراییه سی تمثل طریقیه در (ودورنجبسی بودر که
ملائکه دن رسل واردر که الله تعالی انلری بشردن مراد اولان کیمسه لره
ارسال ایتشددر جبرائیل و میکائیل و اسرافیل و ایشالی کی که وحیه
و بعض امورله الله ایله عبادی میانده توسط ایدلر قال الله تعالی
(الله یصطفی من الملائکه رسلا) و جائزدر که بری برلرینه دخی رسول
اولر (وملائکه خفیه و بکائله موصوفلردر و لکن انلرک بکالری

بشر کی دمعه دکلدر زیر ارواحده دمعه اولماز بلکه حاللرینه مناسب
اولان وجهله در (وملائکه حسن وجهله وحسن صوتله دخی وصف
اولمشلدر حسن زانلندن اوتوری بشردن مستر اولورلر زیر بشر
انلری کورسه جیب عقللری چاک وعدم تحملدن زهره لری منشق اولور
(وحق تعالینک خلقندن اسرافیلدن احسن صوت یوقدر شویله که
تسبیحه شروع ایتد کده سموات سبع اهلی تسبیح وصلاتلرن قطع ایدوب
استماع ایلرلر قال الله تعالی (یزید فی الخلق ما یشاء) علما دیمشدر که
بومزیده حسن وجهه وحسن صوت وحسن خط وامشالی داخلدر
بوخود معلومدر که صوت مجرد ده اکثر خلایق برابردر پس ایرات
حلاوت اتمکه فی الجملة تغنی لازم کلدیکه اکالحن عرب دیرلر پس
فقهانک خوشخوانی تقدیم ایتوب درست خوانی تقدیم ایتک کر کدر
دید کیری خوشخوان درست خوان اولدیغنه کوره در والا (زینوا
القرآن باصواتکم) موجبجه حسن صوت قاری زینت قرآندر که
قرآنک حسن ذاتیسی اوزرینه حسن عارضیدر وحسن بر حسن نور
علی نور کی اولدیغی ظاهر در وحسن صوت مصلی بی اشغال ایدر
دید کیری بی مذاق اولمقدندر بلکه آثاره خشیت ایدوب عالم قدسه
روحک عروجنه یاعشدر زیر حسن صوت حظ روحدر وجناب نبوت
صلی الله علیه وسلم حداء عربی استماع ایتش وابوموسی الاشعری بی
رضی الله عنه حسن صوتندن اوتوری مدح ایدوب (لقد اوتی هذا
مزمرا من مزامیر آل داود) یورمشدر اشته یوقدر بطریق الاستطراذ
ذکر اولندی والا یومبحث طویل الذیلدر که محتمله مفصلدر
* وکتبه * دخی الله تعالینک کابلیرنه ایمان کتوره سن که اوچنجی
مؤمن به کتب الهیه در واکا ایمان بودر که جمله سی کلام الله اولدیغی
تصدیق ایلیدر لسان سریانی واکر عبرانی واکر عبری واکر عربیدر
زیرا کلام نفسی ذاتنده لغات مختلفه ایلله متصف دکلدر بلکه لغاتله
اتصافی حین نزوله واقع اولمشدر قال الله تعالی (انا جعلنا قرآنا عربیا)
یعنی بوراده قرآنک محمولتی عربیته ناظر در یوخسه نفس قرآنیته دکل

پس عربیته کسوه لندیکی حین اداده در زیر هر کتاب منزل علیه اولان
رسولک وقومک لغتی اوزرینه نازلدر ناکه فهمی متبسر اولد قال الله
تعالی (فانما یسرناه بلسانک) الخ پس قرآن کلام الله در که غیر مخلوقدر
و مخلوقدر دین کافر اولور بلکه مخلوق اولان احوال عارضه سیدر
مقرویتی وسموعیتی و مکتوبیتی و محفوظیتی وامشالی کبی بویله ایکن
نظم قرآن معجزدر که سائر کتب الهیه ده صفت اعجاز یوقدر و بوندن
معلوم اولدیکه الله تعالی جمیع السنه ایلله متکلم در اگرچه افاضل
السنه عربی واندن فارسیه دریه واندن ترکیدر و آدم جتشدن
اسان ترکی ایلله قالیق دیمکله قیام ایدوب چقمشدر زیر دنیاده آخر
تصرف ترککدر فافهم جدا (وجمع السنه حروف تهجی بی مشتملدر که
یدیوز بیک دلدر دیمشدر شوقدر وارددر که لغت ترکیه ده ثاء مثله
وحاء خالصه و ذال معجه و ظاء معجه و فاء و هاء خالصه یوقدر بلکه
های حائله مشوب نطق ایدرلر وحاء و ظاء عربیه مخصوصدر و همزه
کلام عجمده ابتداده وارددر فقط (وصلاح الدین الصفدی نقلی اوزرینه
توراتده همزه وها و عین یوقدر ولکن بونده نظر وارددر زیر
توراتده ایل را حون شدای بسمله یرینه در که همزه و حایی مشتملدر
ولغت فارسیه دن درت حرف حروف تهجی به الحاق اولمشدر
پا و جیم و ژا و کاف فارسی کبی که بونلرله مجموع حروف اوتوز ایکی
اولور وجه الحاق بودر که حروف اربعه مذکوره ایلله بعض قبائل عرب
تکلم ایلشدر بعد ذاکتب الهیه یوزدر تدر که حقیقه کتاب اطلاق
اولنان ایکسدر که تورات و قرآندر که بونلرا حکام وحدودی مشتملدر
وماعداسی صحف بقوله سیدر که رموز وامشال و مواعظ و مزاجدر
و بعضیلر دیدیلر که (ولیکم اهل الانجیل بما انزل الله فیهم) موجبجه
انجیل دخی بعض احکامی مشتمل ایدی بوسپیدن طائفه یهود حضرت
عیسیایه احکام توراتی فی الجملة تغیر ایتدی دیوعداوت ایتدیلر و علی
تقدیر الاول انجیل وز بوره کتاب اطلاق اولمقی شرف زانلرینه بناءدر
انکیچون کتب اربعه دیرلر (ودیمشدر که قرآنه و سائر کتب الهیه به

اجالا ایمان هر کس اوزرینه فرض عیندر وقرآنه تفصیلی ایله
مکلف اولدیغمن جهتدن ایمان تفصیلی فرض کفایه در زیر هر کس
اوزرینه وجوبنده خرج وفساد معاش واردر فاما کتب سالفه یه
ایمان تفصیلی بزم اوزریمزه فرض دکلدن زیر بزانک تفصیلی ایله
مکلف دکلیز (و کتب منزله یه تنافی احکامی وار ایکن ایمان کتورمک
ایکی وجهله در بری بودر که جله سی من عندالله در دیو تصدیقدر
نتکیم قرآنک محکمات و منشاها تی حقنده (کل من عند ربنا) دیو ایمان
کتوریز و بری دخی بودر که احکام غیر منسوخه سنه ایماندر پس
منسوخه ایمان لازم کلز نته کیم احکام توراتک اکثری قرآنله منسوخدر
و یهودک خذلهم الله نسخله بدا لازم کلدور دیدیکی باطلدر زیر
حق تعالیده رای ورائندن عدول اولماز بلکه انک علمی هر سنه نک
ابتدا و انتهایسنی محیطدر پس نسخ بزم علمزه کوره تبدیل و علم الهی یه
کوره مدت حکمی بیاندر پس تورات منسوخدر و انک بقاسنی اعتقاد
ایدوب حکم قرآنه تابع اولمیان یهود کافرلدر و موسی علیه السلام
انلردن بری و علی هذا * و رساله * دخی حق تعالینک رسوللرینه
ایماندر که رسل دوردنجی مؤمن به در رسول مرسل معناسنه در یعنی
شول کیمسه در که تبلیغ احکام ایچون مبعوث اوله ملک اولسون انسان
اولسون نبی ایسه انسانه مخصوصدر زیر قرآنده ملائکه یه رسل
اطلاق اولندی انبیا دندلی اگرچه لغه اطلاق درست در زیر
نبی منبی عن الله در مخبر معناسنه بوا یسه ملکه دخی شاملدر مکر
شویله توجیه اولنه که هر مبلغ مخبر اولماز پس ملک مبلغدر نظم و لفظ
جهتندن و بی لفظا و معنی خبردر زیر مقصود الهی بی افاده اکا
منوطدر (ورسل اوچیز اون اوچدر عدد اصحاب بدرکی و انبیا انک اولی
آدم و رسالت اولی نوحددر علیهم السلام زیرا ابتدا فرق مختلفه یه
مبعوث اولان نوحدراندن مقدم اولنلر اولادنه و اقر باسنه مبعوث
ایدیلر) و ابوالبشر آدم وجه ارضه هبوطدن صکره خلعت نبوت تلبس
ایتدی نته کیم (ثم اجتباه ربه) اکا دالدر (ودیشلدر که وحی نبوت

وحی رسالتدن احمددر یعنی نبی اودر که اکا ملک و ساطنیه وحی اوله
و یا قلبنه الهام اولنه و یا رؤیای صادقیه ایله تنبیه قلنه پس رسول
نبی دن افضل اولور زیر وحی خاص وحی نبوتک فوقنده در ولیکن
بعض احادیثده کیشدر که (و یحیی النبی و لاحد معه) یعنی بعض انبیا
واردر که کندی نفسنی تکمیل ایچون جانب خلقه ردا و انمشدر بعض
اولیاکی که اکا عارف دیرلر و بعض انبیا و اولیاء لسان ارشاد و هدایتله
خلقه رد اولنور که اکا عالم دینلور و اولیادن اولانه وارث دخی اطلاق
اولنور زیر مرتبه دعوتده وارث نبی در و بو اولکیدن اکلدن
و جائزدر که یوم قیامتده بعض انبیا کله که یا نتیجه اصلا تابعی یوقدر
زیرا مدتی قلیله و امتی علیله اولمغله دعوتی نافذه اولما یوب کندی
بنفسه تنها قالمشدر نته کیم کتب تواریح و سیرتبع ایدنلره خفی دکلدن
و بونلردن بری امام مکی قوت القلوبده درج ایشلدر تقصیل عریضی
اندن مطالعه اولنه (و بعض روایتده انبیا یوز یکرمی درت بیکدر
دیشلدر و دخی زیاده یه قول واردر پس اولاسی آدمدن غایته ارنجه
جمله سنه ایمان کتوردن و حقدن خلقه مبعوث اولدقلرینی تصدیق
ایلدن دیملودر) ولیکن انبیا سابقه حالا بالفعل انبیا دکلدن بلکه
زمانلرنده انبیا در کله انلرک شریعت و نبوتلری شریعت و نبوت
محمدیه ایله منسوخدر پس انلره زمانلرنده انبیا در دیو ایمان لازمدر
حالا دکل فاما جناب نبوته صلی الله علیه وسلم حالا بالفعل نبی در و خاتم
الانبیا و الرسلدر دیو ایمان کرکدر چونکه رسول الله اولدوغنه
مؤمن اوله ولیکن خاتم الرسل اولوب الی یوم القیام دینی منسوخ اولدیغنی
بیلسه و اول وجهله ایمان کتورمسه مؤمن اولماز (و برکیمسه آدمک
نبوتی بیلسه کافر اولور دیشلدر در حتی آدمه علیه السلام اون صحیفه
نزول ایشلدر که صحیفه واحده سی حروف تهجی در زیر آدم نوع
انسانک مبدائی اولمغله لاجرم السنه اولادنه دخی حروف تهجی ماده در
(و برکیمسه ضروریات دینی دن اولان اموری بیلسه مؤمن اولماز
توحید و نبوت و بعث و جزاکی و احکام فرعییه نبوتده داخلدر

انکچون برکیمسه یه وجوب صلاتدن سؤال اولندقدده بيلم دیسه کافر
اولور وکدک حرمت خمر وزنی وقتل نفس وامثالنی بيلمسه وتصديق
ایلمسه کافر اولور زیرا بویه مواضعده جهل عذراولمازوالفاظ کفر دخی
بویه در که بالضروره ای بلادلیل دین نبویدن اولدیغی یرده بيلم
سویلدیم دیمک مفید اولماز (وشونسنه که روایت آحادله ویا استدلال ایله
بیلنور بویه دکدر پس برکیمسه احکام اجتهادیه بی ویا خبر واحد ایله
ثابت اولان نسنه بی انکار ایلمسه کافر اولماز متواتری انکار ایسه کفر
و خبر مشهوری انکار ضلالدر و خبر واحدی انکار ایتک کفر وضلال
دکل بلکه حکمی عدم قبله ائندر (وبعض امور واردر که موجبی
متواتر حکمنده اولمغله انکارندن کفر خوف اولور مسح علی الخفین کی
(ودیمشلدردر که مؤمن دکه وجهله کافر اولماز مکر که اشد یکی نسنه بی
شارع امارت تکذیب قیلش اوله صحفی قاذوراته القای و تمزیق و شد
زنار کی (ودیمشلدردر که بر نسنه مقطوع به اولمدیقه اعتقاد اولماز مثلاً
اگر نقیل مقوله سندن ایسه تواتره ثابت اولق کرک انکچون رؤیت
معتقداندن دکدر یعنی مسائل مختلف فیها دن اولوب ضروریات
دینه دن اولمغله اکا ایمان واعتقاد واجب اولماز و اگر عقلمدن ایسه
دلیل قطعی ایله ثابت اولق کرکدر مادامکه نص متواتر فدیج ایتیمه
وایکسینک میاتی جمع دخی ممکن اولمه والا نصه اعتقاد ایدوب
دلیلی ترک ایده (وهدایه ده کلور که مختار اولان بودر که رسول الله
صلی الله علیه وسلم پدرلر بیکه عبدالله در وجدلری دخی که عبدالمطلب
وهاشم در بونلرک اسملرینی بيلم اسلامده شرط دکدر بلکه کندی
اسم شریفلر بیکه محمد در انی بيلم کافیدر پس اسلامی کرچه درستدر
ولکن عدم معرفتله عند البعض آئم واورا و دیمشلدردر که یهود و نصارانک
صحت اسلامی کلمه شهادتی تلفظدنصکره دین اسلامک ماعداسندن
تبری ایله مشروطدر زیرا انلر (لا اله الا الله) دیرلر نه کیم (ولئن سألتهم
من خالق السموات والارض ليقولن الله) اکا دالدر (و محمد رسول الله)
دیسله سزه رسولدر بزه دکل دیو تأویل ایدرلر (لکن بوفقیهم

ایتدیکی بودر که چونکه سو یلد یکی کلماتک اسلام اولدوغنی بیه
کرکسه تفصیلاً معاینسنه وقوفی اولیه واوراده تبری یه قرینه اوله
بالقول تبری لازم کلز نه کیم قهستانی کبیردن مفهوم اولان بودر
(وبومعنده بعض متعصبیلر توقنلری محض جهل لارندندر زیرا ایمانه
دلالت ایدر قرائن اولیحق کفر نه حکم ایتک مقتضای اسلام و دین
دکدر اعاذنا الله وایاکم من العناد فی الدین ومن العبدول عن سنن
اهل الیقین) بعد ذار رسول الله صلی الله علیه وسلم شریعی الی یوم
القیام باقیه اولیحق کندی دخی بین الائمة زمره احیاده اولمش کی
اولدی زیرا ورثه امت انک هر عصرده مظاهریدر و رسول اللهده
ایکی نور واردر بری نور نبوتدر که شریعت مظهره ده در وانک مظهری
علماء احکامدر و بری نور ولایتدر که باطن نبوتدر وانک مظهری
هر عصرده متعین اولان قطب وجود و اولیادر پس نور نبوت و نور
ولایتدن هر بری حالا بین الائمة لامع و بین والی آخر الزمان دخی جبین
دهرده متلائی و متبیین در والحمد لله تعالی * والیوم الاخر * دخی یوم
آخره ایماندر که یوم آخر بشنچی مؤمن به در واندن مراد معاد یعنی بعث
بعد الموتدر که نشئه آخره و نشور دخی دیرلر واول کونه یوم معارج دیرلر که
الی بیک سنه در زیر الی عدد موقفی مشتملدر که هر برنده برسؤال و هزار
سال وقفه واردر و او کونه غددخی دیرلر کویاد دنیا کوننک یارنی وارته سیدر
وصباح قیامت دیرلر کویاد دنیا برکیمه کی ایدیکه هر نسنه انده مستور
اولمشدر پس (یوم تبلی السرار) موجب پنجه اول کونده آفتاب حقیقت
پرتو پاش اولوب کر اولر عیسان اواسه کرکدر واول کونه آخرت دیدیلر
زیرا دنیادن متأخر در و بردخی بودر که دار آخرت دنیادن طقوز بیک
بیل صکره خلق اولمدر و حالا ایمان و طاعت و کفر و معصیت
یوزندن دارین عمارت قبول ایتیمکه در که دار جنتک عمارتی اسباب
نعیم و دار جهنمک عمارتی اسباب بحیم ایله در (وحشر ایدیکدر که
هم جسمانی وهم روحانی در یوخسه فلا سفه ذاهب اولدیغی اوزره
بالکز روحانی دکدر پس حالا برزخده اولان ارواحک لذت و الملری

نصفیت اوزرینه در که یوم قیامتده حشر جسمانی ایله تام اولسد
 کر کدر زیر روحك بقاسی متفق علیه در و روحك جسده تعلقی ابتلا
 طریقله ایدی بویوزدن روح متهم و متعذب اولمق اعمال جسديه دن
 کلور چونکه روح معرفتله متهم وجهله متعذب اوله جسده دخی
 اعمال صالحه ایله مثاب و افعال طالحه ایله معاقب اولور ایسته مقتضای
 عدل و حکمت بودر (و آخرت قلب دنیا اولمغله اهل قلب اولنره
 حالانیم محمل واردر بوندن دیمشدر که قیامة العارفین دائمة زیرا
 (موتوا قبل ان تموتوا) و فقیحه موت فنائی ایله مرده اولمشدر (و یوم
 قیامتده صورت انتشا عجب الذنب اوزرینه مبیندر که عجب فتح و سکونله
 اصل الذنب و اوراده خردل دانه سی کی بر عظمدر که نطفه انسانده
 اولان تخمدن ابتدا اولور ایدوب باقی اجزاء انسانیه انک اوزرینه
 متفرع اولور و اول عظم سائر اجزاء کی چوریمز بلکه روح کی باقی
 قالور و حقیقت انتشا نفس ناطقه اوزرینه در پس نفس ناطقه منعبدن
 معزول اولوب بعد یینه ایقا و مقرر قلنان کیمه کی که جسده خراب
 و مثلی ایله اعاده اولندقدن تکرار اولدخی جسده اعاده اولنوب الی الابد
 متصرف اولور و لیکن خلقت سعدا اولکیدن زیاده لطافت و خلقت
 اشقیا اولکیدن بترکشافت اوزرینه اولور زیرا آخرت یوم صفتدر
 بومعنادن هر کسک صفت غالبه سی نه ایسه انک اوزرینه صورت
 بولور بوندن در که اهل جنتده بول و غائط و مخاط و حیض و نفاس
 و امثالی امور مستقذره یوقدر و اهل جهنمک برضرسی احد طایغی قدر
 و غلظ جسمی اوج کونلک مسافه کی اولسه کر کدر اشته هر کس
 بوطافت و کشفی دنیا دن کوتر لر و لیکن دنیا محمل اجمال اولمغله
 هر کس بوموطنک مقتضای اوزرینه ظاهر در قیامت ایسه محمل
 تفصیل اولمغله هر کس اوراده موطنه کوره صورت پذیردر (و یوم
 آخرده تقدیر موطنی وار ایسه مندر جدر و احتساب دیدکری عمل
 مقابله سنده موعود اولان ثوابی رجادر پس شوکیم مبداء اوله یعنی
 الله تعالی به ایمان کتوردی انک ایمانک صحیحی معاده یعنی یوم قیامتده

ایمانه موقوف اولدی زیر اعدم ایمان نص شارعی رده مستلزم کفردر
 و قدم عالمه ذاهب اولمق کفردر زیرا نفی حشره مؤیددر انکی چون
 حکمای اکفار ایلدیلر و شوکیم معاده ایمان کتوردی انک کمال ایمانی
 عمل ایله در و الا مجرد اعترافی مفید اولماز (و بر کیمسه یه گناه ایتدیرا آخرت
 واردر دیسه لر اولدخی اورا دن کیم کلدی و کیم خبر و یردی دیسه
 کافر اولور زیرا مخبر صادق خبرنی تکذیبدر و رحم مادر دن دنیا به
 خروج و مشاهده نیجه ایسه رحم قبردن آخرته برون و معاینه دخی
 بویله در اسکرجه حسی غالب اولنلر امور عقلیه کی قیاس ایدوب
 (بل هم فی لبس من خلق جدید) سرنندن غافل اولور لر که امر وجود
 حالا اعدام و ایجاد میاننده داردر و اعراضده بقا اولدیغی کی جواهر
 عدا یتدکری اجساد ده دخی بقا و قدر زیر اجساد دخی نفس حیوانیه
 اوزرینه عارض اولمغله سائر اعراض کیدر انکی چون اعاده ده عینک
 غیر بی مؤرخده لازم کلز زیرا عاصی اولان لحم و شحم و عظم و امثالی
 دکلدر بلکه نفس حیوانیه در نفس حیوانیه ایسه روح باقیدن متولد
 اولمغله کافناطاری اولماز و مسمی الانسان اوج نسنه دن عبارتدر که (بری
 هیکل (و بری نفس حیوانیه (و بری روح مدبردر) و هیکلی جواهر دن
 عد ایلک خطاء عظیمدر و بومر لقه ده نیجه متبحر لر زله واقع اولمشدر
 (و ما علینا الا البلاغ * و توؤمن بالقدر خیر و شره * دخی قضا و قدره
 ایمان کتوره سن اگر خیر و اگر شر یعنی اگر طبعاً حلو و محبوب و اگر
 مرمکروهدر ز بر ایکیسی دخی قضاء کلی نک ثمراتی در پس ایمان
 بالقدر التجی مؤمن به در (و بوراده ذکر ایمانی اعاده ایتدیکی شاننه
 اهتمامدن اوتوریدر ز بری مزالق اقدامند رکه هر کس دکل بلکه
 دکه عالمک انک علم و معرفتده تمکینی یوقدر (معلوم اوله که قدر احوال
 اعیان دن هر حالی زمان معین و سبب معینه تعلیق ایدوب وقتنده
 اظهار در پس خیر و شر و حسن و قبح و نفع و ضرر زمان و مکان
 و ثواب و عقاب قدر باندندر (و فرق ضالده دن قدر به دیدکری فتح
 دالله خیر و شرک تقدیر و مشیت الهی ایله اولدوغن نفی ایدنلر و هر کس

کندی فعلی خالق قدر دین لر در وحید شده کلور که (القدریة مجوس
 هذه الامة) یعنی جاحد القدر اولی مجوس کی عالمی صانع دن تعطیل
 ایدوب آتش پرست کبیر و معنای مذکور اوزره معترله قدریه و مجوس
 اولی لازم کلمه اول معنایی انکار ایدوب دیدیلر که قدریه فرقه تجیره
 دیدیلریدر که هر شیء تقدیر الهی اولدو غن اثبات ایدر لر و لیکن
 قبا یحی الله تعالی به نسبت ایلر لر (دیمش لر در که الله تعالی نیک قضا سندن
 قدرینه فرار ایتک جائز در زبر قدر مقضی اولدو فیه دفعی موجود
 نمة کیم قرآنده کلور (وقضی الامر) یعنی امر الهی فصل اولندی
 شویله که تدارکی ممکن دکلر (وبلاء دیدکری عین مقضی در
 یو خسه قضا دیدکری دکلر مؤمن قضاء الهی به راضی اولور و مقضی نیک
 رفیع چون دعا ایلر زبر مقضی خیر و شر اولور قضا ایسه بر در وفلانه
 قضاء بد ایرشدی دیمک کرچه عند الغفهاء خطاء عظیم در
 فاما قضا مقضی معنای اولی حق نسبه لازم کلز و مقضی نیک خیر و شر
 اولسی دخی بزه نسبتله در والا الله تعالی به شر مضاف اولماز نیکیم
 حدیثه کلور (والشر لبس البیک) و قرآنده کلور (بیدک الخیر) یعنی
 کرچه (کلتا یدیه یمین مبارکة) و فقجه حق تعالی نیک یکی قبضه سی
 دخی خیر در و لیکن چونکه شر بزه کوره مکروه در لاجرم ادب بودر که
 حقه نسبت اولمیه و بوندن شرک لازم کلز مثلاً انساندن حقت
 راضی اولدیغی نسبه صادر اولسه نفسی ذم و تقصیری اکانسبت ایدر لر
 زیرا کرچه بونک صورتی شر کردر فاما حقیقتی عین توحید در زیر ابغیر
 ادب اولان توحید فی الحقیقه توحید دکلر و کشی عیب و قبیعی کنندی
 نفسندن کوروب فعلی اوزرینه نادم اولی کر کردر والا بلاتوبه قالوب
 محبوب الهی اولماز و شر شیطان البدن و اصل اولور که انک سادنی
 اودر انک ایچون رحمانه نسبت اولماز (و حضرت موسی نیک علیه
 السلام) (ان هی الا فتنتک) دیدیکی عالم جمع و توحیده کوره در پس کشی
 یا حسنه و یا سبئه ایله مبتلی اولسه انک اوزرینه اوح حق توجه ایدر که (بری
 حق توحید) و بری حق الحقیقه و الربوبیه و القدرة (و بری حق

الشریعة و العبودیة و الحکمة در (پس حق توحیدی قضا ایچون) کل
 من عند الله دیه) و حسنه ایله مبتلی اولدیغی و قتده اداء خلق الحقیقه
 و الربوبیه و القدرة (ما اصابک من حسنة فمن الله) دیه و سبئه ده
 حق شریعت و عبودیت و حکمتی ایتا ایچون (وما اصابک من سبئة
 فمن نفسك) دیه اشته بو حقوق ثلثی بی بو وجهله مراعات ایتین
 بی ادب اولور (و میرویدر که حضرت عزیر علیه السلام چوق کره
 حق تعالی به قدر دن سؤال ایدردی تا که بر دفعه دخی سؤال ایتد که
 حق تعالی بیوردیکه یا عزیز بر دخی سؤال ایدر سنک سنک اسمی دیوان
 نبوتدن محو ایدر یعنی سنکه نبی سنک علم قدر سنک جانب نیوتکه مناسب
 دکلر زیرا امر شریعت انکله مختل و مشوش اولوب قومک ضلالتله
 دوشر لر بلکه اول معنی سنک جانب ولایتکه مناسبدر زیرا جانب
 ولایت جانب علم الهیه در که انده تبلیغ یوق بلکه بر قدر ولی نیک ذوق
 و وجدانده بر معنای مستور در که اندن کیمسه به ضرر یوقدر
 (بو جهتدن جناب نبوت صلی الله علیه وسلم لسان شریعتدن
 سویلدی و حقایق تصریح ایتوب رمزله اکتفا ایلدی) و حدود
 الهیه نیک مشر و ع اولدیغی بر قدری ستر ایچوندر اگرچه واقع
 اولان امورک جمله سی بر قدر در زیرا بر قدر هر کسک عین
 ثابته سنک مقتضای سیدر و هر کس مقتضای عین ثابته سی نه ایسه
 لسان استعدادله حقدن انی طلب ایتددر بو جهتدن چهار بی نیچون
 چهار خلق ایتدک دیه مز و مقطوع الکفر اولان کافری ایمانه دعوت
 ایتک داعی و مدعوک اول دعوتله استعدادنددر اگرچه میسانده قول
 دعوت یوقدر زیرا عدم قبول دخی مقتضای عیندر و قرآنده کلور
 (والله لا یهدی القوم الکافرین) یعنی کافر مقتضای عدم استعدادی
 اوزره جانب ایمانه صرف عنان اختیار ایتدی حق تعالی دخی
 طریق هدایتله جبر ایلدی زیرا جبر ایلسه ظلم لازم کاور و جمیع
 اشقیای فسق واحد او زرینه اولی اقتضا ایدر و قیامتده محجوج
 و ملزم اولماز فافهم جدا فان البیان لا یزید الا حیرة فان البحر محیط

والقمر عمیق والغواص کلیل ضعیف فنسأل الله التأدب باداب الشریعة
والتحقق بنتائج الحقیقة * قال صدقت * یعنی اول رجل کالاول حضرت
رسالتی اخبار مذکورده تصدیق ایلوب علل مسطورہ دن اوتوری
کر چکسن یا محمد دیدی یعنی کلامک واقعہ ونفس الامرہ مطابقت
(معلوم اولہ کہ بو محمد صدقت مقالہ سی بعض روایاتہ مذکور
و بعض روایاتہ اختصارا و یا خود نسیانا طی اولمشدر و لکن ماقبلہ
مناسب اولان ذکر در و بو تصدیق قدرہ ایمانک وجوبی لازم کلدی
اگر چه فہمی غامض نسنہ در انک ایچون بحی ممنوعدر (و دیمشدر کہ
ابتدا قدرہ تکلم ایدن و خلق قرآنہ ذاہب اولان غیلان دیرلر بر کیمہ
ایدیکہ پدری یونس حضرت عثمانک رضی اللہ عنہ مملوکی ایدی صکرہ
اکا عمر بن عبدالعزیز بد دعا ایدوب قضا و قدرہ اوغرا دی و ابام ہشامہ
الی و ابانغی قطع اولنوب دمشق الشامہ باب کبسانہ مصلوب اولدی
و دیمشدر کہ ذوالرمہ دید کبری شاعر مشہورک اسمی دخی غیلان
ایدی و اول دخی غیلان اول کبی مذهب قدرہ مائل و بوندن اسمہ
اشتراکک بعض تأثیراتی اولدیغی ظاہر اولدی پس اشقیائہ بعض
خصوصہ مشارکتدن حذر کر کدر و حدیثہ کلور کہ (لا ینفع حذر
من قدر) یعنی بر نسنہ امر مقضی و قدر مقطوع ایسہ اندن حذر ایتک
فائدہ ویرمز (والدعاء ینفع مما نزل و مما لم یزل) یعنی دعا ایتک نازل اولان
بلانک رفضہ و نازل اولسانک دفعہ و کبر و رد نہ نافہدر اگر رفع
و دفعی دعایہ متعلق ایسہ (وان البلاء لیزل فیتلقاه الدعاء فیتعلجان
الی یوم القیمۃ) یعنی بلانازل اولیجق دعاء ائی قرشور و قیامتہ دک
اعتلاج یعنی تدافع و تقابل ایدرلر بس ہر بلاہ امر مبرم و مستمر اولماز
بلکہ دعائہ مرفوع اولنری دخی واردلر بس علاج جسمانی اسباب
نافعہ دن اولدیغی کبی علاج روحانی دخی بویلہ در بلکہ علاج
روحانیک تأثیری اشد و ہر نہ خصوصہ اوورسہ جاریدر * قال
فاخبرنی عن الاحسان * یعنی اول رجل دیدیکہ یا محمد چونکہ
اسلام و ایماندن حقیقی اوزرہ خبر و یردک پس احساندن دخی خبر

ویرکہ احسان ندرتا کہ ائی دخی اشیدوب منتفع اولام یعنی حاضر بالمجلس
اولنر منتفع اولوب اولردن دخی سائرلرہ ساری اولہ بورادہ اہل ظاہر
احسانتی اخلاص معناسنہ حل ایلدیلر شو معنادنکہ بر کیمہ معبودی
انک عبادتی مشاہدہ ایدر اولدیغی بلسہ لاحسانہ اخلاص نیت ایدر
و عبادتندہ خالصانہ اولور و لکن بو معنادہ قصور و رادر زبرا کلام
آیتک شق ثانیسنہ ناظر در فقط بس شق اولیکہ عابدک مشاہدہ سنہ
دائر در تا و یلدن خالی قالور بلکہ احسان اصلندہ انعام معناسنہ در
یعنی فعلی لایق اولان نسنہ بی محلنہ کما ینبغی اشلکدر کہ بو معنی
لوازم حکمتندر و احسانک مشاہدہ معناسنہ استعمال اولدیغی
بودر کہ اللہ تعالی کندی ذاتی شہود و معیتلہ وصف ایشدر نہ کیم
قرآنہ کلور (انہ علی کل شیء شہید) وینہ کلور (وہو معکم انما کنتم) و
حقک خلقی شہودی یعنی علمی کہ عین رؤیتیدر ہر حالہ سبب احسانیدر
چونکہ عبد انک دائما معلوم و شہودیدر بو جہتدن علی الاستمرار
محسن در و عابدہ دخی کر کدر کہ معبودی بروجہلہ استحضار ایدہ کہ
کتب الہیہ و السنہ رسل اوزرینہ وصف اولمشدر و مجرد عقل
نظری تک فہمدہ قصور و توہم تشبیہ و حق خلقہ قیاس لزومی
تصور بلہ استبعاد ایلہ زبرا خلقک حقہ فی نفس الامر ذات وصفاندہ
اشتراکی یوقدر بلکہ اول اوصاف مراد الہی اوزرینہ معانی جملیلہ
مجمولدر بو صورتہ جانب عابدہ دخی مشاہدہ و استحضار حاصل
اولدی اگر چه حقک عابدی مشاہدہ سی کبی دکلدر زبرا ہر کسک
مشاہدہ سی کندی حسبیلہ در عبدک حسبی ایسہ حسب حقن اضیقدر
انکچون (ما عرفک حق معرفتک) مقالہ سی ای بحسبک دیوتا و یل
ایتدیلر پس بو معنی عرفناک حق معرفتک ای بحسبنا دیمکی منافی
اولدی * قال ان تعبد اللہ کانک تراه فان لم تکن تراه فانہ براك * یعنی
رسول اللہ صلی اللہ علیہ وسلم دخی جوابدہ بیوردی کہ احسان اودر کہ
محسن و منعم اولار اللہ تعالی یہ عبادت ایدہ سن آنی کورر کبی اولدیغک
حالہ یعنی رؤیت خبیالیہ ایلہ ائی کورہ سن کہ مشاہدہ دن برنوعدر

پس اگر سن انی بوجله کورمه قادر اولماز ايسنك وادراك خيالى ايله
ادراك ظفر يولمز سنك باری ادنی الامر معلومك اولسونكه اول سنی
کورر یعنی حقك رقیب ومطلع اولدوغنه مطلع اولوب استحضاردن
خالی اولمه سن (معلوم اولاكه اعلى المشاهدات مشاهده روحانیه در كه
اعلا لر حالیدر و اوسط المشاهدات مشاهده خیالیه در كه اوسط لر
حالیدر و اكما مرتبه احسان دیرلر نه كیم حدیث مذکور ايله تعریف
اولمشدر زیرا مشاهده روحانیه محبوبه كوره مشكل و اكثر ناس
دخی محبوب اولغله جناب نبوی رتبه احسانی تعریف ایلدی زیرا
مرتبه روحانیه عیانیه قابل تعریف دكلدر و ادنی المشاهدات آخر
حدیثه ذكر اولان مرتبه در كه اطلاع حقه اطلاع در كه ادنار
حالیدر و بومرتبه دن ساقط اولان عبادته اعتبار یوقدر زیرا عبادت
خافلین ذرته كیم بعض كلام وارد در كه فصاحت و بلا غندن بالكلیه
خارج اولغله اصوات حیوانات منزله سنه تزیل اولمشدر بوراده
سألك كماله نظر ايله كه ابتدا ظاهر دن سوال ایلدینكه اسلام دارندن
باطنه لتقال ایلدینكه ایماندر اندن باطن الباطنه عدول اتدینكه احساندر
زیر احسان كرخه دون مشاهده در و لیكن ایمان غیبیدن اعلادر
زیرا رتبه تشبیه اولمشدر پس صورت حقیقه اولدیغی بده
باری صورت خیالیه كر كدر مثلا ضلالتكه مناجات الهیه در البت
طرفیندن نوع مشاهده به محتاجدر بوجهتدن مصلی عند المناسجاة
حق تعالی بی قبله سنه تخیل ایدر زیرا محاذات واقع اولدقده مناجات
و مخاطبه صحیح اولماز فاعرف (و مراتب در تدر كه ایمان و ولایت
و نبوت و رسالتدر پس ایمان مرتبه غیبیه و ولایت مرتبه مشاهده به كوره در
و نبوت و رسالت ولایتدن خصوص مرتبه در خلافت امامتدن
خصوص مرتبه اولدیغی كبی (وامهات القوى سكز در كه سمع و بصر
و شم و ذوق و لمس و قوت عاقله و قوت مفكره و قوت خیالیه در و خیالندن
اوسع سنه بوقدر حتی حق تعالی بی و عالمی و حتی عدمی بله تصویر ایدر
مع هذا عدم لاشی دن عبارتدر زیرا وجود محقق مقابله سنه اولغله

اضافت جهتندن لباس تعین تلبس ایدر و خیالك اوسمیتی بومرتبه ده
ایكن بنه مواد دن مجرد اولان معانی بی قبولدن عاجزدر انكیچون
علمی صورت لبن ده و یا عسلده و خجده و اولوده کورر و اوسلا می
صورت قبه ده و عمدده و قرآنی صورت سمند و عسلده و دینده ثباتی
صورت قیدده و حق تعالی بی صورت انسانده و صورت نورده سیر ایدر
(و انسانده فكر طبیعی خیاله مضاحبه در كه خیالدهی حس و محسوسدن
اخذ ایدر بس ملكدده فكر اولماز زیرا فكر طبع عنصری نك حكیمدر
انسان ایسه طبیعت عنصریه ايله عقلدن مر كیدر چونكه عقل
نور تجلی ايله منور اوله فكر دن خلاص اولور انكیچون اكامل ناس
فكر ایتزلر زیرا ملك كبی عقل مجرد اولمشدر در ملكه كشفله و داعیه
قلب ايله عمل ایدر لر (و شعرائك شعری تفكر و خیال مرتبه سننددر
انكیچون شعردیدیلر كه شعور و راء پرده دن ادراكدر اهل مكاشفه نك
دخی كشی اگر خیال مرتبه سنندن ایسه حذر كر كدر زیرا واقعه مخالف
موادی چوقدر و اگر قلب مرتبه سنندن ایسه كه كشف عیانی در
معمول به در مثلا برسالك جمیع اشیایی كمدی تسبیح كبی تسبیح ایدر
اشنه اكاشف خیالی دیرلر كه صحیح دكلدر زیرا هر سننه نك تعینده
كوره تسبیح مستغنی وارد و كشف عیانی مرتبه وحی در قال الله
تعالی (نزل به الروح الامین علی قلبك) یعنی قرآن مرتبه خیالیه نزول
ایتمدی شعراوله بلكه مرتبه قلبه نازل اولدی انكیچون قرآنده كلوز
وما علمناه الشعر) بس شعرد و تكلف و تعمل اولور وحی و الهامده
اولماز اگر چه خیال دخی مقامنه كوره حقدر زیرا صورت ظلیه سنی
وارد در غال اكبر العارفين (انما الكون خیال) وهو حق فی الحقیقه
* قال فاخبرنی عن الساعة * یعنی اول رجل دیدینكه با محمد چونكه
امور ثلثه مذكوره دن خبر صادق و بردلر پس بكا در دخی قیام قیامت
و قشندن دخی خبر و پرزیرا ساعت قیامت قوبدوغی و قشك
اسمیدر ساعت ايله تسمیه اولند بفتك و جهی بودر كه اول
وقت بر ساعت خفیفه در ككه آمده امر عظیم حادث اولور

و بردخی قیامت ساعات دنیا در ساعت اخیره ده قائمه او لور
یا خود بغته و بدیهه واقع اولور نه کیم استعجال ایدن کیمسه به
همان بوساعتده و علی الفور دیرلر صکره غلبه استعماله قیامت
علم اولدی نجم ثریا به و کوكب زهره به علم اولدیغی کی و یا خود (کانهیم
یوم یرون ما یوعدون لم یلبثوا الا ساعة من نهار) معنوی ملاحظه سیله
تسمیه اولندی کرك ساعت نجومیه و کرساعت آیه نه کیم دیمش لور که
الدنيا ساعة فاجعلها طاعة و دیمش لور که کل آت قریب انکیچون
قرآنده کلور (اتی امر الله) یعنی مضارع دن ماضی ایله تعبیر اولندیغی
تحقیقه و قریبه دلالت ایچوندر (و بعضی لرساعتی قلب ایدوب
سعی دن اخذ ایتش لور در زیر ساعت جانب وقوعه سعی ایدر که انک
مسافت و خطواتی انفس انساندر) و یا خود ارواح اجساده سعی ایدر
لحظه دن اسرع زمانده زیرا ارواح صور اسرافیلده محبوسه در نفخه
ثانیه ره اجساده متصل اولسه نر کر کدر و لکن ظواهر نصوص حسبیه
نفخه اولی به حل ایتک اولادر اگرچه هر بر نفخه و عیدی مشتملدر
اشته وقت موند نفس اخیر دخی ساعت مذکوره کیدر انکیچون
موت طبعی به قیامت صفری دیدیلر نه کیم حدیثده کلور (من مات
فقد قامت قیامت) و موت فنانی حالی آن غیر منقسمه در و عارفک
هر نفسی نفس اخیردر انکیچون قیامة العارفين دائمة دندلی * قال
ما المسئول عنها باعلم من السائل * جناب نبوت صلی الله علیه وسلم
یور دیر که قیامتدن سؤال اولنان سائلدن اعلم دکلدر یعنی ایکیچون دخی
عدم علمده برابر بلکه انک علمی الله تعالی به مخصوصدر که قنغی
سالده و قنغی شهرک هفته سنده و جمعه سنده و ساعتده اوله جقدر
او ییلور انجی بوندن غرض انک وقتنی معرفتدن طبعی قطعدر
(واکبر عزادن منقوادر که بعضی انسلخاندده حضرت ادریس علیه
السلام ایله مجتمع اولوب ظهور ساعتدن نه قالدی دیو بقیه عمر دیندن
سؤال ایتد کده (اقتراب للناس حسابهم) دیو جواب ویردی تکرار
اشراط اقترابدن بر شرطنی تعریف ایله دید کده پدر یز آدمک علیه

السلام وجودی اشراط ساعتندر دیدی نه کیم حدیثده دخی کلور
(بعثت انا والساعة كهاتين) یعنی اصبعیه السیابة والوسطی (معنای
بودر که بنم ایله قیامتک اراسی زمان ماضی به کوره وسطی نک مسجده
اوزرینه فضلی مقدار یدر قرب زمانی بی قرب مساحی به تشبیه
ایتدیکی غایت قرب ساعتی تصویر ایچوندر (اشته آدمدن دور
محمدی به دک دور سنده که بدی بیک سنه در اتی بیک سنه به قریب مدت
مرور ایتشدی بواقتک عمری دخی الف سنه ایله تقدیر اولوب حالا که
بیک یوز اوتوز اتی تاریخی بدر اولدخی منقضی اولوب الف ثانی حد
فاصله در دیدیلر یعنی بیک سنه سنه دک اشراط صفری و الف ثانی
زمان ظهور اشراط کبرادر دیو ار باب نقل واصحاب کشف اتفاق
ایتش لوردر (ولکن نه غایت دک تمام اوله جغی امر تقریبی در شوقدر
دیمش لوردر ایکیوز باشند و یا دور دنده مهدی و اندن آیات کبری
تابع اوزرینه کلسه کر کدر و مهدیدن بدی سنه مقدم بنوا الاصفر که
افرنج یعنی ونديک کفره سیدر انلر ظهور ایلوب (بنوا الاصفردن مقدم
دخی اطراف عالمده هرج و مرج و قوعیله عالمه اختلال تام کلجکدر
ودوات عثمانیه زمان مهدی به دک متمادی اوله جقدر و آخر قیامت
کفار تاتار و سائر انلر ملحق اولان اشقیا اوزرینه قوپسه کر کدر
والعلم عند الله الخیر) سؤال اولنور سه که جبریل ییلور دیکه وقت قیامت
مجهولدر پس نه معنادن سؤال ایلدی (جواب بودر که کرچه ساعتک
مجهولیتی آیات مکیه ایله معلوم اولمشدر و لکن اول مضایب عند اصحاب
لسان نبوتدن تقریر ایچون اعاده ایلدی و بردخی مجهول اولان مواده
لاادری دیمک نصف العلم اولدوغنه تنبیه قیلدی نه کیم قرآنده کلور
(قل ما ادري ما يفعل بي ولا بكم) یعنی امور آیه نک جله سندن خبر
و یرمک اولماز مکر که حق تعالی نک تعریف ایتدیکی مواد اوله اشراط
ساعت و امشالی کی انکیچون اسلام و ایمان و احساندن خبر ویردی
نیز معلومی کیم ایتک اولماز مکر که مخاطب نا قابل اوله * قال فاخبرني
عن امارتها * امارات امارتک جعفر فتحله علامت و نشان معناسده که

انده تقدم اعتبار اولور زيرا امر اصلنده تقدم بالشيء در انكچون
 قائد اعما به اميرديدلر و امارت شيء دخي شيء اوزره مقدمدر زيرا اثر در كه
 انكله استدلال اولور و امارتي جمع ايراد ايلديكي تعبدنه بناء در
 نته كيم اشراط كبرى عشره اولمق اوزرينه نص واردر اگرچه بوراده
 بحسب المقام بعض اوزرينه اقتضار اولندي (معنى بودر كه يا محمد
 چونكه نفس ساعتدن مجهولينه بناء خبر ويرمك باري علامتدن
 خبر وير تاكه انكله قربند استدلال اولنه * قال ان تلد الامه ربتها *
 امه مملوكه ديمكدر كه افواه ناسده جاريه ديمكله مشهوره دن زيرا
 سیده نك حوايج ضروريه سنده جريان وسعي ايتك شاندندر ور به
 تشديد ايله رب لفظنك مؤنثدر تربيه معناسنه كه مصدر بمعنى الفاعلدر
 عدل كې پس رب سيد ور به سیده معناسنه اولور كه مالك مملوكي
 تربيه و حفظ ايتديكي ايجون رب دنلدي يعنى جمله علامت
 قياضدن برى بودر كه (ايظهره على الدين كله) موجبجمله استيلاء
 مسلمين واقع اولوب سبي و غارت بسيار و جوارى و سراري بيشمار
 اولمغله اكثر ناس تسرى ايله اكنفا ايدوب نكاحه ميل ايتمه لر مع هذا
 حرار صلاح البيت و اداء فساد البيت در و تسرى اولان جاريه
 سیده سنى ولادت ايليه يعنى افنديسندن قزى طوغوب پدر بته
 نسبتله نيجه سیده اولور سه و انده سنك دخي سبب عتق و باعث عزق
 اولمغله اولدخي سیده البيت اولور تكيم كبار و اولاد كبار جواريدن
 تولد ايدوب انلك شرفلرله جوارى دخي حرار كې عزت و حرمت
 زائده بولور لر (پس مقصود امه نك سيادتى بيان اولمغله ربه ي
 تخصيص و تأنيث ايلدي و اضافت سبب عتق و باعث رفعتى اولمغه
 محمول اولدى و بو معنى آخر الزمانده اولمغله اشراط ساعتدن
 قيلندي زيرا (توقع زولا ذاقيل تم) و فقيحه تمام امر انقراض
 زمان و انقضاء مدت دنياه اشارت اولديغي كې تعكس حال دخي
 بويله در زيرا حديثده (تناكوا تكثروا) ديو نكاحله امر واردر
 اكر چه تسرى به دخي رخصت و يرلدى ولكن تسرى ايله

انفراد نكاحله اجتماع كې دكلدر پس تسرى شرع قديمدر و حضرت
 ابراهيم هاجري استيلاد ايتشدن ام اسمعيل در عليهم السلام بس
 امارات ساعتدن اولان عتقدن زيرا بو حكم قبل الاسلام معروف
 دكل ايدى ديمك قول معتبر دكلدر نته كيم شرح مصابيحده تور بشتى
 ذاهب اولمشدر و كذلك كلام مذكورى توجيه ده تقارب زمانله
 عزيزر دليل اولور زيرا والده ولدنى مرييه و امرنى مدبره ايكن
 امر منقلب اولوب ولد رب ور به اولمق اشراط ساعتدنر تكيم
 كلام اتى بونك عكسيدر كه اذ لا نك اعزه اولدو غيبدر ديمك ضيق
 فهمدندر تكيم طبي قائل اولمش و على قارى دخي اكا اقتدا قلمشدر
 زيرا ايكي علامت دخي نظر حق بينله قدر و شرفه دالدر شوقدر
 واردر كه عقوق والدین اشراط ساعتدنر كه مذمومدر و بعض اشراط
 ساعت واردر كه ذم اقتضا ايتن تطويل منارات و زخرفه مساجد
 و امثالى كې زيرا بو مقوله لر عباداته ترغيب ايجوندر زيرا دين عدم
 استعماله كه نه لك قبول ايدر بس انى بعض اسباب محدثه ايله تجديد
 ايتك امور شرعيه دندر اگرچه عوام علمانك اكثرى بو معنادن غافلدر
 و بوراده علمانك دخي اقوال سخيغه سى واردر كه سخاقتدن اوتورى
 ذكرى طى اولندي فخذ ما آيتك و كن من الشاكرين * وان ترى
 الخفاة العراة العالة رعاء الشاء يتطاولون فى البنيات * ترى خطاب
 عامدر كه رؤيت شاندن اولنلك جمله سنه شاملدر تامعلوم اولاكه
 بوا مرهائل برصورت كرمش و بر غايه اير مشدر كه انى ادراك ايتك
 هيچ بر آئى به مخصوص دكلدر بس رؤيت بصريه به حمل ايتك
 اولادر تكيم تطاول بنیان دخي اكا قرينه در زيربنا و انى تطويل
 امور حسيه دندر و تطاول اصلنده اظهار طولدر اگرچه بوراده
 مراد كردنكش لك و اكلازم اولان تفاخردر كه حسب ايله تمددر
 بس رؤيت فعل باصره اوليجق تطاول انك مفعولدن حال اولور
 يوخسه مفعول ثانى اوا از زيرا مفعول ثانى اولمق رؤيت قلبيه به
 محمول اولدو غنى صورته در (حفات) حاء مهمله نك ضميه حاقى نك

جمیدر قضاة قاضی نك جمی اولدیغی کبی حافی ایاغنده نعل و خف
و جرموق و امثالی نسنه اولمیه دیرلر ایاغی چیلایق معناسینه بغداد
ارنلرندن بشر حافی دیدکلری بوندنر زیر بغداد ایچنده چیلایق
ایاغله کزردی و خلق اکا تعظیما زقاقلری طاهر طو ترلردی و شولکه
زین الدین الخوافی دیرلر خاء معجه ایله درکه نیسا بور ناحیه لرندن
کثیره القری بر ناحیه در (عرات دخی عاری نك جمیدر که اوزرنده
ستر عورتدن زیاده لباسی اولمیه اگرچه لغته من القرن الى القدم
عربانه دخی دیرلر) عاله تخفیف لاله عایلاک جمیدر فقیر معناسینه
یقال عال یعیل اذا افتقر پس یائی اولمش اولور و بعضی لر دیدیلر که
واوی در یقال عال یعول اذا افتقر و کتر عیاله (رعاء) کسر رائه جمع
راعی در تاجر کسر و تخفیف له جمع تاجر اولدیغی کبی راعی کودیچی در
فارسیده چوبان و شبان دیرلر (شاء جمع شاة در کما فی القاموس
واسم جنسدر قیونک مذکر و مؤنثه اطلاق اولور و یا خود قیونه
و کچی به شموی وارد بوراده غرائب ابن ملک دندر که رعاء الشاء پی
تری به مفعول طوتوب ملوک ایله تفسیر ایتش و رعیتدن شائله تعبیر اولندیغی
خلفک عجزده شاء کبی اولدوغندن اوتوریدر دیمشدر و لکن خطا در
زیرا اگرچه ضابط و مالک اولنلردن راعی ایله تعبیر اولمشدر نتکیم حدیثده
کلور (کلکم راع و کلکم مسؤول عن رعیته و لکن بوراده صفت بعد الصفة
در که معنای لغوی به محمولدر ما قبل کبی نتکیم مقام اکافرینه در
وملوك و رؤساء اولایق معناسی تطاول بنیانندن مفهومدر زیر اهل
ثروت و غنا اولدیقه رفع بنا و انکله تفاخر مبر اولماز بس حفات
و عرائی ذکر ایلمدی ظاهرده سوء حاللرینه اشارتدن اوتوری نتکیم
مقام ذمده اوستنده باشند ایاغنده نسنه یوق دیرلر و فقرلری
تصریح ایلمدی یا ما قبلنی بیان و ایضاح ایچون و یا شو معناسدن
اوتوری که ظاهرده بعضی سوء حال اوزرینه اولنلر باطن حالده محتاج
دکلردر بلکه کسندیلر ستر ایچون عربان و کهنه لباس ایله کززلر (و رعاء
الشاء اولدقلرین ضمیمه قلدی حقار تله نسنه دلالت و بی عرض

و بی حرمت اولدقلرینه اشارت ایچون پس جمیع اوصاف رذالت
حاللرینه قرینه اولدی (و حضرت موسانک و جناب نبوتک علیهما
الصلاة والسلام قبل البعثه رعی غنم ایتدکلری کندی شانلرنده
کمال ایدی انکیچون اعراب با دیه کبی اول حال اوزرینه قالمایوب
رعاء خلقه انتقال و نبوتله مبشر اولدیلر و علو شان و ارتفاع منزلته
ذره جد عا لیه بولدیلر بس بر کیمسه بی رعیه له و یا امیتله و یا فقرله
تعبیر ایتس لر اولدخی یا پیغمبر راعی و یا امی و یا فقیر دکلری ایدی دیسه
تعزیر و تأدیب اولنور زیر بوراده قیاس نفس جاری اولماز تطاول
بالا ده ذکر اولندی (بنیان ضم باء مؤحده ایله اصلنده مصدردر
ولکن حائط و مبنی معناسینه استعمال اولنور قال الله تعالی (کانهم
بنیان مرصوص) بوجه تندن بنیان واحد در جمع دکلدر زیر اوصافی مذکر در
و بی سعی و زنی اوزرینه هدمک ضدیدر (معنای کلام نبوی بودر که
و علامات قیامتدن بری دخی بودر که ای رؤیت شانتدن اولان کیمسه
امر ولایت اهلنک غیری به و ممالیک و سفله ناسه و خصوصاً احداثه
تفویض اولمغله انلری کورر سن بناده متطاول و متفاخر و متکبر
اولدقلری حالده یعنی نودوات و بر بی اصل اولدقلرندن اول امردن
خطا ایدوب معظم هملری رفع بنا و بری برلری و غیریلر اوزرینه
انظهار طول و ابراز علو و ارتفاعدر (بس بوعلامت ایکی معنایی
مشتمل اولدی (بری انقلاب زمان و انعکاس حالله اذالی و سقاط
ناسه تفویض امور جهور اولمغی زیر ارفع ابنیه و اعلاء قصور
و بروج بحسب الغالب مناصب عالیه ایله متقلد اولنلرک شانیدر
(و بری دخی بی دینلر کلدن فی بیوت (اذن الله ان ترفع) موجبجه رفع
بناء بیوت الهیه بی قیوب (یعلمون ظاهرا من الحیوة الدنیا) اشارتی اوزره
توسیع و تطویل دار و اجراء انهار و حفر آبار و غرس اشجار و امثال
امور دنیویه ایله مقید اولورلر و طریق آخرتی یا کلورلر کو یا دیمک
اولور که بودار دنیانک اماء ایله داخلی و ممالیک و نظائر ایله خارجی
بو صورتیه کیرمک عین علامت و نشان قرب ساعتدر * ثم انطاق *

بعده امور از بعه مذکوره دن سائل اولان رجل منطلق و ذاهب اولدی
 زیرا انطلاق کتمک و برنسنه کشاده و منحل اولق معنایینه استعمال
 اولنور تکیم طلاق مرأه دیرلر که عقده نکاحی حل ایتکدر و غم تراخی
 ایچوندنر برارجل مذکور اسؤله مسطورمک اجوبه سنی اخذه دیک اوراده
 مکث ایدوب بعده قیام ایدوب کتدی * فلبثت ملیا * ثناء متکلم حضرت
 عمر دن رضی الله عنه عبارتدر ملی کرچه نهاردن ساعت طویله و دهر دن
 مدت مدیده ده استعمال اولنور قال تعالی (واهب رنی ملیا) و لکن برهت
 ایله نفسیر ایلوب و برهتی زمان طویل و یا اعدر دیدکلرندن فهم
 اولنور که ملی بحسب المقام فی الجملة زمانده دخی مستعملدر بناء علی
 هذا دیمکدر که حضرت عمر بیوردیکه بس بن بر مقدار زمان حیرتله
 مکانه ملازمت ایدوب اوتوردم و سبب تحیر بودر که بعض روایانده
 وارد اولدیغی اوزره (فجبناله یسأله و یصدقه) مضمونندن تردد واقع
 اولوب بورجلک سؤالی مسؤله عدم و قوفنه و تصدیق قبل السؤال
 اطلاعنه دلالت ایدر بونه حالدر بونده اثر روحانیت و هیئت ملکیت
 واردر آیا بوجنس بشر دغنی و یا نوع ملکدغنی اوله دیو فی الجملة
 اضطراب واقع اولدیغیدر * ثم قال * حضرت عمره بر مقدار مکشدن
 صکره جناب نبوت صلی الله علیه و سلم بیوردیکه * یا عمر * بومقاله نک
 تأخیرینه باعث الله اعلم بو اولدیکه اول سائلک اول امر دن جبریل
 اولدیغی معلوم نبوی دکل ایدی تا که دیده بینلرندن غائب اولدقدن
 صکره معلوم اولدی و اول اثنا ده حضرت عمر دخی کمال هیئت
 نبویه دن جسارت ایدوب بو کیمدر یارسول الله دیه مدی تا که
 جناب نبوت بلا سؤل اخبار ایتدیلر (وعمرک کینه سی ابو حفص ایکن
 تعظیما انکله خطاب ایتوب اسم علملرینه عدولک وجهی بودر که
 امور مذکوره نک عمارت دین بایندن اولدیغنه اشارت و تقدیم شروط
 وارکانه تنبیه و تحریر یض ایلدی زیرا عمر انسان دید کلری بدین
 حیاته عمارتی مدیدر بومعنادن رجل قسمی عمر ایله بطریق القول
 تسمیه اولندی تا که بقابوله و چوق زمان بدنی حیاته معمور اوله تکیم

ترك قیا ایله تسمیه و تفویل ایدر تا که طاش کی دنیاده ثابت اولوب قاله
 و عربک صخر و جندل و جبل و حجر دیو تسمیه لری دخی بوقیلمدندر
 * اتدري من السائل * سائل مذکور کیمدر و نه جندلندر بیلورمسن
 تدیری در ایتدندر که نوع چله ایله حاصل اولان معرفتدر انک ایچون الله
 تعالی ده مستعملد کلدر مکر که معانیدن بی خبر اولنلر السنه سندن صادر
 اوله و شول شاعر که دیمشدر ع لاهم لادری و انت تدیری بوسوزک مشکله به
 محمولدر (تعلم ما فی نفسی و لا اعلم ما فی نفسک) کبی و من ممکن فتحیله حرف
 استفهامدر * قلت الله و رسوله اعلم * بن دیدمکه الله تعالی و رسولی
 اول کیمسه نک کیم اولدیغنه اعلمدر بن بلم و فی الجملة بلسم دخی متردد مکه
 بو بایده یقینم یوقدر زیرا امارت مظنونه دن علم یقینی حاصل اولماز
 (معلوم اوله که جناب الهی حقنده صیغه اسم تفضیل مبالغه به محمول
 اولق مفاضله دن اولادر زیرا مفاضله ده مشارکت وارد در صفات
 الهیه ده ایسه حقه کیمسه نک اشتراکی یوقدر اگرچه دعوی شرکت
 واردر و لکن دعوانک مذموم و محمودی واردر مذموم اولان فرعونک
 ادعا ایتدیکی ربوبیتدر و وجود و ازلیت و احاطه و نزاهت دخی
 بویله در که بوللر الله تعالی یه مختصدر و محمود اولان ارحم الراحمین
 و امثالیدر زیرا بونده افعیل صیغه سی کتوروب عباد دن رجاء اولنلر
 اوزرینه ثنا ایلدی و کندیخی انلردن ارحم قلدی بوجهتدن الله اکبرده
 مفاضله ده ذاهب اولوب الله الکبیر معناسن و یرمک اولادر بوضورته
 الله اعلم دخی الله العلیم دیمک اولور زیرا بوماده ده حضرت عمرک
 سائله علم یوغیدی و اولسه دخی علم الهیدن مستنبط در قال تعالی
 (ولا یحیطون بشیء من علمه الا بما شاء) پس خلقک علمی لاعلمدر
 و علم کلی حقکدر بو وجهدن ادب بودر که علم معلمه تفویض اولنه
 (و بوراده رسول ضم اولندیغی معلم اولدیغی معنادندر اگرچه انک
 علمی دخی علم حقندن استفاددر کویا دیمک اولور الله تعالی اعلم و معلم
 من عند الله اولان رسول اعلم یعنی علم مزیدله متصفدر که معلومان
 استیجاب ایلشدر انک ایچون دیمشدر که (من قال ان نبی الله لا یعلم

الغیب فقد اخطأ فیما اصاب (زیرا) فلا يظهر علی غیبه احدا الا
من ارتضى من رسول (و امثال دلائل ایله سالبه کلیه اطلاق اوزرینه
صحیح اولماز * قال فانه جبریل * جناب نبوت دخی بیوردیکه چونکه
یا عمر انک علمنی الله ورسوله تفویض ایتدک بس معلومک اولسونکه
اول سائل جبریلدر کسرله غریب وزنی اوزرینه که ملک معهوددر که
غالبا الله تعالی ایله انبیا اراسنده توسط ایدن اودر و انده دخی لغات
کثیره واردر قاموسدن استطلاع اولنده اشهر اولان لغت ذکر اولتاندور
جبریل عبدالله و میکائیل عبیدالله و اسرافیل عبدالرحمن معناسنه
وارواح مطهره ایل کلمه سنه مضاف اوله کلمه در اسماء بشریه ده
اسرائیل و اسمعیل و امثالی کبی واکر ارواح خبیثه دن ایسه شنبه
مضاف اولور قوش قلیوش کبیکه بونلر اسماء شیطین دندر واسم
قابیل مدفوعدر زرا اول بطریق التفریق وضع اولنوب صکره (انما
لعبیر بالخواص) و فقیحه عاقبتی خیر اولمشدر انک ایچون اسم حقیقی
عند الله اولاندور یوخسه عند الناس دکل فافهم * اناکم بعلمکم دینکم *
اتاکم استنباف یسانیدر که ماقبلندن ناشی اولان سؤاله جوابدر اناکم
ایاننددر محیی ایله فرقی بودر که محیی برنسنه بی جانب مبدادن نقل
و اثیان اونسنه بی جانب منتهایه ایصال ملاحظه اولنور بس مبدأ محیی
جناب حق و منتهای اثیان خلقدور بوراده خطابی تعمیم ایلدی زیرا
جبریلک اثیانی بالکرم عمر ایچون دکل بلکه عامه مؤمنین ایچون ایدیکه
وقت سؤال و جوابده برمقداری اول مجلس عالیده حاضر و برمقداری
غائب ایدی و اثیان دخی صورت بشریه ده واقع اولدی زیرا افاده
و استفاده به انسبدر و توسط ملکده فائده تعظیم نبویدر زیرا انسانک
حقه ارتباطی ایکی وجهله در که بری بالواسطه و بری بلاواسطه در
و جناب نبوت بوایکی وجهله حقدن استفاده ایدر و ایکی مرتبه نک حکمی
ایفا و حقنی اعطا ایلدی و بردخی بودر که ملک اصلنده قوای روحانیه
بشریه دندر وحی و الهام ایسه جانب سردن روحه و روحدن قلبه
نزول ایدر بوجهندن ملک خادم بشردر و بردخی تحصیل کالده

بحسب الغالب واسطه لازم اولدیغنه تنبیه در تکیم (وابتغوا الیه
الوسيلة) اکا ناظر در و بوراده اثیان فی الحقیقه جناب نبوت در قاما
مخاطبه قلمدی زیرا رسوله اثیان همان انلره ایاندر قال الله تعالی
(و ما نزل الیکم) یعنی مخاطبه بری منزل الیه اخذ ایلدی مع هذا منزل که
قرآندر رسوله انزال اولنور که منزل الیه اودر (بعلمکم دینکم اناکم ده
اولان ضمیر مدفوعدن حال مقدردر زیرا وقت اثیانده هنوز تعلیم یوق
بلکه عزم تعلیم واردر و تعلیم تکرار علمدر تا که متعلم قلبنده ثابت
اوله زیرا جبلتنده نسیان واردر و افاضه معلم دخی متعلم قبول فیضه
استعدادنه موقوفدر زیرا تلقی و اخذ قادر اولیان متعلم نسبتله
انساندن حیوان کبیدر حیوان ایسه قابل خطاب دکلدر دیمشدر در که
معلم لفظی اسم فاعل صیغه سی اوزرینه الله تعالی به اطلاق اولتماز
زیرا تعلیم انی کندی نفسنه صناعت قیلانه مخصوصدر صناعت ایسه
مزاوله عمل ایله حاصل اولان علمدر الله تعالی ایسه مزاوله و معالجه علمدن
منزهدر و مصرده مسموع اولمشدر که اهل مصر مقدم اهل صناعت
اولان اهل ذمه معلم دیرلر استاذ و صناعتنده ماهر معناسنه مع هذا
قرآنده مواضع متعدده ده تعلیم الله تعالی به نسبت اولمشدر (و دین
وضع الیهدر که شریعتدر یعنی احکام اعتقادیه و عملیه دن عبارتدر
ولکن اطاعت اولندیغی جهندن دین و کتابت و املاء اولندیغی
جهندن ملت دینلور و بوراده تعلیم دینی جبریله نسبت ایتدیکی مجازدر
زیرا تعلیم فی الحقیقه جناب نبویدن واقع اولدیکه جبریل اول تعلیمه
سؤالی جهتیه سببدر دیمشدر در که بومعنی حضرتک دنیادن انتقالندن
بر شهر مقدم واقع اولمشدر (معنی دیمک اولور که جبریل سزه دینگری
تعلیمه عازم اولدیغی حالده کلمدی تا که سؤال و جواب طریقله واقع
اولمغین امر دین قلبکنزده راسخ و متقرر اوله زیرا بوضوئله تعلیم
ابتداء خطابه تقریردن اقوادر و بوندن فهم اولندیکه اسلام و ایمان
و احسان دین کاملدر اگرچه شعب دین بونلردن زیاده در و قرآنده
کلور (ان الدین عند الله الاسلام) یعنی ظاهر دین امور مذکوره

و باطن دین تسلیم و رضا در که اسلام حقیقی در و ملت ابراهیم دیدگاری
فی الحقیقه بود (و دیشلر در که عهد آمدن غایتش در شروع
اولوب جسته دخی باقی اولان ایکی نسنه در که بری ایمان و بری
نکا حدر) (الحاصل هر کس لازم در که دین کامل اهلی اوله و اول کمال
امور مذکوره بی تحصیل در کویا که بونلر اولمده ماعدایه اعتبار
یوقدر نه کیم عرفانده وقفه اولمسه حج درست اولماز و طاعات
مستقله ده نیت بولمسه عمل ساقط اولور مکر که بیع و شری و نکاح
و طلاق و طهارت ثوب و ستر عورت و امثالی امور اوله که بلائیه صحیح
اوله اگر چه کمال جمیع اعمال نیته مقارنتی در مکر که ترک مقوله سی
اوله پس شعب ایمانک مجموعی موجود اولیحق دین اکمل اولور
الحديث الثالث

* قال عبد الله بن عمر رضي الله عنهما سمعت رسول الله صلى الله
عليه وسلم يقول * معلوم اوله که عبادله عند المحدثین دورت کیمسه در که
ابن عمر و ابن عمرو بن العاص و ابن الزبیر و ابن عباس در رضی الله
عنهم و ابن مسعود رضی الله عنه بکار صحابه دن ایکن عبادله دن معدود
اولدی زیرا ابن مسعود و فاتی تقدم ایتمشد بونلر ایسه خلق انلرک
علمه ضرورت و احتیاج وقتنه دک معمر اولوب علملر بله انتفاع اولندی
انکیچون زیاده شهرت بولدیلر و عند الفقهاء عبادله اوچدر که
ابن مسعود و ابن عمرو ابن عباس در (سماع قصده کوش طومغه
و کیفما اتفق اشمکه شاملدر استماع اخص در که قصده قولاق طوتوب
دککدر) (يقول جمله حالیه در معنای کلام بودر که عبد الله بن عمر رضي
الله عنه دیدیکه رسول الله صلى الله عليه وسلم اشدتم قائل اولدیغی
حالده یعنی قولایم ایله بلا واسطه اشدتم مکه بیوردی * بنی الاسلام *
بناء مجهول اوزرینه اسلامدن مراد دین اسلامدر و مسلم بودینه
انقیاد ایلین امت مرحومه در نه کیم قرأند کلور (هو سماعکم المسلمین
من قبل وفی هذا) یعنی کتب مقدمه و قرأند الله تعالی سزه مسلم دیو
آدویردی حقه اسلامک اولدو غیچون * علی خمس * خمس مؤث

اولدیغی دعائم و یا خصال اعتبار یله در و بعض روایانده تذکیرله نجسه
کله در نجسه ارکان معناسنه و بعضیلر دیدیلر که تمیز مذکور
ولیحقی عدد ده تذکیر و تأیید برابرد بونده اسلامی بنایه و اصول
نجسه بی قواعد و ارکانه تشبیه واردر پس خیمه عمودی اوزرینه
و قصر و دار دخی ارکان و قواعدی اوزرینه تأسیس اولندیغی کی
دین اسلام دخی بوبش نسنه اوزرینه مبنی و موقوفدر که قوامی بونلر
منوطدر و اکاتشبیه المعقول بالمحسوس دیرلر زیرا نفوسده وقع و فهمومه
اقر بدر بوجهتدن قرأند مثل و تشبیه چوق ایراد اولندی * شهادة
ان لا اله الا الله و ان محمدا عبده و رسوله * شهادة لفظی جرله نجسه دن
بدلدر مابعدنده اولان معطوفات اربعه نک مجموعی اعتبار یله و یارفعله
مبتداء محذوفه خبردر الاولی و یا احدیهن تقدیر یله فاما محذوف
الخبر مبتدا اولمغه مساع یوقدر منها شهادة کی زیرا بو مقوله تقدیر
اکثر یا معدودک عدم استیعابی مخلنده اولور بوراده ایسه مجموع
خمس مذکوردر (ان تحفقه در که اصلی انه در بعض نسخده عبده
و رسوله یرینه رسول الله در و شمشدر و لکن اولکی اولادر زیرا حدیثده
کلور که (ابدؤا بالعبودية و ثنوا بالرسالة) یعنی اشهد ان محمدا عبده
و رسوله دیکنر دیمکدر تا که تقدیم عبودیتله یهود و نصاری قوانی
در حاصل اوله زیرا یهود عزیر ابن الله و نصاری المسیح ابن الله دیدیلر
نر که اهل ایمان و اسلام عبده و رسوله دیرز و پردخی بودر که تقدیمده
شرف عبودیتله دلالت واردر زیرا عبودیتله خلقدن حقه توجه
و رسالته ایسه حقدن خلقه تصرف واردر جانب ولایت ایسه اقوادر
بوسیددن قرأند (سبحان الذی اسرى عبده) (وارد اولدی و ایلله
معراجده جناب نبوت صلی الله علیه وسلم ابتداء دخول حضرتده
(انا العبد لاله الا الله) بیوردی و اکا بقضاء رسم دیرلر که اکامل امت
حالدر فافهم جدا) و کلمه توحیدک بعض اطوائی بالاده ذکر اولمشدر
* و اقام الصلاة * اقام کسرله اصلنده اقوام ایدی اعلال ایله و او
ساقط و تائله تعویض اولنوب اقامه دندلی صکره طول کلمه دن

اوتری اضافت تادن بدل قیلنوب حذف نائله اقام الصلاة دندلی
 مع هذا بونده قرینی اولان ایتایه موافقت و مناسبت دخی وارد
 ته کیم از دواج ایچون حذف اولندی دیه نك مرادی بودر یعنی
 اول بش نسنه نك ایکنجیسی صلاته شروط ظاهره و باطنیه سی ایله
 قوام و بر مک و تعدیل ایله کدر زیر ترک صلاة ضیق معیشتیه سبب
 اولدیغی کی ترک تعدیل و تخفیف رکوع و سجود ایتک دخی بویه در
 بوجهتدن محافظه صلاة و مراعات شرائط لازم کلدی تا که رزق
 صوری و معنوی ایله مرزوق اوله زیر صلاة معراج معنویدر که حظ
 روحی استیفاء ایچون وضع اولمشدر قرب حق ایسه ظاهرا و باطنا
 تشریفدن خالی دکدر و دیمشدر در ککه و ضروده سرانفصال
 عماسوی الله و صلاته سر اتصال بالله وارد در که الصوفی کائن باین
 بومعناد و تکبیرات جناب مطلق هر حاله بی قید و لما سنه اشارتدر که
 تنزیه عامدر و وصلت دیدکری وجه مطلقدن اولغله قیدی منافی
 و تنزیهی مستلزمدر (و بوفقی شیخ سید الاقطاب شیخ فضلی الهی دن
 قدس سره مسموعم اولمشدر بیور مشدن وضویه حرکت تو به
 و انابت و تکبیر اولی توجه الهی به اشارتدر که بوتکبیرله عالم
 ناسوتدن خروج و عالم ملکوتیه دخول ایتش اولور بعده رکوعه
 انتقال عالم جبروتیه تجاوز و بعده سجده به انتقال عالم لاهوتیه وصولنه
 اشارتدر که بومقامده فناء کلی حصوله و ظن اصلیه صعود
 ایتش اولور و بعده سجده دن قیام حالت بقیه اشارتدر که رجوع
 الی الورا در ورکوع مقام قاب قوسین یعنی مقام صفاتدر که ذات
 واحدیه در و سجده مقام اودنی در که مقام ذات احدیه در و حرکات
 ست یعنی قیامدن رکوعه و اندن قومه یه و اندن سجده اولی یه و اندن
 جلسه یه و اندن سجده ثانییه یه و اندن قیامه انتقال الله تعالینک سموات
 وارضی الی کونده خلق ایتسنه اشارتدر پس رکعت واحده اول و آخر
 سلوکی و غیره حقائقی محتویه در و لیکن معرفت و حضور قلب
 لازمدر که حضور اهل نهایتک و استحضار اهل بدایتک صفتی در زیر اهل

نهایتیه نسبتان یوقدر تا که منسی اولان نسنه بی استحضاره محتاج اوله
 و حضور داندن مراد طرف خلقدن جانب حقه علی الدوام انجذابدر که
 صلاته دوام بودر و انک مصداقی عبودیت کامله ایله تقیددر و بو
 عبودیت اولسنه سوء خاتمه دن خوف اولنور که روحک فکر غیره
 بدندن مفارقتی در و العیاذ بالله تعالی * و ایتاء الزکوة * یعنی
 اوچنجیسی صدقه مفروضه بی فقرایه دفعدر و لیکن فقراء صابرین
 اولادر مقصود اهل تقوادر تکیم حدیثه کور (لایا کل طعامک
 الا تقی) و دیمشدر در که ایتاء اعطادن اقوادر پس چونکه انفاق طهارت
 نفسه سببدر کر که زکاتله اکتفا ایتیبوب صدقه ناکله یه دخی
 رغبت ایلیه زیر حدیثه کور که مالیه زکاتدن ماعد صدقه دخی
 وارد در وجه ترغیب بودر که فرض مطلقا وجود واجب مرتبه سنده
 و ناکله مطلقا وجود ممکن مرتبه سنده شکره اشارتدر بس شکر مطلق
 اهل اولغله فرض و ناکله ایله تقید لازمدر (و بعض عارفین وارد در که
 افلاس حقیقی دائره سنده دخول ایچون عبادت مالیه و بدنیه دن
 کندی نفسلر یچون هیچ بر نسنه ادخارا ایتیبوب غیره همه و بذل ایدر
 و بلکه کندی وجود مجازی لرندن دخی بالکلیه منسلخ اولوب و ارغی
 حقه ترک ایدر که انفاقک حقیقی بودر (و دیمشدر که انفاق الاغنیاء
) اخراج المال من الجیب و انفاق الفقراء اخراج الاغنیاء من القلب
 و انفاق کلی صفت صدیقیه در که جمیع مالی حضور رسوله کتورد که
 مال بقیه لاهلک یا ابا بکر (دیو سوال اولنجیق (الله و رسوله) دیو جواب
 و بردی یعنی اهل و اولادمه الله و رسولی آلیقودم جمله وارم طریق
 رضاده بذل ایتدم دیدی و صدیقی رضی الله عنه بومرتبه ایله سرافراز
 اولوب اصحابدن هیچ بر فردا کا معادل اولدی انکیچون
 مقرب حضرت و مقدم اهل خلافت اولدی * و حج الیبت *
 حج فتحله اهل حجاز و کسرله اهل نجد لغتیدر و ایا ما کان حج اقامت
 مناسک ایچون قصد مکه در یعنی وجه مخصوص اوزرینه قصد
 زیارتدر و بیت اصلنده بیتوت ایچون بخلد در صکره هر مسکنده

استعمال اولندی و اشرفه ذوالبیوتات دیرلرک هاشمی اولسون
و کرک اولسون زیرا اوائلده اخضر ایله تعیم ایتمزلر بلک که بیوتله
معروفلر ایدی نه کیم آل شبیه دن اولانه بیت شبیه دنلور صکره غلبه
استعماله کعبه به بیت دندلی تر یاه نجم و آل رسوله اهل بیت و صحف
عنه رضی الله عنه امام و تصنیف سبویه کتاب و خوبلد بن نفیل نام
کیمسه به صغی دید کلری کبی (و دیمش لمر که بیت معمور محاذات
کعبه ده در انکیچون سمدار مختار اولان بیت معمور وارضده کعبه در
(و دیمش لمر که کعبه الله تعالی نیک دارالضیافه سی و ابراهیم الخلیل
علیه السلام منادی و حجاج ضیف الله در که سفره رحمت اوزرینه
جلوس ایدرلر و حدیثه کلور که بهر یوم بیت الله یوز بکرمی رحمت
نزل ایدر که التمش طائف لمر و قرنی مصلی له و بکرمیسی وجه کعبه به
ناظر اولن لمر در پس کعبه به نظرد بهوشرف اولیحق انسان کامل
یوزینه نظرد بهقدر رحمت اولمق کرک نظر اولنه (و شرف کعبه دن
اوتوریدر که بر کیمسه حجه قادر ایکن ترک ایلسه دنیادن یا یهودیت
و یا نصرانیت و یا مجوسیت اوزرینه انتقال ایدر دیو تهدید اولمشدر
و بر کیمسه صلا ندیه قیامدن عاجز اولوب قاعدا قیلسه جائز اولور
صکره قیامه قادر اولسه اعاده لازم کلز و کذلک بر کیمسه نصابه مالک
اولوب مالی هلاک اولسه اندن زکاة ساقط اولور فاما بر کیمسه حجه
قادر اولوب حج ایتمسه و صکره معسر اولسه و یا مالی سبیل خیره صرف
ایلسه اندن حج ساقط اولماز و کذلک اداء صومدن عاجز اولسه
شیخ فانی کبی کفارت و فداء جائز اولور فاما حجه دن عاجز اولسه احتیاج
لازم کلور و مال عاجز ده حج واجبدر پس اگر غیر یسی انک ایچون
حج ایدوب صکره عجز زائل اولسه اعاده لازمدر اولکی حج تطوع
اولمش اولور (و دیمش لمر در که صله رحم و تنفیس عن المکروب تطوع
حج دن افضلدر و تنفیس اودر که فقیره خصوصاً که صاحب عیال
اولانه اعانت و یا مدیونک دیننی ادا ایلیه و اکثر اغنیاء علم حالدن بی بهره
و اعمال فاضله دن غافلدر در انکیچون تنفیس مکروب معناسنه حالا

کار قالمشدر فلحفظوا الاموال و لیتنظروا المآل فانه العذاب و النکال
(و بعض مسائل حج بالاده در و بوراده استطاعت ذکر اولندی
شهرتندن اوتوری زیرا هر طاعتده شرط واردر که حاصل اولدجه
و جوبی متقرر اولماز * و صوم رمضان * صوم اصلنده امسا کدر
مطلقا کرک طعمامدن و کرک کلامدن و کرک مشیدن و کرک غیریدن
حتی مسیردن و یا علفدن امساک اولسان فرسه صائم و ریح را کده به
و استواء نهاره صوم دیدیلر زیرا کرچه استواءه دخی حرکت شمس
وار در ولکن زیاده بطوندن کبد سمدار واقف ظن اولوب صوم
و امساک دندلی و صوم شرعه مکلفک نیت ایله خیط ایضدن
خیط اسوده دك تناول اطیین دن یعنی اکل و نکاحدن و استمناء
و استنقادن امسا کدر (بعد ذا غیرى احادیثه صوم حج اوزرینه تقدیم
اولندیخی تاریخده تقدیمندن اوتوریدر زیرا صومک فرضیتی هجرتک
ایکنجی سنه سنه و حجت النبی ده و یا طقوزنجی سالنده در و بوراده
تاخیر اولندیخی صومک شرفنی بیان ایچوندر زیرا صلاه و زکاة و حج
عبده راجع اولغله برسیا قده نظم اولوب صوم حقه راجع اولغله
اقرار بالذکر قلندی تکیم حدیث قدسیده کلور (الصوم لی وانا اجزی به)
بومعنادن بکار محققین دیمش لمر در که مختار عبادات عندالله صومدر
و جبریل و میکال آیتندن میکالی جبریل اوزرینه عطف کبی زیرا
امام شعرانی بعض نهانیفنده دیمشدر که جبریل فلک قرک صاحبی
اولان اسمعیلدن اکبردر و میکایل جبرائیلدن و اسرافیل میکائیلدن
افضلدر انتهی بالمعنی زیرا بعض احادیث قدسیه واردر که اوراده
رواه رسول الله عن جبرائیل و جبرائیل عن میکائیل و میکائیل عن
اسرافیل و اسرافیل عن الله تعالی دیرلر پس بوندن میکائیلک جبرائیل
اوزرینه تقدم و فضلی لازم کلور و بونی تأیید ایدر شول قول که
دیمش لمر در مقام اسم رب مقام برزخیدر که سماء سابعه ایله کرسی
مایینده در و مقام جبرائیلی ایله مقام میکائیلی میاننده متوسطدر
و حرمت شهر رمضان اولقدر در که دیمش لمر در هر معصیت الله تعالی بدن

مغفرت مستحق در الاشول معصیت که حرمت رمضان متعلق اوله
مغفور اولماز کما فی منهاج المذکرین مثلاً نهار رمضان به بلا عذر
چهارا افطار ایتک اگر بطریق الاستهزاء والاستهسانه والاستحلال
دکل ایسه تعزیر و حبس و انور والا قتل و انور و بوراده جهل عذر
اولماز زبرا فرض صومک امور دینه دن اولدیغی ضروریدر دایله
محتاج دکلدر و اگر سر افطار ایتدیسه تعزیر یله اکتفا و انور وعذرله
افطار ایتدیگی صورته دخی علنا اکل و شرب ایتمک کرکدر حتی
اهل ذمت یله مشتهیات کلدن منع و انور زبرا استخفاف و حتی باطل ایله
معارضه دن خاک دکلدر (واصول فقهده شرح رهاویده کلور که
بر کیمسه یوم شکده نافله دیو صومه نیت ایلبوب صکره اول کونک
رمضان اولدیغی ثابت اولسه مغفور اولور یعنی فرضه نافله دیو نیت
ایتمش کی اولماز فاما رمضانق معلوم اولان کونی نافله دیو نیت
ایلسه کفر دن خوف و انور زبرا صوم رمضان فرض عیندر
نافله اعتقادی ایسه انی منافیدر) و واجب اولیان نسبه ی واجب
اعتقاد ایتمک دخی بویله در اگر اول واجب اولیان نسبه نک
عدم وجوبی دیندن بالضروره معلوم ایسه صلاة سادسه کی زبرا
صلوة خمس اولوب انک اوزرینه زائد فرض اولدیغی ضروریدر
(بعد ذامور مذکوره نجسه عند اهل السنه اسلام کاملک تعزیر یفیدر
اگر شهادتدن ماعداد سنی ترک ایلسه فاسق اولور و بعض علماء ظواهر
تهدیداته بناء کافر اولور دیکلر من ترک الصلوة متعمدا فقد کفر و امثالی کی
(و بومقامک تفصیلی بودر که ایمان و اسلام اوج رای اوزرینه
اوج معنایه اطلاق اولور اولکبسی تصدیق مجرد و ایکنجسی تصدیق
مع الاقرار و او چنجسی تصدیق و اقرار و عملک مجموع عیدر که امام
شافعی بواخیره ذاهب اولوب عملی ایماندن جزء قلمشدر سائر ایسه
ایمان کاملدن جزء قلمشدر بس تارک عمل حقیقت ایماندن خارج اولماز
بلکه ایمان کاملدن خارج اولور (وتارک اقرار مانع بناء ترک ایدرسه
فیها و الا عند الله مؤمن اولماز) و ابن عبدالسلام دیمشدر که اظهر

اولان بودر که ایمان تصدیق قلبی و اسان انک ترجانیدر بس کلمه
شهادتک تلغظی واجب اولدیغی بلوب نطقدن امتناع ایدر کیمسه
صلاتک وجوبی بلور کن امتناع ایدن کی اولوب ترک واجب ایله آثم اولور
یوخسه مخلد فی النار اولماز زبرا حدیثده کلور (یخرج من النار من کان
فی قلبه مثقال ذرة من الايمان) وینه کلور (من مات وهو يعلم ان لا اله الا الله دخل الجنة) یعنی بو حدیثده اسم ایمانی تصدیق اوزرینه
اطلاق وارد فقط که اقرار و عمل انده داخل دکلدر تکیم رحمت
واسعه الهیه به مناسب اولان بودر

* الحديث الرابع *

قال ابن مسعود رضي الله عنه * ابن مسعودك عند المحدثين عبادة
ان بعد من اولدیغی حدیث سابقده اشارت اولمشدر انسان العیونده
کلور که ابتدا مصحفه مصحف دیو تسمیه ایتک عبدالله بن مسعودک
یرادری عتبه بن مسعوددن صادر اولمشدر انتهی و لکن بونده نظر واردر
بلکه لفظ مصحف ابتدا رسول الله صلی الله علیه وسلم صادر اولمشدر
تکیم احادیث جامع الصغیرده کلور (اعطوا عینکم حظها من العبادة
النظر فی المصحف وهو ما جمع فیہ القرآن و المصحف) سؤل اولنورسه که
زمان رسالتده مصحف یوغیدی زبرا قرآنک نزولی تمام اولمشدر
جواب بودر که اول وقتده کتاب وحیک املاء ایتد کلری بعض مصحف
وارایدی صکره ایام خلافت صدیقه جله قرآن مصحف متعدده ده
درج اولنوب ایام خلافت عثمانده ترتیب اوزرینه یازیلوب مصحف واحد
قلندی پس مصحف تعبیری معجزات نبویه دن اولور * حدیث رسول الله
صلی الله علیه وسلم * یعنی جناب رسالت بکا و اول مجلسده حاضر اولمره
بطریق الخطاب خبر جدید المقایلیدی زبرا تحدیث بطریق الخطاب
اولان اخباردر اخبار لغظی ایسه اندن اعددر زبرا خبر و بر مک کتابله
دخی اولور که انده خطاب یوقدر شول وجهدن که خطاب کلامی
حاضر توجیه در و بورادندر که صلاة نهاریه به محادثه مع الله دیر
زیرا نهار زمان محادثه ناسدر و صلاة لیلیه به مسامره دیر زبرا

Kismi	Seyyid Chayef
Yerli Kavut No.	4
Eski Kavut No.	227.2
Tasnif No.	

سهر حدیث ایلمدر و صلاة سريه به اختصاص دیرلر زیر اینه و بین
الله مسارد و صلاة جهریه به تبلیغ دیرلر زیر آنده غیره ابلاغ و ایصال
وارد و بویله مقاماتده تحبثله تمیز اولمق اخبار دن اولادر زیر
حدیث رسول اطلاق خبر رسولدن اشهر در وحدیث کلام قدیم
مقابله سنده وضع اولمشدر زیر کلام مخلوق حادث و کلام خالق
قدیمدر انکیچون قرآنه مخلوق دین کافر اولور * وهو الصادق *
جمله معترضه در یعنی و رسول تحبثنده صادقدر که خبری واقعه
مطابقدر اگر بوماده و اگر غیره مواده زیر خلافت کبراسی
جهتدن (ومن اصدق من الله قیلا) مظهریدر بوسیددن ان
تصدیق ایتک حق تصدیقدر و تکذیب دخی تکذیبه راجعدر پس
بوجه معترضه کلام ابن مسعود اولمش اولور * المصدق *
معلوم اوله که واقعه مطابق اولان کلامه مخاطب اولانه مصدوق
و غیره مطابق ایله مخاطب اولانه مکذوب دیرلر و اول کلام مصدوق فیه
و مکذوب فیه در انکیچون (ذلك وعد غیر مکذوب) نظمی غیر مکذوب
فیه ایله تأویل اولمشدر زیر مصدوق و مکذوب خطابه صالح اولان
انساندر یوخسه وعد و امثالی دکل و حواشی کشافده سعدالدین
دیمشدر که المصدق من صدقه الله فیما اوحی الیه من صدقته فی القول
اذ قلت له الصدق انتهى (پس مصدوق لفظده معنای مذکور دن
غیری واقعه مطابق محل یوقدر اگرچه بعضیلر یوقیره اکثر کلام
ایتمشدر و رسول الله صلی الله علیه و سلم مصدوقیت ایله وصف
ایتدیکی اخبار و احادیثی تصحیح ایچوندن یعنی اکا و حی و القا اولنان
کلام الهی و خبر قدسیدر که کیمی و ساطت ملک و کیمی بلا واسطه
نازلدر یوخسه که نه به القا اولنان خبار جنیه مقوله سندن و خرافات ایله
مخلوط اولان کلمات قییلندن دکلدر والا بعض اخبارنده حاشا کذب
ظهور ایدردی پس کلام نبوی صبیح صادق کیدر که کندکجه فروغی
من اولمقدردر زیر مطلع صادقدن اولمشدر و اخبار اکامل اولیادخی
بویله در شول جهتندنکه وهم و خیال و وسوسه دن محفوظظر در

* ان احدکم * کسر همنه ایله لفظ نبوی بی حکایه اوزرینه وارد
اولمشدر اگرچه فتحه به دخی فی الجملة جواز وارد در ضمیر جمع زمان
خطابده موجود اولنلره شاملدر اگرچه منقوض اولنلره دخی حکم آتی
منطبقدر و لکن مقصود دکلدر یا ایها الناس کبی (احد واحد کبیر
لکن اول کبی مرتبه به دلالت ایتمزلر نه کیم الله ورحن بردر
ولکن جلاله مرتبه دالدر رحن اسمی دکل (واصل اولان احد
نقیده و واحد اثباتده استعمال اولمقدردر وگاه اولور که احدهما مکان
آخردر مستعمل اولور) و نسقده احد و عشرون کثیر واحد و عشرون
قلیلدر احد بنی آدمه مخصوص و واحد عامدر (احد ذاتنده واحد
صفاتنده مشارکی اولمیاندر تکیم مرتبه ذاته ذات احدیه صفاته
ذات واحدیه دیرلر * یجمع خلقه * صیغه مجهولله در جمع متفرق
نسنه بی تألیفدر مجموع اورادن بورادن جمع اولنلندر کرکسه شی
واحد کبی اولماسون و جمیع ضد متفرقدر و اجمع الامر جمعه جیعا
بیسد ما کان متفرقا (و خلق اصلنده خلیقه دن مشتقدر خلیقه
برسنه نك طبیعت و حقیقتی در و عالم و آدم دن هر بری صورت الهیه
یعنی حقیقت الهیه اوزرینه مطبوعدر که صفات کالبه در بوجهندن
خلقه خلق دنددی (و علماء ظاهر دیدیلر که خلق تقدیر مستقیم و ترکیب
اجزاء و تسویه اجسامدر) بوراده خلق ما یخلق منه معناسنه در یعنی
ماده انسانیه در که نطفه رجل و ماء مرء و دم حیضک مجموعیدر که
بوجوه اوزرینه تربه مد فندن مقدار ذره اخذ و تفریق و جمله سی
من ج اولنور بوجهندن انسان آخر ترایی اخذ اولندیغی برده دفن اولنور
استه قرآنده (انا خلقنا الانسان من نطفه امشاج بودر) سؤال اولنورسه که
ابن مسعود حدیث مذکور ی تفسیر ایدوب دیمشدر که نطفه رحن
مرأیه دوشد که الله تعالی ایدن بر نسجه خلق ایتک مراد ایلمسه
بشره مرأیه هر ظرف و شعرك تحتنه و انچه منشراولوب قرق کون
مکت ایتد کدبصکره رحه دم صورتنده نزول ایدر اشته جعدن مراد
بودر دیدیکه بونده فی الحقیقه متفرقی جمع وارد و بویله مواضعده

کلام صحابی حدیث مرفوع حکمنده در بومعنی ایسه بالاده مقرر
اولان جمعه مجمع اولان زیر تفسیر مذکوره بخالفدر (جواب بودر که
عقلایه ظاهر در که مولود بعد الولاده رجه عودتی محال اولدیغی کبی
نطفه دخی ذویان و انحلال طریقله رجه منصب اولدقدنصرکه
پردخی اجزاء بدنه ساری اولماز بلکه (مستقر و مستودع) اشارتی اوزره
رجه استقرار ایدر اگرچه قدرت الهیه به نسبتله عجز و بعد یوقدر
فاما اول نطفه نك ابتداء نزولده لذت ساریه سی اولدیغی کبی انکیچون
جمع اعضایی غسل ایتک فرضدر بعد الاستقرار تسخین رحم و ساططیله
قوت منتشره سی وارد در و اول قوت مسخنه نك تأثیریه بطریق
التدریج ماء ایض صورت دم ایله متلون اولور بومعنی ایسه جمع
مذکور مقرر منافی دکلدر تنکیم شرعه کلور که مطر تحت العرش
بردر یادن نزول ایدر بوخود مسلدر که مطر وجه ارضه اولان در یادن
صورت بخارده تصاعد ایلوب سخابه بالغ اولدقدن سخابه اتی غریله
و قطیر ایدر و غدوت مطر اول تقطیردن حاصل اولور مع هذا
اصلی ماء مالحددر پس مطر نك تحت العرش اولان در یادن نزولی
تأثیرات علویه ایله حصولنه اشارتدر زیرا اجرام علویه آباء
و سفلیه امهات و ازدواجات افعال و شئوندر که تسامع افعال
و شئون الهیه در قال تعالی (کل یوم هوفی شأن) فاما نیل مصر
حقنه که جشدن خارجدر دیور وایت وارد حقیقی اوزرینه در که
طرف فلکدن بحر طامه منصب اولوب اورادن مقسم ادر یسه واندن
اقطار ارضه متفرق اولور و فرات حقنه دخی وارد اولمشدر و لکن
جشنده کی کیفیتلری اوزره اولدقلری بحسب الموطن در فافهم جدا
* فی بطن امه * بطن ظهرک مقابلدر بوراده ذکر کل و اراده جن
طریقیه رحمدر یعنی بطنده خصوص اوزرینه منبت ولددر
بومعنادن من جهة الولاد اولان قرابت و وصلته رحم دیرلر (و بردخی
بودر که بطن باطنه اشارتدر که ظاهرک مقابلدر بطن ام ایسه
اما کتاب یعنی علم الله مقابلدر که علم الله غیب اضافدر و ام اب

مقابله سنده در که والده در کرک قریبه و کرک بعیده و فی الحقیقه والده
بعیده نفس کلید و متوسطه حوا و قریبه بلا واسطه اولاندر و قرآنده
کلور (خلقکم من نفس واحدة) یعنی سزی اصل واحدن خلق
ایتدیکه آدمدر و لکن حوا ایله ازدواج طریقیه اشته بو عالم اجسامه
کوره در فاما عالم ارواح مجرد به کوره اصل واحد عقل اولدر که
نفس کلید ایله ازدواج ایدوب بو کائنات ترتیب اوزرینه خلق اولمشدر
بومعنايه کوره خلقت جسم آدم و حوا و خلق روح عقل اول و نفس
کلیدده جمع اولمش ایدی اول ایسه علم الهیه متفرق ایدی انک ایچون
دیدیلر که فیض اقدس فاعل و فیض مقدس قابل اولوب ایکبسنک
ازدواجی ماء رجل ایله ماء مرأه نك اجتماعی کبی اولدی و عالم عقله
بطن دینلدیکی کبی زیر هنوز ظهور ارواح بو عیدی نفس آدمه دخی
بطن دینلدی زیر هنوز اجسام اولاد ظهور کلش دکل ایدی و هر مقامه
کوره بر بطون و بر ظهور اعتبار اولندی و اولاد دخی آباء و امهاتک
اطواری اوزرینه حرکت ایدوب کادی انک ایچون بیورر که
* ار بعین یوما * یعنی سرزدن بر یکرک ماده خلقی انا رجنده قرق کون
جمع اولنور یعنی جمع اولنوب قرق کون مکث ایدر * نطفه * اول ماده
مجموعه نطفه اولدیغی حالده یعنی قرق کون نطفه صورتنده اولوب
انده اون دم منقلب اولور زیرا نطفه شول ماء صافیدر که (من بین
الصلب والتراب) دفعله خروج ایدر و انده اولان تخمدن ولدنکون
ایدر یعنی ابتداء عجب الذنب دپد کلری عظم خردلی و انک اوزرینه اعضا
و اجزاء سائر بسط اولنور و بوراده قرق کوندن مراد حقیقی
اوزرینه در زیرا اگرچه مدت تخمیر طینت آدم قرق سنه ایله تقدیر
اولمشدر و لکن اول تفصیل اولانده اجمال اولدیغی سرعت ولاده
تکثیر ناسدن اوتوریدر انک ایچون ذهب عزیر اولدی زیرا اوتوز آلتی
بیک سنه ده و فضه اون سکزی بیک سالده تکنون ایدر (و یوم اصلده
یکرمی درت ساعتدر صکره شمسک جدوئی و طلوعی و غروب حسیله
تتصیف اولنوب ایل و نهاردنلیدی و اربعین ایله تحدیدک سری بودر که اکثر

انبياء عليهم السلام ار بعينه بلوغه نبوتله مبشر اولديلر زيراسن وقوفك
غايي وكال عقل ورشدك نهايتيدر (و بردخی ثانی به ارشاد در زير عالم
قدرت باشقه وعالم حكمت باشقه در يعنى عالم قدرتده ملاحظه اسباب
وترتيب اولماز بلکه كن فيكون عالميدر بنى اسرائيله تيه ده ايكن من وسلوى
نزول ايتك كى ومائده عيسويه وامثالى دخی اندر عالم حكمت ايسه بويله
دكدر نتكيم اصحاب كهف حقنه ده كلور (ونقلبهم ذات اليمين وذات
الشمال) يعنى اصحاب كهف بى لا تقليب محافظه يه قادر ايكن عالم حكمتك
حكيميله معامله ايلوب تقليب ايلدى مع هذا بودا ردن انتقالدن
صكره تحت الارض صور كل بلا تقليب انحلال وانفسا خدن مصون
ومحفوظدر پس عالم حكمت عالم قدرتده قياس اولماز بلکه الله تعالى
فعال لما يريددر والله تعالى برسنه بى عند الاسباب ايشلر بويخسه
بالاسباب ايشلر زير اسبابى خلق ايدن دخی اودر (و بردخی بودر كه
سر تريع حقائق كليده جاريدر تريع عرش وعنا صر وطبائع
واخلاط واربعين موسويه ومدت تحير آدم وامثالى كى وحديثده
كلور) خير الاصحاب اربعة وخير السرايا اربع مائة (وجميع اشيا امهات
صفات الهيه اوزرينه دور ايدر كه درت صفتدر حيات وعلم وارادت
وقدرت كى) و بردخی بودر كه دور كامل قرق در يعنى مدبرات كه
سبعة سياره در دور افلاكى قرق سنه ده تكميل ايدر لر يعنى قرش شهر
واحدده وعطارد ستة اشهرده وزهره عشرة اشهرده وشمس
سنه كامله ده و مريخ اون سكر شهرده ومشتري خمس اوج شهرده
دور ايدر كه بمجموع ادوار اون سنه ايدر وزحل اونوز سنه ده دور ايدر كه
بونك دوريله جمله مدت قرق سنه ااور وقرآنده كلور (وقدر خلقكم
اطوار) امر اتارات سبعة در كه عنا صر ومركات واخلاط ونطف
وعلق ومضغ وعظام ولحوم اولدقلايدر كه سكر نجي طورده نفخ روحله
حى اولدقلايدر كه نتكيم قرآنده كلور (ثم انشأنا خلقا آخر) وبومعنى
قدرنده انظهدر زير بونده اعيانى صور مختلفه ده قلب واردر كه
كال قدرته الدريس بوسرايچون امر وجود بطريق الاستحالة

تدر يچي قلندي كچه قدرتك دفعه انسانيه دخی صلاحيتي واردر
وسر تدر يچي دن اوتورى ابوالبشر ماده سنى تراب واندن طين واندن
جاء مسنون واندن صلصال كالنخار قلدى وحديثده كلور كه
نطفه رحمة استقراردن صكره زمان تصوير اولدقده الله تعالى
حضرت آدمدن برى اولان نسبي احضار ايدوب (فى اى صورة ماشاء
ركبك) موجبجه تصويره مؤكل اولان ملكه مراد ايتد يكي صورت
اوزرينه تصوير ايتد ير انكيچون بعض مولود والدينه وقرابت
قريبه بگرميوب ابا عده تزوج ميل ايدراجداد وجدات واعمام وعمات
واخوان وخالات وامثالى كى * ثم يكون علقه * ثم ترخي زمانى ومهلات
ايچوندر يكون تصويري خلقه راجعدر معناسى بودر كه بوند نصكره
يعنى رحمة ابتداء استقرار نطفه دن قرق كون مرور ايتد كده اول خلق
يعنى ماده انسانيه سفيد ايكن سرخ رنگ اولوب علقه صور تنه
استحاله ايدر كه علقه حر كك ايله دم غليظ بيامد در رحمة علوقى
اولدوغندن اوتورى علقه دنلدى نتكيم علق ديرل شول دوده كه
مص دم ايچون بحسب الغالب خلقوم حيوانه واعضاء انسانه يابشور
(و بردخی بودر كه اشياك وجودى حب ذاتى اوزرينه مبنيدر كه
مخلوقه كوره اكا عشق وعلاقه ديرل نتكيم خويانى ضاع آدمدن خلق
ايدوب كل كجزء علاقهي كى اكا علاقده ويردى وازدواجنى علاقده
اوزرينه بتاقلدى بوسيدن مائة انسانى دم صورده نطفه دن قلدى
وحقيقت وجود علاقده اوزرينه مبنى اولدوغنه اشارت ايلدى بناء
على هذا مرتبة الوهية مرتبة ارتباط ديدلر كه حقه نسبتله علاقده نك
معناسى ارتباط معنويذر (وبونده اشارت واردر كه قوام وجود دم ايله در
ايچون روح حياتى ديدكلى دمندن عبارتدر كه عروقه ساريدر انكيچون
بوروحى حلول ايله وصف ايتديلر روح انسانى منفوخ ايسه بويله
دكدر (سؤال اولنور سه كه آدمدن مقدم لحم وشحم ودم صاحبي
مخلوق كلد يچى جواب بودر كه الشمس يك سنه مقدم بنواالجان كلى
اكر چه صورنده بنى آدمه ميان ايديلر نتكيم ويسفك الدماء نظمنده

اكا اشارت وار در زير اول وقتده سفك دم ایدن بنوالجان ابدی
 و دیمشردر که آدمین مقدم الی نوع مخلوق کلمه در که آدم یدنجبسی در
 وانلرجن و بن وطم و دم و حس و بس در که جله سی افساد فی الارض
 و سفك دم ایتشردر پس دم حیوانی انسانه مخصوص دکلدر بلکه
 مقدم کلنلرده و اکثر ذی روحده واردر * مثل ذلک * نصبله در که ترع
 خافض اوزرینه در یعنی ماده انسانیه نطفه اولدیغی زمان مقداری
 کبی که قرق کوندر مقصود هر صورتک سرار بعین ایله انصافنی
 بیاندر و فی الحدیث (من اخلص لله ار بعین صباحا ظهرت ینابیع
 الحکمة من قلبه علی لسانه) قرق صباحدن مراد قرق کوندر
 (و دیمشردر که بر کیمسه قرق کون طی ایتسه یعنی افطار ایتوب صوم
 وصال ایلسه قدرت ملکوتیه و نیچه اسرار جبروتیه و لاهوتیه ظهور
 ایدر فاحفظه * ثم یکون مضغه مثل ذلک * مضغه اصلنده مضغ
 اولنجیق مقداری ات پاره سیدر صکره جنبک بعد العلقه منتهی
 اولدیغی حالته اسم قلندی یعنی علقه دن استحاله ایدن لجه اطلاق
 اولندی مضغه ضمه بعد المضغ اغرده قلان بقیه در ماضغان ایکی
 شد قدر که مضغ طعام ایدر لر و بادیه نشین اولان بلغاء عربیه مضغ
 الشیخ و القیصوم دیرلر که شیخ کسر شین معجمه و حاء مهمله ایله و قیصوم
 قافله بادیه ده بتر برر اوتدر (مثل ذلک کالاول ار بعینه اشارتدر یعنی
 قرق کون مقداری زمانده استحاله ایدوب قرمز قان ایکن قزل ات
 پاره سی صورتده دخول ایدر پس استحاله ایدن صفت و هیئتدر یو خسه
 ماده ینه اولکیدر زیرا حقائق و اعیانده استحاله اولماز و نحاسک طرح
 اکسیرله ذهبیتی و امشالی دخی بویله در و دیمشردر که میوه بی شمس
 بشورر و قزلون و برر و کو کبدن طعم ولدت حاصل اولور یعنی برنسنده ده
 ابتدا قابلیت کر کدر تا که اسباب خارجه تأثیری ایله خواص والوان
 ظهور ایلله اشته شیء واحدده لون واحد نیچه ایتسه لونین والوان
 دخی اکایاس اولنه مثلالاله نک درونی سیاه و برکی زرددر یا سرخ و یا بلون
 اولمق کبی (بعد ذلک قرأند اطوار انسانیه کاه ثم و کاه فانه ترتیب اولمق

میاننده تخالف یوقدر اگر چه بعضی تطبیقه تصدی ایلوب قایی ثم
 معناسنه حمل ایتشردر و لکن تعقیب و ترتیب هر نسنه نک حالته کوره
 و کندی حسیله در مثلاً تزوج فولده دیرلر مع هذا تزوج ایله ولادتک
 میاننده مدت حمل واردر و ترتیب دخی بویله در مثلاً قرأند (فخلقنا
 العلقه مضغه) ثم من مضغه معناسنی منافی دکلدر زیرا مراد یاد کرده
 ترتیبدر که ایکی ار بعین میاننده اولان مهله مانع دکلدر و یا خود
 ار بعین ثانینک اولی و انقدمک آخرینه اتصاله در بواستنه ثانینک
 بنامه حصولی زمان طویلده اولدیغی قدح ایتز فاعرفه (معلوم اوله که
 بومحله کلنجه اوج طور مرور ایندی که طور نطفه و طور علقه و طور
 مضغه در و طور مضغه ده که اوچنجی ار بعین در تصویر جنین واقع
 اولور یعنی تسویه جسدله الولد سراییه مضمونی اوز ره جله اجزاء
 پدردن ذائب و منحل و نازل اولان نطفه نک مشتمل اولدیغی اعضا
 و جوارح صورت کور (و بعض روایانده که نطفه اوزرینه قرق
 ایکی کون مرور ایتد کده برای تصویر ملک ارسال اولنور دینلدی
 کر چه ظاهر تصویرک ایکنی ار بعین ده اولماسن اقتضا ایدر و لکن
 یوتصویردن مراد تقدیر تصویردر یو خصه حقیقت تصویر دکل
 زیرا بحسب العاده قبل المضغه تصویر متحقق اولماز شول وجهه نکه
 رقم علی الماء کبیدر و جائزدر که مواد غلیظیه کوره تخطیط خنی واقع
 اوله نته کیم بعض احادیثده کور که ام الولد حره وان کان سقطا یعنی
 ام ولد بیع و رهن و هبه و مزیل ملک اولان وجهله تصرف اولنما مقده
 حره کبیدر کر کسه ولد سقط اولسونکه هنوز منقوخ الروح دکلدر
 و یا خود تخطیط اولسونکه تخطیط نک خفاسی سببیه انی انجق قوابل
 بلسون و هذا مجمع علیه الا ان کما فی شرح الجامع الصغیر المناوی یعنی
 علماء تخطیط خنی به دخی اعتبار ایتشردر هر تقدیر خنی اولور سه ده
 بلکه علوق واقع اولمق حکما نفس تصویردر زیرا بعض امورده
 نظر ماله و بعض موادده حکم حاله در بناء علی هذا قبل نفخ الروح
 اسقاط جنین ده آثم اولماز دیدیلر (ومصور فی الحقیقه الله تعالی در

نتکیم قرآنده کلور (هو الذی یصورکم فی الارحام ککیف یشاء)
 و بومقامنددر که الله تعالینک براسمی دخی مصورددر و ملک اول اسمک
 مظهر یدرزیرا اکثر افعال الهیه بحسب الحکمه واسطه ایله در
 نتکیم ملک الموت اسم قابضک مظهر یدر انک ایچون (الله یتوفی
 الانفس) ودخی (قل یتوفاکم ملک الموت) وارد اولمشدر وه ظاهر یوزندن
 فاعل ینه الله تعالیدر یعنی تعالی وساطت ملک ایله رحم ام ده جنبی
 هیئت مخصوصه اوزرینه تصویرایدن ذکر واتی واسود وایض
 تام وناقص وطویل وقصیر وحسن وفتیح وامثالی کبی وتصویری
 دخی تعدیل تام اوزرینه در که شق واحده اولان اعضانه هیئت
 ومقدار اوزرینه ایسه بلاتفاوت شق اخرده دخی او یله در ومصورلرک
 الواننده اولان اختلافات که ایض واسود واصغر واحمر واشقر
 اولمقددر تراب ارضه تابعدر که هر کسک ترابی نه کیفیت اوزرینه ایسه
 لونی دخی اکاکوره صورت بولمشدر حتی بی نبات اولان موضعیدن مأخوذ
 اولان ترابیدن تصویر اولنان کوسج وکوسج دخی طبقات مختلفه اوزرینه
 کلدی وبانبات اولان مخلدن مأخوذ ومصور ملتجی وملتجی دخی مراتب
 متفاوته اوزرینه اولدی اشته صور جسمانیة انسانیه ده تفاوت وتقاربک
 اصلی بودر (فاما اختلاف اخلاقده سر الهی عالم ارواحده ارواحک
 تعارف وتساکریدر یعنی اصناف ارواحدن اختلاف مراتب اوزرینه
 قننی روحله مناسبت ابتدی ایسه عالم اجسامده انک خوبی ایله
 متخلق اولدی وقرآنده (واذا النفوس زوجت) بودروای اکاکه نفوس
 ضایعه وارواح خبیثه ینه مقارن وموافق اوله * ثم یرسل الیه الملائک *
 نسخنه مشارقده (ثم یرسل الله الیه الملائک) واقع اولمشدر وبعضایلر
 دیمشاردر که اصل نظم ثم یرسل الیه الملائک در صبیغه مجهول اوزرینه
 صکره الیه لفظنک جلاله ینه رسیده مشابهی اولمغله تصحیف اولمشدر
 واکن بوسوز جلاله الیه لفظ الیه مجتمع اولدیغه کوره در مشارقده
 ایسه محتملدر شوقدر وارد که مجهول معلومدن اولادر نته کیم
 ساقده ده وبومر اکاقرینه در (معنی بودر که بول نصکره یعنی

طور رابعده بالاده خلق تعبیر اولنان ماده ینه نفخ روح ایچون
 ملک ارسال اولنور نتکیم مابعدی اکاقرینه در یوخسه تصویر
 ایچون دکل زبراملائکه طبقات مختلفه در که انلردن بر قسمی تصویره
 وبر قسمی دخی نفخ روحه مؤکدر وهر قسم افراد کثیره در یوخسه
 فرد واحده منحصر دکلدر نتکیم امام سیوطی وامام شعرای
 دیمشاردر که (ومنهم المؤمنون بتصور مایکون الله فی الارحام ومنهم
 المؤمنون بنفخ الارواح) بعد ذابویه امور الهیه ده استخدام اولنان
 ارواحه ملک دیرلریرا ملک الوکتمندر که رسالت معنسانه در عقول
 مجرده بویه دکلدر که انلر استخدام اولنمز انک ایچون انلر ملائکه
 دنلر بلکه عقول وارواح دینلور وایلس قبل انلر بعض امورده
 استخدام اولنمغله ملک دینلوردی انک ایچون (فسجدوا لایلس) ده
 استثناء متصل صورتی اوزرینه وارد اولدی * فینفخ فیہ الروح *
 صبیغه معلوم اوزرینه در نتکیم ارسال اکاقرینه در زبر ارسال ملکدن
 مقصود نفخ روحدر پس نفخی نافحه اسناد ایتک اولادر خصوصاً که
 نفخی فائله ترتیددن دخی ظاهر اولان معلومیدر (نفخ قوت ایله ارسال
 اولنان هوادر پس منفوخ تجویف قلبدن خارج اولان هوادر که
 اکا روح الحیوة دیرلر واول هوا فیه خروجنده هر زده منقطع اولورسه
 موضع انقطاع حرف دیرلر بوراده روحله مراد روح حیوانیدر که
 مبدأ حس وحرکتدر انک محل تعینی قلبدر وپور روح نفخ الهی اولان
 روح انسانینک اثریدر که روح انسانینک محل تعینی دماغدر انک ایچون
 عقل دخی اوراده در وعلم عقلمدن تولد ایدر (الحاصل روح حیوانی
 وقوی نفس روحانیدن حاصل اولدی فتح فائله ونفس ناطقه جزیه
 نفس کلدن وجود بولدی سکون فائله پس حیات نفس رجائی وعلم
 وادراک نفس ناطقه ینه مضاف اولدی اگر بونشئه نک طبیعتنه نظر
 اولنورسه ماء مهین وحمل مسنون وصلصال وترابیدر دینلور
 واکر نفس کلدن وحقه مضاف اولان روحدن اولدیغنه باقیلورسه
 حافظ وعقل ودرک ومصور وذا کردر دینلور اشته ناطقه قوای

حسبه و معنویه و ساطتیه اکساب علوم ابتك شاندر زیر بوقوی
تحصیل مراد ایچون اسباب کبیر و بوندن اخذ اولندیکه انسان اوج
حیاتله حی در بری بودر که حیات اصلیه ایلله حی در که حسله ادراک اولمز
حیات جاد کبی و بری دخی حیات روح حیوانی ایلله حی در که اکا حس
تعلق ایدر حیات حیوانات کبی و بری دخی نفس ناطقه حی اولدیغیدر
(و بوندن فهم اولندیکه حیات انسان حیات ذاتیه دکل بلکه عارضه در
چونکه دعوی انا ایلله شهود محی دن غائب اولدی موت عارض ایلله
ابتلا بولدی کویا دینلدیکه چونکه سنك اصلك موت ایدیکه بی روح
ایك بس ینه اصلکه رد اولندك ایددی انسان بری در که حیاتی
هوادر چونکه بو هوائله هوای نفس میانده متردد اولدی لاجرم
هلاکی لازم کلدی زیرا ورطه دعویه دوشورن هوادر و نفس
حیوانیه نك شقاوتی بو هوادر و نفس ناطقه دارینده سعیده در
زیرا روح الهیه دن نفخ اولمشدر و نفس حیوانیه اکا دابه کیدر
واحساس الم و عذاب ایدن بور و حدر (و محدثین دن ابن قیم کتاب
الروحده دیمشدر که غلط اولنر ظن ایدر لر که ملك جنبه روح قدیمه
ازایه ایلله ارسال اولنوب اول روحی اکا نفخ ایدر تکیم بر کیمسه برواسطه
ایلله برخلاعت ارسال والباس اولنور بو ایسه ضلال و خطا در بلکه نفخ
جسدده حدوث روحه سبیدر غذا سبب نمو جسم اولدیغی کبی بس
ماده روح نفخ ملکدن و ماده جسم رجه صب ماء دندر انتهی بالمعنی
(حافظ مذکور بوراده غلط ایشدر زیرا ملك اول روحه و تراب بدنه اب
اولق ظن ایشدر بلکه والد روح نور حقدرنه کیم ارباب کشف ذاهب
اولمشدر و نفخ ملك ایلله روح حادث اولمز بلکه اول ماده ده مضمر
اولان روح الهی ظاهر اولور بس روح عناصر و موالیده دور ایدر
ولکن ظهوری سببه موقوفدر که نفخ ملکدر اگرچه روح کامل ایلله
روح ناقصك فرقی واردر که روح کامل قبل الجسد مخلوقدر ناقص
ایسه تسویه جسدده جنین ایکن حادث اولور زیرا اولکبسی کلی
وایکبجسی جزئیدر و کلیت اثری بودر که مزاج عنصری جزئی ایلله

تعیینندن اول دور ایلدیکی اطواره و قونی و نیجه احواله اطلاقیدر
روح جزئیده ایسه بومعنی مفقود در اگرچه ماده سی اعتباریله حیات
اصلیه ایلله حی در زیر قلم اعلی و ساطتیه تجلی اول جله یه ساریدر
(بعد ذلطفه دن اربعینات ایلله مولود جسمانی حاصل اولدیغی
کبی نفس مرشد کاملدن دخی رجم استعداده مولود روحانی حاصل
اولور که اکا طفل قلب دیرلر و نفخ روح کالاول محلك قابلیتند نصکره
وجود بولور یعنی جنین اربعینلری استکمال ایتدیکه نفخ روح
اولمادیغی کبی سالك دخی شریعت و طریعت مرتبه لرینی استکمال
ایتدیکه قلبیه روح معرفت و حقیقت نفخ اولنماز (و دیمشدر که
بدایت نبوت اولان فناء تام عننده الله تعالی عقل فعال یوزدن نفخ
ایدر که اکا ملك ملوک الارواح و روح القدس دیرلر که حقل احیاء
قلوب و افاضه حیات باقیه ده واسطه سبیدر و انك صور مختلفه سی
واردر که طالبان فیضك هر برینه بر یوزدن نفخ واقع اولور تکیم
ارباب فیضه معلومدر چونکه الله تعالیك انسانه تجلیسی جلال و جلالك
مجموعیله در لاجرم اسماء جلالیه و جلالیه ایلله متصف اولان انساندر بناء
علی هذا عالمده نقدر جالیات و جلالیات وار ایسه انلك صفات
جمله و صفات رذیله سی انسانده موجود در شوقدر واردر که انسان
کاملده جمال ظاهر و جلال باطندر انسان ناقصده ایسه عکس
اوزرینه در و انسان کامل که خلیفه حقدر مسجود جمیع کائناتدر
زیرا ابتداء نفخدن انتهاء کائنده عالم مثالده سلطان اعظم کبی بر سریر
مثالی به اجلاس اولنور و ملائکه انك مشاهده سنه ازدحام ایدر لر
مشاهده سلطانه رعیت ازدحام ایتدکاری کبی (چونکه باب ولایت
الی یوم القیام مفتوحدر لاجرم (یلقی الروح من امره علی من یشاء
موجبه هر عصرده افاضه روح جاری و سر ولایت اهلنه ساریدر
والله الفیاض * و یؤمر باربع کلمات * دخی اول ارسال اولان ملك
نه سنه کابیت ایده جکن سؤالدن نصکره درت کله کابیتله مأمور اولور
پس و یؤمر فینفخ اوزرینه معطوف اولور ولکن و اوجع مطلق ایچون

اولمغله کتابت نفخ روح عقبیده اولمق اقتضا ایتمز یرا بعض احادیثه
کتابت نفخیدن مقدمدر بلکه بوراده ملک مطلقدر که ملک مصوره
و ملک نافخه شاملدر اگرچه صورت تصویر طی و مقصود اولان نفخ
روحله استغفا اولمشدر و ارسال ملک مصورار بعین ثالثه تأخیر
اولندیغی بحسب الغالب قابلیت تخطیط اول وقتده اولمغلهدر پس
روایت مسلم اوزرینه ظهور تخطیطار بعین ثانیه ده اولمق بعض
مواده کورهدر پس تعدد روایت بویکی معنایی جمع ایلمشدر
نتکیم نیچه مواده دخی بو مقوله تعدد روایت احاطه اقسام
واشخاص و نیچه مصالح و اسرار ایچوندروامر کتابت مصور و نافخیدن
قنغی بلکه تفویض اولندیغی تعیین اولمغلهمشدر ظاهر اولان ملک
مصوره سپارش اولمشدر زیر ارحم ام بطن ثانیدر که بطن اول اولان
ام الکتابه یعنی آیهی به ناظر در تنه کیم بعدالولاده احوال خارجه لوح
محفوظه دائردر که لوح محو و اثباتدر بو معنادن اتوری السعید قدیشی
والشقی قدیسعد دندلی ام الکتاب ایسه تغیردن بریدر بوسبیدن
(السعید سعید فی بطن امه والشقی شقی فی بطن امه) دیو بطن اوله
رمز اولندی پس ام الکتاب عالم تقدیر و بطن ام عالم تصویر و تحریر
اولدی تا که تدبیر ابد تقدیر ازله موافق اوله (و بوندن فهم اولنور که
ارزاق وائثالی احکام کلیه تصویر اجساددن مقدم تقدیر اولمشدر و لکن
اظهاری عالم تصویرده واقع اولمشدر و ظهورک حدودی ظاهرک
قدمی منافی دکلدر فافهم جدا (و کلمات کلمه کجعبدر و کلمه لفظه
واحد اوزرینه اطلاق اولندیغی کی مجازا کلام و جمله اوزرینه دخی
اطلاق اولنور که اجزاسی بری برینه مرتبط اوله تنه کیم کلمه الشهاده
دیلور مع هذا کلماتر و حدیثه کلور (اصدق کلمه قالها الشاعر
الاکل شیء ما خلا الله باطل) یعنی بو حدیثه کلمه ایله مراد کلامدن
برقطعه در و کلمه دیرل شول قصیده به شاعر انی کلمات منتظمه دن
بحر واحد و قافیه واحده اوزرینه نظم ایتمشدر کلمه حویدره دیرل
حاذره الذبانی نام شاعر بلیغک قصیده سنه که کلماتنک بری برینه

شدت ارتباطدن کلمه واحده کی اولمشدر پس بوراده اربع کلمات
ایله مراد درت قضیه در کرک کلمه حقیقه اولسون و کرک زیاده اولسون
(وملائکته کتابتی نورانیدر که بشرانی قرأنت ایده لز مکر که مرسوم
ومتبیین اوله بوجهتدن اوقونیان خطه لطیفه ایدوب خط الملائکه
دیرل) و محل کتابتده اختلاف ایتمشدر بعضیلر دیمشدر که جبهه سی
یعنی آئی اوزرینه یازیلور و بعضیلر یاشی اوزرینه یازیلور دیمشدر
ولسان عامه ده بورادن اخذ اولنوب مصاحب اولان کیمسه نک
مصیبتی حقنده کیمی آلنکک و کیمی باشکک یازوسی ایتمش دیرل و بعضیلر
دیدیلر که بطن کفه یعنی ال آیه سنه یازیلور و بعضیلر دیدیلر که بر ورقه
اوزرینه کتب اولنوب بعدالطی امرا آیهی ایله کردندنه یعنی بیونته تعلیق
اولنوب وقت قضایه دکل معلق طورر نتکیم قرأند کلور (وکل انسان الزمانه
طائر فی عنقه) یعنی عملی خیرا و شرع عنقه لازم قلدق کویا آشیانه غیب
و قدرتدن اوچوب و کلوب اورایه قوندی و سر ایکن صورت اولدی
و قضاء خفی قلم ملک ایله ظهور بوادی و اقصیه سابقه و مقضیات
لاحقه کلدی و آیت مذ کوره ده دیمشدر که انسانک عملی انسانه
لازمدر لزوم قلاده و یاغل کی که اندن منفک اولماز نتکیم مثله کلور
تقلدها طوق الجماعه یعنی حمامه نک کردندنه اولان طوق حضرت
نوحک علیک السلام اثر مسیدی در حمامه بی مغرقت ایتمدیکی کی
اول کیمسه نک خصلت قبیحه سی دخی کندی مزایله ایتمز یعنی کتاب
ازایدنر که باشنه کلش و طوق و خبر کی بوغازینه کچمشدر و العیاذ بالله
تعالی * بکتاب رزقه * بآ جاره ایله اولمق اربع کلماتدن بدل اولمق
اوزره اولادر زیرامضاف محذوفدر که بکتابه اربع کلمات دیمکدر
و بعضیلر معلوم و مجهول اولمق دخی روایت ایلمشدر و لکن معلوم
اولدیغی مجهولیتدن اظهر در نتکیم ارسال ملک و مأموریتی انی
اقتضا ایدر رزق اودر که انسان انکله تغدی ایله بوخسه جمع ایدوب
اکل ایتمدیکی سنه به رزق دیمزلر و قاهوسده کلور که الرزق بالنکسر
مایتنفع به کالم رزق انتهى بعض علماء بو تفسیرک ظاهری اوزرینه

جریان ایدوب رزق ماکول و ملبوس و مستعمل اولان نسنه لره تعیم
 فاما اصح اولان اولکیدر شکیم تصویر و نفخ روح محلنده ذکر اکا
 قرینه در زیر رزق اسم قیومک سادنی در مابه القیام ایسه رزق
 ماکولدر و هر ذی روحک حالنه کوره بویله رزق واردر که انکله تغدی
 ایدوب مدت بقاسنی انکله استیفا ایدر (واهل سنت دیمشدر که رزق
 حق تعالینک حیوانه اکل ایچون سوق ایتدیکی نسنه در که حلال
 و حرامه متاولددر و معتزله دیدیلر که رزق اودر که انسان اکا مالک
 اوله حرام ایسه مملوک اولماز بلکه انی صاحبنه رد لازم کلور
 بوجهندن بعض علماء مال خیشیده زکاة یوقدر دیدیلر زیر از کانه
 تملیک لازم در مال غیر ایسه کیم به تعلیک اولماز و بیت مال دینکاری
 سلاطینه ملک اولماز زیر احق غیردر انکیچون اومقوله مالیدن اوزر لرنه
 زکاة لازم کلر (واهل سنتک تفسیری اوزر بنه حرامک رزق مسوق
 اولدیغنی آل شونی سکا کوندردم اکل ایله معاسنه دکلدر زیر الله تعالی
 کسب خیشیدن نهی ایلشدر پس نوجهله حرامی اکا مباح ایدر بلکه
 حلالک سوقی اباحت و حرامک سوقی امتحان طریقیله در بوجهندن
 عیده لازم اولان حرامی ترک در تا که مؤاخذه سندن بزی اوله و بلکه
 حلالده بله امتحان الهی واردر حتی (هو الذی خلق لکم مافی الارض
 جمیعاً) نصناده لامی امتحانه حل ایدوب لاجل امتحانکم ایله تقدیر
 ایتشدر پس اشیاده مطلقاً اصل اباحتدر دنلر بلکه اباحت اشیاء
 نافعیه کوره در زیر ایچه حلال اولان نسنه واردر که خواص رده سی
 سبیلله صاف دللر کدورتی اوجندن اندن پر هیز ایلشدر در بناء علی
 هذا حلال الاصل اولان امتحانندن خالی اولیجیق مشبه و محرمک
 جانی فکر ایله رزق بطریق الاشارة علم نافعیه دخی شاملدر زیر
 غدار رزق جسد اولدیغنی کبی علم دخی غداء روحدر بومعنا دن
 اوتوری حدیثه کلور (ایکم مثلی انی ابیت عند ربی یطعمنی ویسقینی)
 اغدیه روحانیه دن که علوم و حقائق قدر اغدیه جسمانیه دن تعبیر اولنان
 وجهله تعبیر اولمشدر پس علوم و فیض و حقائق طعام و شراب

کبیر که روح انسانی انکله متربی اولور * واجله * اجل ایکی معنایه
 اطلاق اولنور بری مدة العمر در من الاول الی الاخر که بوراده مراد بودر
 و بری منتهیهای مدت تدریعنی جزء اخیر در که انده وفات ایدر شکیم
 قرآنده کلور (فاذا جاء اجلهم) پس اجل اصلنده تأخیر در و لکن
 وقت معینه استعمال اولمشدر کرک انسان و کرک غیر ایچون تعیین
 اولنه تنکیم حدیثه کلور که (لا تضربوا اماءکم علی کسر انانکم
 فان لها آجالاً کما لکم) یعنی انسان ایچون مدت مضروب اولدیغنی کبی
 اوایی وظروف و غیر ایچون دخی واردر و اجلی قریب اولدی دیرلر
 موت و فتناسی یقلاشدی معنا سنه (وبعض کبار پیور مشلر در که اجل
 انسان ایکیدر بری اجل متناهیدر که بونشاه و دارده مقدار عمریدر
 و بری اجل روحانیدر که نشاه اخرویه به مخصوصه در و انک مدتی
 متناهیه دکلدر کرک جتنده و کرک ناردی قال الله تعالی (ثم قضی اجلا
 و اجل مسمی عنده) یعنی اهل تفسیر اجل اولی دنیاده مقدار عمره حل
 ایلدیلر کرک قلیل و کرک کثیر و اجل ثانیدن مراد اجل قیامت کبری در
 دیدیلر و باب حقائق عمر آخرته حل ایلدیلر که لا یتناهی در زیر
 روحانی اولان نسنه نک نهایی اولماز اجل اول ایسه بویله دکلدر
 بلکه جسمانی در جسمانی ایسه متناهیدر زیر دائره سی ضیقدر
 (ودیمشدر در که موت انفاس معدوده و آجال محدود در یعنی عمری
 کرچه ماه و سال ایله تقدیر ایدر لکن حقیقی انفاس در و انفاس
 زیاده و نقصان قبول ایتز بلکه سرعت و بطئله تفاوت قبول ایدر
 و صدقه و صلوه رحمت عمری زیاده قلدیغنی برکتی اعتبار یله در
 و یا خود ایکبسنک فضیلتی بیاندر شمولیه که اگر بر عمل عمری افزون
 ایتک شانتندن اولایدی صدقه و صلوه رحم اولوردی دیمکدر (سؤال
 اولنور سه که حضرت آدم علیه السلام عمرندن قرق سنه سنی حضرت
 داوده علیه السلام هبه ایتشدر و مملوک مغربدن برینک اهلی حد مونه
 ایرد کده مشایخ کبار دن بری قرنی اکا فدا و اول خاتون نیمه مدت
 دخی حیسانده اولدیغنی مصرح و بونلرک امثالی دخی مقرر و محرر در

پس عمر زیاده لك قبول ایتش اولور (جواب بودر که بونلر آجال
معلقه در بوخسه مبرمات دکدر نتکیم فلان کس اگر حج ایدرسه
عمری سکسان والا التمش اولور دنلشد ر پس معلق به بوندقه
معلق اولان سکسان دخی بونلور ز پرا ایکسی دخی مقضی دز والا
مقضی اولیان سنه وجود بولماز (ودعا بلاء نازله و غیر نازله نافعدر
دینلدوکی دخی بویله در الحاصل علم الهی ده معین اولان اجلده
تفاوت اولق محالدر و متعلق اولسه ده اولسه ده حقیقی مقطوعدر
چونکه عالم اسباب و حکمتده سن بعض امورک اسبابیه مباشرت ایله
اگر مسبک وجودنده تأثیری او اورسه الله تعالی دندر و اول سنه نك
حصولی معلقا بنددر و اگر تأثیری اولماز سنه محکماندندر و سنك
حرکتك عاقبتنه جهالتدن اولش اولور (واجل طبیعی یوزیکرمی
سنه در و لکن هر کسه کوره کلیت قبول ایتن بلکه بر ساعته دخی عمر
دیرر و جله سی قضا و قدره دائر در پس) ان الله ما اعطى وله ما اخذ
موجبجه و یرن والان حقدر و هر شیک انك عندنده اجل مسما سی
یعنی معینی واردر انکیچون حقه اعتراض ایتك کفر در ز پرا مقتضای
حکمتدن خروجدر و قضا و قدره جهلدر و او مقوله اسرار بوراده
قله کلمز ز پرا شارع انی انشادن نهی ایتشدر شول جهلندن که عقول
عامیه صغیر همان قدرک حل و مرنه منقاد اولق کرکدر * و عمل *
اجل قلبل و کثیره شامل اولدیغی کی عمل دخی خیر و شره شاملدر
و خیر مرغوب فیه و شر منفور مندر کرک شرعا و کرک عقلا ز پرا عقلاء
حقیقیه نك استحسنان و استقباح ایتد کلمی شارعك استحسنان و استقباحی
کیدر پس هر کسك استطاعه و استنباطنه عمل یوقدر بلکه عقل
قدسی و قلب سلیمی اولانك حکمتنه اعتبار واردر و عقل قدسی اودر که
و هم و خیال شویندن پاک در و قلب سلیم تعلقات فانیه و افکار فاسده دن
مصوندر و بویله عقل و قلبك اربابنه اووالالاباب دیرر و بومقوله
عقلانك شاننده حدیثه کلور (اکثر اهل الجنة البله و العقلاء فی علیین)
یعنی ابله او غوز دید کلمری در سلیم الصدر معنا سنه و لکن

سلیم الصدر و بی کینه اولان عقل اول و عارف بالله اولماز
فاعرف (امام راغب دیمشدر که عمل قصده مقارن اولان
فعلدر که حیوانده اولماز و صنع عملدن اخصدر ز پرا اجاده فعلدر
انکیچون حقه صانعدر و مطلق فاعلدر دینلور عاملدر دنلر ز پرا
عمل معالجه اعضائله در که حق اندن بریدر و اجر فی الحقیقه عملکدر
عاملك دکدر و لکن عامله اضافت اولنور قال الله تعالی (ونعم اجر
العاملین) زیرا تأثیر جانب عاملدن کلور و خالص عمل اودر که رضاء
الله تعالی اوله و اخلاص اودر که عمل بالله اوله بالنفس اولیه (بعض
تفاسیر معتبره ده کلور عمل افعال قلوب و جوارحه عامدر ایمان و طاعات
و کفر و معاصی کی انتهى و لکن بونده شبهه واردر ز پرا عملیات
مقوله سی نیته محتاجدر ایمان و توحید و کفر و شرک ایسه اعتقادات
مقوله سننددر پس نوجهله افعال قلوب اعمالدن اولور (و بردخی
بودر که اگر افعال قلوب اعمالدن اولسه ملائکه اکا مطلع اولق
لازم کلوردی ملائکه ایسه اصح اقوال اوزره اعمال ظاهره به مطلع املدر
احوال باطنه ایسه علام الغیوبه مفوضدر انکیچون اکامل ناس
دیمشدر که سدر اعمال و احوال چوقدر که هر برینك بشقه سدره
المتنهاسی واردر که هر برینه ملك واقف دکدر ز پرا انك بدیله
مرفوع دکل بلکه عالم غیبده مستوردر و الله العلیم الخیر * و شقی
اوسعید * ظاهر اولان و شقاوته و سعادتیه دیمک ایدی تا که ماقبلنه
موافق اوله و لکن ظاهر دن عدولی ملک صورت کاتبی حکایه ن
اوتوریدر ز پرا ملك هو شقی و یا خود هو سعید دیو کاتب ایلر و یا مفرد
تقدیرنده در که وانه شقی اوسعید دیمکدر ز پرا تفصیل آتی بوصفت
ایچون مسبوقدر و بونده شقاوت و سعادتله تسجیل و حکم واردر تا که
شقی دنلدیجی شقاوتندن و سعید اطلاق اولندیجی سعادتندن اوتوری
اولدیجی معلوم اوله و برینی تحقیر و برینی تشریف حصوله کله (و شقی
تقدیم اولندی ز پرا اکثر ناس شقیدر حتی قیامتده بعث نارافرا و اولنوب
یکده طقوز یوز طقسان طقوزی ناره طرح اولسه کرکدر بومعادن

فرانده (فیکم کافر ومنکم مؤمن) دیو کافر تقدیم اولندی و بردخی بومحل
مقام تحذیر و انذار در وسعید شقینک ضدیدر یعنی سعید اودر که
کلمات عملیه و عملیه اوزرینه توفیق باری مساعده ایشدر که بومقوله
اهل توفیق من وجبت له الجنة مقوله سیدر و انک علامتی مجالسة العلماء
و حب الصلحاء و تلاوة القرآن و سهر الیل و رقة القلب در (وشقی
اهل خذلاند که من وجبت له النار قییلنددر و انک نشانی جودالعين
و قساوة القلب و حب الدنيا و طول الاملدردر) و بعض کبراء دین
بیوردیلر که سعید دندلی مساعده و موافقتدن اوتوریکه سعیده
مرادالله اوزرینه اولمق سهدر کرک کندی حقنه و کرک خلق
حقنه و عالمده حادث اولان اموردن هیچ برسنه انک اوزرینه شاق
اولماز زیرا ارادتدن فانی و ارادت حقنه تابعدر و شقی دندلی زیرا
بومقوله معنی اکا مشقتلودر انکیچون مخالفت و مقام اعتراضده در که
الله تعالینک فعالنی تعالیدن و بواش نیچون بویله اولدی و اگر
بویله اولمایوب شویله اولایدی دخی احسن و البق اولوردی دیمکدن
خالی دکدر اشته بویله منازعه ربوبیت و مشاققه حق و رسول
ایتدیکنندن اوتوری شقی و اهل شقاق دندلی (بعد ذاملکک شقاوت
و سعادت اذن حقله کابتندن ظاهر اولدیکه بوندن مقدم بومعنی
اکا ظاهر دکل ایدی بلکه حق تعالی انی عالم غیبدن اظهارله ظاهر
اولدی و خیر و شر قضاء ازلی و حق تعالی فعال لمایرد اولدیغی
وجوده کلامی و ثوبه طائفه سنک ایکی اله اثبات ایدوب بری حکمیدر که
فاعل الخیردر و اکا بزداں دبرلر و بری سفیه در که فاعل الشر در و اکا
اهر من دیرلر دیکلری باطل اولدی پس حق تعالی خلقی خلق ایلایوب
ایکی قسم قیلدیکه بری سعید و بری شقیدر بوجهتدن داری دخی
ایکی قیلدیکه بری مفر سعیدادر که جنددر و بری مفر شقیدر که جهنددر
ولیکن شقی اولانی شقی خلق ایدوب دوزخه طرح ایتدیکننده ظلم
ایتمدی زیرا هر کس اسان استعدادله حقدن نه سوال ایتدیسنه حق
جوديله اعطایتمدی و مقتضای قابلیتی اوزرینه حکم ایلایوب کین

جنته و کین ناره صالیدی و فی نفس الامر قابلیت محکم تکلیف اولمغله
احکامله امر ایلدی و یوم قیامتده جمیع اهل ناره احوال اعیان ثابته
منکشف اولوب محجوج و مانع اولمغله ناره ادخال اولمغله کرکدر
ناکه حقت هر ایشده عادل اولدیغی جمله یه ظاهر اوله (و دیمشدر در که
انسان دورت قسم اوزرینه در یعنی امر ذاتی و عارض اعتباریله (پس
بر قسمی سعید بالنفس و الر و حدر که اولا و آخر اظهارا و باطنی لباس
سعادتده در انبیا و اهل طاعت کبی (و بر قسمی بونلرک خلافتده در که شقی
بالنفس اولوب لباس شقاوتده در کفار و اهل اصرار علی الکبائر کبی
(و بر قسمی دخی شقی بالنفس در که لباس سعادتده در باهم و بر صیصا
و ابلبس و امثالی کبی که بونلرک ما آده لباس سعادتلری لباس شقاوتده
مبدل اولمشدر (و بر قسمی دخی سعید بالنفس در که لباس شقاوتده در
بلال و صهییب و سلمان و نظائر کبی که بونلرک عاقبتده لباس شقاوتلری
لباس سعادتده مبدل اولمشدر بوجهتدن سعادت ذاتیه اولانه شقاوت
عارضه ضرر و برمدی و کذلک شقاوتی اصلیه اولانه دخی
سعادت فرعیه نافع اولدی قال الله تعالی (و کان من الکافرین)
یعنی ابلبس طقوز بیک و یا اوتوز بیک سال عابد حق اولوب سعادت
عارضه دندکره آخر شقاوت ذاتیه سنه رجوع ایتدی زیرا علم
آهیدده کافرلردن و شقیلردن ایدی علم ایسه متغیر اولماز بومعنی
اچون بطن ام ده اولان کابیت متأخره علم الله ده اولان کابیت
متقدمه یه ناظر در که تبدل قبول اتمز و بونلرک ده محو و ثبات بوقدر
و بعد الولاده اولار احوال خارجه لوح محفوظه دائر در که
محو و اثبات قبول ایدر انکیچون شقاوت عارضه ایله شقینک
شقاوتی رسمی محو و انوب بطن ام ده کابیت اولناب سعادت اصلیه سنه
رجوع ایدر و تفر مرزوق النهایه و اریسه بوبایدندر و کذلک سعادت
عارضه ایله سعیدک رسم سعادت دخی ازاله اولنوب بطن ام ده مرسوم
ولان شقاوت ذاتیه سنه محمول اولور وجهه محروم النهایه اولنلر
بوقیلنددر (پس) بواجمالدن نیجه امور کلیه معلوم اولدی اولا

(وما خلقت الجن والانس الا ليعبدون) موجبچه كچه مصلحت
وحكمت خلق عباد تدرفا ما عبادتك بالفعل وقوعی امر ارادی
و تكلیفی نك مجموع اوزرینه مترتبه و عدم وقوعی بالكر امر تكلیفی به
ناظر در بوجهتدن مراد الهی ارا دتن تخلف ایتك لازم كلز زبرا
ارادت بوقدر وانسان كالك وجودی ليعبدون اولان لامی تصحیحده
كافیدر زبرا واحد علی الحق سواد اعظمدر (وثانیاً تكلیف الهی
استعداد اصلی و مقتضای عین ثابته به ناظر اولغله عبث لازم كلدی
یعنی هر استعداد قوتدن فعله خارج اولق لازم كلز وعین ثابته دخی
حكیم تكلیفی قابلدر فاما حكیم قبولی قابل دكدر پس بومقوله محمله
قبول تكلیفدن تخلف ایدرفافهم (وثالثاً) خلقك ادیانده اختلا فی
هادی ومضل اسمالینه راجعدر تاكه هر كسك جوهرنده استیداع
اولنان امر غیبی شهادته كلاء وعذر موقوف اوله قال الله تعالى (فقد جاءكم
بشیر ونذیر) و رابعاً الواح دورتدر كه بری لوح شهادتدر كه اثار و افعال
انده مثبتدر (وبری لوح محفوظدر كه امور سعادت و شقاوت عارضه
انده مكتوبدر انكچون دیوان سعادت دیوان اشقیایه و بالعكس
نقل اولنور و لبله براءت اكناظر در (وبری لوح بطندر كه انده صورت
سعادت و شقاوت ذاتیه ثبت اولنور و خارجده اككوره اهل سعادتك
دفتر عملی نورانی و اهل شقاوتك دیوان كاری ظلمانی یازیلور) و بری دخی
لوح ام الكتاب یعنی لوح علم الهیدر كه انده حقیقت سعادت و شقاوت
ذاتیه املاء اولنور پس لوح بطن ده اولان صورت دفتر حقیقت
دفتر دن اندساخ اولنشددر كه حذو النعل بالنعل اكما مقابل و موافقدر
فسخه انفس و آفاق كی چونكه بومقامك اسرارنی بوجهاله بله سن
وحقیقه الامر و واقف اوله سن بوحدیث جامعده الى الآخر سكامشكل
قالماز و وهم و خیال و ظن و شبهه پای ادر اككه بند اولماز و بعد العلم
پسته بی بسته دهن اولور سن و صدف و اراغز بیکی بوموب جوهرك
بطنكده حفظ ایلور سن زرا زمانه ده نادانه كشف راز ایتك كردن خنزیره
تعلیق جواهر کیدر لاسما بومقامده اسرار مكرم و ادر در كه لسان

وقله كلز زبرا قضا و قدر دن بحث اولنماز (وكلوا الناس علی قدر
عقولهم) حدندن بیرون اولان جای خلاص بولماز * فوالذی لا اله غیره *
شقاوت عارضه نك مائی سعادت اصلیه و سعادت عارضه نك غایبی
شقاوت ذاتیه اولوب السعید قدیشقی و الشقی قدیسعد مضموتی بیانه
شروعدر تقدیر كلام (فوالله الذی لامعبود بالحق غیره) دیمكدر كه فاه
معنای شرطی افصاح ایدرای اذا كان كل من الشقاوة والسعادة مكتوبة
بالقلم الالهی فی لوح الازل و بالقلم الملکی فی لوح الابد بحیث لا یتغیر
المكتوب بحال من الاحوال لانه راجع الى قابلیات الاعیان فی ازل الازل
فوالله الخ و قسمدن مراد كلام آتی بی تا کیدر كه هر كسك قضا
سریدر و یوندن فهم اولنور كه فی الحقیقه كسبك مدخلی بوقدر
اكر چه امارت سعادت و شقاوتدر نكیم (اعملوا فكل ميسر لما خلق له)
اكادالدر یعنی انسان ما خلق الهی اولان عمله مهیاد اكر یوریشی
صلاح یوریشی ایسه غالباً حسن خاتمه علائقدر و اكر حرکتی فساد
دائره غالباً سوء خاتمه نشانددر (وبالآخرة انما العبرة بالخواتیم و فقیحه
كتاب ازلك حكیمی اولان عمل اوزرینه مخنوم اولور و بوراسی محل
حیرت اولغله افلا نككل الى كتابنا و سؤال ایتدكدر نده انلری طریق غالبه
ارشاد ایلدی زیرا امر مجهولده ادب بودر كه مقتضای تكلیف اوزرینه
تمشی ایلیه و فی المثل اوتیه سن صور میه زبرا اوتیه سی (فن وجد خیرا
فلیحمد الله و من وجد خلافه فلا یلومن الانفسه) سرنه دأردر و بومعنای
ها ملدن او توری دأب نبوی بحسب الغالب رب محمد قسمه ایكن
عدول ایلدی زیرا مقام جلالدر مقام جمال دكل و مقصود تعمیمدر
زیرا اكر مخاطب و اكر حكیمده انلره ملحق اولنلر احد الامرین ده
داخللردر كه كلچكدر پس قسمك مائی فور بكم دیمك اولدی زیرا
جمله ناسه رب العالمین دن غیری معبود بالحق بوقدر فاعرف * ان احدكم
لیعمل بعمل اهل الجنة * لیعمل به لام ابتدیه در كه تا کیدر انچون داخل
اولنشدر نكیم قرأنده كطور (وان ربك لیحكم بینهم) عمل ایله مراد عمل
مشروعدر زیرا اهل جنة مضاف اولدی اهل الجنة خاصة الجنة

دیکدر که الله تعالی انلری جنت ایچون خلق ایتشددر اهل الله کبی که
الله تعالی انلری کندی ذاتیچون اصطفای ایلشددر (و اهل القرآن
دخی اهل الله در بس اهل جنت ایله اهل قرآنک فرقی بودر که اهل جنت
فعل حق و اهل قرآن صفت حق خدمت ایدر و صفت ذاته فعلدن
قرب در) و اگر اسم مسمانک عینی در دیدکاری کبی صفت دخی
موصوفک عینی در دینلور سه اهل قرآن اهل الله اولور و عرفادن
انا القرآن دبه نك مرادی جامع الحقایق اولدوغن افاده در والا ممکن
واجبه و مخلوق غیر مخلوقه منقلب اولماز * حتی مایکون بینه و بینها
لا ذراع * حتی ابتدا بیله در یعنی مابعدی کلام مستأ نفدر که
من حیث الاعراب مابعدنك ماقبلنه تعلقی یوقدر یوخسه ابتدا دن
مراد مابعدنك مبتدا اولسی دکلدر زیرا ابتدائک اطرا دی یوقدر بلکه
مابعدی جمله شرطیه دخی واقع اولور (حتی اذا جاء امرنا وفارالتور)
کبی و حروف ابتدا اولدیغی مابعدینك ماقبلنه غایت اولماسن منافی
دکلدر پس مانافیه و یکون مرفوعدر و بعد الجملة عمله غایتدر (یعنی
سزدن بریکز اهل جنتک عملی الله عمل ایلر و انلره لایق و مناسب اولان
وجهله ایش طوتار اول غایته دك که انك ایله جنت اراسنده اولماز الا
بر ذراع مسافه اولور و جنته دخوله قرب تام بو اور پس ذراعله
تقدیر غایت قربی تصویردر تکیم حدیث قدسیده کلور (من تقرب
لی شبرا تقربت الیه ذراعا) مقصود قرب معنوی بی تمثیلدر
اوراده ایسه ذراع اولماز شول معنادنکه ذراع ذال معجه ایله کتاب وزنی
اوزرینه ارشون دیکدر مابذرع به معناسنه دمردن اولسون
غاجدن اولسون بو ایسه حسابنده اولور که مذروع و مسحدن
ذراع تعبیر اولنور ذراع من الثوب والارض کبی (بوراده مراد قرب
حکمی در زیرا قرب حقیقی آخرتده اولور مع هـ ذال عمل ایله قرب
جزائله قرب کبیدر که ایکبسی بر در تکیم قرآنده کلور (من یعمل مثقال
ذرة خیر ایره) یعنی بر جزاء دندلی و بودارده مقام قلبه قرب همان
جنتده قربدر زیرا قلب جنت عاجله در * فیسبق علیه الکتاب *

سبق اصلنده سیرده تقد مدر بوراده غلبه معناسی تضمین و لغتله
علی کله سی ایله تعدیله اولندی کلبده لام عهد ایچوندر که مکتوب
ملکدر مکتوب ملک ایسه مکتوب ارلی ایله مسبقدر سابق ذاتی ایسه
امر لاحق عارضی ایله متغیر اولماز بوسبیدن عوام ناس لاحقیدن
خوف ایدر که سوء خاتمه در و خواص ناس سابقه نظر ایدر که کتابت
ازلیه در و لیکن اولی اولان حکم حالله مقید اولوب ابن الوقت اولمقدرد
تکیم بالاده ذکر اولنان اعمالوا فکل الخ حدیثی اکادالدر (معنی بودر که
پس دفتر ملکده یازیلان قضاء سابق مقطوع اول اهل جنت
عملی ایله عامل اوزرینه غالب اولوب (و اعمالوا ان الله یحول بین المرء و قلبه)
موجبجه سالك اولدیغی طریق اوکنه سد اولوب صاغدن صوله
دوندرد دست قضاده مغلوب اولور قال الله تعالی (و اذا اراد الله
بقوم سوء فلا مرد له) یعنی مراد حق ارادتدن تخلف ایتمز والا مغلوب
وزبون اولمق لازم کلور بو ایسه مقتضای الوهیت و ربوبیت دکلدر
زیرا مالوه و مربوب الیه ورب النده ربوندر یوخسه خلاقی دکل
قال الله تعالی (ید الله فوق ایدیهم) یعنی ید کلیه الهیه ایدی حزیه
کونیه نك فوقنده در دست پدر دستهای فرزندان فوقنده اولدیغی کبی
وقال الله تعالی (و هو القاهر فوق عباده) یعنی حق قاهر و مالک و عبید
مقهور و عملر کدر * فیعمل بعمل اهل النار فیدخلها * فیدخلها
رفع لامله در و فالر سببیه در یعنی سبق کتاب سببیه اهل نارک یعنی
جهنم ایچون خلق اولنان طائفه عملی ایله عمل ایدوب بو عمل سببیه ناره
داخل اولور و جنته قریب اولدیغی مفید اولماز زیرا دست قضائله
مردود اولور تکیم بر سفینه ساحله قریب اولوب سلامت بوله جغی
وقتده مقابلله سنده ریح عاصفه هبوب ایتکله کری دریاه دوندرب
موج هائل ایله مبتلی ایدر و اول حالله غرق اولمجه کیدر الحاصل
دنیهاده حکما و آخرتده حقیقه داخل نار کبری اولور ابلیس و امشالی
حالی کبی (بعد ذال بوراده لف و نشر مرتب واردر که اجمال و تفصیلده
قرآنده نظیری (فنههم شقی و سعید) آیتدر که شقی اجمالده تقدیم

اولدیغی کی تفصیلده دخی تقدیم اولوب (فاما لذن شقوا فی النار) و سعید تاخیر اولوب (واما الذین سعدوا فی الجنة) دندلی و آداب قرآنیه دندر که شقاوت اشقیایه نسبت اولندی و سعادتده سعدوا دندلی اسعدوا معنایه که سعادت انلرایچون تقدیر اولندی دیمکدر و مقدر کیمر دالله تعالیدر فاعلم ذلك (و بونده طریقتده مرتد اولنلرک حاللریشه دخی اشارت وارد و دیمشلدرد مرتد الطریقه اعظم ذنباً من مرتد الشریعه زیرا کفار طریقت کفار حقایق و کفار شریعت کفار احکامدر و کفار حقایق منافق منزله سنده در که ظاهری ایمان و باطنی کفر در منافق ایسه نارك درك اسفلنده در پس اگر انک ذنبی سائر لک ذنبندن اعظم اولسه درك اسفلنده معذب اولمازدی درك اسفلک ایسه حرارتی سائر طبقاتک حرارتدن اشددر و بوراده درك اسفل درکه طبعیقدر که زیاده ظلماتی و جوع و عطش حرارتی اکا مخصوصدر پس طریقت مردودی بودر که به مردود اولوب جهنم طبعیعتده یانوب قالور و برد سلام روح عالی بولماز * وان احدکم لیعمل بعمل اهل النار * ان کسراه در اولکی کی زیر اقسام در نص کره مکسوردر بوراده عمل بطریق التغلیب اعتقاده دخی شاملدر که کفر در شق اولده اولان عمل ایمانه شامل اولدیغی کی وایکی محله بله احد ایله تعبیری بعضیتنه دلالت ایدر پس خلقک بر قسمی مرزوق البدایه و النهایه در و بر قسمی بونک خلافیدر که محروم البدایه و النهایه در و بوا یکی قسمک سعادت و شقاوتی ذاتیه در و بر قسمی دخی مرزوق البدایه و محروم النهایه در و بر قسمی دخی بونک خلافیدر که محروم البدایه و مرزوق النهایه در و بوا یکی قسمک سعادت و شقاوتی عارضه در و حمله عرش اولان ملائکه نك اليوم دروت عدد اولدیغی ذکر اولنان اقسام اربعه اعتباریه در و بوم قیامتده سکر اولدیغی هر برینک صورت و معنایه کوره در و اول سکرک بری صورت اسرافیل و بری صورت جبرائیل و بری صورت میکائیل و بری صورت عزرائیل و بری صورت آدم و بری صورت محمد و بری

صورت ابراهیم و بری صورت اسمعیلدر علیهم السلام که صورت آدمیه اسرافیل و محمدیه جبرائیل و ابراهیمیه میکائیل و اسمعیلیه عزرائیل مضاف و منضمدر * حتی ما یكون بینہ و بینہا الا ذراع * بونده اشارت وارد که کل آت قریب اعتباریه عمر انسان بر ساعت و بلکه بر لحظه کی در که غایتی موت و موت برزخ و برزخ حشره متصلدر تکیم حدیثده کلور (من مات فقد قامت قیامتہ) یعنی یوم موتله یوم قیامت همان برکون کیمدر زیر اجزاسی بری برینیه متصل و سریع الانقضادر و جنت مؤمنلره قریب اولدیغی کی جهنم دخی کافرلره قریب اولسه کر کدر پس جنت و نار کو یا هر کسک حالامرای و مشهندنه در فاعرف * فبسبق علیه الکتاب * و مانحن بمسبوقین سرینه اشارتدر یعنی الله تعالی وقضاء از لیبی سابقدر که هیچ بر فرد نك فی المثل اوکن المغه قادر در بوجهندن غیر یلمسبوق و اوسابقدر که هیچ بر نسنه اندن فوت اولماز و او جمله نك اوکن آاور بوراده بوا یکی عالمک اوکن آلوب مرادی ایله کندی اراسنده حائل اولدوغی کی (سؤال اولور سه که چونکه حقیقه حال بودر پس نیچون شقی بی اول امردن شقی قلمدی بلکه بر قاج کون سعادت عارضه ایله سعید قلمدی و کذلک سعیدی اول امردن سعید قلمدی بلکه نیچه شقی شقاوت عارضه ایله مبتلی ایلدی (جواب بودر که اسماء متقابله نك حکمی اختلاف احوالدر پس اگر اختلاف اولماسیدی اسماء جالبه و جلابه نك آتاری ظهوره کلمدی بوجهندن قرآنده کلور (کل یوم هوفی شأن) یعنی هر آن غیر منقسمه حق تعالی شئون مختلفه دن بر شانده و بلکه یکرمی دورت ساعتده هر کسه کوره یوز یکرمی دورت بیک شانی واردر تکیم مؤمن و کافرک بهر یوم یتشریک خاطر سی واردر که کندی نك اکا وقوفی یوقدره کر که اکامل ناسدن اوله چونکه بر کارک ظهوری کار آخرک بطونته موقوفدر لاجرم الله تعالی هر لحظه ده ایجاد و اعدام دن خالی دکدر زیر هر نسنه نك کالی غایتیه وصولده در و او تقیباتدن او توری حدیثده کلور (قلب المؤمن بین اصمین

من اصابع الرحمن) یعنی قلب مؤمن قبض جلال و بسط جلال
 از اسنده در سه صورتدن صورتی تحوله در نیکم شعده کلور
 (کل يوم يتلون غير ذاك اجل) یعنی شاعر محبوبی رد و قبول و تقریب
 و ابعادده تلوه نسبت ایدرجاله مناسب اولان ایسه دائماً قبول و تقریب
 معامله درولکن محلك قابلیتی اولیحق لاجل التریه تلونات مختلفه
 ظهور ایدر حدیده کلور (اللهم یاقلب القلوب ثبت قلبی علی دینک
 و طاعتک) یعنی قلبی توحید و طاعتک اوزرینه تثبیت ایله و حسن حالدن
 سوء حاله تقلب اینه و قرآنده کلور (ربنا لا ترغ قلوبنا بعد اذ هدينا)
 یعنی هدایتد نصکره از اغده امور ممکنه دن اولمغله عدم از اغده ایله
 دعایه تحریرض اولندی اگر معلقا تندن ایسه و دیمشردر که دعایه توفیق
 اجابتدن او نوریدر پس غافل ایله متیقظ بر دکلدر الحاصل کر چه
 قضایه کوره ایش قالمشدر بلکه کان ما کان وجف العلم موجبجه
 امر قدر مختومدر و لیکن افضیه مختلفه و اوقات مقدره حسبیه و اللیلة
 حبلی رمزیه عالم غیبیدن عالم شهادت شئون الهیه ظهور ایتکده در که
 بو ظهوراتله بدایت و نهایت بر اولسه کر کدر فافهم جدا (و حدیثده
 کلور که اگر سرنگاه ایتسکوز الله تعالی سزای رفع ایدوب بر یکوزه مذنب
 و مستغفر کتور ردی تا که اسماسندن هر بری غدا سن اخذ اید
 و حکمن و بره و مضمونی صورت بوله پس اگر سعید اولسه رحمان
 و امثالی اسماء و اگر شقی اولسه قهار و نظائری اسماء بطونده قالوردی
 و کذلک اگر شقی سعید اولسه غفار و اضرابی یور کوستر مندی و اگر
 سعید شقی اولسه یاقلب و یا محول دنلزدی و بوندن فهم اولمغله
 دنیاده من کل الوجوه معصوم یوقدر انکیچون (عفا الله عنک) و دخی
 (لیغفره لك الله ما تقدم من ذنبك وما تأخر) دنلدی فاحفظ
 حفظك الله من الاضرار و ذنبك علی ما خفی من الاوزار (و دیمشردر که
 کر چه انبایه ذنب اسناد اولندی ولیکن انلک ذنوبی ذنوب افراد امت
 کبی دکلدر بلکه زلات و ترک اولی مقوله سنبدندر پس اندن بحث
 ایتک ممنوعدر نیکم (انه لغان علی قلبی) حدیثده غین قلب نبوی

ندر بلمش در زیر انک قلبندن اجلی و اصفی یوقدر شول معنادن که
 تجلی ذاته مظهر در پس ساژرده اولان غین و پرده و هیئت ظلمانیه
 انده مقصور دکلدر * فیعمل بعمل اهل الجنة فیدخلها * یعنی پس
 اهل جنتک عملی ایله عامل اولوب داخل جنت اولور مقصود ایمان
 و عمل صالحک حصو ایدر بورا ده عملی دخوله سبب قلدی نیکم
 قرآنده کلور (جزاء بما کانوا یعملون) یعنی فاوبانک هر بری سببیه
 دلالت ایدر و لیکن سبب موجب دکلدر بلکه دخول جنت فضل الهی
 و اقتسام درجات اعمال صالحیه و خلود نبت دائمیه منوط در نیکم
 دخول نار عدل الهی و اقتسام درجات اعمال طالحیه و خلود قصد
 مستمره مربوط در بس فضل و عدلدن مفهوم اولدیکه افعال
 الهیه تعلیلدن خارجدر انکیچون دیمشردر که (قبل من قبل لا اله الا
 ورد من رد لا اله الا) و حدیث مذکور ختمی دخول جنت اولمغله
 رحمت واسعة الهیه اولمغله دالدر (فضلن خیرا ولا تسال عن الخیر)

* الحدیث الخامس *

* من احدث * احداث بر امر حدیث و جدید کتور مکدر فاما بر نسنه نیک
 حدیث و تأخر ظهوری قدمی مثانی دکلدر انکیچون قرآنده ذکر
 محدث ایله وصف اولندی که مقصود خلقه کوره خبرنک حدیثدر
 بوا یسه قدم و غیر مخلوقینی قدح ایتز و بومعنادن غرض و طری ایله
 تعبیر اولمشدر نیکم و ادر اولمشدر که بر کیمسه قرآنی غضا طریا
 استماع ایتک دلسه ابن مسعود رضی الله عنه قرآنی دکلسون
 یعنی نزولی مقدم ایسه ده بعض افوا هندن تلاوت با و انبد قدده
 تر تازه نزول ایتش کبی جلاوت ابراث ایدر (و مخاطبات عامه ده
 سکا بر تازه خبر وارد در دیرلر مع هذا اخبار اتدیر کی نسنه
 او تیز کون اول شامده و یا غیری بلده ده واقع اولمشدر
 ولیکن وصولی قریب العهد اولمغله خبر جدید دنلدی (و دیمشردر که
 بعض احکام وارد در که ظهوری نزول عیسایه علیه السلام تأخر
 ایتمشدر و لیکن شرع قدیم یویدر پس شرع جدید عیسوی اولمغله

لازم کما زیرا عیسی استقلاله نزول ایتز بلکه شرع نبویه متابعه
 نزول ایدر واکا فی الجملة الهام ملک اولی استقلالی اقتضا ایلز بلکه
 وقتیه مرهون اولان امور شرعیة خفیه بی اظهار و تعلیم و تلقین
 ایلر و سائر اکامل امتک دخی الهامیه حالی اکا قیاس اولنه بوجهتدن
 بعض اعمال فاضله وارد که اولیاء امت کشف صحیح ایلله انک صحتیه
 واقف اولمشار و شرع محمدیده انی حقیقت بیلشار و دورست بولشار
 وانکله عمل ایلشار و سائر دخی غله ترغیب و تحریض قیلشار لر در
 پس اول اعمال ظاهرا انلرک سنت حسنه لرندندر که اظهاری انلره
 مضافدر و لکن فی الحقیقه امور شرعیة قدیمدندر و الا خطا اوزر بنه
 مقرر اولیق لازم کلور مع هذا خلف سلفی اول معنی اوزرینه تقریر
 و کشفنی تصویب و تصحیح ایلشدر و حالا خلافت مرتبه سنه بالغ
 اولنلردن من جهة الکشف بعض احوال صادر اولور که اجتهداد
 قسمندن و عندی ظن اولنور بالذات حقندن اخذ قادر اولان
 کچمسه دن ایسه امور ظنییه و خیالییه صادر اولماز (و بعض اخبارده
 توفیق ایتدکاری من حیث الکشف عدم ثبوتیه بناء در زیر طریق
 اسناد نقدر عدل عن العدل اولسه ینه مبداء سهو و نسبان اولان
 و همدن معصوم دکلدر خصوصاً کاهیه نقل علی المعنی ایدر که
 مبداء تأویلات و تحریف اندر پس بر کچمسه نک که معلی الله تعالی اوله
 ورد علی من الحق کذا دیکه قدرت بوله سمعت بعض الفقهاء
 یقول کذا دین ایلله برابر اولماز (و بونک فوقنده دخی کلام وارد و لکن
 مستور در سکا بومرتبه سی کشف اولندیغنه شا کر لر دن اول زیرا
 فضائل اعمالده ارباب احواله اقتداء و کلاملرن استماع لازمدر
 تنکیم دیمش لر در که کلام الملوك ملوک الکلام * فی امرنا هذا * یعنی
 مشغول اولوب شانسه اهتمام ایتدیکم دینزده پس هذا دن تعظیم
 اخذ اولنور زیرا دین وضع الهی در یوخسه وضع مخلوق دکلدر
 و انک حقنده کلور (هذا دین ارتضیه لنفسی) و قرآن پیورر (البوم
 اکلت لکم دینکم) یعنی احکام الهیه کالان بولوب من بعد زیاده

ونقصان

ونقصان قبول ایتدیکم اشارتدر زیرا حکم الهی اوزرینه حکم اولماز
 انکیچون جمله اوراد شرعدن مستنبطدر یوخسه اراننده عندیات
 یوقدر که دیوان خالقه مخلوقه سوز دوشمز انکیچون پیورر
 * مالک منته * یعنی شول سنه بی احداث و ابتداع ایلسه که دینده
 اولان وضع الهی قیلندن دکلدر حکم الهی به عدم موافقت
 و سنت متواتره به مصادمه کبی که بومقوله بدعتیه بدعت سبیه و امر
 جاهلی دیرلر زیرا شرع انکله مستأنس اولدیغی سنه دور
 جاهلییه دندر * فهورد * پس اول احداث ایتدیکم سنه زیاده
 مردود و باطلدر که سائرله قیاس اولماز تنکیم صیغه مبالغه اکا
 دالدر زیرا رد مصدر بمعنی المفعولدر خلق بمعنی المخلوق و نسخ
 بمعنی المنسوخ اولدیغی کبی و بوندن فهم اولندیکه دیندن اولان
 سنه بی احداث ایتک لا بأس در که او مقوله محدث مقبول و حقددر زیرا
 کتاب و سنت واجماع مخالفتی یوقدر بلکه امور شرعیة مستحسنه دندر
 (الحاصل فرائض و نکره سنن و بعد السنن سنن خلفاء وارد که
 علیکم بسنتی و سنت الخلفاء الراشدين من بعدی) اکا اشارتدر کرک
 خلافتلری بعدیت متصله و کرک بعدیت منفصله ایلله ثابت اولسون
 زیرا بونلر ایچون علم و عمل و مشاهده بوزندن خصوص مرتبه وارد که
 انکله سر افراز اولمشار و سائرلر اوزرینه تفوق بولشار لر در (وسنن
 خلفاء و نکره مستحسنات صلحاء مؤمنین وارد که بودخی مقامنده
 معمول به در تنکیم بومرتبه به اشارت ایدوب کلور (ماراه المؤمنون
 حسنا فهو عند الله حسن) زیرا قرق عدد مؤمن عام بروی عرفی
 حکمنده در فکیف که جم غفیر اوله و استحسان ایتدکاری سنه دهور
 متطاوله ده مقرر اولوب قاله و بومقوله نک حقنده (من سن سنة حسنة
 فله اجرها و اجر من عمل بها الى يوم القيام) وارد اولمشدر یعنی بدعت
 حسنه دن سنت ایلله تعبیر اولنق شرع عظیمه دالدر پس هر بدعت
 ضلالت اولدی بلکه شرعه مخالف و خلفک دین و دنیاسنه ضرر او
 اولان سنه ضلالت اولدی (وجهه کچمه سنی عبادته مخصوص

ایتمکز دینش حدیث بدن نووی دید کلمی محدث صلاة رغائبك سبته
اولمسانه ذاهب اولوب قاتل الله واضعها دیدیکی باطل وجهل
محضدر زیر اول حدیث بدن مراد یهود ونصارایه تشبیهن نهیدر که
یهود عبادتی سبته ونصاری یوم احدی تخصیص ایدوب سائر اوقاتده
هوالرند کز لر اهل ایمان ایسه جمیع اوقاتی محافظه ایدوب خصوص
اوزره اول کیجه ده شرف عظیمه بناء مزید مطاعت قیلور لر ونوافل
صلواتله احیا ایدر لر زیر احیاده اصل اولان صلاتله در که انده ذوق
مکاشفه ومشاهده وارد واول کیجه ده خصوص اوزرینه تجلی
افعال واقع اولوب جناب نبوت صلی الله علیه وسلم غرقه نور افعال
اولغله شکر الله تعالی اون ایکی رکعت صلاة رغائب قلمشدر واول
کیجه یه لیلۃ الرغائب دیمک لسان ملائکه دن صادر اولمشدر نتکیم
امام نسفی نک یا قوته نام کلمه مصر حدیث پس صلاته وقت مکروه
ومحرمة اولد بقیه ضلالت دیمک خطاء فاحش وعین ضلالت
وجوهات ولعنات ایله بد دعائتمک عکس دیندر نتکیم محدث مذکور دن
صادر اولمشدر زیر لعنت شیطانله اولور سجده دن ابا واستکبار
ابتدییکی ایچون یوخسه ساجده لعنت شیطندر وحیدشه کلور که
مؤمن سجده ابتد کده شیطان انک پانده کریان اوله رقی اعتزال ایدر
وابن آدم مأمور اولدیغی سجده ایله مقبول وبن مردود اولدم دیر
اشته علماء رسومک مبلغ علمی بودر که بونلر دقائق کلامدن غافلدر
ومراد نبوی بی جاهلدر وقرأنده کلور (ورهبانیه ابتد عوها
فار عوها حق رعایتها) یعنی ابتداء ابتد کلمی رهبانیت اوزرینه ذم
اولمیدر بلکه حق رعایتله رعایت اتمد کلمی اوزرینه مذموم اولدیله
پس بوندن فهم اولمیدر بیکه بدعت بالکلیه ضلالت دکلر وهر کیم
طاعتی معصیت اعتقاد ایدر سه کافر اولور زیر اصل صلاة متفق علیه در
وانی وقت مخصوصه تخصیصدن کفر لازم کلر زیر اوقات خمس
اوزرینه زائده اولان صلاة سادسه کی دکلدر بلکه نوافل طاعاتله
اناء الایمل واطراف النهار حقه تقریدر وطریقت دید کلمی اعمال

شرعیه ایله اجتهاد در و نمازک عدم مشرو عیننه هیچ بر اهل ملت
ذاهب اولمشدر مکر شیطان اوله باقی ابدی ارباب جهنمک حالته که
دین ایچنده نیچه منکرات فاحشه وارد که انلرک کوزلرینه کیره یوب
زده ده معروفات ومستحسنات وارایسه مرده دل اولد قلدن انی
اماته یه چالشور لر واربابی سیوند رمکه سعی ایدر لر (والله متم نوره
وانوکره الکافرون) ای مؤمن اهل انکار مجلسدن حذر ایله والاحقندن
دور اولور سن والله یقول الحق وهو یمهدی السبیل و یومق املک بعض
تفصیلی غیری آثار مزده در زیر بوراده استیفاسنه امکان یوقدر (بعدذا
بعض روایانده (من عمل غملا لبس علیه امرنا فهو رد) واقع اولمشدر
ماک ومحصول بر در زیر اعملدن مراد امر محدثدر که وصفی مرور اتمشدر
* الحدیث السادس *

* ان الحلال بین * حلال عقده منع اندن محلول اولوب تناول
واستعمالی ماذون فیه اولانه دیرلر یقال بان بیانا انضخ فهو بین
بکسر الیاء المشددة یعنی بعض اشیانک حل وحکمی دلائل ظاهره ایله
واضح وظاهر در خبر وماء وفوا که ونباتات نافعیه وزیت وعسل وعنب
وامشالی کی (ومعنی معلوم اولمیان دخی بونده داخلدر دیدیلر واکن
محل خطر در نتکیم تقریرات آتیه دن معلوم اولور قال تعالی (فاسألوا
اهل الذکر ان کنتم لاتعلمون) واهل ذکر مشارق ومغارب اراسنده اولان
علمایه شاملدر استیعاب تفتیش ایتیمک ایسه متعسر بلکه متعذر در
(محکیدر که تیمور پانده فضلاء دهر دن بوقدر مؤلف واریکن بلاد
اسلامیه اوزرینه اسبیلاننده بر مسئله مشکله واقع اولوب استصحاب
ایتدیکی علم اجوابندن عاجز اولیجق مدینه حلبه مرورنده اورانک
رئیس العلمایی اکا جواب ویروب جوابی حین قبولده واقع اولدی
* وان الحرام بین * حرام دلیل قطعی ایله حرمتی ثابته اولوب تناول
واستعمالی ممنوع ومحجور اولانه دیرلر یعنی بعض اشیانک حرمتی
واضح در که کتاب وسنت واجماع ایله ثابتدر خبر ولحم خنزیر ومیتسه
وغیبت ونظاری کی ورنسنه نک حل وحرمت عیننه ویا جنسنه تعلق

ایتم بر در و بعضی اشیا وارد در که اصلند حلال ایکن بحسب محل
مضرتی اعتبار حرام اولور محروم کوره اکل عسل کی تنکیم مخصوصه ده
یعنی جوع شدید اکل حرام حلال اولور میتة ولحم خنزیر و خمر
و غیر یلر کی زیرا لاجل الضروره بومقوله لک حرمتی ساقطه اولور
حتی امتناع ایدوب هلاک اولسه اتم اولور و بوندن اخذ اولور که
حرامله تداوی ایتک طیب حاذق خبر و بریجک جائزدر اگر دواء
حلال بوغیسه تو اویدن امتناع علیه هلاکده ایسه اتم یوقدر زیرا
دوانک تأثیری مظنون و غدانک مقطوعدر (وابن عبدالسلام کتاب
الوسائلده دیمشدر که بر کیمسه صوی مسکرنیتنه ایچسه قلیل و کثیری
حرام اولور مسکرک حلتی اعتقاد ایتک کی یعنی محرمه حلالدر دیمک
کفر در پس شارب الخمر عاصی و اکل الخبیش اولانه کافر دینلور انتهی
بالمعنی و خبیش و بنج و افیونی محرماتده درج ایتدیلر و ابن حجر جوزة
الطیب یعنی هندستان جوزتک خرده سنی که اطفاله یدور لر مسکر در
دیو حرمتده فتوی و یردی و بو خصوصده شافیه و مالکیه و حنبله دن
نص نقل ایتدی و اگر حد سکره و اصل اولور سه مقتضای کلام حنفیه
دخی حرمتدر دیدی و العلم عند الله و احیاء علومده کلور که نبات قسمندن
مزیل قتل و حیات و صحت اولان حرامدر مزیل عقل بنج و خمر
و سائر مسکرات کی و مزیل حیات اولان سموم کی و مزیل صحت اولان
ادویه کی که وقتک غیریده استعمال اولنه و بو مجموعک حرمتی
ضرره راجع اولغله در خمر و مسکر ایدن ماعداسی زیرا سکر و یرن
نسبه قلیل ایسه ده حرامدر لعینه و لصفته که شدتی در (واما سم اگر
قلتی و یا غیره تعجینی سببیه مضر اولور سه حرام اولماز بوندندر که
لحوم افاعیدن ترکیب اولمان ترافی اکل ایتک جائزدر و ضرر که اصل
فطرته راجع اوله سائر مضر ایدن افجدر شرب دخان کی که طبیعت
ثانیه اولوب استیقال عبادته مؤدی اولور بوا یسه یا کفر و یا خود کفر
قریب نسبه در (و صلاة مسعودیده کلور که بر حیوانی و یا بر مرغی آزاد
ایسه هر کیم طوتار سه اکا مباح اولسون دیمک کر کدر و الا انی صید

ایده نه حرام اولور و غیرک ملکندن یدوی دانه و امثالک و بالی انک
کردنده قالور زیرا اباحت ایتدیکسه هنوز آزاد ایده نک تصریفده
کبیر * و یدینهما مشبهات * یعنی حلال و حرام میانشده مشبهه نسندلر
وارد که تعارض ادله و قوعیه له من وجه حلاله و من وجه حرامه
مشاهد که احد طرفینی آخر اوزرینه ترجیح ایتک عسیردر پس
بویله مواضعده شان متقی بودر که بیان شافی حصواته نک توقف ایدیه
و نصده هیچ بروجه له ظفر بولند یغی صورتنده طباع سلمیه اهلنسه
مراجعت ایده زیرا انلرک تحلیل ایتدینی حلال و تحریم ایتدینی
حرامدر قال الله تعالی (یسئلونک ماذا احل لهم قل احل لکم
الطیبات) یعنی طباع سلمیه اهلنک استطابه و اقبال ایتدینی طیب
و استخبثات و ادبار ایتدینی خبیثه در قال الله تعالی (و یحرم علیهم
الخبائث) و طباع سلمیه دینلدی زیرا اهل بادیه و انلرک حکمنده اولنلرک
استطابه و استخبثاته اعتبار یوقدر زیرا انلر اشیاء ضاره بی نفعه دن
عد ایدر لر حالا شایع الاستعمال اولان دخان کی که خبیثه ظاهر عند
من طبعه طاهر نشانیله معلم و ارباب دل عندنده غیر مسلم در اشته
نفسانی و شیطنانی روحانی و رحماندن بویله مواضعده ممتاز اولور
اگر چه اهل دعاوی بزه ضرری یوقدر دیولاف اورر لر (اولیاء کباردن
ابو علی الرودباری به قدس سره سؤل ایدوب شول کیمسه که استماع
ملاهی ایلوب بکا حلالدر زیرا بن بردجه به واصل اولدمکه اختلاف
احوالک بکا تأثیری یوقدر دیو بومقوله نک حقه نه جواب پیورر سر
دید کلرنده جواب و یردیکه نعم واصل اولدی و لکن جهنمه واصل اولدی
دید یعنی انسانده قوت حال اولسه بله تحلیل حرامده مؤثر کدر
بلکه ظاهر شرعی مراعات و محافظه لازمدر که جاده کمال بودر
* لایعلمهن کثیر من الناس * اول مشبهاتی حلالیدر حرام میدر
خلقک چوغی بلر بلکه انلر اقل علماء اولان راسخون فی العلم مقوله لری
تمیز و تشخیص ایدر و هر ماده بی اصلنه ارجاع ایلر پس مشبهاته
عدم علم صورتنده مکروه دیمک لازم کلور تنکیم امام قرطبی تصریح

ایتمشدر (و کراحت ایکیدر بری تنزیهیه در که ترکی اولادر و بری
تحریمیه در که ترکی واجبدر و لکن انکارله کفر لازم کلز زیر نص
قاطع ایله ثابت دکلدر انک ایچون کراحت ایله تعبیر اولندی و فقهده
شایع اولان کراحت تحریمیه در و بعض کبار یور مشلدر در که مباح
مخالفت نفسه اقرب ایسه فیهها و اگر موافقته اقرب ایسه ترکی لازمدر
زیرا ترکله مجاهده حاصل اولور فاحفظ فانه نافع لك والا فاعفلك
(و کرمانی دیمشدر که مشبهات اودر که حل و حرمتی واضح دکلدر
انک ایچون اکثر ناس اتی بلز اما علماء یا نص و یا قیاس و یا استصحاب
و یا غیر بری وجهله انک حکمتی یاورلر چونکه برنسنه حل و حرمت
میاننده تردد ایده و حقننده نص و اجماع اولیه مجتهد اجتهد ایدوب
اول مشبهی دلیل شرعی ایله یا حله و یا حرمته الحاق ایلیه و گاه اولور که
دلیل شبهه دن خالی اولماق حسبیه و رع اتی ترک ایتمک اولور و چونکه
اول باید مجتهد بر دایل ظاهر اولیه اوراده اوج مذهب وارد که
حل و حرمت و توقفدر (و امام غزالی دیمشدر که اکثر علماء متفقدر که
شبهاتده طاعت و الدین واجبدر اگرچه حرام محضده واجب دکلدر
حنی طعامده انلردن منفرد اولمقدن متکدر اولسه لر بریده مجتمع اولوب
اکل ایتمک واجبدر زیرا ترک شبهه و رعدر رضاء و الدین ایسه واجبدر
و حدیثده کلور (دغ ماریبک الی مالایربک) و دینلشدر که (استفت
قلبك) چونکه قلبک برنسنه یه مطمئن و سن که سلیم الطبع و الصدر
اوله سن اول نسنه سکا حلاله و الا حرامه اشهددر و بو معناده
کمال خواص ناسکدر زیرا انلر مقتضای داعیه و الهام نه ایسه
انکله عامل اولورلر که عین حکم شرعیدر اگرچه اعتقاد اغیاره
کوره غیردر قال تعالی حکایة و ما فعلته عن امری * فن اتقی الشبهات *
بوننده اشارت وارددر شبهه و مشبه بر معنایه در یعنی شبهه اودر که حکمی
متیقن دکلدر بلکه بروجهی حلاله و بروجهی حرامه در علی السواء
من غیر تغلب و شبهه دینلدی زیرا من وجه حقه مشاهددر و شبهه
غرفه وزنی اوزرنه جمعی شبهات کلور ضمتین ایله غرفات کبی (و اتقاء

پرهیز و حذر ایتمکدر (معنی بودر که پس شول کیمسه که حمله دلیل
واضحی اولمیان نسنه لردن اجتناب ایلیه یعنی انکله عمل ایتمه و تناول
و استعمالدن حذر ایلیه بوراده فن اتقاها دیمدی مع هذا ظاهر ایدی
بلکه مظهری مضمیر برینه وضع ایتدی اجتناب شبهاتک شانتی تعظیمدن
اوتوری انکچون ورعده اهتمام ایتدی لر و پرهیزده غایه الغایاته ایرنجه
کتدی لر * استبراء لدینه و عرضه * سین مبالغه ایچوندر تکمیل قرآنده
کلور (و من کان غنیاً فلیسفه) یعنی استعفف عفا دن ابلغدر کویا
زیاده برآه ته طالبدر زیاده عفته طالب اولان کبی (استبراء مهموزدر
انکچون تخفیف اولماز بلکه محل وقفده تخفیف اولور (و عرض الرجل
جانبه الذی یصونه) بوراده عرضی دین اوزرنه عطف ایتدی زیرا
انسانه تهمت یا شرع و یا عرف یورنندندر که (اتقوا مواضع التهم
موجبجه ایکبسندن دخی پرهیز لازمدر و وارد اولمشدر که (عرض
المؤمن کدمه) یعنی مؤمنک عرضنه شین و عیب و بره جک معامله ایتمک
سفک دمی کیدر (پس دیمک اولور که اولیه متقی کیمسه دینک ذم
شرعیدن و عرضک ذم عرفیدن برآه ت و نزاهتنی طلب ایلدی زیرا
جهت شرعده اهل مساهله اولان کیمسه لابد دین یورنندن مدخول
اولدیغی کبی لسان عامه دن دخی خلاص اولماز و احیاده کلور که
استبراء دین و ورع اودر که مالکی معلوم اولمیان امواله و یا ظلمه بنا
اولنان ربط و مدارس و قناطر دن حذر ایلیه و لکن شیخ شهاب الدین
السهروردی وزین الدین الخوافی و محمد بن ادریس التنجواتی و امثالی
دیمشدر در که مال ولادن بنس اولنان مدارس و خانقاهاتده اهل اراده
و غیر یلره سکون لایسدر مدارس سمرقند و بخارا و خوارزم و هرات
و طوس و امثالی ملوک و سلاطین بنالری ایکن نیجه صالحلر و مؤلفلر
ساکن اولمشدر بر بس سائرلرک بطریق الاولی در و ظاهر انسان صلاح
اوزرنه اولحق حسن ظن ایدوب صله سنی قبول و بناسننه دخول
لابأسدر خصوصاً که صلات سلاطینی قبول ایتمک واجبدر و الامبايعه
سندن خارج و اهل بدعت اولمق لازم کلور و کیمسه نک ماننده حرام

اولسه انكله معاملة بي ترك ايتك ورعدروا اگر جمله مالی حرام
ایسه انكله معاملة دخی حرامدر ولیم ارنب حلالدر و لکن امام
جعفر صادق رضی الله عنه انی اکل ایتمشدر پس حال سلو کده
ورعدده تدقیق ایدلر مختلف فیه دن تورع ایدر لر * ومن وقع
فی الشبهات * وشول کیمسه که شبههاته دوشه یعنی انی
عادت وانکله عمل ایلوب تقواده مسامحه ایده * وقع فی الحرام *
حرامه وقوع صد دنده اولور و حرامله عمله مقاربه بولور زیرا حرامک
حریمی حوالنده یعنی دائره سی چوره سنده در و شبانددر که برنسنه
اشترای ایدوب شنی زمتنده مقرر اولدقدن صکره مال حرامدن دفع ایده
اگرچه فتواده مرخصدر و لکن (التقوی فوق امر الفتوی) و اگر
مال حرامه اشارت ایدوب شواقیه ایله شوو بی و یردیه اول ثوبله نماز
فلق صحیح اولماز زیرا نجس حکمنده اولور طهارت ثوب ایسه شروط
صلاتنددر و علی تقدیر الصلوة ثواب اولماز پس سائر کراهتله تأدیه اولنان
صلوات کی اعاده سی لازم کلور نتکیم حدیثه کلور که ایکی کیمسندک
نمازی باشنی تجاوز اینزیری عبدابق و یری دخی ناشزه زیرادیمشدر که
عدم قبولدن عدم صحت لازم کلر پس نماز لری صحیح ایسه دخی بی
ثوابدر (واشباهده کلور که ثوابه صحت عبادت شرط دکلدر بلکه
نیقی اوزرنه مثاب اولور تعدد ایتز سه مثلا کنندنی طهارت اوزرنه ظن
ایلوب بلا وضوء نماز قلسه مثابدر انتهى فاما غصب ایتدوی
مالک صدقه سنده ثواب یوقدر زبرا مال غیر اولدیغی متحققدر پس
بویله یرده نیت کار ایتز و بر کیمسه خاله سنده برنسنه بولوب کندینک
و یاغیرینک اولدیغی متیقن اولسه ورع انی ترک ایتکدر نتکیم جناب
نبوت صلی الله علیه وسلم عادت خانه لرنده بر خرما بولوب خرما
صدقدن یعنی زکاتدن اولقدن خوف ایدرم بیوردیلر (وبرزکاه
قیونی سائر اغنامه مخاطله ایتکله امام ابوحنیفه و قاه الله کل خیفه
یدی سند تورعا اکل لحم ایتدیلر پس بولدیغی نسنه غیرک اولدیغی
صورته اجتنابی بطریق الاولی در و کاه اولور که نعلده مبادله واقع

اولور چونکه غیرک اولدیغی متیقن در تلبس ایتک کرکدر مکر که
ضرورت قویه اوله و علی هذا یوم مقامک فر و عنه نهایت یوقدر
* کارای ری حول الحمی یوشک ان یرتع فیه * ری فتحله اصلنده
حفظ حیواندر یاغداالله که حافظ حیاتدر و یادشمنی انک اوزرندن دفعله
(مرعی موضع رعیدر که عجم چراگاه دیر صکره حفظ و سیاست معناسنده
استعمال اولندی یعنی اگر کندی نفسنی و اگر غیری بی سائس اولانه
راعی دیرلر نتکیم حدیثه کلور (کلکم راع و کلکم مسئول عن رعیته)
و بوجهتدن عامه به رعیت دیرلر زبرا و الیلر وضابطلر که خواص ناسدر
انلرک سائسلری و راعیلری درکویا حیوان کودر و اولنادر کی انلری
شرعله و عرفله محافظه ایدرلر تا که تعدی واقع اولیه اگر ظلم نفسله
و اگر ظلم غیرله (یرعی حال و یا صفتدر زیرا راعی معناده نکره کی در
ولقد امر علی لایم یسبنی کی) حول برنسنه چوره سی وجانبی در که انکا
تحول ایتک ممکندر (وحی الی وزنی اوزرنه جایه اولنان وناس اندن
ممنوع اولان نسنه در بقال کلاء حی ای محمی اصلی بودر که ملوک
عرب کندی ماشه لر یچون بعض مراعی جایه ایدرلر و اکاداخل اولان
اجنبی بی عقوبتله تهدید ایلر لردی ممالک عثمانیه ده بکلک چابرار کی
و حدیثه کلور لاجی الا لله و رسوله یعنی بومقوله جایه الله و رسوله
مخصوصدر که الله تعالی حرم مکه بی و رسول الله حرم مدینه بی تحریم
ایتشددر زیرا ان الارض لله و فقیحه ارض و ملک فی الحقیقه الله تعالی
شکر که مراد ایتدوی عبدی اکاوارث قبلور پس انسان ملکی اولمیان
تغلبا ضبط ایدوب خلقتی اوزادن منع ایتک مشروع دکلدر و میری
تعبیر اولنان اراضی ملوک قح ایتدوی برلر اولغله کندی ملکر ایدر
و توارث دخی اولنور مکر که وقف و یا آخره تملیک ایده لر بوضورتده
ملکرندن خارج اولور (یوشک شین مجسمه نک کسریله افعال
مقاربه دندر بسرع و یقرب معناسنده زیرا و شیک دن مشهتقدر مسرع
الی الشیء معناسنده ماضیسی اوشک در قح شینله اودع بودع کی
(یرتع یلعب وزنی اوزرنه مصدری رتع ورتوعدر که اصلنده اکل

بها نمدر صکره اکل و شربده تبسط معناسنه استعمال اولندی (قال
فی القاموس رتع کنع رتعا ورتعا ورتعا اکل و شرب ماشاء فی خصب
وسعة او هو الاکل والشرب رغدا فی الريف او بشره وفلان يرتع ای
مخصب لا یعدم شیتا یرده انتهى فیه ضمیری حایه کیدر (بعدذا
معنای مذکور معقول و خنی اولغله محسوسله ضرب مثل ایلدی تاکه
واضح اولوب هر کس انکله عامل اوله پس بونده اخذ شبهه ایده فی
رای یه و محارمی حایه و شبهاتی حانک حوله تشبیه ایلدی ولکن
جانب مشبهه وقوع و جانب مشبهه بوشک یعنی ایشا کله که سرعت
ایتمکدر تعبیرنده نکته بودر که بر کیمسه تعاضی شبهات ایلسه مصادفه
حرام ایدر کر کسه قصد ایتسون زیر تحریده تقصیری سببیه آثم
اولور و یا خود تساهله معتاد اولوب شبهه یه جسارت و بعده اندن اعظم
واغلظنه جرأت ایدر و آخر حرامه واقع اولور نیکیم دیر لر (المعاصی
تسوق الی الکفر) و یا خود مقاربه و قوعی تحقیقندن اوتوری در نیکیم
دیر لر (من اتبع هواه فقد هلك) و سری بودر که جای ملوک محسوسدر که
هر ذوبصر اولان اندن احتراز ایدر جای حق ایلسه معقولدر که انی
ذوالبصیره اولان ادراک ایلر و معنی بودر که انک حالی دوه و امثالی نسنه
رعی ایده نک حالی کیدر که غیرک محمی سی اولان نسنه نک چوره سسنده
رعی ایدر قریب اولور که اول مرعای محمی یه دخول ایدوب انده رتع
ورعی ایلبه بوصورنده تعدی ایتکله معاقبه اولور * الاوان لکل ملک
حی * الاحرف استفتاحدر که کلام انکله فتح اولور تشبیه ایچون
اعلم کله سی کی تا که مخاطب مابعدنی عظم موقعی اولغله اصفا و حفظه
منتهی اوله و دیمشدر که الاتحقیق افاده ایدر زیر همره استفهامیه
لادن ترکیب ایتشدر همره استفهام ایلسه حرف نفی اوزر یتنه داخل
اولسه تحقیق افاده ایدر الایعلم کی که معناسی یلزمی یعنی یلمک یوقدر
بلکه یلور دیمکدر اما لفظی دخی الا کی در لکن الادیه مابعدی قطعاً
ان مکسوره و اماده فتح و کسر جائزدر (ملک کسر لامله مالکدن ابلغدر
زیرا مالک صاحب الملك در کسر له که شری و یا هبه و یا ارثله اولان

متصرفدر ملک ایلسه صاحب الملكدر ضمه له که تصرفی
بطریق الاستیلاء والنسب او لغه دخی شاملدر قال تعالی (ولله
ملك السموات والارض) یعنی اجرام علویه و سفلیه نک امر ونهی
و تسخیرله تصرف و سلطنتی الله تعالی نکدر (بعدذا وان ده و او
ابتدادر که نجاه اکا و او استیناف دیر که مابعدنک ماقبلندن انقطاعنه
دلالت ایدر زیرا و او استیناف مسبوق بالکلام اولدیغی یرده بطریق
الاولی در و بعضیلر الای انیدوان بی احقق ایله تأویل ایلوب عطف
الجماعه علی الجملة ایلشدر و بعضیلر مقامه مناسب اولان محذوفه
معطوف قلمشدر ولکن اولکی اولادر و معنی بودر که اکاه اولوکز که
تحقیق یاولو عربدن و غیریدن هر پادشاه ایچون خلقندن حایه ایدوب
اکاه اخل اولانه وعید و تهدید ایتد کلمی مرعی و مواضعی وارد نیکیم
اهل جاهلیته شایعدر * الاوان حی الله محارمه * محارم محرک
جمیدر تشدیدله کلف وزنی اوزرنه (و محرم مسکن وزنی اوزرنه موضع
حرمدر که نامحرک ضدیدر) یعنی متنبه اولوکز که الله تعالی نک حایه
ایلیوب وقوعندن دکل بلکه قربندن بله نهی و تخویف ایلدو کی نسنه
معاصیدر که تحریم ایلشدر جنایت علی النفس و عرض و مال و قتل
وزنی و سرقه و اکل مال بالباطل و قذف و خمر و کذب و غیبت و نیمه
و امثالی کی چونکه جای ملکدن احتراز اولغی خوف عقابندن پس
جای حقندن حذر اولغی او جیدر زیرا عقابی عظیم و بطشی شدیددر
(بوراده محارم مطابقة منهیات والتزاما مأمورات اوزرنه اطلاق اولور
زیرا نهی امری مستلزمدر و جانب حقه و وقوعندن تهدید قر به دخی
شاملدر قال تعالی (تلك حدود الله فلا تقربوها) یعنی الله تعالی مواقعه دن
حذر دن اوتوری مقاربه دن نهی ایتدی قلیل مسکر کی که کثیره مؤدی در
و نفسی اوزرنه اعنی اولیاصائمه تقبیل کی که جماعه داعیدر واجنبیه
ایله خلوت ایتک کی که شیطان انکله بله اولغله ملامسه یه باعثدر و جدیدیه
کلور (لعن الله السارق یسرق البیضة فیقطع یده) یعنی اگر بیضه دن
مراد بمرطه ایلسه انک سرقه سمبله جمیع مذاهبده قطع ید لازم کلز

پس مراد اقتضا اینست که سرقه ایتمک موجب قطع اولان
 سنه بی سرقه تدرج ایدر دیمکدر که نه سده سده بعد دیرل تکیم صینک
 ابوی صبی به الباس حر بردن نهی اولاندیلر زیر صبی حال بلوغه دیک
 انکه تعودایدیچک بعد البلوغ ایسنه مؤدی اولور شرب خمر مقاسد
 کثیره مؤدی اولدیغی کی وتذکره قرطیده کلور که الله تعالی اون درهمی
 وعند بعض اهل العلم اوجدرهمی واندن دخی اقل سرقه ایله یمین مؤمنک
 قطعنی ایجاب ایلدی پس دنیاده حال بو اولیچق عذاب آخرتدن دخی
 حذر ایتمک کرکدر (معلوم اوله که حدود الله دید کلمی افعال مکلفینده
 احکام نجسه در که وجوب و حظر و کراهت و ندب و اباحتدر پس
 حرکت و یا سکونله متصرف اولان کیمسه واجب و محظور و مکروه
 و مندوب و مباحدن یعنی بونلرک برندن خالی اولماز پس اگر فعلی واجب
 اولان یرده تصرفی ترکله اولورسه جانب تحدید اولانان حدی تعدی
 ایتمش اولدی ترکی واجب اولان یرده فعل ایله تصرف کی بومقوله فعل
 و ترکله تعدی ایتمک معصیتدر و اگر واجبک عدم وجوبی و یا منهینک
 عدم حرمتی اعتقاد ایدرسه کفر در حتی نفس مباح سائر حدود کی
 احکام الهیه دن اولدیغنه اعتقاد ایتسه کفر لازم کلور اگر چه خصوص
 اوزرینه متعلق مباحی انکار ایتمک کفر دکلدر (ومباحه امر سلطان
 لاحق اولسه واجب کی اوور تکیم امر مکروه دن نهی دخی اول
 مکروهی حرام درجه سنه ایصال ایدر زیر الله تعالی اولوا الامر
 کندی منزله سنه تنزیل ایدوب اطاعتیله امر ایتمدیکی بوراده امری
 وجوب ایچونددر پس صلاة رغائب و براءت و قدر و امثالی ایله ایلرلرینک
 و شرب دخان و نظائرندن نهیلرینک حکملری بوندن معلوم اولدی
 فاعلم ذلک * الاوان فی الجسد مضغه * یعنی حرام و شبهه دن تورع
 ایتمک قلبک صلاحه میلی و عدم تورعی قلبک فجوره انجذابی حسبیه
 اولغین بومعنایه تنبیه ایدوب بیوردیکه معلومکدر اولسونکه جسد
 انسانده بر لحم پاره وارد که * از صلیت * قطع لامله و ضمه و لکن
 قطع افصدر تکیم قاموسده کلور صلح کنع و کرم یعنی منع بی تقدیمندن

قطع لامک اولوبتی فهم اولور صلاح حالت مستقیمه نافعده اوزرینه
 اولمقدر ضدی فساد در که حال استقامتدن و متفع به اولمقدن
 خروجدر و بعض کبار بیورمشلر در که صالحانلر در که علم و ایمانلرینه
 بوجه من الوجوه خلل داخل اولیه که عند الانبیاء مرعوب فیسه
 اولان صلاح بودر چونکه انسانک حقیقی امکاندر مقابله کوره
 تحصیل صلاحله دعا ایتمک لازمدر زیر حالله خلل دخول ایتمک
 جائزدر بناء علی هذا یارب صالحلردن ایله دیمک شول کیمسه لکن
 عدا دندن قبل که هیچ بر زمانده انلرک صلاحلرینه خلل دخول یتمشدر
 دیمکدر بس صلاح امر خلقی ذاتی دکلدر انک ایچون خلل دخول
 ایدر و حضرت یوسفک علیه السلام (والحقنی بالصالحین) دیدیکی
 بومقامه اشارتدر بوجسه هضم نفس ایچون دکلدر تکیم بعض علما
 عدم فهمندن وهم یتمشدر (و بومعنایه حدیث بودر که حق اول مضغه
 صلاح قبول ایتسه یعنی هدایت حق و عنایت رب مطلق ایله منشرح
 و علم و ایمان و اعتقاد پاک و نیت خیر ایله متصفه و خللدن بریده و بعیده
 اولسه * صلح الجسد کله * اعضاء بدنک جمله می دخی صلاح پذیر
 اولور اذن و عین و لسان و یدین و رجلین و بطن و فرج کیمکه بدی
 عضو در قلبله مکرز اولور که جنک ابواب ثمانیه سی ذکر اولسان امور
 ثمانیه نک صلاحی مقابله سنده مفتوحه در و قلبیده قوای باطنه دخی
 داخلدر و بعض کبار اعضایی قوی اوزرینه ترجیح ایلشدر زیر اعضا
 وسائل علم و اسباب ادراکدر تکیم (من فقد حسا فقد علما) کا ناظر در
 الحاصل صلاح جسد و نظام ظاهر صلاح قلب و نظام باطنه
 تابعدر قوت شجر قوت اصله تابع اولدیغی کی و اول مضغه صورته
 هر چند صغیره ایسه رتبه ده کیمه در زیر مقصود اولان صورت
 صنوبریه دکلدر بلکه انده ابداع اولانان قوت لطیفه غیبیه در
 تکیم نواة دخی صورته صغیره و حقیره در و لکن شجره منتهایی
 متضمندر که بوجهتدن عظیم القدر در صورت آدمیه دخی صورت
 عالم ایله بوسر مری اوزرینه در فافهم جدا * و اذافسدت * قطع

سپیده و ضمه دخی روایت در قال فی القاموس فسد کنصر وعقد و کرم
یعنی کرم بی تأخیردن ضم سپیدک می جو حیثی فهم اولور فساده
معنای مرورایتدی یعنی بقی اول مضغه ضلالتله منشرحه و جهل
و کفر واعتقاد خبیث و قصد شرله متصفه اولسه و خلادن خالی
اولسه و بوضلاح و فساده تحقیقنه بناء اذا کله سیله تعبیر اولندی
تکیم قرآنده کلور (ان الذین اتقوا اذا مسهم طائف من الشیطان
تذکروا) یعنی مس طائف مقرر در ولیکن تذکر و ابصارله مرتفع اولور
پس بالفعل صلاحده مصلحت و منفعت کثیره و بالفعل فسادده
مفسدت و مضرت و فیره وارد که صلاحده ثبات و فسادده عدم
استقرار کر کدر زیرافساد اوزرینه استقرارده تخریب مملکت وجود
وارد بو جهتند که سیاسات شرعیه وضع اولمشدر تا که احوال
متضاده بی تعدیل ایلیه * فساد الجسد که * زیر آلتی منکرانده استعمال
ایتمش اولور یعنی اگر اندن ارادت صالحه صدوراید رسه بدنی حرکت
صالحه و الا فاسده ایله تحریک ایله تکیم جناب نبوت صلی الله علیه وسلم
بر کیمسه بی نماز ایچنده صقالیله عبث و یا ثوبیله لعب ایدر کورد که
بیوردیلر که (او خشیع قلبه لخشت جوارحه) پس اول مضغه مملکت
وجودده ملک کیدر رعیتک صلاح و فسادی اکا تابعدر دیرلر (الناس
علی دین ملوکهم و یا خود شول عین و بدن شول مزعه کیدر که اگر
عذب الما اولورسه مزعه دخی کا کوره اولور و مالخ اولدیغی صورت
دخی اکا قیاس اولنه و یا خود ارض و بدن نبات کیدر که باد طیبک
نباتی طیب و خبیثک خبیثدر و عمل ردی خطب ردی یاز بل ایله طبخ
اولنان طعام کیدر که نمکین دکلدر و بومضغه بی تطهیر و اعمال صالحه
و احوال شریفه و تجلیات لطیفه به تهیئه ایچون جناب نبوت اوج و یادرت
کره شرح صدر واقع اولوب حتی بر علقه سوداء اخراج و طرح اولوب هذا
حظ الشیطان و مغیر الشیطان دندی و اول محل ماء زمزم ایله غسل
اولندی که شرف المیاه در (و مصلح مضغه اولان امور چوقدر تدبیر
قرآن و خلو خوف و قیام لیل و مناجات سحر به و محالسه صلحا و تحریء

حلال و اجتناب شبهات کبی زیرا شبهات قسوت قلب ایراث ایدر
حتی بعض اهل ورع بر کره بر چندینک مطهره سندن صوابچمش
اولدم قرق کونه ذک قسوتی درونمدن چقمیدی دیمشدر انکیچون
ابوزید بسطامی و ابراهیم ادهم و امثالی قدس الله اسرارهم طریق
ورعه ز جتله چکدیلر * الا وهی القلب * متذکر اولوکر که اول مضغه
موصوفه قلب دیدکاردر که عجم دل و ترک یورکدر و قلب صنوبری السکل
بردانه در که صدرك ایسرنده ایداع اولمشدر و محل روح حیوانی در که
روح حساس حیوانی اجزاء جسمده اورادن منشدر اولور و اول
بر بخاردر که قلبده اولان دمک حرارتدن خارج اولور و لطیفه انسانی
یعنی نفس ناطقه نک اکاتعلقی وارد و نفس ناطقه جزئیة نفس کلبدن
مستفاددر و روح انسانی منغواخ انک باطنی در و کوکل دید کلری
فی الحقیقه صورت مضغه ده ایداع اولنان قوت روحانیة غیبیه در و اهل
دل قوت مذکور ک صاچی در که اسم اعظمه مالک و ظهردر و اگر
بعض اسم به مالک ایسه اهل دل دیمزلر و اهل دلک علامتی اودر که
انفس و آفاق بری برینه تطبیقه قادر اوله و اکا قلب دیدیلر حالدن حاله
تقلب ایدوکی ایچون و سرعت خواطرندن او توری فلک قره مقابل
کیشدر که قردور منازل ایتکده شمسدن سر یعدر قلبک دخی بکرمی
درت ساعتده یمش بیک خواطر سریمه سی وارد اگر چه صاحب
القلب اکا اطلاعی یوقدر و بوسر عتده مناسبدن او توری ابوالبشر
آدمک علیه السلام روحانی فلک فرده متحیردر اگر چه فی الحقیقه
ارواحده تحیر یوقدر و بعض کار بیورمشدر که قلب دندی زیرا
صور مختلفه و صفات مختلفه ده تقابلی وارد که اختلاف تجلیات
اوزرینه منبیدر انکیچون (ان فی ذلک لذکری لمن کان له قلب) دندی
عقل دندی زیرا عقل عقالددر که حتی صورت واحد بله تقیید ایدر
مقتضای کشف قلبی ایسه اطلاقدر (معلوم اوله که الله تعالی قلبی
عالم غیبدن و وجهی عالم نهاددن قیلوب وجه ایچون جهت قیامیه
استقله الی و قلب ایچون کندی ذات پاکتی قصدی تعین ایشدر

و افعال صلاتك افضل من سجده قلند در پس اگر سجده سی کشف
بوزندن ایسه ابدی رفع رأس ایتمز و انفس و آفاقد صلاح کلی حاصل
او اور و اگر اهل حجاب و غفلت ایسه اندن انفس و آفاقد نظام
حاصل اولماز بلکه نسیانی سببیه فساد حاصل اولور اشته بوراندن که
خلفه اهل عدل محض در زیر حاضر و ذاکر در غائب و ناسی دکل
سائر ایسه بویله دکلدر (و سجده عبادت تکلیفیه در که انس و جنه
مخصوص در سائر اشیا بانک عبادتی ایسه ذاتیه در انک ایچون
مظهر خیر و شر و صلاح و فساد اولان انس و جنه در قاعرفه
* الحدیث السابع *

* الدین النصیحة * بوجه بی بطریق التأكید اوج کره تکرار
یور مشر در تنکیم مشکاتدن منقول و کلام ابن ملکه ثلث مراتب ایله
موصولدر و بوراده مضاف محذوفدر که عماد الدین و مدار الاسلام
دیمکدر تنکیم الحج عرفة دتلدی عماد الحج و مداره معنایه نصیحت
نصحتدن اسمدر و نصاح کتاب وزنی اوزره ایلکدر خبط و سلاک کبی
و منصفه کسرله اکنه در ابره و مخیطه کبی و ناصح خایطدر که اجزاء
توبی بریره جمع ایلوب قبض و یا جبه و یاسر اویل ایدر تا که منتفع به
اوله و بومعنایه اشارت ایدوب بلاغات زحشریده کلور (ما منع قول
الناصح ان یروفت) (وهو الذی ینصح خروفت) بونده فعل ناصحی
فعل خیاطه تشبیه وارددر که خیاط نوجهله خلل توبی سد و اجزاسن
بریره جمع ایدر سه و اعظ و ناصح دخی منصوص اهلک صلاحی تحریر ایدر
و دینده اولان خروفتی اصلاح ایلر و بعضی لر نصحت العسل صفتیه
من الشمع دن اخذ ایتشد لر در یعنی قولک غل و غشدن خلوصی عسلاک
خلطدن خلوصنه تشبیه اولمشدر و دیمس لر در که نصیحت و صلاحدن
هر بری کلمه جامع در که معانی شتایی مشتملدر زیرا منافع و خیرات
دین و دنیا بونلرک مدلوللرنده در و دیمس لر در که ناصح فی دین الله
اولان کیمسه علم شر یعنی محتاجدر که علم شریعت احوال ناسی
متضمندر و عقل تام و فکر صحیح و رویت حسنه و تأنی و اعتدال مزاج

لازمدر بر کیمسه مقتضای زمان و مکان و احوال ناسی بتلسه جاهلدر
(پس ناصحه علم ترجیح لازمدر که تقابل امور واقع اولدقده قنغی
صورتله عمل ایده جکن بله و کاه اولور که منصوص اهلک طبعنده مخالفت
و لجاج اولوب نصیحت کار ایتیموب بلکه سنک ارشاد ایتدی بک طریق
غیریه عدول ایده جکنی بلکه اول باید اکا نصح ایتیموب بلکه
طریق خلافه سوق ایتلوردر تا که سکا غرض نفسانیسی وار یسه سنک
خلافکه کار طوتوب خلاف بوزندن صورت و فاقه کله و لیکن امر
عسیر اولغله ناصح اولان غایت آگاه و تفاوت احواله خبردار اولدقده
متعمق کر کدر تا که کم کرده راهی من حیث لایمکنسب یوله کتوره اشته
بورادن مناصب دنیویه و اخروییه هر کسک عدم لیاقتی ظاهر اولدی
* قلنا لمن * بزیدیک که نصیحت کیمک ایچوندر یعنی نصح و ناصح
معلوم اولدی ولیکن منصوص لهی بیان ایدیکز پس بولام بیان ایچون
ومن استفهامیه در که تقدیری النصیحة لمن و یالمن النصیحة دیمکدر
(لمن الملک الیوم) کبی و بومقوله بیان بعد الابهام ابلغدر زیرا نفسده
علی الغفله هجومدن اوقعدر (ونون جمعدن مراد راوی حدیث اولان
تمیم داری و سائر حاضر بالمجلس اولان اصحاب کر امددر رضی الله عنهم
ولیکن سؤال حقیقه تمیمدن و حکما سائر لدخی مشترک اولغله تنکیم
جواب سؤاله اقبال و اصغاری اکا دالدر قول جمله به مضاف اولدی
* قال * رسول الله صلی الله علیه وسلم یساننده یوردی یعنی سؤالدن
منع ایتدی لر زیرا اجمال کلام ایتد کلری سؤاله تحریک و پیانده توسل
ایچون ایدی پس ابتداء سؤال کبی اولدیکه انک اکثری منهیدر
انک ایچون وارد اولدیکه (اترکونی ما ترککم * الله * ای فی حق الله مراد
الله تعالی به ایماندر یعنی وجودنی و جوب و جودنی و وحدتی و صفات
کمالیه سنی تصدیقدر و امر ایتدی کی عملده اخلاص و احکامنده حکمنه
یقین و تسلیم و حق اللهی حق ناس اوزرینه تقدیم و نصرت دین قویم
و دعوت توحیدله تحریر مرصاة رب کریم و حریم حرمتدن زب
و تألیف بین عباد الله و تبیین اسباب سعادت و ارشاد امت و امثالی کبی

و بونده شفاعت دخی داخلدر یعنی چونکه عید مسی دن عفو
و تجاوز ایتک مولای عظیمک شان قدیمی و عبادی دخی اول معنائله
تخلقه داعیدر بو جهندن یارب عید کدن ایتدیکی اسائی عفو ایل
دیمک سن عفو و تجاوزله معروف مولا سن دیو مدح و ثناء الهی در
حق تعالی به ایسه مدحدن سوکلی نسنه یوقدر کویا بومعناده
مقام الهی به ناصح کی اولدی الحاصل الله تعالی دنیاده نصب
ایتدیکی حدود شرعی سیاسیله ایل مدوح اولدیخی کی که انکه
عملده مضار عبادی دفع وار در انکیچون عفو اولماسان کذلک دار
آخرته عفو دخی بویله در زیر اواراده مخدور یوقدر سائر امور دنیویه ده
عفو افضلدر حتی (ولکم فی القصص حبوة) واقع اولمش ایکن
ولی دمدن عفو و یادیت ولادر کویا دیت شاکی به احسان کیدر که
اول احسان مقابله سنده سکوت ایدوب عند الله مطالبه حق ایتیه
(و تفاسیر و شروح احادیثه کلور که حق الله اوزرینه اقامت حد
اولنسه اول حد اکا کفارت اولوب آخرته انکه مؤاخذه اولماسان زیر
ایکی عفو بت بریده مجتمع اولماسان و کرحق آدمی ایسه تحت مغفرت
و کفارتده داخل اولان مثلاً قصاص مقتول اولان کیمده آخرته
مؤاخذه اولنور زیر قلی تشفی اولیا ایچوندر پس مقدم قتل ایتدیکی
قتیلک حق باقی قالور و دیوان فصل و جزاده تکرار مأخوذ اولور
زیرا الله تعالی حکم و عدلدر که دعوی عبدی استماع ایدر و عبد
عفو ایتنسه اولدخی عفو ایتنر و الا ظلم لازم کلور تعالی الله عن ذلک
هلوا کیرا * و انکابه * مراد قرأندر بخصوصه یوخسه کتب سماویه به
شامل اولور و جهله دکلدر تکیم بعض شراح وهم ایتدی تکیم
ما بعدی اکا دالدر فافهم جدا یعنی قرأنک کلام الله اولدوغنه اعتقاد
و محکمی ایل عمل و منشاهی تسلیم ایده و تأویل سمته کتیه بلکه تأویل
و ادحاض حق ایچون جدال ایلینلری منع ایده و جواب ویره و مانیسنی
حفظ و معانیسنی نشر ایلله و مصحفک یوزینه نظر ایدوب تلاوت
ایلله که افضل عبادتدندر و حضرت عمر و یا عثمان هر صباح

مصحفی الله آلوب هذا عهد ربی و منشور ربی پیورردی و لحن عرب
اوزرینه قراءت ایدوب زیاده و نقصانندن حذر ایده و مصحفی مکان
عالیده وضع ایلله و تعظیمده مبالغه ایده (محکیدر که جد سلاطین
عثمانیه اولان عثمان خان غازی برکیجه برکیمیه مهمان اولوب اوراده
دیوارده بر معلق مصحفه الی الصبح دیوان طورب تعظیمی سبیلله
ایته سی کون حاجی بکاش ولی به ملاقی اولوب سلطنت عظمی ایلله
مبشر اولدی (و برکیمیه قرأنله بتین سلطنتله بتزیمک قرأنی تحفیر
دکلدر بلکه حکم قرأنی تنفیذایدن سلطاندر دیمکدر زیر قرآن کتاب
صامتدر که اتی سو یلدن انسان کاملدر و کذلک احکام قرآنییه
اوراقده مکتوبه در و اتی اسانه کتورن علماء احکام و تنفیذایدن ملوک
عظامدر زیر امور سیاسیله انلره مفوضدر و عامه ناس اهل عرفک
سطوتندن حذر ایدر لر الحاصل حضرت قرآن لسان حالله به معنایی
استدعاء ایدر سه ات حقنده اول و جهله حرکت ایتک قرأنه نصیحتدر
* و لرسوله * زمان نبویه نصیح بودر که اگر اندن مقدما شرعا مقرر
اولان نسنه نك خلاقی ظهور ایدر سه یار رسول الله سزندن شوبله
بر نسنه صادر اولدی دیه تا که اگر اول نسنه بی قصدله اشلش ایسه
حکم مشروغ اولدیخی معلوم اوله اگر نسیانله صدور ایتدی ایسه
رجوع ایده تکیم بروقتده صلاة رباعیده ایکی رکعتده سلام و یر یجک
ذوالبدین دیر برل صحابی اقصررت الصلاة ام نسبت یار رسول الله دید که
اتمام صلاة ایلدوب سهو ایچون ایکی سجده ایتدی (و بومقوله معنایه
نصح رسول دیرلر بو جهندن وحی جلی و خفی اولیان ماده ده
مشاوره ایلله مأمور اولدی تا که اصحابی مقتضای نظرلری اوزره اکا
نصح ایدر لر و بومقوله سانددر که غزوه بدرده صعودن بعید محله نزول
ایدیجک و حبله می نزول ایتدیکن یار رسول الله یوخسه رأیله می دندلده
رأیله دیو جواب و یر یجک انلر دخی ایتدی یار رسول الله بوراسی محل
نزول دکلدر بلکه مناسب اولان فلان محلد دیو اشارت ایتدکلرنده
اورایه نهضت پیورادی و فائده عظیمه سی کورادی (بوسیدن بعض

مواد ده (اشيروا علی) دیوا صوابه خطاب ایدردی و حضرت عمر
رضی الله عنه اسارای بدری قتل خصوصتده نصیح ایتمش ایدی صکره
وحی الهی انک رأی اوزرینه نازل اولدی قاما رسول الله صلی الله
علیه وسلم دین ایدن انتقاندن صکره بومقوله نصیح اولماز پس لامی
اجلیه اخذ ایتمک لازم کلور بوسورتده علماء امت و اتقیاء ملت
رسول الله ایله دینده مصلحت اولان نسیه نیک میاتی تألیف ایدر لر
خیاط تألیف اجزاء ثوب ابتدکی کی (الحاصل نصیح اودر که رسول
الله جانب حقیدن کنوردیکی احکامی تصدیق و دین و طریقتنه
سلوکی تحقیقیدن صکره حق ایله قائم و نصرتنده دائم اوله یعنی
اعداسنه معادات و احبابنه موالات و اهل بیتنه محبت و اهل اهواء
مسلکندن حذر ایله حتی صحابه دن معروف اولنلری انکار ایتمک
کفر در دیو مصر حذر و امام سخاوی دیمشدر که صحبت صدیق
و سائر عشره مبشره تواترله معلوم انکار متواتر ایسه کفر در (بعد ذل)
نصح رسول نصیح کتابدن تأخیر اولندی زیرا کتاب نازل و رسول
منزل علیه در و بردخی بودر که کتاب حقه متصددر زیرا کلام نفسی در
پس بوابیکبسته نصیح غیر مخلوقه و رسوله و مابعدنه نصیح مخلوقه
نصح در و نصیح رسوله نصیح و رثه رسول دخی داخلدر انکیچون
شیخک صاحبی مرید صادق و موافق کر کرد تا که پری بریله تظاهر
واحد هما آخر دن مقاضیه کوره منتصح اوله * ولائمة المسلمين * ائمه
امامک جمعدر بوراده مراد امامت کبرادر که سلطنتدر و خلافت
امامتدن خصوص مرتبه در یعنی هر امام اولان خلیفه اولماز زیرا
خلیفه سیرت نبویه اوزرینه جاری اولان کیمسه در که انک افعالنده
اصلا ظلم یوقدر امیر و سلطان حالی ایسه مخلوطدر اگر چه بواننده
ملوکدن مرتبه خلافتیه قریب کیمسه لر کلشدر ملوک دمشقیه دن
نور الدین زنکی و ملک صالح کی که بوابیکبسی اهل الله دن معدوددر
و نصب امام واجبدر زیرا امور دین و دنیایک نظامی کامنوطدر و اکا
مبایعه دخی واجبدر و الا مبتدع اولور (و امامک معصوم اولسی

شرط دکلدر و الا سجده سهو مشروع اولماز دی و حدیثده کلور
(صلو خلف کل بر وفاجر) و ایام خلفاده کنیدی لری امامت و خطابت
ایدر لردی و بومعنی خلفاء عباسیه نیک بکر منجیسی راضی بالله محمد
کلیجه مستر اولدی صکره راضی امامت و خطابت ایچون نائب تعیین
ایلدوب الی الان اول حار اوزرینه قالدی راضی نیک جلوسنی اوچون
یکرمی ایکی تاریخنده در (بعد ذل ملوک و سلاطین رسول اللهک
صلی الله علیه وسلم ظاهرده و خلفا و اقطاب باطنده وارث لردر که ایکبسی
دخی اسم اعظمک تحشده در چونکه ملوک مصالح عبادله قائمدر
لاجرم معروفده انلره اطاعت و عند الخلفه ایفاظ و تنبیه لازمدر زیرا
عصمت شرط اولمیچق خطایتم و هو الینه تابع اولق شانلرندر
پس انلرک مجلسلرینه داخل اولان علمایه واجبدر که عباد لله
فائده او اولان وجهله فتوی ویره لر تا که نظام عالم حاصل اوله یوخسه
مفتی ماجن اولمیلر و لا آخرنده مسئول اولور لر (و شولکه رجال الدوله
ملهمون دیر لر تحری حق ایدنلره و قایلری آگاه اولنلره کوره در زمانه ده
ار باب ارادتدن معدود اولنلر بله الهامدن محرومدر فکیف که غیر یلر
پس ملائکه نیک الهامده قصور لری یوقدر ولکن قاصر اولان محلددر که
قلبددر زیرا محب ظمانیه ایله محتجبددر (و سلطان اوزرینه خروج ایتمک
منهیددر زیرا مفاسد کثیره سی واردر بلکه لازم اولان شرعه
و عرفله اراستی اصلاح و تألیفدر و نقض مبایعه ایتمه و الایعتنه دخول
لازم کلور و جهاد اقتضایدر سه تحت للوا سنده بولنه اگر نفیر عام ایسه
و الادعایه مشغول اوله (و فضیل ابن عیاض بیورمشدر که اگر بدعوت
مستجابیه قادر اولسم سلطانه صرف ایدردم زیرا سلطان قلب عالمدر که
انک صلاحیه جمیع اجزاء عالم صلاح قبول ایدر و سب سلطان منهیددر
زیرا ظل الله در که خلق انک سایه سنده آسوده در و سلطان عدل
ایدر سه هم کنندنه و هم سکافائده سی اولور و اگر ظلم ایدر سه کنندنه
ضرری و سکافائده سی اولور که سن اول ظلمه صبرله مأجور اولور سن
و مقام شکر و مقام صبرک عهده سندن کلور سن ولکن علم حال

کر کرد که عامل اوله سن پس سلطانک دکه بر قصورینه نظر اولمناز
 علما کی مکر که منکر اولیا اوله زرا اولیا وسائل حقدر و هر کس طلب
 وسیله ایله ما مورد قال تعالی (وابتغوا الیه الوسيلة) و ملوک زیاده افساد
 ایدن ایکی نسنه در که بری اهل انکارک و بری دخی ملاحده نک
 دخیویدر که بوا عصارده بومقوله امور مضر مجهول مطلق قالمشدر
 انکیچون داخل و خارج بلور سزدر بوجهتدن اختلال دخی کالنده در
 بوجهتدن ملوک لاید در که علماء عاملیندن اوله لر و یا خود ظاهر
 و باطندن خبردار اولنلر ایله مجالسه ایده لر و الامنصور اولنلر اشته
 نصایحک اعظمی بودر فلیعمل به العالمون * وعانتهم * عامه خاصه نک
 مقابلیدر زرا شهر ایچنده عموم و شموللری وارد و ضمیر مسلمینه
 راجعدر که واعامة المسلمین والمؤمنین دیمکدر و لکن بورادن لام طی
 اولندی زرا عامه خاصه به تابعلردر انکیچون قرآنده کلور (اطيعوا الله
 واطيعوا الرسول واولی الامر منکم) یعنی واطيعوا ولی الامر دیوا واولا
 الامر کوره لفظ اطاعت تکرار اولندی زرا واولا الامر اتباع رسولدر که
 انلره اطاعت ایتک اطاعت رسولده داخلدر شول جهتدن که رسول
 اطاعتده مستقلدر نتکیم قرآنده کور (وما اتاکم الرسول فخذوه
 وما نهاکم عنه فانتهوا) یعنی رسول خلیفه حق اولدیغی جهتدن جانب
 حقندن امر ونهی اولدیغی ماده ده امر ونهی ایتسه همان امر ونهی
 حقدر زرا نفسندن فانی وحقله باقیدر واولا الامر ایتسه بویله کلردر
 بلکه انلر شریعت محمدیه به تابعلردر واولی الامر اول شرف
 بسدر که الله تعالی انلری کندی ذاتی ورسولی منزله سنه تنزیل ایدوب
 اطاعتله امر ایتشددر انکیچون نافله به مقارن اولان امرلری واجب
 اولور وآنکله عامل اولان اجر واجب یولور فافهم جدا (واعامة مسلمینه
 نصیحت بودر که دین و دنیا ده ضرر اولمیان وجهله اشرت ایلله اگر
 دین و دنیا ضرری مجتمع اولور سه چاره وار ایتسه ایکسن دخی دفع ایلله
 والاضرر دنیایی ترجیح ایدوب دینی محافظه ایده وحدیثده کلور
 (واذا اردت بعبدک فتنه فاقبضنی الیک غیر مفتون) یعنی مطلقافتنه به

دوشمک امر مشکدر و لکن فتنه دین اشد در انکیچون موتی اختیار
 ایدوب فتنه دینی اخته یار ایتمک کر کردر (والحاصل بقدر الطاقه جلب
 منفعت و دفع مضرتله مقید اوله و امر بالمعروف ونهی عن المنکر دین
 خالی اولیه و لکن محله کوره احسن اب ایلله اصاغره ایتدوکی معامله یی
 اکابر ایتیمه بلکه انلری رفقه ارشاد ایده و ستر عورات و سد فقر
 و حاجات و توقیر کبیر و شفقت صغیرله متخلق اوله و محبت و کراهت
 ایتدوکی اموره خلقی کندی نفسی حکمنده طوته زرا (خلقکم من نفس
 واحدة) موجنبجه جمله ناس اخواندر که بریدر و بر مادر دن خلق
 اولنمشلردر (وتعاونوا علی البر والتقوی) و فتنجه اخوانله تظاهر
 لازمدر زرا مؤمن بری برینه بنیان کبیدر که بری برینی شد و ربط
 ایدر و نصیحت نجالتیه مؤدی اوله جق ماده ده ایتسه تنهاده نصیح ایلله
 یو خسه علی ملاء الناس تقریر و تفضیح ایتیمه (بعد ذانصح عامه
 اهل اسلامه اضافت اولندیغی اسلامک شرفندن اوتوریدر والا
 نصیحت عین دین اولمغله عموم اوزریتسه در پس انک منفعتی جمیع اجزاء
 عالمه ساری کر کردر مثلاملت اسلام اوزریتسه اولمیان کیمه بی سفساف
 اخلاقده کورسه معالی امور ارشاد ایلله بلکه اول معالی امورله
 اتصافی انک سبب اسلامی اوله زرا اوصاف جمله حقایق ذاته جذب
 ایدر و بر حیوانی عطشان کورسه طریق آبه سوق ایده وحدیثده
 کلور (فی کل ذات کبد حری و فی رویه رطبه اجر) حری
 فعلی وزنی اوزره حرانک تأثیری در حره دنگه حرارت معناسنه در
 بوحدیثک ظاهری جمیع حیواناته شاملدر و بعضیلر عام مخصوصدر
 دیو کلابی اخراج ایتشلردر و اکثر علما انک اوزریتسه در قتل کلاب ایلله
 امر منسو خدر تکیم حیوة الحیوانده مصر حدر پس اطعام و سقی
 کلب لابأسدر و نیجه اهل الله دن صادر اولمشدر پس اکابر اتباع ایتک
 اولادر و بوندن ظاهر اولدیکه (اکرموا الخیر) اتی مانع کلددر کر کسه
 کلبک لاعابی نجس اولسون و بزه طرق شتادن صحیح الهام اولنمشدر که
 بیانی غیر کتمزده در و بزم بعض تلامذه من بومسئله نک خلافه اولوب

خلق اطعام و سق کلبدن منع ایتدیکچون آخر استسقادن هلاک اولدی
(و دیمش لر در که التزام نصیح ایده نک دوستی آزاو لور زیرا اکثر خلق
هوایینه تابع لر در انکیچون حدیثه کلور (ماترک الحق لعمری من صدیق)
یعنی اجراء حق ایتک حضرت عمره رضی الله عنه دوست آلیقومدی
زیرا حضرت عمرک شریعتده زیاده شدتی وارایدی و رسول الله
صلی الله علیه وسلم مدینه ده آتی محاسب ایتشدی و یدنده برسوطله
خلق تأدیب ایلر و حکم عداله قائم اولوردی و لکن محاسبده اخلاص
تام اولیجق حالی ریاکارلردن اهور اولور زیرا اهل صدق و خلوص
بالکلبه بغیض ناس اولماز

* الحدیث الثامن *

* امرت * مأمور اولدم یعنی حق تعالی امر ایلدی بکازیرا حقندن
خلفه رسالتی حقک آمر و کندینک مأمور اولما سن اقتضا
اید ر پس آمرده جهالت بو قدر بلکه متعیندر و کذلک اصحابدن
امرنا و یا خود نهینا صادر اولدیغی آمر و ناهینک رسول الله صلی الله
علیه وسلم اولما سن مقتضی در زیرا رسول الله حقده تابع اولدیغی
کسی اصحاب دخی رسول الله تابع لر در و زمان رسالتده
حقندن بلا واسطه اخذ شرایع ایتک ممنوعدر که رسالت رسولی
منافیدر فاما زمان رسالتد نصکره خلیفه مقوله سی اولانه بلا واسطه
اخذ عن الله ممکندر زیرا اول وقتده خلیفه نک اخذ ایتدوکی شرع
جدید دکلدر بلکه شرع مقرر مقدمک لطائف و معارفیدر اکایسه
منع بو قدر زیرا قرآنک حقایق بی نهایته در که هر مکاشفه حالده کوره
منکشف اولمده دراشته ابو یزید بسطامی نک قدس سره بکا قرآن
بتمامه نازل اولدی دیدوکی بو باید ندر اگر چه قرآنندن والهامدن
بی خبر اولنلر فیضی استبعاد و رجح و اسعیه بی تضبیق ایلرل و ارباب
مکاشفه نک اخبرنی ربی و غیره مقالات سنیه لری حقده مالایعنی
سو یلرل (اولئک الذین اعنهم) ای طردهم عن بابه و حججهم عن لطیف
خطایه * ان اقاتل الناس * بونک تقدیری امرنی ربی بان اقاتل الناس

دیمکدر که آمر الله تعالی و مأمور رسول الله و مأمور به مقاتله در نیکم
قرآنده کلور (کلام ایقضا ما امره) امره الله به مقاتله محاربه قتل
روحی جسد دن ازاله در لکن اکامباشراولانک فعلی حسبیه قتل
وفوت حیات اعتباریه موت دیرلر بوراده ناسدن مراد اصناف ناسدر عبده
اوئان اولسون غیر یلر اولسون زیرا عموم رسالتک حکمی بودر قال تعالی
(قل یا ایها الناس انی رسول الله الیکم جمیعا) و آشفه ده ذکر اولسان
اوچ نسنه که شهادت توحید و اقامت صلاة و ایتاء زکاتدر بونلرک
مجموعی مقاتله به غایت اولمده و الحدرد زیرا عبده اوئان که اهل شرکدر
شهادت توحید ایتلرل و اهل کتب که یهود و نصارادر محمد رسول الله
دیمزلر و دیسه لر دخی عربیه مبعوث اولمق اوزره تأویل ایدرلر
و صلاتلری و زکاتلری شرع جدیدک کیفیتی اوزرینه دکلدر
بلکه نبوتی تصدیق ایتد کلری کبی صلاة و زکاتی دخی انکار ایتدیلر
انکیچون زمان خلفاده تارک صلاة و تارک زکاة اولنلره مقاتله ایتدیلر
زیرا شرعده قطعی اولان نسنه بی انکار ایتک کفر صریحدر حتی فقها
دیمش لر در که بر کیمسه متعمد اترک صلاة ایدوب قضا دخی نیت ایتسه و عقاب
الهی دن خوف ایلسه کافر اولور زیرا امن عذاب الله کفر در و سائر امور
شرعی ضرور به ده تکاسل و نهان دخی بویه در قال تعالی (ان الذین
آمنوا ثم کفروا ثم آمنوا ثم کفروا اثم ازدادوا کفرالم یکن الله لیغفر لهم)
یعنی شول کیمسه دن که کفر و ایمان متکرر اوله انک عنده ایمان اهور
و ادون اشیا اولور بوسیدن شرط مغفرت بولنماز پس فروع ایمانده دخی
عبالات ایجاب مستهزی کبی اولان کیمسه نک حالی کفر و عدم مغفرتدر
کویا جناب رسالت لسانندن دیمک اولور که هر کیم بنم جانب حقندن
کتور دیکیم اصول و فروع دینه انقیاد ایتسه و خصوصاً عماد الدین
اولان صلاة و قنطرة الاسلام اولان زکاتی انکار و یا خود اقامت
و ایتاسنده تهاون اوزره اولوب طریق قبول و عمله کیمسه مقاتله به
سزا اولور (فأذنوا بحرب من الله ورسوله) خطای تحتنه کلور
(و دیمش لر در که طائفة جن بومقاتله ده داخل دکلدر مع هذا ناس

لفظی اناره دخی شاملدر تنکیم صحاح جوهریده وقاموسده کلورالناس
 یکون من الانس والجن لانه یقال ناس فحرك و اناسه حرکه و رسالت
 عامه در زیر مقالتله جن مروی دکلدر بلکه انلردن نیجه جماعت
 جن نصیبین و امثالی کبی توحیده دعوت اولنوب ایمان کتور مشلر
 واحکام فرعیه بی دخی قبول ایملر و قبول ایتملر منظرین دن اولوب
 الی یوم القیام شیطنلری اوزرینه قالملر در زیر انلر اجسام لطیفه
 هواییه غیر محسوسه درکه مقالتلهیه صالح دکلدر اگرچه شهاب
 انلری اهلاک و افساد ایتمدیکی کبی نیجه ادعیه مؤثره دخی وجودلرنده
 کار کر اولور ولکن انلردن مؤمن اولملر غزوه بدرده مشرکلر له
 محاربه ایتملر درکه یتش عدد جنیدر و حالا اوراده مقاملری وارد
 * حتی یقولوا لا اله الا الله وان محمدا رسول الله * بعض روایاتده (محمد
 رسول الله) مطویدر زیر اوجوب مقارنتک شهرتی اولمغه احد قرخی
 ذکرله آخر دن اکتفا اولتملدر اکل و شرب کبی که اکل اوزرینه
 اقتصار اولمدیغی برده شرب اکا تا بعدر و حر و برد و امثالی دخی
 بویله درکه امور اضافیه حالی بودر رسول ایسه حقه مضافدر کرک
 صورة رسول الله کبی و کرک معنی که خلیفه حقدر پس رسولک حقه
 اضافتی وکیل مطلقک سلطانه اضافتی کییدر که صورت حقیقتدن
 منفک دکلدر بلکه صورت حقیقتک آینه سیدر و قول کلامک
 غیریده دخی مستعملدر قال بیده ای اخذه وقال برجاه ای مشی دیمک
 اولور بوراده قول شها دندن اعمدر اگرچه شهادت اشرفدر زیر
 آخر حدیث عمومه دالدر و ظاهر اولان بودر که حدیث شریف عام
 مخصوصدر زیر معاهد اولمدره و قبول جزیه ایدنلردن سیف
 مرفوعدر و یا خود بومعنی وضع جزیه دن مقدمدر ولکن واضح
 اولان اولکیدر زیر آیات جهاد مدینه در و جزیه دخی مدینه ده
 وضع اولتملدر تنکیم آخر نزول ایدن سوره توبه ده کلور (حتی یعطوا
 الجزیه عن یدوهم صاغرون) پس حدیث مذکور امته الی یوم القیام
 جهادک و جزیه نک بقاسنه تنبهدر انکیچون مرض انقلازلرنده

بشد نصکره جزیره عربده مشرک قومایوب اخراج ایده سزدیو
 توصیه بیوردیلر و ابتداده صورت اطلاقه انتهداده اولان حاله رمز
 ایلدیلر زیر زمان مهدی و عبساده اسلامدن غیر یسی مسلم اولسه
 کرکدر بس ابتداده اولان وضع جزیه جزاء کفر و تذلیل کفار
 و تعظیم واعانت مسلمین ایچوندیر یوخسه رضا و ایفاء کفر ایچون
 دکلدر آخر زمانده ایسه منهای مذکور ملحوظ دکلدر بلکه آخر
 اوله رد اولنوب امت واحده قلنسه کرکدر و شولکه حدیثده کلور
 (بدأ الاسلام غریبا و سيعود غریبا) بومعنی او آخر زمانده قبل خروج
 المهدی و نزول عبساده حاصلدر و حالانک مقدماتی واقع اولمقددر
 زیر بواطندن قطع نظر ظواهره اختلال عظیم کلشدر و الی الله
 المستکی و قول لفظنده ایکی نسبهیه اشارت وارد (اولکبسی بودر که
 ایمان تصدیق قلبدر که امر باطندر و امر باطنه الله تعالی مطلعدر
 انجق مکر که حق تعالی دن برکیمسه به کشف و تعریف واقع اوله
 پس دخول باطن و شق قلب ممکن اولمدیغندن ترجان قلب اولان
 لسانک اقرار یله اکتفا اولندی تا که بواقرارله احکام ظاهره اسلامیه بی
 اجرا ایتک ممکن اوله و اقرارک معمول به اولدیغی حسن ظنه بناء در
 زیرا دیمشدر در که کل انا یترشح بما فیه (وایکنجبسی بودر که بونده
 ایمان تقلیدینک صحتیه اشارت وارد اگرچه ترک استدلاله آثم اولور
 یعنی تقلید که غیرک قولنی بلا دلیل قبول ایتمکدر اصلده اصول
 و اعتقاد یانده صحیح اولنوب فروع و عملیاتده جائز اولق کورینوردی
 تنکیم اکثر متکلمین بوکا ذاهب اولمدر ولکن عند الحنفیه و الظاهریه
 صحیحدر زیر رسول الله صلی الله علیه وسلم ایمان اعراب و صبیان
 و نسوان و عبید و امایی قبول ایلدی و تعلیم دلیل ایتدی و بوراده
 استدلال و اجبدن مراد بای طریق کان اثر دن مؤثره و مصنوعدن
 صانع انتقالدر که بومعنی هراچی به حاصلدر یوخسه قاعده میرانیه
 اوزره ملاحظه صغری و کبری و ترتیب مقدمات ایتک دکلدر که
 یونی شرط ایتک خطاه عظیمدر زیر هر کس انک عهدده سندن

بیرون اولمق متعذر در (وعلیکم بدین الجائز) مضمونه مخالف در
 پس بر کیمسه بلاد مسلمینده نشأت ایدوب صنایع الهیدی مشاهده
 ایتدکده تسبیح ایلسه یعنی سبحان الله وقادر الله و یا بوسیاقده معرفته
 دال اولور و تعظیمی اشعار ایدر کلمات سو بلسه حد تقلیددن خارج
 اولور انکیچون دیدیلر که خلاف شواهد جبالده واقطار ارضده
 بولانلرده در یوخسه دار اسلامده منشی اولوب سموات وارضک
 خلقیده تفکر ایدنلرده دکلدر که بونلرک ایمالری صحیح ونظرلری
 درستدر و علم الیقین دید کلری دایلمدن حاصل اولان استقراره رسوخ
 علمدر که دخل وشبه قبول ایتمز والا کاعلم دیمزلر و کشف خیالی دخی علم
 غیر راسخ کیدر که مزالی اقدامندرو عین الیقین مشاهده و کشفدن
 حاصل اولان قوت راسخده و هیئت قاره در وحق الیقین مشاهده
 نه معنی ایچون مقصود ایلسه اول سری معرفتدر مثلاً موتی بیلک علم
 الیقین وملائکده موتی مشاهده عین الیقین وذوق موت حق الیقیندر
 وکذلک مکه نام بلدهده کعبه تسمیه اولنوریت اولدوغن افواهدن
 وکتبیدن اخذله بیلک علم الیقین مکه یه واروب اول بیتی هیئت
 مخصوصه سی اوزره احساس ایتک عین الیقین واول بیلک حقه
 مضاف اولوب سائر بیوتک مضاف اولدیغنلرک سروسبیلی بیلک که
 ذات احده یه ونیجه حقایق و حکمه نشان اولدوغیدر که حق
 الیقیندر پس بو امرک اولی اعتقاد وتقلید واندن نظر واستدلال
 واندن کشف وعیان واندن مشهودک سرنه وصولدر وتوحید قوی
 صورت توحیددر که (لامعبود الا الله) وتو حید فعلی حقیقت
 توحیددر که (لاموجود الا الله) در وقول فلک وسیله سیدر قوت اصلی
 اولدوغی کی یعنی توحیدک حقیقی قوتدن فعله خارج اولمغه قولله
 ذکر کثیره محتاجدر وجهر ایتک انک اسباب معینه سندندر زیرا
 قول لفظ مرکبدر ولفظ جهر کلاندر بناء علی هذا توحیدده اصل
 اولان مبتدی یه کوزه جهردر تا که نفس اصمنه اسماع ایده ومنتهی یه
 کوره اخفادر تکیم (خیر الذکر الخفی) اکا دالدر زیرا مبتدی

عالم صورتده در که عالم جهردر ومنتهی عالم معناده در که عالم
 اخفادر زیرا (کننت کنزاً مخفياً) مرتبه سیدر که عالم ذاتدر عالم صورت
 ایلسه عالم اسماء وصفاتدر وذات واسماء وصفات میانده فاروق اولدیغی
 ظاهر در * ویقیوا الصلاة * یقولوا اوزرینه معطوف وحتی تحتده
 داخلدر وصلاة معراج معنوی اولدیغی جهتدن شرف عظیمه بناء
 فروع ایچندن افزون تقسیم اولندی انکیچون نبوتک اون ایکی سینه سنده
 لیلله معراجده مفروض اولدی وصلاتدن مقصود ذوق مکاشفه
 ومشاهده در انکیچون قره العین قلمشدر (وحدیثه کلور) (ارحنا بلال)
 یعنی یا بلال اذان اوقیوب بعده اقامت یله که صلاته دخوله عالم
 صورتک کدرندن خلاص اولوب صفاء خاطر بولالم و دیده لر من جلال
 یاره کساده اولوب نور یله روشنا اولالم و بونده وسیله یه ترغیب واردر
 تکیم حدیثده کلور (واسألك حبك وحب من يحبك وحب عمل
 یقربی الی حبك) یعنی حب صلاة لازمدر زیرا وسیله مشاهده در
 وعلی هذا * ویؤتوا الزکوة * نفسی رذائلدن تزکیه ایتک اساس حال
 اولمغه سائر اوزرینه ترجیح اولندی وایتاده طیب نفس وصدق
 وخالوص ونیت وخوف وخشیت لازمدر قال الله تعالی (والذین
 یؤتون ما آتوا وقلوبهم وجاهلهم الی ربهم راجعون) یعنی حقه
 رجوعه یقینی اولان کیمسه حقندن حیالدر واطیب مالنی طیب نفسله
 تصدق ایدر بلکه کنندی نفس فانیه سن دخی بذل ایدوب حقندن
 وجود باقی ایلله حیات طیبه بولور پس بو حیاته وصوله دیک دم
 شهواتی ازاله ونفسی مرده قیلمق کر کردر اگر چه موت اجر که
 مخالف نفسدر زیاده صعبدر وز کاه هجرتک ایکنجی سینه سنده
 مفروض اولمق دلالت ایدر که ایکیملرک برلکه مبدل اولمق
 کر کردر اکا سبب اولان وجود مجازیدر * فاذا فعلوا ذلك *
 پس حق ناس بو مذکور ایشله لر یعنی اقرار واقامت وایتنایی
 تحصیل ایتسه لر وعضیلر دیدیلر که مشار الیهک بعضی قول ایکن
 فعل اطلاق ایتک یا عمل اسان اعتبار یله ویا اثبتی واحد اوزرینه تعلیم

طریق بقیه در (و فعل بر مؤثر جانبدن تأثیره دیرل کرک اوراده قصه
اولسون و کرک اولسون و کرک انساندن و یا حیواندن و یا جاد دن
صادر اولسون پس صنع عملدن اخصد رزیرا اجاده فعلدر و عمل
دخی فعلدن اخصد رزیرا عمل قصده مقارن اولاندر و بوراده فعلی
ناسه اسناد ایلدی زیرا عبد محل کسب و اختیاردر * عصموا منی دماء هم
و اللههم * قانلرینی و ماللرینی بنم تعرضمدن عصمت و حفظ ایندیله
یعنی اول تقدیر اوزرینه دملرینی بنم سیفم ایله مسفوک اولمقدن محفوظ
و ماللرینی و ذریت و نسوه لرینی بنم عسکرم ایله نهیب و غارت اولمقدن
مصون قلدیلر (عصمت حفظ و منع و امساک و اعتصام استقامت کدر
و عصام کتاب وزنی اوزرینه مایعصم به در یعنی شول خطدر که
انکله فم قریه شد اولنور و عصمت انبیا و حفظ اولیا مشهور در که
صفاء جوهر و طهارت قلب و نورانیت روحدن ناشی معن الدردر که
زیاده تیقظ و حضوری موجب اولغله مانع هفوات و صاحب هجوم
مخالفاندر و حقیقی امتناع بالغیردر انک ایچون دیمش لردر که العصمة
لاتزیل المحنة عصمتنا الله و یا کم من سدل الحجاب والطرده عن الباب
(بعد ذام ذکر اولندی زیرا روح انسانی دمه تابعدر یعنی دمک سیلانی
ایلله روح انسانینک بدنن علاقهمسی منقطع اولور زیرا مملکت بالکلیه
خراب اولیحق بردخی عمارت قبول ایتمز بس روحک بدنن انقطاعی
والینک ولایتدن انعزالی کیدر که نشأه آخرده برکره دخی نصب
واقع اولسه کرک که بردخی انک ایچون عزل یوقدر (و مال انسانک
تملک ابتدکی درهم و دینار و ذهب و فضه و حیوان و ثیاب و سلاح
و امثالی نسنه لردر که انده رغبت و تصرف جاریدر بس تراب و نار
و مردم مقوله لری مال دکلدر و مال عین مضروب اولاندر و مال
دینلدی زیرا قلوب بالذات اکامیل ایدر که احتیاج اوزرینه مجبور ایدر
و مال شقیق روحدر نکیم قرآنده (و تثبیتا من انفسهم) اکادالدر چونکه
خلق مال و جانه میل ایدر لاجرم بوا یکی نسنه یا قهرا و یا اختیارا
مسلوب اولمورد و طریق اختیار ممدوح اولغله ارباب ارات اول بولی

طوتوت قطاع طریق ایلله مسلوب اولمزدن اول مال و جانندن منسلخ
اولمشلردر و قطاع طریقندن مراد موانع و آفات و امراض و موتدر
والله السلام و منه السلام * الا بحق الاسلام * یعنی اسبابدن بر سبب ایلله
انلره تعرض اتمم الا بحق اسلامله تعرض ایدر زنی بعد الاحصان و کفر
بعد الایمان و قاتل بغیر حق ایسه قصاص و سارق ایسه تضمین مال
کی حق امر ثابت و واجب و دیرلر که شرع انی تقریر ایتش اوله و حق الله
اودر که خلق اوزرینه واجب اوله توحید و عبادت کی و حق الحق
اودر که حق اوزرینه کندی ایجابله واجب اوله عدم تعذیب کی
پس حق جیدر معناسنه اخذ ایتکه حاجت یوقدر زیرا حق اوزرینه
برنسنه واجب دکلدر یعنی خلقک ایجابله نکیم معترله ذاهب اولمزلردر
(الحاصل وعد حق وعد الکریم دین موجبنه واجب الانجاز کیدر
(و فلان حقیقون دیمک جائز در فلان حرمتیچون دیمک جائز اولدیغی
کی نکیم حدیثه کلور (اللهم انی اسألك بحق السائلین علیک
و حدیث بتمامه جامع صغیردر در بس فقهانک بحق فلان مکروهدر
زیرا مخلوقک خالق اوزرنده حق یوقدر دیدکلری حدیثه مخالفدر
و حدیث معاذده دخی کلمشدر که (یا معاذ هل تدری ما حق الله علی
العباد و ما حق العباد علی الله) نکیم محلیده مبیندر بو محک بوندن
زیاده بسطه تحملی وارددر و لکن مقامی دکلدر * و حسابهم علی الله *
یعنی ناسک آخرتده باطلرینک محاسبه سی الله اوزرینه در اخلاص
و نفاقلرینه کوره نکیم حدیثه کلور (انا اقضی بالظاهر والله يتولى
السرائر) و حساب باب اولدن مصدردر عد معناسنه زیرا آخرتده
اعمال عباد عد اولنوب خیرا و شررا مجازات اولنور بس عبدکله
و عملیهی مجازات ایچون اظهار اولغله محاسبه دیرلر قال الله تعالی (والله
سریر الحساب) زرا برشان برشان انی مشغول قلمز شول جهتدیکه
تجلیسی محیطدر (فافهم و بوراده حرف ایجابک معنای ایجاب حق
علی نفسه در نکیم بالاده ذکر اولندی قال الله تعالی (کتب علی نفسه
الرحمة ای التزمها و اوجبها تفضلا و احسانا لانم تعالی منزله عن

ان يجب عليه شيء حقيقة پس طائفة معتزله نك يجب على الله ان لا يعذب المطيع بل يجب عليه ان يثيبه ديدني باطلدر و بعضيلر على كلاء سني لام معنا سنه طوتوب على سبيل التشبيه تحقق وقوعه واجب كيدر ديمشدر مال برذر زيرا كندی نفسي اوز رينه ايجابي تحقيق وعدو وقوعه دأردر و بواره جلاله تخصيص اولنديغي عموم ناسدن اوتوريدر زير مرتبه الوهيت مرتبط اولمدق فرد يوقدر رعيتك سلطانه ارتباطي كي بس لطف وقهر اسم مذكورك تحتسده در ولكن تجلبيسي هر ملطوف ومقهورك حاله كوره در انك ايجون حسابده حساب يسير وحساب عسيدر داخلدر و بونده دنياه تعرضي كندينه و آخرته حسابي الله تعالى به اضافت قلديغي حق تعالينك ارحم الراحمين اولماسنه دالدر انك ايجون حسابي كندی يدنده قلدي ولطائف ابي يزيد بسطامي دندر كه (ان بطش ربك لشديد) آيتنده يارب بنم بطشتم سندن زياده در ديدني زيرا حقك بطشي رحمتله مشوب اولمغله اخفدر بطش مخلوق ايسه بويله دكلدر (اعاذنا الله واياكم من شر النفوس ومن خبث الطبع المنجوس * الحديث التاسع *

* ما نهيتكم عنه فاجنبوه * ما موصوله در (ونهي لغته برنسنه دن يا قول و يا فعلله زجر در و شرعا على سبيل الاستعلاء لا تفعل ديمكدر بوراده مراد معنای شرعيدر زير اعرف لغت اوز رنه وجوبا مقدمدر وبعض اوامر نهيه مؤلدر وذر والبيع كي كه لا تابعوا ديمكدر ومحرمات اخباريه دخی بويله در (حرمت عليكم الميتة) كي كه لا تأكلوا لحم الميتة ديمكدر اجتناب جنبدن در فتحله جارحه معناسنه صكره جنبي ولي ابدن ناحيه ده استعمال اولندي پس برنسنه دن اجتناب انك ناحيه سندن ذهاب و بعددر بوجهتدن تركدن ابلغدر زير ترك رفضه در كه انده معنای مذكور لمخوط دكلدر (يعني شول نسنه كه اندن سزى نهى ايتدم كرك نهى تحريمي وكرك تنزيهي كه حرام نهى اولده ومكروه نهى ثابده داخلدر اندن پرهيز ايديكوز واني بر جانبده قويوب اندن دور اولوكز زيرا حسنات الابراسيئات المقربين مضموني اوزره فعل

مكروه دخی محمله كوره سبب مؤاخذه اولور نكتم اهل تفسير ديمشدر كه جنده آدم عليه السلام نهى تنزيهي ايله نهى ايدني بويله ايكن باعث خروج اولوب حالندن عريان وغوايله تعبير اولندي و بوراده نهى تقديم اولندي زيرا تخليه بابتدندر كه دفع مفسد جلب منافعدن اولادر و مصلحت و مفسدده تعارض واقع اولسه دفع مفسده جلب مصلحت اوز رنه ترجيح اولنور (وحكمت بدنيه ده اطباء ديمشدر كه احتماء استعمال دواندني اجتناب اكسابدن اولادر بتكيم طائفة همد مريض اولنلر نه احتما لله معالجه ايدر لر غير يار ايسه بويله دكلدر مثلامتلا واقع اولسه بعض اسباب دافعه ايله عمل ايلر لاطباء همد ايسه كيدر لن آج طو تر و شهو در در كه ديمشدر ثبت العرش ثم انقش يعني بنايه اساس لازمدر انك ايجون انذار له بدء اولندي قال تعالى (قم فانذر) و ديمشدر كه امرد رسول الله صلى الله عليه وسلم ونهي ده امت اصلدر وشولكه (يا ايها النبي اتق الله) دلمشدر تأديب الصغير بالكبير بابتدندر زير انشاء نبويه ملائكه كي نورانيه اولمغله اولدخی (لا يعصون الله لما امرهم) ده داخل ورتبه عصمته نالدر كه حق تقوى انك مقتضاي ذاتي كي در * وما امرتكم به فافعلوا منه ما استطعتم * امر على سبيل الاستعلاء افعول وليفعل ديمكدر و لفظ خبر و اشارت وائتمالي دخی داخلدر قال تعالى (والمطلقات يتربصن) اي ليتربصن و رؤياي ابراهيميه امر دينلدي مع هذا اشارت خياليه در نكتم كلور (قال بابت افعول ما تؤمر) ومنه ضميري ما به راجعدر استطاعت قدر تدر كه يحجزك ضديدر يعني انساندن افعال اختياريه نه مقوله معنائه صادر اولور سه اكاستطاعت ديرلر (يعني شول نسنه كه سره انكله وجوبا وياند با امر ايتدم اندن قادر اولدو غكز مرتبه بي اشلاك و و جوده كتورك زيرا الله تعالى سره يسر مراد ايدر كه دينده حرجي رفع ايتمشدر نكتم بعض اركان صلاتدن عاجز اولسكوز ويا بعض اعضا كزده عذر قوي اولسه اكاكوره عمل ايدوب عهده امر دن بيرون اولور سر و بوحديث شريفه موافقدر شول آيت كريمه كدكلور (وما آتاكم الرسول

فخذوه ومانها عنه فاتھوا) ولكن حديثه اولان قيد استطاعت
عموم آتی تخصیص ایندر یعنی اصول اعتقادی و فروع عملیه دن هر نه که
رسول سره اعطا ایتدی بقدر الوسع اکا تمسک ایدی کو زیر
اوزر یکوزه واجبد و اول نسنه که انک تعاطیستدن سرری نهی ایتدی
اندن منتهی اولو کز بونده دلیل وارد در که امر و نهی رسول حقه
مضاف در که امر و نهی حق کیدر زیر رسول نفسندن بالکلیه فانی و حمله
باقیدر انکی چون رسوله مبیاعه حقه مبیاعه اودی که یدر رسول ید الله در که
فوق لایدی در و بوندن فهم اولنور که کرچه جراسودی تقبیل دخی
مبیاعه دندر فاما ید و انسان کاملی تقبیل و اکا مبیاعه اندن افضلدر زیر
کعبه صورت و ابسان سر الهی در و علماء دیمش لرد در که رسول الله
علیه الصلاة والسلام اتباع ایتک فرائض عینیه در فرض عین و فروض
کفایه در و واجباته واجب و سنن در و شول افعال که جهت
وقوعی معلوم اولیه و نه کیفیت اوزر اشلند و کی ثبوت بولیه ادنی الامر
اباحه محمول و اول جهته معمول در (بعد از حد استطاعت اول درجات
حر جدر که مافوقی جهد و مشقتدر بس مؤمن کنندنه خرج واقع
اولیا جی مرتبه ایله مأمور در که حد رخصتدر و حق تقوائله تقوی
عن یتدر که جمله استطاعتی بذلدر مثلاً قدمی تورم و جبهه سی تفرج
اید جک قدر نماز قلیق و بعضی دیدیلر که فاتقوا الله حق تقاته فاتقوا الله
ما استطعتم) ایله منسو خدر و ابن عباس رضی الله عنهما نسخ یوقدر
دیددی بس حق تقوی حد استطاعتله مقید اولمش اولور و ارباب
حقائق دیدیلر که فاتقوا الله ما استطعتم حال ابراره ناظر فاتقوا الله حق
تقاته ایسه حال مقر یینه دائر در زیر مقر بین وجود مجازیدن بالکلیه خلاص
اولمش ابرار ایسه بمرتبه بی بولمش لردر بلکه انک حاللری مخالفاندن
محفوظه اولمقد در که بقاء نفسی منافی دکلدر (و بوندن اخذ اولنور که نهی
امردن اشد در زیر امر استطاعتله مقید در نهیده ایسه رخصت یوقدر
کر کسه ادنی مرتبه ده اولسون و بعضی بکار پیور مشلدر در که
(اطیعوا الله و اطیعوا الرسول و اولی الامر منکم) ده اولو الامر ایله مراد

اقطاب و خلفاء و ولاتدر و واجب و محذور طاعة الله و طاعة
رسول الله دندر پس ائمه دینه مباحدن غیر یدیه اطاعت قائمدی یعنی
مباح که انده اجر و و زر اولیان نسنه در امام انکله امر ایستسه اول
خصوصه در اطاعتی واجب و مخالفی حرام اولور و مباح اولان نسنه دن
حکم اباحت مرتفع اولوب انکله عامل اولان اجر واجب بولور و امام
راغب دیمشدر که اولو الامر که ناس انرا یله مرتدع و منزجر اولور
درت طائفه در (اولکبسی ایستدر که عامه و خاصه نک ظاهر و باطنلری
اوزرینه حکملری جاریدر) و ایکنجبسی ولاتدر که حکملری ظاهر
کافه اوزرینه در باطنلری اوزرینه دکل (واوینجبسی حکماء
الهییه در که حکملری باطن خاصه اوزرینه در ظاهرلری اوزرینه دکل
(و درنجبسی واعظلردر که حکملری باطن عامه اوزرینه در ظاهرلری
اوزرینه دکل انتهی بس ولانک امرلری حکماء و وعظمه نک امرلردن
اعم اولدی بوسبیدن عامه و خاصه دن خلاف شرع نسنه صدور
ایستسه اجراء حدود ایدر و مثاب اولور کر کسه حاصه دن اولان
کیمسه اهل حال اولوب اشلدیکی نسنه و یاسو یلدیکی سوز مؤل اولسون
زیرا احوال خاصه نک تأویلی عامه یه اختلال و برر پس حد شرع
اوزر تمشی کر کدر چونکه مقتدی و متبوع اولانده ادب شرع اوله
قول و فعلنه اقتدا لازمدر و ملوک معنویه نک قوانینی ایله عمل ایتک
سلاطین صوریه نک قوانینی ایله عملدن اولی واقوادر زیر فی الحقیقه
اوضاع الهیه در قوانین سلاطین ایسه بویه دکلدر * فانما اهلك
الذين من قبلكم كثرة مسائلهم واختلافهم على انبيائهم * بوراده
هلاکدن مراد هلاک معنویدر که فساد دین در و هلاک صوری اولمق
دخی و جهدر فافهم (الذين من قبلكم الذين كانوا في زمن قبل زمانکم
من الامم) تقدیرنده در بس من ابتدائیه و مخدوفه متعلق اولور (مسائل
مسئله نک جمعیدر سؤال معناسنه و مجازدر که سؤلک جمعی اوله علی غیر
القیاس محاسن حسنک و مساوی سوءک جمعی اولدیغی کی زیراجوعده
غیر قیاس شایعدر) اختلاف مرفوعدر که کثرت اوزرینه معطوفدر

تکیم بعض احادیثه لفظ کثرت معدوم اولدیغی اکا دالدر اگر مسائل
اوزرینه معطوف اولسه قلت اختلافک عدم ضرری فهم اولنوردی
بوراده ایسه قلیل و کثیر برابر (انبیاء نبی لفظنک جمیدر خبر
عن الله معناسنه و ترک همزه مختاردر کما فی القاموس و بعض علماء نبی
نبوتدن در دیدی رفعت معناسنه ز برانینک سائر ناسدن رفعت محلی
واردر چونکه هر نبی یعنی مخبر عن الله رفیع المحل دکلدر لاجرم ترک
همزه ابلغ اولدی بوجهتدنبر که بر اعرابی یانبی الله دیو همزه ایله
خطاب ایتدکده بن نبی الله دکلیم بلکه نبی الله ام دیورد ایلدی
زیرا کلام اعرابیده شان نبوتی وضع قدرنی حط و نقص واریدیکد
نبی ایله مرادی مکهدن مدینه به خارج معناسنه ایدی یقال نباء من ارض
الی ارض خرج بونده ایسه نبوت کی مزید شرف یوقدر و معنی
بودر که سزین اول کلن امتلک سبب هلاکری اولدی الا ایکی نسنه
اولدی بری مس ضرورت ایمین سؤالدر که بلا فائده اکثر کلامدر
و دیمشلدردر که سؤال اخبارانده حسن و انشاآنده قیبحدر قصه بقره ده
حال نبی اسرائیل کی که (ان الله یأمرکم ان تذبحوا بقرة) موجب
نه مقوله بقره ذبح اولنورسه اطاعت بولنورکن کثرت سؤال الله اخر
تشدید اولندیلر و بری انبیا اوزرینه اختلافه عصیانلردر زیر انبیا
حقنه ایکی وجهله در اولکبسی انبیانک شاننده اختلافدر که نبوتلرنده
تردد و بعضنه مؤمن و بعضنه کافر اولدیلر یهود و نصاری کی پس
نبوته اختلاف کتب منزله ده اختلافی دخی مستلزم اولدی و ایکجیبسی
انلرک طرفندن وارد اولان نسنه به اعتراض و مخالفت و خلقی فتنه به
ایضا عذر انک ایچون قرآنده مرء وجدالدن نهی اولندی زیرا شک
و شبهه و فتنه و عداوت و امثالنه باعثدر تأمل ایله که یوقدر فرق ضاله
نوجهله هوالرینه تابع اولوب قرآنی تحریف ایلشله و حق تعالی
ورسول الله و جبرائیل صحابه حقنه نهلر سولشلدردر که جاهل سی و اتر
واجاعه مخالف و اختلاف باطل و بلکه ارتداد محضدر فاما علی سبیل
الفائده و اظهار الحق علماء ایاه مناظر ایتک لا بأسدر (و حدیثه کلور

(اختلاف امتی رحمة) امتک مجتهدلرینک اجتهدادی جائز اولان
فروعده اجتهدادری رحمت و توسعهدر زیر شریعت محمدیه سمحه
و سهله در انک ایچون اصحاب مذاهبه تقلید ایلشلدردر اگرچه
بوالترامه اصحاب مذاهبک دعوتی یوقدر پس عامی که مذهب واحد
الترام ایلشدر هر مذهبک مباحیله عمل ایلسه فاسق اولور بوجهتدن
هر کسه مذهبنده صلابت کرکدر مرویدر که رسول الله صلی الله
علیه وسلم (ایها الناس قد فرض الله علیکم الحج فحجوا) یوردقلرنده
اقرع بن جالس نام صحابی سؤال ایدوب (اکل عام) دیدکده رسول الله
سکوت ایلدوب اوج کره تکرار سؤالدنصرکه یوردیلر که (اوقلت نعم
لوجبت ای الحجة دعوتی ماترکتکم) یعنی اگر نعم دیدم هر سینه حج
فرض اولوب طاقت کتورمز دیکز پس بن سزی امر و نهی اوزرینه
ترک ایتدکجه سز دخی نبی حالم اوزرینه ترک ایدوب سؤالده استقصا
ایتمکوز والا حرجه دوشرسر و بنم حقمنده سوء ظنه و ترک ادبه باعث
اولوب تردد و اختلاف هلاکه مؤدی اولور مبعوث الیه ایسه مبعوثده
تردد ایتک اولماز زیرا الله تعالی انلری مصالح عبادی تعریف و مواضع
ضرورتی بیان ایچون بعث ایلشدر بناء علی هذا سؤال ایتک محضاً تعنتدن
ناشی اولوب اعتراضه مؤدی اولور و طائفة صوفیه دیمشلدردر که
من قال لاستاذه لم لا یفعل ابدا بس استاذه مخالفت و اعتراض عدم
فلاحه مؤدی اولیبق بی عظیمة نوجهله اولمق کرکدر وینه
مرویدر که جناب نبوت ایکی کیمسه نک بر آیتده اختلافلری صورتن
اشتباده یوزلرنده اثر غضب ظاهر اولوب تهدید ایلشلدردر بس
اختلف قلوب اولدیکجه قرآنی اوقیوب اختلاف واقع اولورسه اورادن
قیام لازمدر و مظهر حقائق قرآن اولان اولیا دخی ذکر اولندقدده
اوراده مساوی کوی و ارایسه دفع والا اول مجلسدن قیام لازمدر زیرا
اورایه بلا شبهه غضب الله حلول ایدر و ملائکه رحمت فرار ایلر
و حدیث مذکور دن ترک منهیات و فعل مأموراتک وجوبی و اختلاف
تردد و اعتراض و انقیادک و بلا ضروره کثرت سؤالک تحریمی اخبر

اول نور زیر هلا که توعده اولمش در وعید ایه تحریمی مقتضی در
وهر نه که حرامه و سبیه در حرامدر او غلو طات که مخاطبی غلطه
دو شور مک ایچون اسوله در منهیدر مکر که سؤال تعرف ایچون اوله
قال تعالی (فاستلوا اهل الذکر ان کنتم لاتعلمون) وانسدن رضی الله عنه
مرویدر که دیمشدر سؤالدن نهی اولندیغزندن بادیه دن براعرابی کلوب
برنسنه سؤال ایدیدی بره خوش کلووردی حتی برکون براعرابی به
برای سؤال بررداء الباس ایتدیلو و بوسیدن در که جبریل صورت
اعرابی ده کلوب سؤال ایلدی تکیم حدیث ثانی ده مرور ایلشدر فاعرفه
* الحدیث المعاشر *

* ان الله طیب * طیب ایله طاهرک فرقی بودر که طیب نفسه ملایم وانکله
استلذاذ اول نور نسنه در طاهر ایه نظیفدر نظافت و تفاوت ایه
پاکک در نظافت ثوب و بدن ویت و امثالی کییکه تنظیف ثوب
وافیه وافواه و اوائی و نظاری حقنده آثار وارد اولمشدر و حدیثه
کلور (الاسلام نظیف فتظفوا فانه لا یدخل الجنة لانظیف) یعنی چته
ظاهری و باطنی پاک اولان داخل اولور و بعضیلر دیدیلر که طیب
و طاهر ارسنده فرق عموم من وجه در مثلاً زعفران طیب و طاهر در
و مسک طیب و غیر طاهر در زیرا اصلی دمدر و آبی تغییر ایلسه مانع
وضودر اگر چه ناخفه مسکه نماز جائزدر اگر قدیم و غیر منتن ایه و نفس
مسک حلال و سیدانواع الطیبدر و تراب طاهر در طیب دکل زیرا
بی رایحه در و طیب نفس خاطری خوش اولمقدور و طهارت قلب رذائلدن
پاکک در و رزق طیب اودر که دنیاده لذیذ و طبعه ملایم و بحسب
الشرع حلال اولمغله آخرته تبعه عذابدن خاص اوله پس هر طیب
حلال اولماز و مال طیب اودر که کسب خبیثدن و ظلم و غصب و ربای
و امثالندن حاصل اولمیه و عمل طیب اودر که ظاهر و باطن مفسداتدن
پاک اوله ریا و عجب و اغراض فاسده کی و حال طیب اودر که ظاهرنده
ادب شرع اوله و باطننده الحاد و تلویین بولمیه و انسان طیب اودر که
نجاست جهل و فسق و قبا یحندن متطهر و متخلی و علم و طاعت

و محاسن ایله متخلی اوله و حق تعالی نیک طیب و طاهر اولدیغی صفات
سلیبه دندر ازلیت و ابدیت و قدم و بقا و امثالی کی و معناری سبوح
و قدوس معنارنه راجعدر که هر نقص و آفتدن بری و احکام امکانیه دن
عری در و تطرفنه دخی امکان یوقدر دیمکدر (و بردخی بودر که طیبده
انفاس رحمانیه ملحوظدر انکیچون اطیب العرق اولان رسول الله
صلی الله علیه وسلم طیب تحیب اولندی رواج طیبه نیک انواعی کی
و ثوم و بصل و کراث و امثالی مکر و قلندی زیر طیبده ذوق انس
و محاضره واردر که صفت روحدر روح ایه نفاس رحمانی در و انواع
طیب بو نفسدن حاصل اولمشدر و بومعنایه اشارت ایدوب حدیثه
کلور المؤمن من اطیب من عمله و الکافر اخبث من عمله یعنی مؤمنک طیب
ذاتیسی عمل طیبی تولید ایلدی که جانب روحه ناظر در زیرا ذاتی
عوارض ردیه و مغیرات فطر تدن صافی در و کافرک خبث اصلبسی که
خبث اوزرینه مجبول اولدیغیدر عمل خبیث تولید ایلدی که جانب نفسه
راجعدر پس اصل طیب روحده اولدی که اندن عمله ساری اولدی
انکیچون مؤمن ذاتا و صفة پاکدر و اصل خبث زاتده در که اندن فعله
کلور انکیچون کافر ذاتا و صفة خبیثدر و بوراده ذاتدن مراد طیبعتدر
زیرا تجلی اول حسبیه جمله خلق یکساندر و بوتقریرا تدن ظاهر
اولدی که طیب خبیثک ضدیدر که طیب جید و محبوب و حلال و خبیث
ردی و مکروه و حرامدر یعنی هر برینه اطلاق اولور و ظاهر و باطنه
شاملدر * لایقبل الاطیبا * طیباده تکمیل کماله مصر و ف و عمومه
دالدر که انواع طیب بونده داخلدر تکمیل بالاده اشارت اولندی یعنی
الله تعالی طیبدر که انجق طیبی قبول ایدر قول و عمل و حال و مال طیب کی
زیرا کمال مطلق ایله متصف اولان حقه معامله ناقص اولماز و بر
نسنه که مقسمه کوره خبیله مخلوط اوله لاجرم ناقص و خبیث محض
اولور سه باطلدر پس حق نوجهله طیب و طاهر ایه انسان دخی
هر خصوصده اول وجهله کرکدر والا کماله اضافته سزا و طاهره
نسبتله لایق اولماز و بوندن مستنادر شول مسئله که برنسنه باطنده

حرام ایکن بر کیمه انک ظاهر نه نظر احلال قباس ایدوب طاعت قصد یله
تصدق ایسه مناب اولور تکیم کندی طهارت اوزر نه ظن ایدوب
نماز قلسه ثواب بولور پس ثوابه صحت عبادت شرط دکلدر بلکه
نیت مؤثره در کافی الاشباه بوجهندن حدیث مذکورده بعضی لر
دیدیلر که عدم قبولدن عدم صحت لازم کلز و لکن ثوابی اولماز
و بونک نظیری در که حدیثه کلور (من صلی فی ثوب قیمه عشرة
دراهم وفيه درهم حرام لم یقبل له صلوة ما کان علیہ) یعنی کر چه
ثوابی اولماز و لکن قضا دخی لازم کلز و بو فقیر فهم ایتدوکی
بودر که عمل شرعی اودر که مقابله سنده ثواب اوله پس
عمل که ثوابدن عاریدر انک صحتی ندر بلایسه صوم کبی انکی چون
اعاده یه محتاجدر کراهیت ایله تأدیه اولسان صلاة کبی صحت اودر که
برسنه بروصف صحیحدن بر غیری وصف صحیحه انتقال ایلیه فرضک
نافله یه تحولی کبی زیرا هند الشیخین بطلان وصفدن بطلان
اصل لازم کلز (مجبدر که بطلانله حکم ایتدکاری مادهده قضا له حکم
ایتدیلر مثلاً بر کیمه دن صدور کفر احباط عملی مستلزمدر بو کافر
اصلی کبی طو توب ایجاب قضا ایتدیلر و لکن کفرک غیری وجهله
بطلان واقع اولسه عدم قضایه وجه ندر (الحاصل خطائله واقع
اولان صلاة و صدقه و امثالک اصلاری معلوم اولیحق قضا و اعاده
لازم کمدی و بلکه نیت کوره اجر و ثواب حاصل اولدی و لکن کفردن
ماعد و وجهله بطلانی معلوم و عدم قبولی متیقن اولان اعمالی قضا
ایتملورد * وان الله عز * کسر همزه ایله جمله ولی اوزرینه معطوفدر
(عزت شول حالته درلر که انسانی مغلوب اولقدن منع ایده پس
حق تعالیک عزتی باهر و غیر مقهور و غالب و غیر مغلوب اولدیغیدر
و عزیز المناددر که وصولی صعبدر انک ایچون سالک واصل قلت و ندرت
اوزرینه در * وجل * یعنی جلالت و عظیم قدرده غایبه بالغ اولدی
و یا خود اشیاء عظیمه خلق ایتدیکه انکله وجود نه و کالاته استدلال
اولور) بعدذا سوق حدیثدن مقصود اکل حلاله ترغیدر پس اوائل

حدیث توطئه غرض ایچونددر * امر المؤمنین بما امر به المرسلین *
مرسلاره نه ایله امر ایتدیه مؤمنلره دخی انکله امر ایتدی یعنی رسل ایله
غیر یلر خطایده و اکل حلال ایله امرده تسویه ایلدی و مرسلین که انبیادن
اخص در انلر مأمور اولیحق انبیا بطریق الاولی مأمورلدر و بردخی
انبیادن مقصود جناب نبوتدر که رسول قسمندندر و خطابدن دخی
غرض اصلی اودر بناء علی هذا رسلی تخصیص بالذکر ایلدی و بونده
اشارت وارددر که مؤمنلر انبیا یه متابعت ایله مأمورلدر و بو خطایده
میانلرخی تسویه وصول کماله تحریر ایچونددر زیرا اکل حلال طیب
اصولندندر و فی الحقیقه طیب اودر که عقل مرتبه فتواده انی قبول
ایتدیکه کبی قلب دخی مرتبه فتواده قبول ایلیه انک ایچون ورع
خصوصنده (استفت قلبک) دندلدی و بو مقوله صفات حیده ایله
اشتراکدن اوتوری کندیلرند نصکره ککن مؤمنلردن اخوانله تعبیر
ایلدی انبیادن تعبیر ایتدیکه کبی خصوصاً که اکامل امت مشکاة نبوتدن
بلا واسطه اخذ ایتدکده انبیا ایله مشترکدر اتم اولی ایسه بو یله
دکلدر بلکه انلر کندیلر مبعوث اولان انبیانک بو اطنندن اقتباس
ایدرلر فاعلم ذلك * فقال * فاء تفسیریه در زیرا امرده معنای قول
وارددر * یا ایها الرسل * رسل حقه مقرر بلر ایکن نداء بعید ایچون وضع
اولسان حرفله منادا اولندقلری بعد منزلتلیزه اشارت ایچونددر
بوگاه اولور که یا ئله مقولک امر خطیر و معنی اولدیغنه تنبیه قصد
اولور * کلوا من الطیبات * جمیع رساله خطایدر و لکن ازمنه مختلفهده
ارسال اولمقله دفعة خطاب اولمقدیلر بلکه هر رسول کندی زماننده
مخاطبه و توصیه اولنوب کل من الطیبات و اعمل صالحا دندلدی تا سامعه
معلوم اوله که ایاحت طیبات شرع قدیمدر و برسنه که جمیع انبیاء انکله
منادی و مرخص اوله مأخوذ و معمول به در پس اوامر متعدده دن
صیغه جمله ایراد اولندیغی ایجاز و اختصار ایچونددر (و طیبات استطابه
واستلذاذ اولسان مباحات مأکولات وفوا که در و بونده طائفة
رهبانیه نک رفض طیبات ایتدکلینی رد وارددر اگر دینلرنده اکل

طبیات یوقدر دیو اعتقاد وزعم ایدر لرسه فاما حلالی طبیعتی
 شهواتدن قطع ایچون ترك ایتک مرخصدر (و دیمش لردر فکر
 مباحات قلبده ایراث ظلمت ایدر فکیف که تدبیر حرام ومسک
 آن تغییر ایدوب مانع وضوء اولیحق ولوغ کلب نیجه اولحق کرکدر
 انک ایچون بعض کبار پیور مشلردر که من اعتقاد بالمباحات حرم من لذا
 المناجاة وجوفده که حرام اوله اورایه شمس توحید حلول ایتزیر
 سلطان مزبله زارده خیمه زن اولماز و بعضی لردیلر که خطاب بالکر
 رسول الله در علیه الصلاة والسلام وجمع ایراد اولندیغی عادت
 عرب اوزره تعظیم ایچوندر زیرا جمله نك کالاتنی حیات ایتکله همان
 جمله دن عبارت اولمشدر ولکن سعدالدين التفتازانی وشیخ رضی
 دیمش لردر که تعظیم فی الخطاب کلام قدیمه وارد اولمشدر پس
 (بصرت بمالم تبصروا به) ده قرائت جزء وکسانی اوزره خطاب
 حضرت موسی به وبنی اسرائیل در یوخسه بالکر حضرت موسی به
 دکلدر فاما اثریه خطاب جمع واقعدر تنکیم بعض اقوالده آدم
 وحوایه خطا یا (اهبطوا) بیلدی (وکل حکمهم شاهدین) ده ضمیر جمع
 کیله مراد حضرت داود و سلیماندر علیهما السلام بو جتهدن
 دیدیلر که زوجه اقل جمع اتین و فرد ده ثلثه در * واعملوا صالحا *
 یعنی عمل صالح اشکر که عبادت علت غاییه خلقدر قال الله تعالى
 (وما خلقت الجن والانس الا ليعبدون) ای لیعرفون و یوحدون
 و یعبدون و عمل صالحک ذکرنی تأخیر ایتدیکی دلالت ایدر که عمل
 صالح اصل حلالک نتیجه سیدر زیرا لقمه بر تخم کبیر که محصول
 خیراوشرا افکار و اعمالدر و بوراده امر وجوب ایچوندر اولکیده دکل
 زیرا اکل طبیاتله امر اولحق دفع حرج ایچوندر یوخسه ایجاب ایچون دکل
 و بونده مباحی اولتیری رد وارددر زیرا اکامل ناسدن عبادت ساقط
 اولیحق سائرلردن بطریق الاولى در و انسان مرتبه کماله بالغ اولحق موجب
 تشکر اولمغله عبادته توغلی سائرلردن اقوی کرکدر و فی الحدیث (اولا اکون
 عبداشکورا) و فی التنزیل (واعبد ربک حتی یأتیک الیقین) یعنی یقین

عوام ناسه کوزه موت اولمغله عبادتی انکله مغیا قیلدی یوخسه
 ملاحده زعمی اوزره بعد الیقین التام و حصول المرام عبادته حاجت
 قالماز دیمک دکلدر (بعد ذا کلام الهی عند اهل السنة قدیم اولیحق
 معدومه نوجهله خطاب واقع اولور) جواب بودر که اشیاء حال
 عدمده معلوم الاعیان والاحوال و مشهود الحق المتعالدر شول
 صورت اوزرینه الی ما لانهایه کلسه کرکدر پس هر مقامه کوزه
 بر خطاب واردر که انده تعلق واسترسال اعتبارنه حاجت یوقدر
 تنکیم فخر رازی حدوت تعلقه و امام الحرمین واحدا بعد واحد
 استرساله ذاهب اولمشدر الحاصل حال عدمده مکلفدن عقل وفهم
 مطلوب اولحق که تعلق تجزیدر محالدر پس معدومه خطابدن
 مراد تعلق عقلیدر وهو ان المعدوم الذی علم الله انه یوجد بشرائط
 التکلیف یوجه علیه حکم فی الازل بما یفهمه و یعقله فیما لایزال کما
 قاله شارح المختصر * وقال * الله * تعالی * بوراده صیغه تفاعل
 بطریق المبالغه در یوخسه بشرحالی کبی علی سبیل التکلف دکلدر
 یعنی علوشان و رفعت قدری بر مرتبه ده در که وصف الواصفین
 و علم العارفین اتی احاطه دن عالیدر (بعد ذا تعالی جمله سی معترضه در
 و بعضی لردیلر که جلالیه صفت اولحق دخی جائزدر اگر چه
 جمله نکره در زیرا بو وصفک حق تعالی به اختصاصی وارددر بویله
 موضعه ایسه صفت و موصوف تعریف و تنکیرا متخالف اولحق
 لا بأسدر * یا ایها الذین آمنوا * تقدیری یا ایها القوم و یا خود یا ایها الناس
 الذی دیمکدر زیرا ای مبهم اولمغله موصوف اولمغه صالح دکلدر
 الذی ایسه جمله ایله معارفی وصفه وصلت ایچون وضع اولمشدر
 و موصولات غائب مقوله سی اولوب ضمیر عائده محتاج اولمغله آمنوا
 دندلدی آمنت دندلدی مع هذا آمنت دندلده دخی ندانک معاصر نبوی
 اولنله اختصاصی لازم کوردی یا ایها الناس و امثالی کبی تنکیم بعضیلر
 بطریق المغایبه ایراد اولندیغی دفع اختصاص ایچوندر دیو زعم
 ایتدیلر وقاعده تحویه دن ذاهل اولدیلر * کلوا من طیبات ما رزقناکم *

یعنی ای کمر بسته اسلام و عامه بند ایمان اولنل سرزی مرزوق ایتدی یکیم
 انواع نعم واصناف ارزاقک مستلذات وملایماتدن تناول ایدیکوز
 کرک فواکهدن و کرک غیریدن یعنی اکل طبیاتدن منع یوقدر حلال
 اولیق قال الله تعالی (هو الذی خلق لکم مافی الارض جمیعاً) یعنی
 اشیاء نافعه ده اصل اولان اباحتدر زیر حرام اولان مضر و محجور
 مقوله سیدر پس سنده که اکل حلال و صدق مقال و خطاء بال
 وبر و اندین وصله رحم و عطف جار و رحمت مسلمین و کظم غیظ
 و عفو و احسان منی و صبر و احتمال ازی و بونلرک امشالی اوصاف
 حسنه و اخلاق مستحسنة اوله طبیاتدن زهده احتیاج قوماز زیرا
 لازم اولان مراعات اصولدر یوخسه ترک اصولله زهد دکلدر یورادم
 رزقی کندی نفسنه نسبت ایتدی تا که حقه اضافته سزا اولان
 حلال مطلق اکل ایده لر و کسب حلالده احتیاط ایلیمه لر و بالاده
 ذکر اولندیکه بوامر و جوب ایچون دکل بلکه اباحت ایچوندر پس
 ریاضت و پرهیز ایتک لابأسدر و صوم و صالیدن نهی اولنق بطریق
 الشفقه در که قادر اولانه منع یوقدر (الحاصل بر امر و یا پر نهی که
 لنا اوله علینا اولیه ایجاب و تحریم ایچون دکل بلکه ترفیه و شفقت
 ایچوندر پس ترک و فعلی بلا کراهه صحیحدر تکیم کلور (واشهدوا
 ذوی عدل منکم) یعنی بوامر ایجاب ایچون دکلر حتی اشهادی
 ترک ایتسه آتم و مرتکب کراهت اولق لازم کلز نهی صوم و سال دخی
 بویه در که فعلی مکروه دکلدر و رزق مأکول اولاندر مدخر دکل
 و حرام رزقدر تکیم بالاده مروری ایتدی و معتزله رزقده ملک شرطدر
 حرام ایتسه ملک دکلدر دیدیلر و اهل سنت رزق حیواناتله نقض
 ایتدیلر که اورزق انلرک ملکی دکلدر ولکن بونقض ضعیفدر زیرا
 حیوانات یا مملوک و یا مسخر انساندر پس ارزاق دخی بویه در که
 فی الحقیقه انسانه مضافدر فلما حرامی حقه اضافت ایتک ترک ادب
 و بلکه ممنوعدر کاجاء فی الحدیث (والشر لیس الیک) خصوصاً محل
 امتناده رزقده حرام داخل دکلدر تکیم ادنای ادراکی اولان فهم ایدر

(ومن طبیاتده من تبعیضیه دن اسرافدن صیانت فهم اولنور زیرا
 استیفاء اکل واستقصاء الوان و انواع شرط دکلدر و بونده بطریق
 الاشاره علم دخی داخلدر زیرا عدای روحدر و انک اطبی علم بالله
 و طبی علم با حکام الله در ماعداسی یا اخبشدر علوم محرمه و یا حبشدر
 علوم غیر نافعه کبی و علم با حکام للهک مجموعی منشور و علم باللهک
 بعضی موقوفدر (واکل طیب تله امر دن عزیمت فهم اولنور مثلاً
 لحم بقر حلال ایکن خواص رذیه سنه بناء لحم غنمه اعتناء لازم کلدیکی کبی
 علوم ظاهره و باطنه ده تفاوت دخی اکا قیاس اولنه و علم بالله اجل
 العلوم اولدی زیرا معلومی اجل المعلومات در که الله تعالی در
 * ثم ذکر الرجل * ثم رتبه ده تفاوت و آکل حرام اولانک جناب حقله
 بعد مناسبتنه اشارتدر انکیچون دعاسی مستجاب اولماز الرجل ده لام
 عهد ذهنی ایچوندر زیرا خارجهده معهود یوقدر و بومقوله معرف
 باللام نکره حکمنده اولمغله مابعدنده اولان جمله اکا صفت اولور
 * یطیل السفر * سفرله مراد سفر حجدر تکیم امام تور پشی شرح
 مصابیحده تصریح ایتشددر انکیچون اطلاع ایله وصف ایلدی خلق
 کعبه به بحسب الغالب شق انفس ایله فیج عبقدن کلورل و سفر لغتده
 قطع مسافه و شرعه اوج کونلک و یا دخی زیاده مسافه قصه دیله
 خروجدر که سیر اهل و مشی اقدامله معتبردر یعنی ساعت نجومیه ایله
 پهر یوم آتیش ساعت ایله مقدردر که اوج کونلک مسافه اون سکر
 ساعت ایدر که قصر صلاه و حجت نقل انک اوزرینه موقوفدر
 و بالاده اشارت اولندیغی اوزره یطیل جمله سی الرجله صفتدر زیرا
 معناده نکره در و صورت تعریفه نظرله حال دخی اولور تکیم (که تل
 الحمار یحمل اسفارا) ده ایکی وجه دخی تجویز اولنشددر و نکره
 مخصوصه قبیلندن اولق دخی وجهدر یعنی جاء فی رجل ده رجل
 مجی ایله مخصوص اولدیغی کبی ذکر الرجل ده دخی مذکوریت ایله
 مخصوصدر فاعرفه * اشعث * مقتضای سفر اوزره متفرق الشعر
 اولدیغی حالده زیرا شعث اندشار و تشعث تفرقدر و بونده عربک

اغلب حالته اشارت واردر که صاحب اولاد قلیدر و رسول الله صلی الله علیه و سلم حج و عمره سببیلہ اوچ درت کره انجق تراش اولمش لردر (وامام علی کرم الله وجهه و بعضی لرتراش اختیار ایتش لردر زیرا هر قیل دبنده جنابت اولدیغندن شبهه دن حذر و غسلده اهتمام ایتش لردر و عربک غیریده ارسال شعرایتک نادر در خصوصاً یوازمانده مهجور در مکر که نیت حج ایلوب خانه سندن قبل الخروج و یا بعد الخروج ارسال ایلده بودخی بعض صوفیه دن واقع اولور که نادر در زیر اصعبدر که مجاهده نک اشقندن در * اغیر * مغیر الوجه یعنی بوزی توزلنش اولدیغی حالده تنکیم انشاء سبیلک حالیدر که چهره و لباس لری پر غبار اولور غیره حر که ایلده غبار و غیره ضمه اون غبار در و قرآنده کلور (ووجه یومئذ علیها غبرة ترهقهها قتره) یعنی یوزلک اوزرنده قیامت کوننده غبار و کدورت واردر که سواد و ظلمت دخی اتی احاطه ایلوب سواد بر سواد اولمشدر و غبراء صحراء و زنی اوزرینه ارضدر بوراده اشعث و اغیر صفت مشبهه در بونده اشارت واردر که دثابت هیئت ذات سبب استجابت د عادر حرم الله ده اماکن متبرکه کی قال تعالی (ولقد نصرکم الله بیدر واتم اذلة) پس بویله مظان اجابت و امارات قبولده مردود و غیر مسموع اولمق موانع شرعیه دن کلور که امور ثلثه آیه در * یمدیده الی السماء * یونک اعراب دخی یطیل کیدر یعنی قبله الدعاء اولان سمایه رفع ید ایدر زیر اسماء (وفی السماء رزقکم) موجبه مخزن الارزاقدر پس اول طرفه رفع ید ایتک خزانه سلطانه اشارت ایدوب سلطانندن نسبه طلب ایتک کیدر (ومد یدک معنای بودر که سؤالده ید مد اولانه کلشدر و باسط و قابض عطادخی اودر که وعندالدعاء مستجب اولان اللرن حذاء صدرنه دک رفعدر (و جناب نبوت صلی الله علیه و سلم استسقاء یدلرنی اظهار فاقه و امناساس حاجتدن اوتوری کل رفعله رفع ایدر لردی زیرا حبس مطرله خلقک زیاده ضیفه دوشوب صبره طاقت لری قالمدیغن بلور لردی (و بعض احاد شده کلور که رسول الله شدت اصابت ایتسه د عاده یدلرن

بر مرتبه ده رفع ایدر لردی که بیاض ابط لری کور نور دی و حین الدعاء مستجب اولان یدنی کنندن اخراجدر و اگر وقت عذر و یا برد ایتسه مسجده ایلده اشارت ایتک کافیدر (وابویزید بسطامی دن قدس سره مرویدر که بر کیمه شدت برددن برانی اخراجده قادر اولما یوب بر ایلده دعا ایلدی و عقبنده مشاهده سنده کوردیکه اخراج ایتدو کی یدی نورله مملوه و اول برالی خالیه در سببندن سؤال ایتدکده جانب غیبندن دلدیکه سبب حرمان ید خالیه نک اخراج اولمدیغی و سؤال الله آچما یغیدر پس استین بولور استین نه بولور و عندالدعاء افضل اولان بسط کفین یدوب میسانده فرجه آلیق و مقدر قلیل اولور سه ده یوخسه احدی الیدینی اخرایه ضم و یاری برینک اوزرینه وضع ایتیه و دفع بلا و حفظ و غلا ایچون دعا ایدر سه اللرنک ارقاسن قبله به ایلده و د عاده یدوا حده ظاهری ایلده توجهندن و ید اخری باطنی ایلده توجهندن و لسان جمله سندن متر جدر و مسح وجه تبرک و روحله بدن میانی جمع ایلین حقیقه رجوعه تنبیهدر زیرا وجه الشیء حقیقه الشیء معنای در و وجه ظاهر اول حقیقتک مظهر یدر و بعض اهل ظاهر دیدیلر که کویا کنی برکات سماویه و انوار الهیه دن مملوه در که اورادن کرامته احق اولان اعلی الاعضایه افاضه ایدر * یارب یارب * یمد نک فاعلندن حالدر حال کونه قائل یارب یارب دیمکدر معلوم اوله که الله تعالی اقرب من جبل الورد یدایکن نداء بعد ایچون وضع اولنان یانک استعمالده وجه نفسی استقصار و محافل زلفی و منازل مقربیندن استبعاد ایچوندر که اجلال الهی بی دخی متضمندر یعنی مظان اجابتدم یارب فلان مرادی بکا اعطایله دیو جی اولدیغی حالده که جلب منفعتدر و یارب فلان محذوری دخی بندن تبعید ایلده دیدو کی حالده که دفع مضرتدر یا خود یارب یارب بطریق التا کید تکراره محمولدر که ماده واحده به کوره در و ظاهر اولان بودر که بعض مواضعه کوره تأکید و بعضه کوره تجدید ایچوندر (واسم رب اسم اعظمدر جل جلاله (ورجن) وحی) و قیوم) و بدیع السموات والارض) ذو الجلال

والاكرام) لاله الا انت سبحانك اني كنت من الظالمين) اسملى كې
 ورويت مرتبه واحد يتدر كه جلاله به نسبتله سلطانن وزير
 كيدر كه وزير وكيل مطلقدر * ومطعمه حرام * حال بو كه مطعوى
 حرامدر پس مطعم مصدر مې در مطعوم معناسنه وما كولاك
 حرام اولسى باطم ويا غصب ويا كسب خيبت يوزندن اولغله در
 مثلاً بر كيمسه نك صنعتى آلات لهود ووزمك ويا صقال تراش
 ايتك ويا مسائر مكاسب خيبت اولسه بونلردن حاصل اولان مال ايله
 اشترا اولنسه اول نسنه دخی خيبت اولور ورشوت و باطل اجرتلر دخی
 اكا قياس اولنسه * ومشر به حرام * و حال بو كه مشروبي دخی
 حرامدر يامسكرات ويا غیری كې (و ذخیره دن منفولدر كه بر عباد
 ويا بر صبی كوزی ماء حوضدن پر ایدوب بر مقدارنی حوضه اراقه
 ایلسلر اول حوضدن شرب ايتك حرام اولور زیرا ملكلر بی ماء مباحه
 خلط ايتك اولورلر بوجهله كه تمیزی ممكن دكلدر وكذلك بر صبی
 ماء مباحدن بردستی صوكنورسه اكر والدینی غیله ایلسه اندن شرب
 ايتك حلال اولماز زیرا ماء بعد الاخذ انك ملكی اولور وكذلك
 بلا حاجة انك مالندن اكل ايتك حرامدر تكیم اضحیه طفلدن طفله
 اطعام اولنوب باقبسی منتفع به نسنه به استبدال اولور ثوب وخف
 كې كه بقایى اوله خبر وامشالی دكل وصیبتك تبری صحیح دكلدر
 واستخدام یتیم بلا اجرت حرامدر مكر كه والده سینه خدمت ایده
 ويا معلم شریكی احضاره ارسال ایلیه * وملبسه حرام * و حال بو كه
 ملبوسی دخی حرامدر كه یا حریردر ويا كسب خيبتدندر (وبر ملبوسك
 استاری حریر اولق رجاله حرامدر صوفدن وجوخه دن وغیریدن
 كرا كه وقاوق استاری كې وامور مثله دن هر بری استجابت دعا به
 مانعدر واكر مجتمع اولور سه اشددر (مطعم و مشرب تقدیم اولندی
 زیرا افساد باطنده تأثیر عظیمی واردر حتی بر كیمسه شرب خیر ایدوب
 توبه اینسه قرق كونه لك انك آلایشندن خلاص اولماز وافبونك
 مضر قی التي آبه لك متمد اولور وحشیش كه تنگی لك دیدكلریدر جمع

اجزاء بانه سریانی ثوبه صبغ كیدر كه بردخی چمن * وغذی
 بالحرام * ذال معجمه ايله صیغه مجهول اوزرینه یقال غذاء غذا
 وغذیه وغذویه بر معنایه در (وغذی تشدید له دخی مریدر زیرا
 ثلاثی مستعمل اولیحق مزیدی دخی مستعملدر مكر كه نادر اوله
 والغذاء بالفتح مابه نماء الجسم وقوامه وتغذیه در تكیم غذاء فتحله
 ودال مهمله ايله طعام الغدوة وتغذی اول نهاده اكل طعامدر عشاء
 فتحله طعام العشاء وتغشی آخر نهاده اكل طعام اولندی كې و ذال
 معجمه حال صغرنه و ذال مهمله حان كبرنه اشارندر یعنی لحمی حرامله
 یتیم وانكله تربیه یتیمش بوراده تغیر اسلویدن فهم اولور كه بو معنی
 اولكیلردن اشددر حدیث تحییب ده تغیر اولنوب (وجعلت قره عینی
 فی الصلاة) دینلدیكی كې زیرا قره العین اولق مشاهده دن ناشیدر
 ذوق مشاهده ایلسه الذالشیادر * فانی * کیفومن این معناسنه كه
 استفهام استبعاد واستنكار ایچوندر كه انكار وقوعه مجولدر * يستجاب
 لذلك * يستجاب له یرینه يستجاب لذلك دیدی یعنی اسم اشارت
 اراد ایلدی رجل معهودی صفات ذمیه ايله موصوف اولدیغی
 جهتدن اكل تمیز له تمیز وكال سوء حالنه اشارت ایچون (معنی
 بودر كه انك ایچون دعا قن مستجاب اولور یعنی اومقوله حرامه ملابس
 اولان سوء حال اهلنه دعا مستجاب اولق مستبعددر زیرا حقل نهی
 ایتدیكی نسنه بی ارتكابه حقندن بعید اولانك حقله اراسنده حجاب
 عظیم واردر ودعا عالم صورتدن واقع اولغله اول حجابی خرق ایدوب
 عالم معنایه دخول ایده مزو حرام انك بولنسه سدا اولوب دعایی كیرو
 دوندرر تكیم مال خيبت ايله حج ایدن لیبك دیسه جانب سمدن
 بر ملك اكالا لیبك ولا سعديك وحجك مردود عليك دیو جواب ویر
 لیبك قولنی حرم قدسدن رد ایدر (استجابت جوابدندر قطع معناسنه
 زیرا جواب سؤالی قطع ایدر واستجابت اجابتدرا كچه حقیقی
 تحری جواب وجوابه تهبودر ولكن اجابك استجابتدن قات انفكاکی
 اولغله اجابتدن استجابت ايله تغیر اولندی و لباس حرامله دعانیجه

ایسه لباس حرامله نماز دخی بویه در زیر طهارت ثوب بشرط در
کرك طهارت صوریه و كرك معنویه ایله تنکیم (دم علی الطهارة یوسع
علیک الرزق) حدیثنده طهارت ظاهر و باطن نجاساتدن تطهره
شاملدر و دعا دخی عبادتنددر بلکه مخ العبادتدر که افسانک قوام
وجودی عظم و عظمک دخی قوامی مخله اولدیغی کبی عبادتک دخی
استساکی دعا ایله در چونکه حرامه ملابسه ایله دعا قبول اولیه سائر
عبادات دخی قبول اولاز پس حجت اشعث و غیر اولدیغی بی فائده و عابدک
تعب عبادتی بی عانده اولور انکی چون ایمان اولدیغی یرده ره بانیست عبث
اولور (والله الهادی الی طریقہ والمهدی للعبد بامداد هدیته وتوفیقه
* الحدیث الحادی عشر *

حادی اصلنده واحددر که قلب مکان ایله حاد و اولوب و او یاه مقلوب
اولور برنجی دیمکدر که تصغیر اعتبارندن اتوری اسم فاعل اخذ اولمشدر
حادی عشر صاحب مغرب عندنده فتح یا ایله وعند الفاضل الرضی
سکونله در * دع ما یریک الی ما لا یریک * دع امر حاضر در و دع
بدع دن وضع یضع کبی معناسی ترک ایله دیمکدر و بولکه نک ماضیسنی
و مصدرنی استعمال یتیموب ترک ایتدیلدردید کلری قلت استعمالنه محمولدر
والا رسول الله صلی الله علیه وسلم افصح العرب ایکن پیور مشلدر در که
(لینتهن اقوام عن ودعهم الجماعات او لیتمل به علی قلوبهم)
زیرا پوراده و دع ترک جماعات معناسنه در و شعرده ککاور (ایت
شعری عن خلیلی ما الذی) غاله فی الحب حتی ودعه و عروه
و مجاهد (ما ودعک ربک) قراءت یتشدر در تخفیفله یعنی قراءت
شاده ده تخفیف واقع اولمشدر در که بعضی علماانی قراءت نبویه در
دیمشدر در و مظهر دیمشدر در که کلام نبوی متبوعدر یو خسه تابع
دکدر بلکه اکانسبتله فصحاء عرب عی اسانله مشتهر اولان باقل
مرتبه سنده در ولغات عرب مختلفه در پس جائزدر که بعضی قبائلک
اغنی منقرضه اولمغه جناب نبوت انی احیا یتش اوله و مقاصد حسنه ده
کلور که حضرت عمر رضی الله عنه (یا بی الله ما لک افصحنا) دیوسؤال

ایتد کده جوابنده پیور دیلر که (جاء فی جبریل فلقننی لغه ابی اسمعیل)
وانسان العیونده غزوه خند قدده کلور که وفی الحدیث (ان شر الناس
من ودعه الناس اتقاء شره) و قرآن جمله قبائلک اغسانی جامع اولمغه
اسان نبوت انی شرح یتشدر و بر لغتی بعضی قبائلک عدم استعمالندن
عند الکل عدم استعمالی لازم کلز تنکیم اطراف حجاز و قبائل عربی دور
وسیر ایدنلره خنی دکدر بوفقیقیر شامده مجاورتم حالنده لادری دیمکی
براعرایدن اشدیم اکثری ما عرف دیرلر ولادری ندر بلزلر و بومقوله
اختلاف عجمده و ترکده و هند ده و سائر ده دخی واردر (ودیمشدر در که
یذکرکله سنک دخی ماضی و مصدر و فاعلی متر و کدر و ذر و و ذر و و ذر
کبی و ینبغی دن دخی ماضی ایله مضارعک غیر استعمال اولمشدر
و غیر مستعملک استعمالنی غلط عدایتدیله قیاسه موافق ایسه ده تنکیم
آذی یوذیدن مصدر اذی و اذیه کلوب و لا تقل ایداء دیدیلر (وعلیهم
ما تعسفوا بلادلیل و تکلفوا بدون سبیل) بعد ذالامام بیهقی تاج المصاندرده
ریب و اراهه بی بر معنایه اخذ ایدوب کجانه دوشورمک ایله تفسیر ایشدر
شوقدر واردر که اراهه لغت هذیلدر دیمشدر و ارب الرجل صار ذاریه
ومنه المریب علی وجه بومعنایه همزه صیرورت ایچون اولوب تعدیه
اولمغاز (وامام راغب دیمشدر در که یقال رابی کذا و اربی کذا فالریب
ان یتوهم بالشیء امر اما فی کشف عمایه و همه ولذا قال تعالی (لاریب
فیه) زیرا قرآنن ریب و شک زائل و منکشفدر و الارابه ان یتوهم فیه امر
فلاینکشف عمایه و همه پس بو اعتبارله حدیث مذکورده ریب
حرف مضارعک ضمیمه اولمق لازم کلور زیرا شبهه نک انکشافی متصور
اولان یرده مشتبهی ترک لازم کلز فافهم و دیمشدر در که ریب ده فتح
و ضم مر و یدر ولکن فتحه اکثر واشهر و افصحدر زیرا اکثر قبائلک
لغتی در بونک نظیری شغل ایله اشغل در زیرا بعضیلر مضارعنده
ضم یاء قلیله و بعضیلر ردیه در دیدیلر حتی کرمانی دیمشدر که و حکمی
ضم الیاء و هو غریب و بونده الی مقدره متعلقدر انقلاب و عدول
و ذهاب کبی (معنای حدیث بودر که شول نسنده ده که سکا شک و شبهه

عارض اوله وسنى قلق واضطرابه دوشوره اتى ترك ايله اندن سكا
خيلچان و يرمين نسنه يه منقلب و ياعادل و يا ذاهب اولديغك حالده
يعنى برنسنه نك حل و حرمت و حسن و قبح و سنيت و بد عيننده
شبهه نك اولسه كرك قول و كرك فعل و كرك عبادت و نكاح و سائر
معاملات اولسون اورادن حالى متيقن و حقيقى معلوم اولان نسنه يه
عدول ايله زيرا هر مسئله ده خلافتدن خروج اقوادر (ويقال دع
ذلك الى ذلك اى استبدله به و شراح احاديث ديمشدر كه بوراده امر
بدب ايچوندر زيرا توقي شبهات نمد و بدر يوخسه واجب دكلدر
و ديمشدر كه ورع اوج درجه در (اولكسى فتواى فقيد ايله حرام
اولان نسنه دن اجتنابدر و الاعتدالت زائله اولور و اتى ارتكاب ايده نه
فاسق و فاجر ديلور) و اينكيجيسى ورع الصالحين در كه شبهاتدن
احترازدر يعنى برنسنه نك ظاهرى اوزرينه فتوى مساعدده ايتسه دخی
توقف ايده و فتواى قلبه عمل ايتسه و من حيث لا يحتسب حرامه
وقوعدن حذرقله و حديث مذكوره مراد بوورعدر و بوبايده زياده
تدقيقات ايتمشلردر حتى ابن ادهم بئرمزمدن شرب ايتيوب سوال
اولنجيقى اكر دلو مخصوصم اولايدي ايچردم ديمشدر زيرا مال سلطانندن
اولان نسنه مشبهدر و بعض اهل حاله بعض امارات ظهور ايدوب
مشبهندن انكله پرهيز ايدر لردى مثلاً اكل طعام وقتنده يد لري
حرکت ايتمز و باطمر لري حرکت ايدردى و يا خود اول لمغامدن رايحه
كريمه عكس ايدر و يا صورت قبيحه ده كور نوردي فاما بوازمونده قنى
بويله حال (اشته كثر شبهات و قلت حلالا ندن او توري ترك محرمات
ورع دن عد اولندي و حديثه كشمدر كه سبز بر زمانده سكر كه
مأمور اولديغكز امر معروف و نهى منكر ك عشرين ترك اينسكز هلاكه
اولور سكر زيرا عزت اسلام و كثر انصار وارددر و بر زمان كلور كه
اول زمانده امر و نهى مذكور ك عشرين وجوده كستورن نجات بولور
زيرا معين دين قليل اولغله زمان سكوتدر زيرا يالكر طاش ديوار اولماز
ديرل مشل مشهوردر (و اوچنجيسى ورع المتقين در كه حديثه كلور

(لا يبلغ العبد درجة المتقين حتى يدع الالباس به مخافة ما به بأس) پس
بوندن بعض حلالى دخی ترك لازم كلدى و حلالدر ديوهر نسنه يي
سويلك و اكل و شرب و بلس لازم كلدى زيرا شرعك رخصتى على
موجب دكلدر بلكه انسان كامل برعروس و اون سكر ييك عالم انك
اوزرينه نشاركي در و عروس كندى اوزرينه نثار اولنان نسنه يي جمع
ايتك دناءتدر و شرعده مراتب مختلفه واردركه مكلفلرك احوال
متووعه و استعدادات متفاوته سنه ناظر در طبقاتدن جاهل اولان
خلط مراتب ايدوب غلطه دوشربو جهتندركه علماء باللهه
خدمت كر كدر كه انلرك معرفتده مرتبه لري سائرلردن برتر خصوصاً
(التقوى فوق امر الفتوى) مضموننى مقرر در (و اشباهه سكور
بر كيمسه منجسك وقوعنده شك ايتسه اصل اولان بقاء طاهر يتدر
بو معنادن امام محمد ديمشدر كه بر حوضدنيكه جاهل بالا حكام اولان
اهل رستاق و صفار و عبيد و اما آيدى دنسه و جرار و سخنه ايله صو
اخذ ايتسلر انكله وضوء جائز اولور نجاستى معلوم اولدجه (بو جهندن
طين طرقل طهارتيله فتوى و يرديلر مكر كه عين نجاست مرتبه اوله
(و جناب نبوت صلى الله عليه وسلم حج و داعده سقايه عباسه متوجه
اولد قلزنده يار رسول الله بوسقايه ايدى عوام و اعراب دكشدر سزه
غيرى شربت و برلم ديد كلزنده جناب نبوت بيورديلر كه) التمس بركة
ايدى المؤمنين يعنى اول حوض عامدن شربى استكرام ايتيوب امته
جوازي مشروع قيلديلر (و احباده كلوز كه سيرت اولين بوايديكه
جمع همى تطهير قلوبه مستغرق قلورلردى و تطهير ظاهرده تساهل
اوزره اولورلردى حتى حضرت عمر رضى الله عنه بر نصرانيه نك
جره سندن آبدست المشدر (و هديه المهد بين ده كلور كه بر كيمسه
فساد نكاحنى توهم ايدوب مهر اول اوزرينه تجديد نكاح ايتسه
مع هذا نكاحى فاسد اولمش اولسه مهر آخر لازم كلز بلكه تا كيد
نكاح قپانندن اولور تجديد دكل و اكر فى الوقع فاسد ايتسه مهر اول
اوزرينه اون درهم كمش وضع اولنور كه اقل مهر در (و نكاح متيقن

اولد بجه شك يقينه مزاجه ايتن بلکه صلح بعد الصلح باطل اولديغي کي
نکاح بعد النکاح دخی باطلدر (الحاصل مشهوردر که شکله یقین زائل
اولماز پس احتیاط و وجوبک مواضعی وارد که اکا کوره اولنور و هر شبهه
ضعیفه ایله نکاح تازه لئمز تکیم ظن غالبی اولد بجه نماز قضا اولماز
والا کیدی عندندن شرع جدید کبی اولور بوايسه باطل و مردوددر
فاعرفه (و بومسائل شبهه و یقینه متعلقه اولماق ذیل حدیثه درج
اولندی اگرچه که فروع جزئیة سی جوق واثله سی حددن ارتوقدر
الحديث الثاني عشر

من حسن اسلام المرء تركه مالا يعنيه من تبعه ضیعه در زیر محاسن
اسلام کثیره در که جله دن بری ترك مالا یعنی و فعل مایعنی در (و حسن
صورته تناسب اعضادن ناشی طبعه ملایم بر امر مرغوبدر که قلوب
اکا منجذب و ابصار دخی اکا تابع اولور حسنله جالاک فرقی بودر که
(حسن ذاتله قائمه صفت دکلدر بلکه سنک لغرض من الاغراض
استحسان ایتدی بکک نسنه در کرکسه عند الغير مستحسن اولماسون
جال ایسه ذاتله قائمه بر صفتدر که سنک و غیرک عندنده بالاتفاق
مستحسندر مثلاً حسن یوسفه علیه السلام جال دیرلر که عند الكل
مستحسندر حسن ابلی ایسه مجنونه کوره حسن در بوخسه هرکسه
کوره دکل زیر دنیاده لیلادن مستثنی محبوبه لر وارددر (و بوعالم کونه
مشهد حسن دیرلر زیر آثار جلیله در که آینه اسما و صفاتدر اسمائیه
حسنی ایله وصف اولمشدر قال الله تعالی (ولله الاسماء الحسنی)
واسمائک حسنی مدلولایدر که کالات الهیه در (بو جهتمدن حسن
ایکی نوع اولدی که بری حسن حسی و جسمانی و بری حسن معنوی
و روحانیدر و حسن اسلام معنویدر انکیچون مسلم مطیع اسلام
وطاعتک فی نفس الامر حسنی ادراک ایدوب قبول ایدرسه مقبول
والامر دوددر زیر اغراض فاسده یه مبنی اولمش اولور (و بوتقریردن
حسن و قبح اوصافدن اولدیغی معلوم اولدی آله برودتی و غسل ایله
حلاوتی و مسکله ریخی کبی (پس اسلام المرء موصوف و ترك مالا یعنی

آنک صفت حسنی و فعل مالا یعنی صفت قبیحی در (و قرآنی حسن صوته
تزیین لازم کلدیکی کبی اسلامی دخی ترك مالا یعنی ایله تحسین کرکدر
(وانسانک جمالی فصاحت لسانی اولدیغی کبی اسلامک دخی لطافت
شانی ترك لغو در زیر کلا مدن برنسنه نک ضرر و منفعتی اولیجق
اصوات عصاره منزله سنه تنزیل اولنور (مرء مثله المیم انسان
ویار جلددر پس انسان و شخص معنایسنه اخذ اولنور سنه فارسیده
کس کبی مرد وزنه شامل اولور ولکن ظاهر اولان رجله محمول اولمقددر
انکیچون مؤنثه مرأه دینلور و احکامه نساء رجاله تابعدر (ترکه
مصدر در که فاعله مضافدر ضمیر مجرور مرأه راجعدر ترك فاعلک
ضدیدر (و مالا یعنی بعد الجملة ترکه مفعولدر مالا یعنی ده ضمیر مستتر
مرفوع مایه و ضمیر منصوب مرأه عائددر يقال عنها الامر یعنی اهمه
و بورانددر که امر مهم دیرلر زیر انسانی هم و قصد و شاننه اعتنا
و اهتمامه حل ایدر و بعض قرآتده (لکل امرئ منهم يومئذ شأن
یعنیه) کلمشدر فتح اول و کسر ثالث ایله یعنی یوم قیامتده هر شخص
یچون بر امر عظیم وارددر که شخصی آنک همنه دوشورر و غیریدن
مشغول قلمور (و فی تاج المصادر عنبت فلانا عینا ای قصده و قیل
یعنیک ای یشغلاک یقال هذا امر لایعنی ای لایشغلی و منه ترکه
مالا یعنی ای لایهمه انتهی (و مالا یعنی نک حدی اودر که برنسنه ایله
تکلم ایلسک که بالفرض اندن سکوت ایتکله اثم و حالا و مالا ضرر لازم
کلیه و بر فائده لی نسنه فوت اولیه و قایع اسفار و امثالک حکایاتی کبی که
بحکم اکا افسانه دیر که تحتنده فائده اولیان موزلدر مکر که اول حکایاتده
زیادات اوله که کذب قیلنددر و یا تزکیه نفس و تفاخر و اغتصاب
و مذمت ناس بولنه که صفات رذیله در بوضورته متکلم متضرر
اولور زیر آفت لسانه دائر در (و مالا یعنی کلامه و غیریه عامدر
تکیم حسن بصری دیمشدر که من علامه اعراض الله عن
العبدان یجعله شغله فیما لایعنیه (ولکن کلامده غالبدر تکیم
حدیثه کلور (یا ابا هریره تریدان لایجری علیک القلم) قال

نعم یارسول الله (قال اد فرائض الله وكف عن المحارم ودع الكلام فيما لا يعينك) وحضرت صدیق رضی الله عنه پیور مشدر یالینی کنت اخرس الا عن ذکر الله (وما یعنی امور دینیة ضروریة وامور دنیویة لازمه در مطعم ومشرب وملبس ومسکن کبی که کفایت قدر اوله زیرا ماعداسی فضول مقوله سیدر شول معنادنکه روحك بو عالم اسفله هبوط و بدنه تعلقدن غرض تحصیل کالدر واعضا وقوی وسائل وآلات وامور ضروریة معاشیه مابه القوامدر پس وقتی بو امور ضروریة اوزرینه مقصور اولان کیمسه فی المثل سوزی اوزاتمز و کندی کارنه مشغول اولور وما لا یعنی وقتیه ذکر ایدر که کنوز سعادتدن برکنزدر والا کنزک یرینه هوا آکورد (وشان مؤمنده دیمش لردر که کما وجد بحال الصالح ذکر الله) و بومعنایه اشارت ایلوب قرآنده کلور (قال استبدلون الذی هو ادنی بالذی هو خیر) یعنی مهمی غیر مهمه ترک ایدن من وسلوی یرینه بصل وثوم و کوهره بدل خرف بو اور (وعمر سرمایه در که لقلقه انک زیانیدر) و حکایات الصالحین امور دینیة دندر زیرا جنسد من جنود الله دلمشدر که باطن مؤمن انکله نفس و شیطان و هجوم ماسوی اوزرینه نصرت بو اور شول جهندنکه اهل حالک مقالات و حکایاتنده تأثیرات عظیمه واردر تکیم آلهیات و قصائدی لحن عرب اوزرینه قرآئت اولنسه باطن انسانه وجد ورق و عالم قدسه انجذاب و عروج حاصل اولور افسانه و غزل ایسه تحریک هوی و شهوت ایلر انکیچون مالایعنی دینلدی و او مقولهیه و سائر ملاهی به صرف اولنان اموالک محاسباتی قیامتده بللو اولور (ایمندی مؤمن (حاسبوا انفسکم قبل ان تحاسبوا) و فقیحه ورعه تمسک ایدر و فضولی ترک ایلر والله المعین

الحديث الثالث عشر

لا یؤمن احدکم حتی یحب لایه ما یحب لنفسه ایمان مخبر صادق قولنی تصدیق و قبولدر کویا امن به انی تکذیبدن امن و طمانینت اوزرینه قیلدی دیمکدر زیرا خبرک عند النفس صدق و کذب و امر

ونہیک قبول ورده احتمالی واردر (پس انسانک اعتقادنده شک و اعتراض اولیحق کویا حق اول معنادن امن اوزرینه قلمش اولدی تکیم سلام انبیا مشروع اولدی زیرا انبیا اهواء ناسه مخالف و جهله امر ایتملریله مقام نبوت مظنه اعتراض اولدی پس مؤمنک السلام علیک ایها النبی دیدیکی یارسول الله بو خصوصده بنم اعتراضدن یا امان و بی خوف اول دیمکدر (سائر عباد صالحینه و علی عباد الله الصالحین دیمک دخی بویله در زیرا انلر دخی بحکم الارث هوای خلقه مخالف و جهله حقه دعوت ایدرلر) و کندی نفسمن حقهده السلام علینا دیمک دخی اکا قیاس اولنسه زیرا گاه اولور که نفسمنه لوم و اعتراض اولور و نفسمن شو معنایی قبول ایتمدی دیرز کویا السلام علینا نفسک تسلیم وعدم اعتراضی بیسان و افادهدر (و بوراده مراد کمال ایمانی نفی در زیرا اصل ایمان تصدیق مذکورله حاصلدر پس شعب ایمانک وجودی کماله مصر و قدر تکیم فلان کیمسه انسان دکلدر دیرلر یعنی برشبیک اسمنی نفیله کمالنی نفی مراد ایدرلر کویا انسانیتده کمالی اولمیان انسان دکلدر تکیم زید انسان دیرلر یعنی کلی بی جزئی اوزرینه حل ایدرلر زیرا اول جزئی ده کلی نک سری واردر پس جزئی کالات کلی ایله متحقق اولیحق جزئیدن کلی ایله تعبیر اولور الحق حق وانا الحق دید کلری کبی و حدیث مشارقده (لا یؤمن عبد) وارد اولمشدر یعنی احد یرینه عبد ذکر اولمشدر حتی ابن ملک توجیه ایدوب دیمشدر که اغنیا و جباریه کندی نفسلر یچون سود کلریخی اخوان فقر ایچون سومرلر و لکن مقتضای عبودیت محبت مذکورده یعنی اگر غنا ور یاست قیدنده اولمیوب عبودیت کامله اهلی اولسلر فقرائله کنندیلر برابرتورلردی (و حتی یحب الی ان یحب دیمکدر که حتی جارهدر) و اخ ایله مراد اخ مسلمدر و اخ آخره یا اولادنده طرفیندن و یاطرف واحددن و بارضاعدن مشارک اولانه دیرلر صکره غیر یچون استعاره اولندی قبیلده و یا دینده و یا صنعتده و یا معاملهده و یا مودتده و یا غیر مناسباتده مشارک کبی قرآنده (یا اخت هرون)

صلاحه اختدر نسبه دكل يا اخاتم كې (واذكر اخا عاد قومه
 اخك اخ اوزر ينه شفقتي كې شفقتي اوايدن اوتور بدر) مايجب لنفسه
 مثل مايجب لنفسه ديمكدر زيرا اول محبوب اولان نسبه نك عيني
 ايكي محله حاصل اولق محالدر (وما خيرون عبارتدر كه عبادت
 وطاعت واشياء مباحيه شاملدر و بومقوله محبت كمال ايماندين اولديغي
 كې كندى نفسچون بغض ايتديكې غير ايجون بغض ايتك دخی كمال
 ايماندين زيرا برشيئه محبت تقبضك بغضنى مستلزمدر و بواسطه ايماندين
 اوتورى صورت صورت بغض صريحاً ذكر اولمدي (و بومرتبه
 اتحادك سري بودر كه اهل ايمان اصلنده نور واحددر كه مظاهر
 مختلفه ظاهر و نفس واحده در كه ايدان متعدده باهر اولمشلدر
 واقارب واجاني بنیان واحد صورتى بولمشلدر پس اختلاف عالم
 باسره انى واحد العين اولمدين اخراج ايجز بلکه اختلاف انلك
 تعين و تشخصلرنده در كه امور اضافيه در (مثلاً زیدی عمرودن فرق
 ایدن تعين لریدر كه انسانیتده بر در) وزیدی فرسدن فرق ایدن
 تشخصلریدر كه حیوانیتده بر در) وزیدی درخت تفاحدن فصل
 ایدن صورتلریدر كه نباتیتده بر در) وزیدی هذا الحیرون تمیز ایدن
 عوارضیدر كه جسمیتده بر در) وزیدی ملك و فلكدن آیران تعین
 خارجلریدر كه جوهریتده بر در) جوهرله عرض وجودده بر در) اگر چه
 عندالعقل بر برینه مغایر در پس وجود جملیه شامل اولديكه وجوددن
 اعم نسبه یوقدر و صور معادن و نبات و حیوان و افلاك و املاك بوكرت
 و وحدت اوزرینه ادراك اولنیچق جمله عالم اصل واحده رجوع
 ایدر انكيچون صله رجده بوجله سی داخلدر زيرا اسم رجائه
 مضافدر كه عموم نامی واردر (وجمله ناسك واحد العين اولمسنه
 ناظر در كه خلق بری برینه انحنادن نمی اولمشدر زيرا حقیقتی كندى
 نفسنه انحنادر وجوازی تقدیری اوزرینه انحنابر اسمدن بر اسمدر مثلاً
 سلطانه و عالمه و شریفه و غنی به مخفی اولور كه بولر اسماء كلیه ذاتیه به
 مظهر لر در) و محبت اوج مرتبه در اولكېسی حب طبیعی در كه حب

عوامدر كه بولر بری بریله روح حیوانیده متعذر و مقتضای شهوت
 طبیعی نه ایسه انده مشترکدر و فعلیده نهایی نكاحدر زيرا شهوت
 و محبت حیوانیه جمیع مزاجه ساری اولمشدر صوتك سونكر دیدكری
 نسبه به بلکه لونك تلوئه سریانی كې ايكېجیسی حب روحانی و نفسیدر كه
 روحده بری بریله ائتلاف و اتفاقدر و بونك غایتی قدر محبوبی معرفت
 و حق ايله قیام و اكاشیدر و بومرتبه خواص ناسكدر كه اولكېلردن
 اقلدر زيرا اكثر ناس جسمانی و حیوانیدر او جیجیسی حب الهییدر كه
 عبد كندینك مظهر حق اولديغن مشاهده در بوضوح در عبد حق
 ظاهر جسمه روح كې او اوب غائب وایدی غیر مدرك اولور و بومرتبه
 عبده محب دیرلر و لذلك حق دخی عبده مظهر اولمقددر یعنی عبدك
 حدود و مقادیری ايله اتصالدر كه جمله منشاءات بوبایدنروانی
 تأویل ایمیوب علمنی حقه تفویض ايتك كر كدر قال الله تعالى (وما يعلم
 تأويله الا الله) و بوضوح در عبد محبوب حق اولور چونكه حقل
 فی الحقیقه حدی یوقدر لا جرم محبت دخی بویله در انك ايجون دیدیلر كه
 حب شرب بلاری در و هر كیم بن قائم دیرسه ناقصدر (و بومقاصده
 مراد حب اختیاریدر كه ایشار معناسنه محمولدر زيرا محب محبوبی
 محبوبته ایشار و اختیار ایده كیشدر هر چند نفسندن فانی دكل ایسه ده
 چونكه فناء تام حاصل اوله حب طبیعی غیر اختیاریدن اثر قالماز فافهم جدا
 (و دیمشدر كه طریق حق خلق حقه دعوت و تعریف و تحبیب اوزرینه
 مبنیدر بوجهتدن بنم سودیكې بدن غیر رسمی سومسون دیو غیرت
 علی الله ايتك كویا آفتاب عالم آرا بنم خانه مدن غیری خانه طومسون
 ديمك كیدر كه انواع جنوندنر (و بعضیلرینه كه متى تسبیح دیو
 سؤال ایتدكدرنده اذالم ارله ذاكرا دیدیكې غیرت بایندن دكلدر بلکه
 مؤلدر كه ذاكرا محبوب بابل مشاهد و یا خود ذاكرا غیره ديمكدر و ذاكرا
 فی الحقیقه الله تعالی در كه جمیع اكوانك لسانیدر پس بوراده غیر
 یوقدر كه غیرت ایده سن و ابراهیم ادهمدن قدس سره منقولدر كه
 اصحابندن برینه دیمشدر (ان شدة محبتك فی الله غیبتنی عن النظر

الی مساویک) یعنی بوراده محبت شیخه اضافت اولندی مع هذا شیخ
مطلوب و مرید طالب و محبت طالب اوزرینه در یو خسه شیخ اوزرینه
دکل پس مراد بود که شیخ سنی کندی نفسک ایچون سورتا که
نجیبکه مطلع اولوب سقیمکی نصیح و معوجکی تقویم ایله بوسورته
شیخ سنی کندی نفسی ایچون سومرتا که طالب اولیق لازم کله فافهم
(الحاصل شیخک سنی معنای مذکور ایچون سومسی کندی نفسینه
سودیکنی سومکندرتا که سندخی ابک کی ترکیه نفس ایده سن و شبحم
سید الاقطاب سید فضلی آلهی قدس سره صدری قنوبنک فاتحه
تفسیرینی شرح ایندکه بوفقیری دعوت ایدوب کاب مذکوری یدمه
صنوب آل شونی اوتوزالتی ییلاق محصولدر الله تعالی سکا بوندن
زیاده سن احسان ایله بیوردیغی بومقامک اسرارندرتا که اولیاده
امساک اولماز بلکه انلک غیرت و محبتاری خلقک تحصیل کالنه در
قدس الله اسرارهم) بعد ذاسوال اولنورسه که کمال ایمان محبت مذکوره
ایله حاصل اولیحق سائر ارکان طاعت و شعب ایمانه حاجت قالماز
(جواب بود که معنای مذکور مبالغه به محمولدر زیرا محبت رکن
عظیمدر الحج عرفه و لا صلاة الا بطهور و لا صلاة لجمار المسجد الا
فی المسجد کی و حقیقتده ایمانی تا کیددر زیرا کرچه اخوین در که
هر برینک بر ایمانی وارد و لکن حکما شخص واحد در که ایکسنت
ایمانی بر ایماندر) و کتب کلامیه ده کرچه ایمان زیاده و نقصان قبول
ایتمزدیویاز یلور و لکن اصل ایمانه کوره در والا انواری جهتیه
متراید اولور انک ایچون ایمان مثقالی و ایمان دیناری دیر و بومعنادرتا که
جامع صغیره کلور (الاسلام یزید و لا ینقص) و ایمان بالغیب ایله ایمان
مشاهده نک میباندده فرق اولدیغی ظاهر در (پس شعب ایمانله عمل
زیاده اولدیغی ثمرات ایمان دخی زیاده اولوب مراتب احسانک
ذروه سنه ترقی ایدر) و ایمان کرچه اجمالی و تفصیلی دنیلور فاما ایمان
تفصیلیک غورنه وصول متعسر در زیرا متعلقات علم حد دن بیروندر
بوسبیدن علم مزید اولدیغی متعلقاتی جهتندن ایمان دخی مزید

اولمقده در بوجهتندرتا که وارد اولمدر (من استوی یوماه فهو
مغبون) یعنی علم و ایمان الی آخر العمر ترقیده کر کدر زیرا کرچه مقامات
تمام اولور فاما سیر الی الله نهایت اولماز و خیرت ممدوحه دیدکری
بودر و بوعلم تفصیلی که احکامه متعلقدر آخر عمرده تمام اولور زیرا
آخرتده شریعتدن ایمان و ادب و تعظیم آلهی و نکاحدن غیری نسند
قالماز فاما علم الهی تفصیلی که حکم و حقاقتدر الی الابد متراید
اولمقده در زیرا الله تعالی واسع علیم در که بومقوله صفاتک تجلیانه نهایت
یوقدر والا ذات و صفات حق محدود اولیق لازم کلور و عارفله جنک
صفائی بوتراید و تجدد ایله در والا بی روح جسده نظر ثبث انسانه ملال
کتورر و مرده قلور فافهم فقد اوقفک علی مایه ترقی و الله خیر و ابی
* الحديث الرابع عشر *

* لایحل دم امری مسلم الا باحدى ثلث * بونک تقدیری لایحل اراقة دم
امرئ ای شخص مسلم الا باحدى علل ثلث دیمکدر بعض روایتده
مسلم کله سند نصرکه (یشهد ان لا اله الا الله و انی محمد رسول الله)
واقع اولمدر که یشهد مسلمک تفسیری واقع اولور و ایمان و اسلام
بردر دیان کیمسه نک قولی اوزرینه و مضاف تقدیر اولندی که قتلدن
کنایه اولان اراقة در زیرا حل حرمت افعاله تعلق ایدر ذواته دکل
قال الله تعالی (حرمت علیکم المیته) ای اکل لحمها و ثلثک موصوفی
علل اولمغله تأیید قیلندی و ثلث ده رسم خطی بودر که اگر مفرد
اولور سه بعث من النوق ثلاثا کی الف ایله کتابت اولنور تا که ضم ثلثه
اولان ثلثه ملتبس اولیه و اگر مضاف و یا صفت اولور سه حذف
الف ایله رسم اولنور حلیت ثلث نوق و ما فعلت النوق الثلث کی زیرا
بونده التباس مذکور بوقدر (و ثلثه و ثلثون حذف الف ایله یازلندی
زیرا آخر لریده اولان علامت لاحقه ایقاع ایسندن منع ابتدی و ثلثا
اوار بما که عالی و چهارشنبه در اصلنده ثلثه وار بعثه در الف هادن بدل
اولوب بومه تجزیه بص اولمدر حسنه حسنه کی معنی دیمک اولور که
شول شخص مسلم که (لا اله الا الله و محمد رسول الله) دیو شهادت

ایلیه انک قانی دوکت و قتل ایتک حلال اولماز الا اوج علتک بر یله
حلال اولور یعنی بواج علتدن بری بولنور سه فیه والاحرام اولور زیرا
بنیان حق بلا سبب شرعی هدم و تخریب در * الثیب الزانی * جرله
ثلثک موصوف مقدرندن بدل و رفعله مبتداء محذوفه خبردر الاولی
ای العلة الاولی زنی الثیب الزانی دیمکدر تقدیر مصدرله زیرا علت اولان
موصوف دکل بلکه صفتی در پس لفظ زانی اشعار علت ایتکله
ذکر موصوفله اکتفا اولندی (و ثیب اسم جنسدر که رجل و مرأه به
شاملدر) قال فی القاموس الثیب المرأة فارقت زوجها و دخل بها
والرجل دخل به اولا یقال للرجل الا فی قولک ولد الثیبین انتهى
(ای لا یطلق علی الرجل الا تغلیبا پس ثیب و ثیبه دیمک خطا اولدی
زیرا استعمالی بلاتاءدر) و امام راغب معنای اولی ترجیح ایدوب دیمشدر که
الثیب التي تثوب عن الزوج یعنی ثیب اودر که زوج اولدن رجوع و تزوجه
معاوده ایلیه زیرا ثبابت رجوع ایدوب که عجم باز کشتن ایله تعبیر ایدر
و قاموسه انکار ایدوب و ذکره فی ثوب و هم دیمشدر ولیکن معنای
رجوع ثاب یثوب ثوبا و مثابة و ثوباناده یازیلور لغتده ثاب ثیب یوقدر
پس قول قاموس قول جمهوره مخالفدر (وزنی بلا عقد شرعی و طی
مرأه در مدوقصر اولور و ممدود اولدقد مصدر مفاعله اولقی جائزدر
یقال زانی مزانة و زناء بمعنی زنی یزنی زنی و زناء بوصورته زنی ناقص
اولور) و بعضی لمهموز اولغه جل ایدوب دیمشدر که یقال زناء
ای دنوت زیرا زنی دنوله اولور پس دنو مخصوصدن زنا ثله تعبیر اولندی
و یا خود زناء الظل دندر که قصر معنای سه در زنی اعماری قصر ایدر
بوصورته مصدری زنا و زناؤا کلور صدر و صدور و زنی اوزره و ممدود
اولماز زیرا مد ناقصده اولور مهموزده اولماز انکیچون خطا لفظی
مد ایتک خطادر دیدیلر و قرأند (ان قتلهم کان خطاء) قرائتی یعنی
مدله معنای تنبییه راجعدر (و یخلد فیه) کی اشباعله فافهم (و ثیب
زانی شول رجل عاقل بالغ حر مسلمدر که امرأه بالغه عاقله حره مسلمیه
نکاح صحیح ایله دخول ایتش اوله و عند الحنفیه تحقیق و طی لازمدر

زیرا البکر بالبکر ایله مقابله اولمشدر و بومقوله به محصن دیرلر (و امام
مطرزی مغرب اللغة ده دیمشدر که باب رجم ده عند ابی حنیفه شرط
احصان آلتی در که اسلام و حریت و عقل و بلوغ و نکاح صحیحله
تزوج و دخولدر و باب قذفده دورت اولکی و بشی عفتدر و عفته
حصن دیدیلر زیرا یتندن احصان و جایه ایلر (و امرأه حاصن و حصان
بالفتح و قد احصنت اذا عفت و احصنها زوجها فیهی محصنة بالفتح
و احصنت فرجها فیهی محصنة بالکسر قال الله تعالی) (و المحصنات
من النساء) ای ذوات الارواح و قال الله تعالی (فمن لم یستطع طولا
ان ینکح المحصنات) ای الحرار و قال الله تعالی (و المحصنات من المؤمنات
ای العفتا نف و قال) (و المحصنات من الذین اتوا النکاح) ای النکاحیات
(بمدذا یتیک حکمی رجم اولمقددر یا اعتراف و یا دورت عدد شاهدک
شهادتلیله زیرا فاعل زنی ایکیدر یعنی زانی و زانیسه در که هر برینه
ایکیشر شاهد لازمدر قتله ایه فاعل بر در که قاتلدر انکیچون
ایکی شاهد ایله اکتفا اولندی و شولکه بکر و مکلف غیر محصندر
اگر حرایسه حدی یورسوط در و اگر رقیق ایه الی جلددر من غیر
تعذیب عندنا و قتل زانی ده حکمت بودر که زناده احتلاط انساب
و تضییع اولاد و مشابیهت بهائم و تمییز حروب و فتن وارددر نتکیم
زانیلرک برزانیه اوزرینه از دحامنده چوق واقع اولور و حقیقی بودر که
قتل زانی بالکفر فعل مجرمدن اوتوری دکلدر و الا هر فعل مجرم موجب
قتل اولوردی بلکه صفت ربو بیت اولان اطلاقده مشارکت وقوعندن
اوتور پدر که مکلفک شانی قید و مجبیردر یوحسه حق تعالی کی هر مراد
ایتدوی نسنه بی ایتک دکلدر چونکه صفات ربو یتدیه حقه مشارکت
و کبر یاده منازعه قصد ایتدی لا جرم غیرت الهیه ظهور ایتدیکه غضب
و عقوبتی مسلماندر (و جلدک یوزا و لدیغی اسماء احصا مقابله سنده در که
احکام ربو یتک امهاتیدر چونکه بواسماء معدوده نک حرمت و
حاسنی هتک و تجاوز ایتدی لا جرم عدد مذکور اوزره جلدده مستحق
اولدی و بکرده اقتصاد و توسط اولدیغی حکم اولیت ذاتیه و غایه

احدیستک شفاعتیه در و محصنه صورت رجسه قتل اولمق احکام
حضرتک تفاسیلنه راجعدر که بسیار در و بعض علماء ظاهر دیدیکه
محسن رجم اولندی زیر افعول کلاب و حیرا شدی انلرایسه بخاره و خشب
ایله ضرب اولنور لرو بردخی بودر که چونکه تزوج ایله اوزرینه سکر نثار
اولندی لاجرم قدر نکاحی بلدیکی ایچون اوزرینه طاش یا غمق لازم کلدی
وینه دیدیلر که جلد بکریور اولدیغی بودر که هر شهرک اون کونی ایام
خیضه محسوب و قرق کون دخی ایام نفاسه مصروف اولیجق مجموعی یوز
التمش اولوب عدد ایام سنه دن ایکی یوز کون قالور که زانی وزانیه دن
هر برینه یوز کون دوشر که عدد ایام استمتاعدر یعنی چونکه بو عددده
وطئ حلاله مشغول اولمایوب اسراف وقت ایشدیلر لاجرم یوزر ضربه
مستحق اولدیلر وزانی محضر شهودده جلد اولندیغی تشهیر و ظهرنه
ضرب اولندیغی ظهرنده امانت اولان ماده نسلی موضعنک غیری به
وضعندن اوتوریدر (و شارب الخمرک حدی سکسان اولدی زیرا
برسکران مسجد نبوی به داخل اولوب جناب نبوت صلی الله علیه وسلم
دخی او مجلسده حاضر اولان قرق عدد صحابی به ضربه امر ایدیجک
هر بری ایکبشر کره ضرب ایدوب مسجد دن اخراج ایتلر بله حکم
الهی عدد مذکور اوزرینه نازل اولدی و دیمش لردر که (الزانیه
والزانی) آئنده زانی تأخیر (والسارق والسارقة) نصنده سارق تقدیم
اولندی زیرا سرقه قوتله اولور رجل ایسه بو باید مرأه دن اقوادر
زنی ایسه شهوته دائر در مرأه ایسه شهوته اکثر ورجلی کندینه
ادعی در انک ایچون بر جماعت مجتمع اولسه لر مرأه نک مرادی اولدیجه
قادر اولمالر (و سارقک یدی قطع اولندی زانینک ذکر ی دکل مع هذا
ایکبسی دخی آلت فسقدر زیرا ذکر ی قطعه قطع نسل واردر انک
ایچون خصاء آدمی منهیدر قطع یدایسه بویه دکلدر چونکه ید آلت
تعدی اولوب غیرک قوتی اولان مالنی اخذله الی کسمک کی اولدی لاجرم
جزا دخی عمل جنسندن واقع اولدی ولواطه ده عند الامامین حد
واجیدر زیرا انلر ولواطه بی زنا به الحاق ایتلر در و عند الامام تعزیر

وتوبه سی ظهورنه دک زنده حبس اولنور و امامک تعزیر و حسبیه
اکتفا سی استعظام ذنب و تسکین فتنه فاجره ایچوندر والا اول فعل شنیع
قبحده اویله دکلدر که فاعلی قتل و یازانی مجازات اولندیغی وجهله
مجازات اولنه نیکم عین غموسده کفارت واجب دکلدر دیدی زیرا
عظمندن اتوری کفارتله مشتر اوله جق نسنه دکلدر نیکم بعض کبراء
متممدا تارک الصلاة اولانه قضا لازم دکلدر دیدی زیرا عمدله مقابله
ربوبیت ایلیموب صلاتی انکار حدنه واردی بناء علی هذا عذرله تارک
کی اولدی (واجبیه به اوطا ده امامدن حد مرویدر و لکن عبد نه
و یا جار به سنه و یا منکر و حه سنه اوطا ده بلا خلاف حد اولماز اگر چه
بالانفاق حرامدر بلکه منع اولنور اگر عورت ایدر سه تعزیر لازم کلور
اگر بعض دوائی معاینه اولور سه و حایضک و طئنی استحلل ایدن
کافر اولور زیرا حرمتی اجماعله ثابت در انکار اجماع ایسه کفر در
صلاة جنازه نک فرضبتنی انکار کی و امام محمد دن مستحل مزبورک
عدم کفر نه قول واردر و لکن استحلل معصیت کفر در دیدلر نه
مخالقیدر (ولواطه حلیله سنی مستحل اولان کافر اولماز دیدیلر اگر چه
لواطه صغرا ده واقع اولان نهی تحریمه حل ایتلر لردر و استحلل
معصیتده داخلدر و دین نبویدن معلوم ضرور یدیه جهل عذر اولماز
پس ملک نکاحه اتصالله شبهه و قوعی عدم کفر نه دلیل اولماز
ولواطه نک حرمتی عقلیه اولغله جنیده لواطه وسائر محرمات اصولیه
یوقدر زیرا محرمات اصولیه حکمتیه مخالفدر امهات و بنات و اخواتی
نکاح کی ولواطه نک اصلی قدر و خبت اوزرینه منیدر حیض و نفاس
کی بناء علی هذا اهل جنت شهوت محال و منهی عنه دن معصوم و طلب
خبائش دن محفوظ لردر بوجهت دن (و اهم فیها ما یشتهون) عام مخصوص
اولور و بردخی بودر که الله تعالی غلماننی لؤلؤ مشوره و حور عینی
بیض مکنونه تشبیه ایتلدر پس دلالت ایدر که غلماننه استمتاع بالکفر
نظر کرده در و حورله استمتاع ایدر زیرا بیض مأ کولدر و برنسنه
خبائش دن حد و من کل الوجوه تقبیح و جمیع ادیانده تحریم اولنسه

شهادت جنتدن اولماز و انك حلتی تمی ایتك دخی كفر در و جنتده شرب
 دخانی تمی ایدن دخی خطا بدن خالی دكلدر خصوصاً كه جنتده نه نار
 معهوده كی نارونه خود دخان دنیا كی دخان وارد را كچه مجمره و عود
 و طیب موجود در و لكن طیبی روحانیدر یو خسه سك شیطانی دكلدر
 وناری آتش قدر تدر و بومذ كورك خلافتنه ذاهب اولمق جهالت
 محضه در اكرچه علماء رسومدن نیجه رینه یو بایده زله واقع اولمشدر
 ز راه رده علم شعوری و خیالی كافی اولماز بلكه حقیقت حالی كشف
 و نفس الامر به اطلاع تام لازمدر * و النفس بالنفس * ای اقتصاد
 النفس بالنفس زیرا علت حل اقتصاد در و قصاص تتبع الدم بالقود
 معنایه در زیر اقص تتبع الاثر در یعنی بر نسنه نك ایزن اریوب كتمكدر
 و قصص دیدكاری تتبع اولان اخبار در و دمك ایزنجه كتمكدر مقصود
 فاعله فعلك مثلی اشلكدركه قتلدر و قصاص ولی دمه مخصوصدر
 حتی غیر یسی قتل ایتسه قاتلی قتل لازم كلور و عند الامام مسلم ذمی و حر
 عبدالله و كذلك ذكراتی و اشی دخی ذكرله قتل اولنور پس ایجاب
 قصاصده مساوات لازم دكلدر بلكه كامل و ناقص شریف و وضع
 برابر در زیر نفسده و عمنده تفاوت یوقدر بلكه تفاوت اوصاف
 عارضه ده در مكر كه مستثنی اوله والد و ولد و سید و عبد و امثالی كی
 زیرا بعضی مواده اختلاف علت ایله حكیم مختلف اولور حتی بعض
 فقها كفاراتده اعتاق رقبه ده سلطان و رعیتی برابر طوتمبوب جباریه
 حنننده صومله فتوی و یردیلهز را انلره نسبت ایله عتق رقبه آسان
 و صوم دشواردر (و نه ایه ده دیمشدر كه و الحكم جاز ان یختلف
 باختلاف احوال الناس انتهى یعنی جواز اختلافه محمول ایدر
 نسانك فی زماننا جماعته حضوری و امثالی كی (و قتیلك وارثی قالسه
 كر كسه خاتون اولسون قصاص ایتدر مكه قادر اولور فاما وصی
 یتیم دیت اخذ ایدر و لكن قصاص ایتدیره من بلكه صغیر كبر اولنجه
 توقف اولنور (و عفو دم افضلدر زیرا كفارت ذنوبدر مكر كه عافی
 اولان كافر اوله زیرا بقاء كفرله كفارات درست اولماز و عفو در نصره

صلح اولی در زیر صلحه دیته كوره تخفیف وارد و جانی نك او مقوله
 معصيته معاوده سی ظن اولنسه نكیم قرآنده كلور (ولور دوا لعاذوا
 لما نوا عنه) بوضوح تصدیق اصلاح عالم ایچون قصاص اولی در قال الله
 تعالى (ولكم فی القصاص حیوة) و دیمشدر كه من لم یعرف مقتضی
 زمانه فهو جاهل پس عالم و عارف كیمسه كر كدر كه ظاهر و باطن
 شرع اوزرینه تمشی ایدره و قصاص سیفله اولور كر كسه قاتل
 مقتولی غیری و جهله قتل ایتش اولسون زیرا حدید محدود لغله
 تسكین نفس و اراحه جاننده اسر عدر را كچه چشمده
 اهییدر كه باعث عبرتدر (و صلب اشد در زیر حبس نفسله در
 (و قرآنده قتل و صلبدن هر بری ذكر اولمشدر پس صلبی دخی
 محلیه كوره اجراء ایتلور در و قتیلك دیتی مالدر كه یوز دوه در و یا خود
 یتك التوندركه هر التون اوز در همه مصر و قدر یتك التون
 اون یتك درهم كش ایدر كه طقوز یوز یتش ایكی غروشدركه
 هر غروش صاغ اچه ایله یوز یكرمی اچه اولمق اوزره در نكیم حالا
 اكثر بلاد اسلامیه ده اول وجهله رایجدر (و فتاوی یحیاییه ده
 كلور كه اون بر درهم اولمق اوزره قطع اولنان اچه دن دیت یوز یتك
 اچه در كه اهل عرف اراسنده اكا ایكی میری دیرلر (و ر جلك دیتی
 كوشدن یكرمی بشی ایكی درهم كلور اچه دن یوز یكرمی بش یتك
 اچه در (و فتاوی كالبه ده كلور كه هندی بر غوعاده قتل ایلندر دیتی
 نصف دیت رجلدر كه بش یتك درهم كوشدر (یعنی دیت مرأه
 دیت رجلدن نصف اوزرینه كر ك نفسده و كر ك مادوننده پس
 خطاء مرأه قتل اولنسه دیتی بش یتك درهم ویدی قطع اولنسه
 ایكی یتك بشیوز در همدر و شهیدك دیتی ایتدر نكیم (قوموا الی جنه
 عرضها السموات والارض) اكا دالدر زیرا بونده تلف ظاهر وجود
 وارد در كه نعم صوری انك ایچون اعداد اولمشدر و قتل عشق
 و محبتك دیتی الله تعالی در نكیم (من قتلته فانادیته) اكا نشاندر زیرا
 بونده تلف باطن وجود وارد در كه نعم مغوی اكا مهبادر و نعم

صوری مأکول ومشروب وامثالی ونعمیم معنوی مشاهده جمال الهی
وعطایای ذاتیه واسمائی در که روح رحمانی وسر انسانی به دأردر
وقتل نفس اماره وافنای قوای طبیعیه ده حیات حقیقه طیبه باقید
وارد * والتارك لدينه * ای و ترك التارك لدينه المعهود الذي هو
الاسلام زیرا علت اولان ترك در ترك بر نسنه بی قصدا واختیارا
رفضدر (واترك البحر رهوا) ویا خود قهرا واصطرا راقویوب کتمکدر
(کم ترکوا من جنات وعیون) کبی تکیم ترک فلان دبرل کسر رائله
موتند نصکره آبقو دیخی نسنه به بوراده مراد ترك اختیارید زیرا
ضرور یده معذور در تکیم قرأند کلور (الامن اکره وقلبه مطمئن
بالایمان * المفارق للجماعة * فرق انفصال وفلق انشقاق اعتبار یده
اطلاق اولنور وفراق ومفارقت ابدانله اولانده اکثر در جماعت
جمعند در جمع متفرقی تألیف وبری برینه ضم وتقریدر جماعت
ناسده وغیریده اولدیخی کبی (بعدذا المفارق للجماعة التارك لدينه بی
تفسیردر پس جماعتله مراد جماعت مسلمین وفراقله مراد دیندن
ردنله فراقدر که سبب اباحت دمدر یعنی اوج کون حبس وشبهه سی
کشف واستنباه اولند قد نصکره رجوع ایتمز سه قتل اولنور
(ودیمشاید در که کافر مطلقا ایمانی اولیانه دبرل اکر اظهار ایمان
اید سه منافق دروا کر بعد الايمان کافر اولور سه مرتددر واکر تعدد الهه
قائل اولور سه مشرکدر واکر بر دین ایله تدین اید سه کاییدر واکر
قدم دهره قائل اولوب حواشی دهره نسبت اید سه دهریدر واکر
اعتراف نبوت واطهار شرعله ایسه زندیقدر (وبوجود پنده دلالت
وارد در که تارك صلاة قتل اولنور زیرا امور مذ کوره دن دکلددر پس
(من ترك الصلاة متعمدا فقد كفر) حدیث مؤول اولدی یا استحلال ویا
مقاربه ویا کفران نعمت ویا جركفرو یا تغلیظه و بومقوله مواده ظاهر
اولان اخیردر (وکذلك مرتدده دخی قتل اولنور زیرا ذکر مرتد اوزرینه
اقتضار اولمشدر) مؤول اولنور سه که بومعنی اوزرینه محصنه رجم
اولنماقی لازم کلور زیرا منصوصه دکلددر (جواب بودر که محصن

اوزرینه تنصیص محصنه اوزرینه تنصیص کیدر زیرا علت قتل
اولان زناده مساواتلری وارد مرتد ومرتده ایسه بویله دکلددر زیرا
مرتدی قتل محل محاربه اولدیغیچوندر مرتده ایسه محل محاربه دکلددر
انکیچون نساء مشرکین قتل اولنماز ذراری کبی ولکن ساحره قتل
اولنور تکیم اشباهه کلور که کل کافر تاب فتوبته مقبولة فی الدنيا
والاخرة الا جماعه الکافر بسبب نبی وبسبب الشیخین او احدهما
وبالسحر ولو امرأة وبالزندقه ادا اخذ قبل توبته انتهى (وعلمنی
بیانده شرح رمضانیده کلور که ثم ان الساحر يقتل ذکرا او انثی
اذا كان سعيه بالافساد والاهلاك فی الارض واذا كان سعيه بالكفر
فبقتل الذکر دون الانثی انتهى) پس ساحر وساحره سحرلری اقرار
ویا ایکی شاهد سحر باز اولدیقلری بعض علامائیله وصف ایدوب
شهادت افسلری سحری ترک واندن توبه ایده ریز دیدکلرینه التفات
اولنمیوب قتل اولنور یعنی مؤاخذه دنیویه دن خلاص اولنزلر واکر
توبه ده اخلاصلری وار یسه (ان حسابهم الا علی الله) موجبجه آخرته
موقوف قالورلر ومرتده کرچه قتل اولنور ولکن حبس ودعوت اسلام
وجبر اولنور و بوندن فهم اولنور که (من بدل دینه فاقتلوه) حدیثی
عام مخصوصدر (واهل بدعت اکر بدعتنه خلقي دعوت اید سه
قتل اولنور سائر ساعی بالفساد کبی وکبراء طریقت بیور مشلر در که
مرتد الطریقه اعظم ذنبا من مرتد الشریعة حتی شیخ ابو عبد الله
الانصاری قدس سره دیمشدر که رسول الله صلی الله علیه وسلم
خوابده کوردم بیوردیلر که (من عرف طریق الله فسلکک ثم رجع عنه
عذبه الله بعذاب لم یعذب به احدا من العالمین) و دیمشدر در که بر کیمه
ارباب حقیقتدن برینک نظرندن ساقط و بایندن مردود اولسه هیچ
براهل حقیقت انی من بعد قبول ایتمز زیرا باب الله بر در تکیم باب
شریعت دخی بر در یعنی مرتد شریعتی شریعت اخری قبول ایتمز
زیرا شریعت اخری یوقدر پس حقیقت دخی بویله در فافهم جدا
* الحدیث الخامس عشر *

* من كان يؤمن بالله واليوم الآخر * من شرطه در زیر جزای امر
کلمه در ترکی ایله تعبیری هر کیم دیمکدر (و کان عند سبویه حرف
وجودی در که تحققة دلالت ایتدوی کی استمراره دخی دلالت ایدر
مضارع کی وایکسنتک اجتماعی شمول از منه افاده ایدر مثلاً کان حاتم
یکرم الضیف دیمک از مانده تکرر فعلی مفید در و یوم آخر دن مراد
یوم قیامت در که ایام دنیادن متأخر در و بردخی آخرت دنیادن طقوز بیک
سنه مؤخر خلق اولمشدر و بردخی حساب عباد اول کونه تأخیر اولمشدر
انکیچون مغفرت مطلقه انکله مقید در قال تعالی (ربنا اغفر لی ولوالدی
والمؤمنین یوم یقوم الحساب) وحقه ایمان انک وجودنی و وحدت
وجودنی و قدم و بقا و حوادثه مخالفتنی و بنفسه قیامنی و سایر صفات
کمالی سنی تصدیق ایدوب ذات و صفات و افعالنده شریک و نظیری
اولمشوغن اذعان و قبول در (و دیمشدر در که معتقدات اوند که ذات
از لیه در که صفات جلال و اکرام یعنی صفات سلبیه و ثبوتیه ایله
منعوتیه در و نقائص و رذائلدن تقدیس و علم محیط و ارادت کلیه
و قدرت شامله و سمع و بصر و کلام و افعال عاده و یوم آخر
و نبوت در که ارسال ملائکه و انزال کتب و اخبار صادقیه و مشتملدر
و عبادات کلیه دخی اوند که صلاة (و زکاة) (و صوم) (و حج) (و قرأت
قرآن) (و ذکر الله) (و طلب حلال) (و قیام بحقوق المسلمین و حقوق الصلوة
(و امر بالمعروف) (و نهی عن المنکر) (و اتباع السنه که مفتاح السعادة
و اماره محبة الله در) و یوم آخره ایمان و وجودنی و موافقنی و احوال
و احوالی تصدیق در (والتی عدد مؤمن به دن ایکسنتی تصریح
ایتدی که بری مبدأ و بری معاد در زیر ابوابیکی به ایماندن مقصود ایمانی
واجب اولان جمله اموره ایماندر که جمیع اصول و فروع ایمان انلرده
داخلدر (و بردخی بونده ثبوتیه و اهل شرک و اهل کابی رد وارد در
زیرا ثبوتیه واجب الوجود معنایه ایکی اله اثبات ایتدیلر که بری حکیم
در که فاعل الخیر در و اکایزدان دخی دیرل و بری سفیه در که فاعل
الشردر و اکا اهرمن دخی دیرل و اهل شرک مستحق عبادت معنایه

آلهه اعتقاد ایلدیلر و یوایکی طائفه حقه ایماندن خارجلر در و اهل
کتاب کرچه حقه مؤمنلر در و لکن یوم آخرته ایمانلری یوقدر شول
جهتدن که وقوعی اوزره نفس الامرده موافق د کلدن پس ایمانلری
لا ایمان کی اولدی و ایمان و اعتقاد مقبول اودر که مخبر صادق اخبار
ایتدیکی اوزره اوله نتکیم کتب کلامیه و غیره بیاننه متکفلدر
* فلیقل خیرا * خیرک نصیبی بامصدریت اوزرینه در لبقول قولاً خیراً
معنایه و یا خود مفعولیت اوزرینه در که لیدر خیر ایدمکدر نتکیم قرآنده
کلور (و قولوا للناس حسناً) ای و قولوا لهم قولاً حسناً یعنی و الینوابهم القول
او و قولوا لهم ما هو حق و صدق (فلیقل لائی تسکین ایله در تخفیفاً
و کسری دخی جائز در اصل اوزرینه و هو و هو کی) (و خیر مرغوب
فیه اولان نسبه در و رغبت عند المؤمن ثوابه دائر اولان سوزه در پس
خیر مایثاب علیه اولان کلامدر فرض و مندوب و انلره مؤدی اولغله
مباح دکل زیرا مباح کاه اولور که حرامه و یا مکروهه مؤدی اولور
* اولی صمت * ضم مایله باب اولدندر و صمت فتحله و صمات و صموت ضمه
خاموش اولمقد در بوراده او تنويع ایچوندر زیر قولاله صمتک میاننی جمع
ایلمک ممکن اولمدیغی کی ایکسنتدن خلوی دخی ممکن دکلدر زیرا انسان
یا سویلر و یاد کلر پس دیمک اولور که هر کیم که مؤمن کامل اوله
بر مشاوره ده و یا تدبیرده و یا غیره امورده حاضر اولسه واجب اولان
یوایکی نسبه نک بریدر بلکه قول خیر مرغوبدر زیرا حقندن ساکت اولان
شیطان اخرسدر و افضل الجهاد اهل جور محلسنده کله حق سویلمکدر
مکر که کلامه زیاده مانع قوی اوله خصوصاً که احسن بابک شروط
کثیره سی وارد در (پس امر و جواب ایچوندر زیر اصل اولان حقیقه
حل ایتدیلر اگر حملدن صارف قرینه یوغبیه خصوصاً که انتفاء
جز انک فرضی انتفاء ایمانی مستلزمدر نتکیم شیخ اکمل ذاهب اولمشدر
و بوندن مباحدن سکونت و جوبی دخی فهم اولور زیرا مباح خیر
مقوله سندن دکلدر که لا ثواب ولا عقاب در مکر که احکام الهیبدن
اولمق نیتنه قائل اوله (و ابن مالک دیمشدر که مباحدن سکوت مستحسندر

تکیم (من حسن اسلام المرء ترک ما لا یغنیه) اکا دالدر اگر چه حسنده
فعل ما لا یعنی نیک قبحنه اشارت واردر پس مباحدن سکوتک استحضانی
اول وقتده اولور که مباحک قولی حرام و مکر و هه مؤدی اولور وجهله
اولیه و الا یا حرام و یا مکر و ه اولور و کر کدر که مواضع شبهه ده
سویلیه و یقینی اولدیغی برده فتوی و یرمیه زیر اجناب نبوته صلی الله
علیه وسلم معروضدر و بومعنادن بعض علما حیا ایدوب فتوادن
کندنی عزل اینشدر (و ابوبکر فارسی رحمه الله بیورمشدر که چن عبد
ما یعنی و ما لا بد منه مقوله سنی سویلر کلامی حد صتمده در که مقبولدر
ولکن شهوت کلامدن زیاده حذر ایتلودر بوسیدن اصحاب مجاهده
ایثار سکوت ایدرلر زیرا کلامده حفظ نفس و حسن نطقه و اظهار کماله
میل واردر (واهل جاهلیتک عادتلرندن ایدیکه برکون و برکیجه
انصماتله اعتکاف ایدرلردی بوندن نهی اوانوب) لایتم بعد احتلام
ولا صمات یوم الی الیل) وارد و ذکر الله و حدیث بانجیره تحریرض واقع
اولدی و دیمش لردر که معرفه الله صتمله و معرفت دنیا اذای خلقله
متأذی اولمغله و معرفت شیطان جوعله و معرفت نفس سهرایله
حاصل اولور (و بوندن فہم اولدیکه صمت باللسان حدیث ماسوادن
وصمت بالقلب خاطر کونیدن کرکدر و شول کیسه نک که لسان و قلبی
صامت اولیه مسخره شیطان اولور (و نیجه لرینک حدیث نفسی لسانه
کلدوکی کی قلبه دخی کلوب طعن صلحا و سب اریایی اورا قده تخلید
ایلیوب ضال و مضل اولمشدر و اومقوله اصحاب افکار فاسده و ارباب
خیالات باطله و کاسده به فراغت الاولیاء و دجاجة عباد الله الصالحین
دیرلر (یومقوله طائفة منکر و منکره دن برینه کندی نفسکه مشغول
اول غیریدن نه استرسن دیسه لر غیرت و حایه دین ایچون سویلرم
و تحریر ایدرم غیرت ایسه ایماندر دیر بلز که اغراض فاسده سی
سبیله خر کی آب و کل هوای نفسانی به دوشمش (و غسل برینه
نیچون زهر صتارسن دیواوزرینه قهر و مکر الهی زنیورلری اوشمش
و بردبارد کرفته ازدر کی جان خبیثی کوه جسدده او یوشمشدر

ایشته بومقوله باطللر (لا یحب الله الجهر بالسوء من القول) مضموننده
داخللردر بلکه ایمانلری عین کفر و طاعتلری محض معصبتدر که صبیغ
هوائله بویانمش (و جانلری ایقاد ایتدکلری نار انکار و شر نه یانمشدر
(اولئک الذین لعنهم الله فاصمهم و اعمی ابصارهم) و کلام بکارده
قدس الله اسرارهم کلور که (من عرف الله کل لسانه و من عرف الله طال
لسانه) و بویاکی کلام اول عالم فنا و حالت جمعه ناظر در که بوعالمده
عاشق کشته معشوق اولوب صبت و صدادن کچر زبرا عالم حرکتدن
عالم سکونه کوچر انکیچون اهل فنا لله صحبت متعسر در زبرا خاموشلردر
و هر کس مشرب اشراقی ده دکلدر که من القلب الی القلب محاده به
قادر اوله (و کلام ثانی عالم بقا و حالت فرقه دایر در که بوعالمده عاشق
فی المثل یکیدن جان بولور و عندلیب بهار کی فریاده کلور و داستان
اوقومغه یاشلر و عاشق فانی و محبت باقی نک داستانی ارباب دله معرفت
سویلیوب صحبت جان ایتکدر زیر اسرار الهیه اهل نفسک حوصله سنه
کنجایش بولاز و جبل شاهقی درون حوزه ادخال ایتک اولماز و فی المثل
تاوق یازارنده دوه صاتلمز و حصیر یافی کارگاه حریرره قویوب ایش
طوتلمز (و کلام الملوك ملوک الکلام) و فتنجه هر کدا طبع و سقله
مشرب مقتضای حال اولان کلام عالینک سرنی بلز و او کادق آدمه
سرمایه و یرمک اولماز پس اسرار الهیه (حور مقصورات فی الخیام)
مقوله سندندر که اجانب و نامحرمه آچلمز * و من کان یؤمن بالله و الیوم
الاخر فلیکرم جاره * تکریر شرطیه اهتمام و هر خصیلت مستقله به
اعتنائیه دلالت ایدر اکرام و تکریم انسانه برتفع ایصال اولمقدر که
انده وضع قدر اولیه و یا خود ایصال اولنان شی شریف اوله (و جار
اودر که انک مسکنی سفک مسکنکه قریب اوله که عجم همسایه و ترک
قویکشی دیر و جارده معنای قریب اولمغله بخاور حرمین دیرلر
و جوار مزده دیمک قریمزده دیمکدر و وارده کلور (اللهم اجرنی
من النار) اصلنده اجورنی در جواردن امان معناسنه یو خسه مهموز الفاء
اولان اجر دن و یا مهموز العین اولان جاء ردن دکل و دیمش لردر که

بوراده امر ندب ایچوندر زیر اوجوب مواسات اوائل اسلامده و حال ضرورتده ایدی صکره منسوخ اولدی اگرچه حق جار عقلا و نقلا استعظام اولور امور دندر پس بقدر الطافه احسان اوزرینه اوله جاری ذمی اولور سده و منع ماعون ایتیمه فأس و قدر و دلو و ابره و قصه و غیرال و قدوم و مقدحه و ماء و نار و ملح و امثالی کبی که ناس بونلرله بری برلینه اعانت ایده کلشردر و تحمل و کف اذی ایلیمه زیر اثرده کلور **ککه** (من اذی جاره ورثه الله داره) و جاری ایچون جلب منفعت و دفع مضرت ایده دارنک جدارنه بول و طرح کاسه ایتکدن حذر قله و شرندن احتراز اولنان آدم یوم قیامتده شرناس اولسه کر کدر و مسجدک جاری قرق خانه ده دك اولدیغی کبی جار خانه دخی بویه در (و قرب دار تعارفی و تعارف دخی ائتلافی و ائتلافی دخی اکرامی مستلزمدر) پس جوارده سرتعارف ارواح واردر که ائتلاف اجسام و اکرام اکا و قوفدر پس جار اگر مؤمن و اگر کافر در ایکی صورتده دخی مؤمنه فائده سی واردر زیرا یا نعمت در که موجب شکر و یا محنت در که مقتضی صبردر و صبر و شکر هر بری مقامات عالیه دندر و اولاده اولیه بغدادک نیچه لری مجوس و اهل کابله همجوار اولوب صبر لری و معامله ده مجامله لری سببیه انلرک ایمان و هدایت لری به باعث اولمشردر (الحاصل حق جار شعب ایمانک عطا نمنددر بناء علی هذا طایب ایمان کامل اولان کیمسه بوشعبه یه نشو و نما و بر و فرعی اعلا ی علینیه ایر کورر * و من کان یؤمن بالله و الیوم الآخر فلیکرم ضیفه * ضیف اصلنده میل معاسنه در زیر ضیف صاحب خانه یه میل ایدر نزول جهتیله و ضیافت قراده متعارفه اولدی (و کلام نجاتده اضافت استعمال اولندی شول اسم مجردده که اندن اول اکا بر اسم ضم اولنه و عجم ضیفه همسان و ترک قونق دیر و انک اکرامی و جوهله در طلاق و جهته تلتی و طریق بعیددن کلور سه تعجیل ضیافت کبی زیر اگرچه عجله شیطاندندر و لکن برفاق ماده ده امور لازمه دندر قرای ضیف و توبه و قضاء دین و دفن میت و تزویج بکر و اداء صلاة کبی زیر وارد اولمشدر که (اول الوقت

رضوان الله و اوسط الوقت رحمة الله و آخر الوقت عفو الله) و ضیفک خدمتده بنفسمه قائم اوله زیر دیمش لردر که انسانه استاذنه و ابویتم و مهممانه خدمت ایتک عار دکلر را کر سلطان ایسه ده و بورا دندر که هرون الرشید ایام خلافتده بعض فقهاءنک بعد الطعام یدنه صب ماء ایلدی (و روایتده کلمشدر که الله تعالی حضرت ابراهیم علیه السلامه اکرام ضیفله امر ایتد کده هر بری ایچون برقیون بریان ایلدی و بوامر تکرر ایدیچک ثور ذبح و بعده جل مشوی ایلوب یتیمه اکرام ضیفله مأمور اولیچق متخیر اولدی و آخر طرف کبریادن اخبار اولندیکه اکرام ضیف کثرت طعامده دکل بلکه بنفسمه خدمتده در پس ابراهیم بنفسمه خدمته قائم اولوب (الان اکرم الضیف) دندلی و اکرام ضیف برکون و یا اوج کوندر که یوم اولده بقدر الطافه تکلف و طعامی احسن ظروفه وضع ایدر و یکنجی و اوچنجی کون عادتنی تجاوز ایتمز و الا مانع اخلاص اولدو غمدن ماعد ابلکه اظهار عبوسه له ضیفی متأذی قیلوب آثم اوله و اوج کوندن صکره اولان صدقه و معروفدر که شرعا اوزرینه جبر یوقدر و غریب فقیره وقت و داعده برکون و برکیجه لک جائزه و یر و مهممانه اعذار ایدوب اکرامده قصور ایتدک دیو تطیب خاطر ایلر و اکل اوزرینه حث ایتک مشروعه در اکراضیافده فتور و ارایسه تشکیم رومده بیورک دیرلر و صاحب خانه اضیافدن عوض و ثناء حسن صد دنده اولمار و الا جاری باطل اولور) و مهممان میربانک ککاهلر بله بله کیدر آب وضو له خطایاد کیلوب کتدوی کبی و بوندن ماء نجس اولیق لازم کلمز اگرچه بعض مجتهد لر ذاهب اولمشلردر زیرا ذنوبک نجاستی امر معنوی در که امر حسی اولان ایله مختلط اولمار تشکیم مشرک نجس در کفری جهشتدن عینی دکل انکیچون طعامی حلال و پاک و مسجدده دخولی جائز اولدی بعد از ضیافت انواع اوزرینه در تزویج و ولادت و ختان و بناء و سفر دن قدوم و ساع و ولادتده عقیقه و عند المصیبه طعام و بلا سبب ضیافت کبی و لکن دعوتیه اجابت لازمدر دیوهر دعوتیه اجابت اولنمار زیرا منکرانی مشتملدر و الله الحییر الحفیظ

* الحديث السادس عشر *

* لا تغضب * یعنی اصحاب بدن بر کیمسه که اسمی تعیین ده اختلاف
 ایشملرد در جناب نبوت صلی الله علیه وسلم کلوب یا رسول الله بکاوصیت
 ایلله یعنی بر عمل ایلله امر ایلله که انکله عامل اولوب نجات بولاین دید که
 لا تغضب دیو غضبدن و مقتضای غضب اولان قول و فعل نامشروع
 و نامستحسنندن نهی ایتدیلر و اول صحابی اوج کره تکرار سؤال ایدوب
 هر کره سنده لا تغضب ایلله مجاب اولدی زیرا قوت غضبیه سی غالب
 اولدیغی نور فرستله قلب نبوی یه منعکس اولیجق حالته مناسب اولان
 وجهله توصیه ایلدی تنکیم بر قاتل ابن عباسه رضی الله عنهما
 کلوب قاتل ایچون توبه وارمیدر دیو سؤال ایتد که یوقدر دیو جواب
 و یردی زیرا اول کیمسه نک سفیک اولدوغن بلور دی انکیچون
 بطریق الزجر نفی توبه ایلدی و غیردخی کلوب قاتله توبه وارمیدر
 دیو جک وارد دیدی زیرا بونک حالی اولنکی به مغایر ایدوکی معلومی ایدی
 انکیچون حکیم الهی دیرل شول کیمسه یه که هر نسنه نک سرنه واقف
 و موضعه واضع اوله و غضب حالت نفسانیه در که دم قلبک ارادت
 انتقام ایچون غلبانندن حاصل اولور انکیچون حدیثه کلور که غضبدن
 حذر ایدیکور زیرا غضب ابن آدمک یورکننده بر آتش باره سیدر
 بوسیدن طمر لری متفیع اولور و کوزلری قزارر و حدیث آخرده غضب
 شیطاندندر دیو شیطانیه اسناد اولندی زیرا شر مقوله سیدر شر و اغوا
 و تسویل ایسه شیطان و نفسه نسبت اولور و شیطان ناردن مخلوق
 اولغله اکامسوب اولان غضب دخی ناری اولدی انکیچون سرزدن
 بر یکور غضب ایتسه نوضی و یا اغتسال ایده دیو امر وارد اولدی
 زیرا آتشی صوسویندر مقصود اغراض دنیادن ادبار و جناب حقه
 اقباله اول آتش حرارتی بدندن تبریدر و ریاضتله قوای حیوانیه
 ضعیف اولغله تدریجه نار غضب دخی منظمی اولور انکیچون
 تن پرور اولندر ده غضب غالبدر بوجهندن بعض ارباب معرفت
 دیشملردر که مغلوب طبع حیوانی اولان دفع غضب ایده مزبلکه اکا

ریاضت سببیه غالب علی الطبع اولان قادر اولور و اگر بومعنی اولمایدی
 لا تغضب مالا یطاق ایلله تکلیف اولوردی پس هر کسک اختیاری
 النده در که بر نسنه نک اسبابی یوزندن طریقنه سلوک و حصوله صرف
 مقصدور ایدیجک مقصود حاصل اولور بویله ایکن اصل غضب
 و سایر اصول صفات ذمیه بالکلیه منقطع اولماز و الا بشره نک اولق
 لازم کلور بوجهندن در که دنیاده مجاهده و امر و نهی باقیدر و عصمت
 دیدک لری امتناع بانغیر معناسنه بر حالتدر که مرتفع اولسه انسان اولنکی
 حائنه رجوع ایدر انکیچون حدیثه کلور (اللهم لا تکن لی نفسی
 و اوطرفه عین) و قرآنده کلور (و لا تصرف عنی کید هن اصعب الیهن
 و اکن من الجاهلین) و ینسه کلور (و لوردوا لعاذوا لما نهوا عنه) یعنی
 اهل ناره ناری معاینه ایلله عین الیقین مرتبه سی حاصل اولدقدن صکره
 دنیایه و طبع اوله مر دود اولس لردی ینسه مقتضای جبلت اوزر ینسه
 نهی اولند قلری کفر و معاصی و میل ما سوا یه عودت
 ایدر لردی فافهم فان هذا المقام من مزالق الاقدام (و انسانیده
 قوای محرکه دیدک لری ایکیدر که بری قوت شهوانیه و بری دخی قوت
 غضبیه در قوت شهوانیه اودر که بر نسنه بی استیسان ایدوب طلبنده
 اولور و لکن نفع و ضرری اولدیغن بلر انکیچون نیجهل شهوات مضره
 ایلله مبتلی اولوب آخرانک اوزر ینسه هلاک اولورلر بومقوله شهوت ایسه
 سائر حیوانده اولماز بلکه کندی نفسندن الم جوع و حاجتی دفع ایچون
 غدایی ارادته تناول ایدر شهوتله دکل پس هر ارادته شهوت اولماز
 و قوت غضبیه صفات سبعیه دندر که نفسده قوی و قدرت تصرف
 و تسخیر باقوب قهر و غلبه صد دنده اولور و انک اصلی عالم وجودده
 اولان امور عارضه در که مراده وصولدن مانعدر پس مرادم حاصل
 اولدی دیو غضب و حاصل اولسون ایچون حدیثی تجاوز ایدر اشته
 دارینده قوت شهوانیه جاریه در زیر اهل نفعیه لذت اکامنوطدر
 فاما جتنده قوت غضبیه اولماز زیرا هر مراد حاصل و موجب اضطراب
 یوقدر و جتنده نفس نباتیه دخی یوقدر زیرا نفس نباتیه شول قوتدر که

جسمدن منتقص اولان مرتبه بی جبر و اکا نما ورمیکچون طالب غدا در
انسان ایسه جنده حالت واحده اوزرینه باقیدر واکل وشری شهوت
وتلذذ طریقله در یو خسه جبر و نماء مذکور ایچون دکل و بوندن فهم
اولندی که طالب غدا اولان نفس نباتیه در یو خسه نفس حیوانیه
دکل زیر حیوان من حیث هو طلب غدا ایتمز بلکه نبات اولدیغی
جهتدن طالب ایدر که نبات طالب نشو و نمادر (واون عدد قوت دخی
واردر که اکافوای مدر که دیرل حواس خمس ظاهره و خمس باطنه کی
(ویدی عدد قوت دخی واردر که نفس نباتیه به تابعدر که لا محرا که
ولامدر که در که غاذیه و نامیه و مولده و جاذبه و هاضمه و ماسکه
و دافعه در و جمیع قوی قوت مدبره به تابعدر که نفس ناطقه
دیدکلر زیر سلطان مملکة الوجود در که اعضا و قوی اکارایا
کبیدر و حواس ظاهره و باطنه و قوت شهویه و غضبیه و نفس
نباتیه به تابعه اولان قوای سبع که مجموعی اون طقوز در علیها تسعة
عشر ایله اشارت اوانان اون طقوز زبانه نک سریدر همان اصلا حنه
سعی ایله تا که باب نار طبیعت و نفس اوزر یکه مغلق و ابواب جنات
ثمانیه مفتوح اوله (و دیملردر که قوت شهوانیه دن قوت غضبیه نک
مفسادی اکثر در زیر ضرب و قتل و هدم و کسر و قطع و سائر
فسادات قوت غضبیه نک آثاریدر و گاه اوور که غضب طلاقه سبب
و بلکه کفره مؤدی اوور نتکیم حدیثه کلور (ان الغضب ایفسد
الایمان کایفسد صبر العسل) و بو معنادر که بر کیمسه غضبی انفاذه
قادر ایکن کظم غیظ ایلسه حق تعالی انک قلبی امن و ایمانله مملو ایله
(و حدیث قضای ده کلور (اذا استشاط السلطان تسلط الشیطان)
سلطانک قلبی نار غضبیه ملتهب اولسه انک اوزرینه شیطان تسلط
ایدوب مغضوب علیهک اهلاکنه اگر ایدر و کفر سویدر و اشله در
نتکیم ملوک امویه دن ولید ابن یزید تفعل قرآن ایلوب (واستفتحوا
وخاب کل جبار عنید) آتی کلد کده غضبندن تمز بق مصحف ایلوب
کفر دخی سویددی و ایام قریبه ده شرقتل ایله مقتول و سری اوله

قصری اوزرینه و ثانیاً سور بلد اوزرینه مصلوب اولدی
و دیملردر که بویله برده سلطانندن مقصود هر قاهر و ذو سلاطندر
پس انده نواب سلطان و زوج و سید دخی داخلدر زیر زوجت
دخی زوجه می و سیدک عبدی اوزرینه تسلطی واردر بو وجهدن
نیچدر اغوا شیطان و غضب نفسانی ایله زوجه زن و مملو کلرن قتل
ایملردر چونکه عید نیچه کره سبب غضب الهی اوله حق کارده
بولوب ینسه (و یعفو عن کثیر) و فقیحه معنود و موجب غضبندن
سالم اولمشدر پس عید دخی لازمدر که بو معنایی ملاحظه ایلوب
عباد الله ایله حسن خلق و عفو و صفح ایله معامله ایلیم نتکیم حدیثه
کلور (تخلقوا باخلاق الله) و حق تعالی انک او حیوز آتمش اخلاق
حسنه سی واردر که حضرت صدیقده رضی الله عنه مجتمع اولمش
ایدی پس مجموعی اولدیغی صورتده باری کلمه توحیدله بعضی سی مجتمع
اولسه ینسه سبب فور و فلا حدر و حسن خلق و جود و کرم اول اخلاقک
کزیده لرندندر (بعد ذل حدیث مذکورده نهی اولنان غضبندن مراد
غضب نفسانیدر زیر الله اولان غضب که غضب رحمانی در که
مشروعدر و انسان رحمت و غضبه مظهردر یعنی انسان ناقص
من وجه مرحوم و من وجه مغضوبدر انسان کامل ایسه من کل الوجوه
مرحوم و غضب حقه مغضوبدر و غضب حق ارادت انتقام
معناسنه در که صفت ذنبه در زیر هر صفت ذاتیه در زیر هر صفت که
حق تعالی حقنده بدایتی جهتیه متصور اولیه نهایتنه محمولدر مثلاً
رحمت که رقت قلبدر حقه کوره انعام و احساندر و غضب که ثوران
دم قلبدر حقه کوره ارادت مذکور در و سائر صفات مناسبه دخی
اکا قیاس اوانه فرح و ضحک و تبشیش و تکبر و استهزا و مکر و حیاس
و نظائر کی و بونده حلم جاری دیدکلرینی ذم واردر نتکیم دیملردر که
(من استغضب فلم یغضب فهو حار) مقصود حقه مخالف اولیه حق
وجهله غضبدر و سرعت انتقام عادات کر آمدن دکلدر بوجهندن
امل الله طریقه علامه ذاتقه دندر که بر امر معین ایچون منفعل اولیه

بلکه توقف ایده زیرا شاید اول منفعل اولدیغی نسنه ثابت اولیه ویائی
رفع ایدر بر نسنه عارض اوله و یا خود نظر احدیت انی کندی نفسندن
نفسنه قیلور غیریدن فلز زیر انفسی جمله بی جامه در بوسیدن کنندندن
کندنه اولان نسنه به منقبض اولمق اولماز فافهم فانه عمیق و ظاهر غضب
انساندن مطلقاالی حلول الاجل مرفوع اولماز و باطن غضبک بعضیسی
نفس اخیردن اول اولان انفسده منقطع و زائل اولور اگر سعادتله
ختمی مکتوب ایسه و بعضیسی دخی بعضی موافقه تأخیر اولنوب
وقت مرهونده مرتفع اولور و شولکه شقاوتله ختمی مکتوبدر
ابدی قبضه شمالده مظهر جلال اولوب قالور حفظنا الله و ایاکم
من موجبات غضبه و عقابه و شرفنا بر حتمه و بثوابه آمین آمین
* الحدیث السابع عشر *

* ان الله كتب الاحسان علی کل شیء * کتب و کتابت اصلنده جمع الشیء
الی الشیء معناسنه در حروفی خطله بری برینه جمع و کتبه دیرلر شول
عسکره که مجتمع اولالر متفرق اولسدلر کتبه دنلر و اثبات و فرض و تقریر
و ایجاب و حکم و امر و ارادت معالزنده استعمالی شایعدر تکیم مواردندن
ظاهر در و هر نسنه نك ابتداسی ارادت و وسطی قول و انتهای کبدر
ولکن طلب و ارادت معناسنده استعمال اولمقده فی الجملة محذور و ادر
شول جهندن که مراد ارادتدن تخلف ایتمز اکثر ناس ایسه احسان قیدنده
دکدر و احسان اصلنده الی کله سیله مستعمل اولغله بوراده علی بی
لام اجلیه معناسنه اخذ ایدیلرکا قال تعالی (و لتکبروا لله علی ما هداکم)
ای ما هداکم و یافی معناسنه در دیدیلرکا قال تعالی (علی ملک سلیمان)
ای فی ملک سلیمان بوسیدن بعضی علماء (ان الله امرکم بالاحسان
فی کل شیء) دیو تقدیر ایدیلر و بوفقیه لائح اولان بودر که بولکه نك
علی ایله تعدیه سی جل النظر علی النظر قیلندندر زیرا احسان انعام
معناسنه در انعام ایسه علی ایله مستعملدر و بواستعمال شایعدر قال
تعالی (سأل سائل بعذاب) ای دعا و اع بعذاب کبی تکیم جل القیض
علی النقیض دخی جاریدر اسر به کبی که مقابلی اولان جهر به اوزرینه

محمولدر بونده کل شیء عمومده الله تعالی داخل دکدر زیرا احسان
ناسدن غیردر مکر که مؤل اوله (جعت فلم تطعمنی و ظمئت فلم تسقنی)
کبی که بوراده عبد مولی منزله سنه تنزیل اولمشدر بناء علی هذا عبده
احسان همان مولایه در و ظاهر اولان بوعومده قید حیثیت معتبردرای
من حیث انه محل الاحسان معناسنه پس غیر یسی خار جدر مثلا شیطان
دخی کرچه اشیا دندر فاما محل لطف دکل بلکه محل قهر در و انگله
معامله مخالفتله کر کدر موافقتله دکل والا نامله اصطناع معروف
ید حرامی به دفع سیف کبدر ملک بویه دکدر پس انله و خصوصا
حفظه به احسان کراحت اید کبری و متأذی اولدقاری قول و فعلدن
امسا کدر و طائفه جن دخی محل احسان در زیرا جن شیطیندن
مؤمن اولندر در انکیچون سلامده نیت و علی عباد الله الصالحین ده
ملک کبی ادخال اولنور لر و کلب دخی احسانده داخلدر زیرا قتلی
منسوخدر پس حیه و عقرب و سایر واجب القتل اولنله قیاس اولنماز
تکیم بالاده بر مقدارذ کبری سبق ایتشدرا کرچه کلب اسود مستشادر
اهل ذمت حریدن مستثنی اولدیغی کبی انکیچون اهل حربه سلاح
بیع اولنماز و هر وجهله تضیق اولنور اهل ذمه ایسه صدقه و زکاة فطر
و بعضی مواسات مشروع قیلدی پس بونلردن و کلام آتی دن محلیت
قیدی معتبر اولمق ظاهر اولدی * فاذا قتلتم فاحسبوا القتل * بوراده
قتل اراده قتل ایله مؤلدر مسببک اسمی سبب اوزرینه اطلاق طریقله
مراد احسانه متصل اولان ارادت اولدیغی ایدان ایچون (فاذا قرأت
القرآن فاستعذ بالله) کبی قتل ایله موتک فرقی بالاده در قتل کسر قافله
هیئت قتلدر یعنی شول حالتدر که قاتل حین قتلده انک اوزرینه در
جلسه ورکه کبی کسرله که نوع جلوس و نوع رکوب دیمکدر یقال
قتله قتله سوء یعنی هیئت فبیحه اوزرینه قتل ایلدی بوراده احسان
قتل بودر که اسهل طریق اوزرینه اولاکه انده زیاده ایلام و تعذیب
اولیه و ضرب و قتلده وجهنده ضرب اولنیه زیرا تشویه وجد منهیدر
و شویله که (قبح الوجود) کیشدر ملعونیت اعدادن عبارتدر پس

و جوهله مراد اعیاندر واسهل قتل آدمی سیفله ضرب عنقندر واصبعی
 حنقدر که جبل ایله حلقو منی صقوب حبس نفس اتمکدر بونده امر
 جاهلیتی رد واردر که حیوانی کسمزالت ایله ذبح وانف واذن ورجان
 قطعله تعذیب ایدر لر دی که کامله دیر لر و بوامر وجوب ایچوندر
 هر قتل جائزده کرب ذبح و کرب قود و کرب حد اولسون تکیم عدا
 ت اربک الصلاة اولان عند الاثمۃ الثلاثة قتل اولور زبرا شرعه
 بومقوله دن غیری وجهله قتل یوقدر و قطع طریقی صلب وزانی
 محسنی رجه قتل اتمک بو حدیثدن مستثادر زبرا بونلرک حنقنده
 شارعدن تشدید وارد اولمشدر و کذلک (من غرق غرقناه و من حرق
 حرقناه) سیاسته محمولدر و بونده قتل نفس اماره ده طریق رفقه
 سلو که اشارت واردر تکیم حدیثده کلور (نفسک معطیتک فارفق بها)
 وینه کلور (ان انفسک علیک حقا) پس تقلیل غدا ده تدریح و مجاهداتده
 تعدیل لازمدر زبرا بحول اولان یواندن تیز قالور و مرکبی مجروح ایلر
 انکیچون سالکه رهنا کر کدو که وجه سلو کی اولور (و من الله العون
 وهو المغيث) و اذ ذبحتم فاحسنوا الذبح * بودخی ذکر مسبب واراده
 سبب طریقیله در تقدیری و اذ اردتم ذبح ما یحوز ذبحه من البهائم
 دیمکدر ذبح حیوانه مخصوص اولغله تخصیص باند کر ایلدی بعض
 روایاتده فاحسنوا الذبحه کلمه شدت نوعیت و مابقیته موافقت
 اوزرینه که ذبحه کسرله هیئت ذبحدر و لکن اگر نسیح مسلمان ذبح واقع
 اولمشدر که فسخله مصدر اولوق اوزره در یعنی ذبح فسخله حلق حیوانی
 شق و اوداجنی قطع معناسنه و ذبح کسرله مایذبح ر قال تعالی (وفدیناه
 بذبح عظیم) ای بکیش عظیم و ذبحه احسان بودر که عنقه صرع
 و شدتله پائیدن جراتیمه و قبله به توجیه ایده و بسمله و سکین ایله
 عروق رقبه سنی سربعا قطع ایلیه و کندی و کاله کسمز
 بچاغله تعذیب و موضعنک غیریدن معالجه ذبحله تلویث ایتمه
 مرویدر که برقیون قصاب الندن قوتلوب جناب نبوت صلی الله علیه
 وسلم یانه فرارایتد کده قصاب کلوب انی طوتوب یا غندن سور یجک

حضرت رسالت پیوردیلرکه (ای قیون الله تعالینک امرینه صبر ایله
 وای قصاب سوق رفقه سوق ایله) بوندن فهم اولندی که اول قیون
 معنای ذبحی ادراک ایدردی انکیچون خوفندن فرار ایلدی و حضرتک
 اصبر یا شاة پیور دقلری دخی اکا دالدر پس حیوانده تمیز و ادراک
 واردر اگر چه عقل انسانی یوقدر و لکن صورت خطاب انی عقلاء
 منزله سنه تنزیل ایتدی عقیله خفی دکلدر زبرا جمیع اشیا عند
 المکاشفین حیات و عملله متصفدر تکیم حدیثده کلور (احد یحبنا
 ونحبه) یعنی احد طاعی بزی سور و بزدخی انی سورز و قرأنده کلور
 (وان من شیء الا یسیح بحمده) یعنی اشیا بی تسبیح و تحمیده وصف
 ایدوب بعده (ولکن لا تفقهون تسبیحهم) دیو ضمیر جمع عقلاء ارجاع
 ایلدی و بومقوله آیات واحادیثی تأویل اتمک سخافت عقل و قصور
 ادراکدندر تکیم بعض اهل رسوم ذاعب اولمشدر در فاما تسبیح اشیا بی
 استماع ایدن مکاشف عندنده تأویل عقلی غلطدر واجب اولان
 ظاهری اوزرینه جاری اولوب حقیقتی ار باینه تفویضدر و بعض
 اشیا به جاد دیدکلری عوام ناسه کوره در والا مبت مفارقت
 روح و ذنصره جاد منزله سنده ایکن ینه روح عناصر اصلی ایله
 زنده در انکیچون بعض موتی تکلم ایلملر و غسال و حفره و امثالنه
 مقامه مناسب سوز سو یلملر در * ولیحد احد کم شفره * یحد یاء
 مشاة تحتانیه نک ضم و دال مهمله نک فتح و تشدید ایله احداثدندر که
 تیز یعنی کسکین اتمکدر یقال حدت السکین رفقت حده بان یسمه
 بحجر اومبرد و بیکو دیدکلری طاشه حجر الشحذ دیرلر شین مجمه و حاء
 مهمله و ذال منقوطه ایله و حدید النظر و حدید الفهم و حدید اللسان
 دیرلر تأثیر حدید کی تأثیر ایلده و استحداد حدید یعنی استره استعمال
 اتمکدر و شفره شین مجمه نک فتح ایله سکین عظیم و عریض معناسنه
 مراد مایذبح به در شفره اصلنده سیف و سکین کی حدی و کسکین
 طرفیدر و شفره الوادی کنار الوادی دیمکدر صکره جزئک اسمیه
 تسمیه اولنوب بچاغه شفره دینلدی زبرا مقصود اولان کسکین طرفیدر

یعنی سزیدن بر یکز یعنی ذابح اولان کیمسه تحدید سکین ابد و ب
مذبوحك حلقومنه امرارده تعجب ل اتسون تا که روح حیوانی اولان
دم مسفوحك سرعت جریانیله مذبوح دخی الم موتدن خلاص
اولسون زیرا المی ادراك ایدن نفس حساسه حیوانیه در نفس ناطقه
دکل پس حدود دنیویه و عقبات اخرویه نك محلی نفس حیوانیه در که
بومعناده یعنی احساس ضرب و قطع و قتلده انسان و حیوان مشترکدر
و قرآنده کلور (کل نفس ذائقة الموت) یعنی ذوقله تعبیر اولتد یغناک
اصلی بودر که نفس ناطقه نك بدندن مفارقتی وقتنده الم موتی ذوق
ایدن نفس حیوانیه در که بدن وهیکله متعلقدر انکیچون معلوب
اولان کیمسه یه آسان والادشواردر ونسوه زلیخا تقطیع اناهل ایتد کلرنده
بی شعور اولد قلرندن الم تقطیع احساس ایتد یلر اشته عاشق حالی
وانسان کاندک مالی دخی بویله در (بعد ذال احداد شقره ایله امر
وجوب ایچوندر اگر شقره که آت ایه زیرا تعذیب حیوان حرامدر والا
ندبه محموددر ولکن دیمشدر که مذبوحك مقابله سنده احداد ایتیه
زیرا مذبوح فی الجمله موتی مدرک اولدوغندن انکله متعذب اولور
و مرحلت شان مؤمننددر (و دیمشدر که اوج کیمسه فلاح بولماز
بری بایع البشر و بری قاطع الشجر و بری ذابح البقردر فافهم الاسرار
ان كنت من اولی الالباب والا فاجتهد فی قرع الباب فان الله مفتح
الابواب* و لیرح ذبیحته* یرح یاء مثاة تحتایه نك ضمی وراء مهمله نك
کسر یله اراختدندر جلب راحت و یا حصوله تسبب معناسه
وزاحت واستراحت آسوده لکدر یعنی دکلمك و وجدان حضور
وسروره نفس المقدر (ذبیحه اگر صفت اولور سه دابه مذبوحه
دیمك اولور ولکن غالب اولان اسمیه در که وصفیتی منسبه کییدر
(و عملوا الصالحات) کی که صالحات اعمال صالحه ده اسم اولمشدر
انکیچون بحسب الغالب موصوف تقدیر اولنماز یعنی ذبیحه سنی ذبح
ایتد کدنصکره حالی اوزرینه ترك وامهسال سلخ ایده تا که اضطرارنده
مستریح و ساکن اوله و یا خود اراحه سرعت امراره محموددر تکیم

مرور ایتدی (وابن ملک دیمشدر که بویکی فعل یعنی بحد و روح
احسان ذبیح بیان کییدر اتمی و سمك و جراد مقوله سنی دخی بقیه
روح وار یکن آتیه قویوب پشوریه زیرا بودخی تعذیب حیواندندر
و قرآنده کلور (ان احسنتم احسنتم لانفسکم) یعنی انسان اسم اعظم
و صورت عالمدن عبارت اولیحق نیک و بدنه اشر سه راحت والم
و ثواب و عقابی ینه کنندنه راجعدر پس جمله اشیا اصل واحدن
و ذات اchiedن صادر اولدوغنه نظرایدوب اقرار با و ارجام بری برلرینه
تراحم و تعاطف ایتد کلری کی اولدخی اشیا له بومعامله بی ایلیه والا
صله رحم ایتش اولماز و آخر غر بت و فرقتده قالور چونکه ورثه انبیا
اولان علماء عاملین بوا حسانی و کیفیتی عصره بعد عصر ناسه تعلیم
ایلیوب جمیع اشیا به نافع اولور و جهله حرکت ایتد یلر اشیا دخی تشکر
و مکافات طریقله انلر ایچون استغفار ایلد یلر تکیم حدیثده کلور
(ان العالم یستغفر له من فی السموات ومن فی الارض حتی الحیتان
فی جرف البحر) یعنی بالقرال اصل العناصر و مایه حیات اولان صوده
متکون اولمشدر کنینه فی الحقیقه حیاتی انسان کامل یوزندن بواولر
و کند یلرینه فیض احسانی انک جام امدادندن آلورلر بوجهندن
اشیا انسان کالمک مداح و ثنا کاری و خدمتکار ایدر و انک مشاهده سنه
مشاقلدر رشویله که احسن الاشیاء اولان ملائکه انک مطالعة دیدارنه
از دحام ایدرلر (بعد ذال حدیث مذکورده اشیا تعمیم اولندقدنصکره
از جمله انسان و حیوان تخصیص قلندی زیرا مرور ایتدیکی اوزره
قتل انسانه و ذبح حیوانه کوره در پس بوندن فهم اولندیکه انسان
مکرمه لاجل المصلحه قتل ایله تعرض جائز اولیحق ذبحله حیوانه تعرض
ایتمك بطریق الاولى در زیرا حیوان کرچه تسبیح و تحمید ایچون
خلق اولمشدر سائر اشیا کی ولکن منفعتی انسانه راجعدر و هر قدر
لطیف متضمن اولق سبق رحمتدندر بوجهندن انسانه لازمدر که
هر لطیف و قهرده دامن احسانه تشبث ایلدیه و خلق الهی ایله
متخلف اولوب غضب و قهر صرفدن حذر ایلدیه واللّه الحفیظ

الحديث الثامن عشر

اتق الله حتما كنت خطاب خصوصا نجباء نبویه وزهاد صحابه دن
 ابوذر حضرت تلمیذ در رضی الله عنه و عموما سائر در زرا خصوصا
 سبب عموم حکمی منافی دکلدر (مرویدر که اوائل اسلامده جناب نبوت
 صلی الله علیه وسلم مکہ مکرمه ده مخفی ایکن ابوذر غفاری کلوب
 مکرمه اسلام اولوب مکهمه اقامت مراد ایتدکه حضرت رسالت
 انی انتفاع خلق ایچون قبیلله سنه کوندرب بو بر قاج کلمه جلیلله ایلله
 توصیه بیوردی (وایما تکنونوا فثم وجه الله) موجبجه مکاشفه جمیع
 اینیات برابر اولدیغی سرن طیوردی و اتقاء حذر کردن و نگاه داشتن ایلله
 تفسیر اولنور که معنای ثابته کوره ایکی مفعوله متعدی اولان وقایه دن
 اولور نیکیم قرآنده کلور (فکیف تتقون) ای تقون انفسکم علی مذهب
 الیه المفسرون (و حیث ظرف مکاندن حین ظرف زمان اولدیغی کبی
 گاه اولور که جهت و اعتبار ایچون استعاره اولنور و ما جازمدر یعنی
 حیث واذ کلمه لری فعل مضارعی ما انضمامیله جزم ایدرلر والا فلا
 (دیمشدر که اتقائه امر وجوب ایچوندن زرا تقوی خوف و خشیت
 و اکساب اوامر و اجتناب زواجر در بوا یسه واجبدر پس دیمک اولور که
 یا اباذر کرک مکهمه ده و کرک قبیلله کده و سائر اینیاتده و جمیع احوالده
 کرک علنا حلقه قرشو و کرک سرا خلقدن کرکی و کرک سراده و کرک
 سراده حقدن حذر ایلله و غضبندن محققن که سنی امر ایتدیگی یرده
 کورسون نمی ایتدیگی محمله کورسون (و خوف و خشیت و معاملت
 مع الله هر کسک معرفتده کوره در انکیچون دیدیلر که تقوی کفر
 و معاصی و میل ماسوادن پرهیزدر که تقوی عوام و خواصه شاملدر
 زرا ابو سعید الخراز قدس سره دیمشدر که (حسنات الابرار سیئات
 المقربین) یعنی عوام محرماتدن و خواص شیهاتدن و اخص خواص
 مباحاتدن و بعض حلالاتدن دخی پرهیز ایدرلر زرا طالب حق اولان
 ماضوایی حقه بذل ایدوب دنیادن مس ضرورت ایتدیگی مقدارله
 اکتفا ایدر و حقیقت تقوی ایکی وجهله در بری نقائصی نفسه اسناد

ایلیوب نفسیله حقدن اتقا ایدر یعنی نفسی حقه وقایه قیلور و بری
 دخی کالاتی حقه اضافت ایدوب حقه نفسندن اتقا ایدر یعنی حتی
 کندی نفسنه وقایه قیلور مثلا عدم نقصان و وجود کالدیس عبد
 (فاتقوا الله حق تقیاته) موجبجه عدمی کندی نفسنه و وجودی حقه
 اضافت ایدر زرا حق ازلا و ابدا موجود در که اکا معدوم اولق
 یوقدر شول معنادن که وجودی ذاتیدر و عبد ازلا و ابدا معدومدر که
 اکا موجود اولق یوقدر و حقدن اکا فاضله وجودی انی عدم اصلبسندن
 اخراج ایتدیس اگر حق و اگر عبد الان علی ما کان سری اوزرینه در
 و تقوی ده حقوق الله و حقوق عباد داخلدر زرا اکساب مأمورات
 و اجتناب منهیاتی مشتملدر (و دیمشدر که متقینک فضائل جه سی
 وارددر که قرآنله ممدوح و اعلا اوزرینه منصور و شاداندن ناجی
 و حلالدن مرزوق و ذبی مغفور و قلبی پر نور و علمی مبرور و حقه محبوب
 و مبشر من عند الله در و تقوی علم اوزرینه موقوفدر زرا جاهل مأمور به
 و منهی عنه ندر یلن پس علمک سائر فضائل اوزرینه رجحانی وارددر
 و حدیثده کلور (من یرد الله به خیرا یفقهه فی الدین و یعلمه رشده)
 یعنی مصالح دین و دنیایه مهتدی قیلور (و دیمشدر که اکبر ذنوبنددر که
 بر کیمسه به اتق الله دیسه لر اول دخی قبول ایتیبوب علیک نفسک دیو
 جواب ویره زرا اوائلده خلفادن اولنر بله اسم الله یاد اولنسه یوزلرین
 برلر سورلر و سوار اولنر دابه لرندن نزول ایدرلر دیکه بو وضعدن مراد لری
 تعظیم الله و تعظیم اسم الله ایدی زیر اقلبلرنده اسنشعار خوف الهی ایدنلر
 قلبلر لریله دخی سرفرو ایلرلر و وصایای نبویه ده کلور که یا اباهریره
 بر کیمسه به اتق الله دیسه لر اول دخی بوسوزدن اوتوری غضب ایتسه
 یوم قیامتده بر موقوفده نصب اولنه که جمیع ملائکه برر برر اکا مرور
 ایدوب سن اول کیمسه دکلپسن که دنیاده سکا اتق الله دینیلوب سن
 اندن بی حضور و پر غضب اولمش ایدک دیه لر اول کیمسه به دخی
 بو حالدن زیاده مسامت و حزن کلوب تحجیل اوله اشته دنیاده پندنا صحتی
 طوتمین معجب و متکبرک آخرتده حالی بو مقوله شرمساری واه و زار ایدر

* واتبع السبيل الحسنه تمحها * اتباع فتح همزه وسكون تاء مثناه فوقانيه
ايله افعال بايندن امر در اتباع تابع فليقدر سبيله فعله قبيحه در كه
حسنه نك ضديدر يعنى سوء انسانك مسايت وغممه باعث اولان
امور دنيويه و اخرويه در و حسن سبب مسرت اولان نسنه در كه
و حسن و قبحك هر برى عقلى و شرعى اولور بوراده مراد شرعى
اولاندر يعنى حسنه او در كه انسان انكلكه حق تعالى به تقرب ايدوب
مثاب اولور و سيئه او در كه انكلكه حق تعالى بعيد اولوب معاقب اولور
(تمحها اصلنده تمحوها در و لكن امره جواب واقع اولغله لامى جزما
ساقط اولمشدر محو ازاله الاثر معناسنه در يعنى بر نسنه نك وجود نه
دال اولان نشانى ازاله در پس ديمك اولور كه چن برصكه ناه اشلسك
اردنجه بر عمل صالح اشله كه اول عمل او كلكه اثرنى محو و ازاله ايله
يعنى الله تعالى انك سبيله عفوايليه شو يلكه بردخى اندن نشان بلور ميه
و بوندن فهم اولور كه بوا مردخى و جواب ايجو ندر زيرا انسان توبه ايله
مأمور اولديغى كى عمل صالح ايله دخی مأمور در قال الله تعالى (واعملوا
صالحا) بلكه حسنه توبه حكمنده در زيرا توبه كى اثر نبي محو ايدر
و حديثه كلور (التائب من الذنب كمن لا ذنب له) اگر چه اصل ترك
ذنب توبه ايله محو در اقوادر شول معنادنكه توبه بتجسي تطهير كيدر كه
طهارت اصليه سى اوزرينه اولان اندن پا كيره در بورا دندر كه بعض
عارفين ديمشدر (واسواته وان عفوت) و محو ذنب ديوان حفظه به يعنى
صحيقه عمله كوره در كه اوراده قلم ملائكه ايله مثبتدر و صحيقه دن محوى
قلبدن اثر ظلمت ذنب منمحي اولغى دخی مستلزمدر (و ديمشدر در كه
بوراده سيئه دن مراد صغيره و حسنه دن مراد صلاة و صدقه و ذكر
و تسبیح و امثالى طاعتاندر تكيم قرآنده كلور (ان الحسنات يذهبن السيئات)
زيرا مرويد ركه بر كيمسه بر زن نامحرمى تقبيل ايدوب فخر عالمه حالى
عرض ايتد كده آيت مذ كوره نزول ايتشدر پس بوماده نمره خير من جرادة
كى اولور كه زمان حضرت عمره رضی الله عنه اهل حص احرامده
ايكن جراد كشير صيد ايتشدر بوجهتدن خطا ايتدك ديور چكر كه

باشنه برر اچه صدقه ويرد كارى سمع عمره ايشد كده كفارت اچه
موقوف اولمايوب خرماندن و امثالندن نسنه تصدق ايله دخی كفارت
حاصل اولدوغن افاده ايلدى و صغائرده حال اهون اولدوغن بلدردى
فاما كيره عند الجمهور توبه به محتاجدر كه اعماله اكا كفارت اولماز زيرا
توبه فرضدر و اعماله تكفير كبايردن توبه نك بطلان فرضيتى لازم كلور
توبه ايسه عامه و خاصه اوزرينه فرض عين در كذا قالوا (ولكن بعض
اعمال فاضله نك مكفرانندن اولديغى توبه مقامه قيامنى كوستر
(مشى الاقدام الى الجماعات والجلوس فى المساجد بعد الصلوات
واسباغ الوضوء على المكاره) كى و قيام ليله قدرده (غفرله ماتقدم
من ذنبه) ده ذنبك كيره به شمولى ظاهر در زيرا مغفرت قيام اوزرينه
مترتيدركه قيام مذكور ساا اعماله قياس اولماز و شول آيت كه كلور
(ان تجتنبوا كبائر ما نهون عنه تكفروا عنكم سيئا تكلم) بو آيتده سيئا مراد
صغائر در و لكن اجتناب مذكور مكفر صغائر اولماستندن اعمال فاضله نك
مكفر كباير اولماستنى لازم كلر كويا ديمك اولور كه اجتناب مكفر صغائر
واكتساب مكفر كبايردر پس بونده صغائر سهو لتى و كبايرك صهو بى
و اعمال فاضله نك شرف زاندى بيان واردر فافهم جدا (كبار محدثندن
اين حر و اعمال صالحه نك تكفير كباير ايتسنه ذاهب اولمشدر و لله دره
و بر كيمسه نك كبايرى اولمسه دخی صغائر دن توبه واجبدر زيرا
عند اهل السنه صغائر اوزرينه عقاب جائزدر خلافا ليعترلة و صغائر
و كبايردن توبه نك وجوبى بلا توبه عدم مغفوريتنى اقتضا ايتز زيرا
(و يغفر ما دون ذلك لمن يشاء) مطلقدر اى و يغفر ما دون الشرك
من الصغائر والكبائر توبه و بلا توبه لمن يشاء من عباده المذنبين در
(و توبه نك تكفير خطا ايتديكى باقضى و باطنى در و بعض اهل حديث
راجع اولان ايتكيددر ديمشدر فاما (وهو الذى يقبل التوبة عن عباده)
و امثالندن ظاهر اولان بودركه توبه شروطنه مقارن اوليجق قبولى
مقظوعدر والا وعد الهى ده خلف لازم كلور و وعد كرم ايسه ديندر
انكيجون ديندركه توبه صادق اهل ذنبى بردخى خاطرنه كتوريمك

کر کرد زیرا حق سوء ظن لازم کلور مؤمن ایسه حسن ظنه مأورد در
و حدیث قدسیده کلور (انا عند ظن عبدي بي) و مغفرت و تکفیر
معشاری بر در زیرا غفر و کفر ستر در (و شیخ مشایخ الدینا صدر الدین
القنوی قدس سره بیور مشدر که جمله طاعات مطهرات درگاه
بطریق المحو که (ان الحسنات يذهبن السيئات) و اتباع السيئة الحسنه تمحوها)
اکا اشارت در و گاه بطریق التبدیل که (الامن تاب و آمن و عمل عملا صالحا
فأولئك يبدل الله سيئاتهم حسنات) اکا الدرس محو مذکور حقیقت
عفودن و تبدیل مقام مغفرت در انتهای بالمعنی و بوندن فهم اولادیکه
مغفرت عفودن اتم در زیرا مغفرت سیئه حسن صورتیه داخل و عفوده
بالکلیه مضحک اوارر بوسیدن اهل توفیق و کثیر و اهل مغفرت قلیل در
فاعرف جدا (چونکه هر ضیض ضدیله معالجه اوله کاشدر لا جرم قلب
ظلمت ذنبه مظلم اولیحق نو توبه و طاعتله تنویر کر کرد مقصود اولان
عبدک حقه رجوعیدر بعده (یفعل الله ما يشاء) موجبجه دائره رحمتی
توسیمده حکم حکم در رشته حسنیه سیئه به تابع فلیق مستلزم محوسیه
اولادی زیرا طلوع آفتابده ظلمات لیل ذاهبه اولور فاما بونک خلاقی که
سیئه بی حسنیه به اتبا عدرا اگر سیئه سی ردت ایسه جمیع اعمالی
باطل اولور و تکرار حج لازم کلور و الا فلا خلافا للمعتزله و حدیثیه
کلور که (حسنات الکفار مقبولة بعد اسلامهم) یعنی حسنات کفار
موقوفدر اگر اسلامه کلور لسه صحیفه یمنا به یاز یلور و آخرتده خیرله
مجری اولور ل اسلام شرفندن او توری پس اسلام ماقبلنده
اولان ذنوبی قطع و حسناتی وصل ایدر ارتداد ایسه بویله دکدر
بلکه کفرک شأمتی حسبیه اعمال صالحه یا طله اولور و اگر
اسلامه کلور لسه اجماع بونک اوزرینه در که اول اعمالدن کندیلرینه نفع
بو قدرنه ثوابله و نه خود تخفیف عقابله اگر چه بحسب الجرایم عذاب
جهنندن بری برندن اشد در و اگر خیرات کفاردن کندیلرینه فائده
اولادی حاتم طائی و عبدالله بن جدعان و سائر استخیاء عربیه و غیر یلمه
اولوردی عدم انتفاع خود نصله معلومدر و کبار محدثندن ابو بکر

بیستی و امام مازری ذاهب اولمشدر در که بطلان خیرات کفاردن مراد
انکه ناردن عدم تخلیه صنفه مجروردر و لکن کفردن ماعداد ارتکاب
ایتدکاری جنایات مقابله سنده مستحق اولدقاری عذابک تخفیفنه سبب
اولغه مانع بو قدر انتهای بالمعنی (پس کفری ایماندن غیری نسنه فارشولر
ولکن سائر صغائر و کبائر حسنات و خیرات مقابل کلور و کفرده تساویدن
سیئاتده دخی تساوی لازم کلر اول سببانه مقابل حسنات وار ایسه
یورادندر که توحیدر سمی معاصی ایله وزن اولنور فاما توحید حقیقتک
معادلی یوقدر انک ایچون میرانه وضع اولنماز و شول بطاقه توحید
ایله طقسان طقوز سبیل سببات توحیدر سمی به اشارتدر انک ایچون
سجالات ایله وزن اولنوب جمله سی اوزرینه راجع کلسه کر کرد و انسانک
مکارم اخلاق و صفات فاضله سی آخرانی ایمانه و یا توبه به جرایمک
مأمولدر (قل ان الفضل بيد الله يؤتيه من يشاء والله واسع عليم)
* و خالق الناس بخلق حسن * خالق امر در مفاعله بایندن مخالفه خلقله
ایو خلق و نیکو خو یله زندگانی و تعیش ایتدکر بوراده تجریده مجمولدر
زیرا خلق حسن انی تقیید ایدر یعنی ناسله ایو خوی ایله عیش ایله
یدخوی اولمشدن حذر ایله زیرا خلق حسنده قلوب و ابدانی جمع
و خلق سیئه ده تفریق و اردر تکیم حمله علم اولان احنف قلوب ناسی
حسن معامله سیله شویله اما له فلیش ایدیکه اقتضا ایسه قیوسنه
یوزیک سیف مجتمع و نصرتی ایچون مزدحم اولوردی مع هذا ملوکدن
دکل بلکه افراد عربدن بر فرد ایدی فاما صفت حلیه سی ملک الملوك
اخلاق اولغله انکه سیادت عظمی بولش و رئیس الکل اولمش ایدی
و خلقک ضمه و ضمین ایله معناسی سببیت و طبعدر و لکن تعلم و تقلید
ایله دخی حاصل اولور تکیم احنف مذکوره تعلم حلم ایچون مراجعت
ایدردی پس فرق بودر که جبلی اولانه خلق و کسبی اولانه تخلق
دیرلر که اربایله صحبت و بکنندی نفسیه تکلف و عملدن حاصل
اولور بوسیدن حدیثیه کلور (اللهم كما حسنت خلقی فحسن خلقی)
اولکیمی فتح و ایکنجبسی ضمه در زیرا حدیثیه کاشدر که (ما بعث الله

رسولا الا كان حسن الوجه حسن الاسم حسن الصوت (بعد ذا حسن خلقه معاشرت ومخالطه دخی امور واجبه در تکمیل کلور (دارهم مادمت فی دارهم) وینه کلور (امرت بمدارة الناس كما امرت بالفرائض) وقال بعض الحكماء (عاشروا الناس معاشرة ان تمتم بكموا عليكم وان عشتهم حنوا اليكم) وحسن خلق طلاق وجهه قرش وبقدر مکر اهل بدعت و فاجر اوله بر صورتی عبوست لازمدر و کف اذدر مکر که تغییر منکر و اخذ مظلمه ایچون اوله من غیر تعدد و خفض جانب و تطف و ایشاس و بذل عطا و تحمل اذی و عقود مکر که تأدیب و اقامة الحد مؤاخذه ایده و حدیثه کلور (صل من قطعک واعف عن ظلمک و احسن الی من اساء الیک) و حل ملح الاخلاقدر و حسن الخلق سیء الخلق ضدیدر و مکارم اخلاق سفساف اخلاق مقابلیدر و مکارم اخلاق غیره اولان معاملات کوره در ماعداسنه دعوت دیار که کندی تفسنده صورت الهیدی تصحیح ایچون تخلفدر و حاصل حسن خلق بودر که یاعت رضاء الهی اولان ایشی اشیایه سن و سبب سخط اولان کاری ترک ایده سن کرک حق حقند و کرک خلق خصوصنده چونکه سنک معاملتک رشنا وجهله ارله بعض اشخاصک ذم و سخطی ضرر و یرمز زیرا ایکی مقابلی اوضا ایتک مشکلدن او خصوصده سکا بدخوی دیسلر فی نفس الامر حسن خلقی منافی اولماز نظر ایلکه جناب نبوت صلی الله علیه وسلم (وانک لعلی خلق عظیم) مضمونیه موصوف ایکن (واغلاظ علیهم) ایلدخی مأمور اولدی پس حسن خلق مقامنه کوره در که عارف بالله یلمور و عارفک برحالی واردر که اکا نفاق اکبر دیرلر زیرا هر کسه بر صورتی کورینور شول جهندنکه مظهر اسمادر پس انک صورتی صورت جامعه در بو صورتی حسن خلق ملل مختلفه و انسان و جان و ملک و معدن و نبات و حیوانه شاملدر زیرا کمالک یونلورن هر بریله باشقه حسن معامله سی واردر که اهل صورت بو معنادن بی خبردر پس ابتدا مصارف اخلاقی و بعد مکارم و سفسافی بلکه محتاجدر و مصارف کرچه انواع و اشخاصله

مختلفدر و لکن حقیقت وجودده اختلاف یوقدر بلکه جمیع وجودات عین واحده اوزرینه دور ایدر و اصل عالم امر واحد او اوب نوجهله تشعب ایتدیکن بلن هر شعبه نک ظاهر و باطنه کوره بر صورت و یرد و لکن بو علم شریف زیاده عزیزدز و بو علم بیلوب هر کس ایلله کما ینبغی حسن معامله ایتک الله تعالینک انک اوزرنده حقیقیدر والا معامله ده یا افراط و یا تفریطدر که مذمومدر و بو حدیث شریفده اولان اویچ خطایک ایکی اولیکسی حقوق الهیه یه و اخیر حقوق عبادیه متعلقدر انک ایچون تاخیر اولندی *

* الحديث التاسع عشر *

* قال عبد الله بن عباس * عبد الله عباد الله اربعة دندر که رسول الله صلی الله علیه وسلم اکا دعا یدوب (اللهم فقهه فی الدین و علمه لتأویل) یورمشدن انکیچون اکا سلطان المفسرین دیدیلر و تفسیر نیشاوری انک روایاتی اوزرینه مقصوردر و عبد الله اولیادن افراد دیدکلری طائفه دندر حضرت رسالت دنیا دن انتقامنده سن ختاندی یعنی اون اویچ یا شنده ایدی زیرا بین العرب ختان حضرت اسمعیلدر علیه السلام توارث اولندیغی اوزر اون اویچ سالنده در تکمیل بین الیهود حضرت اسحق دن علیه السلام توارث اولندیغی اوزر یدنجی کونددر بو سببدن حالا بلاد مسلمانده آخر وقت ختان اوز اویچدر بدایتک وقتی مختلف فیه در و عباس عم رسولدر که حقند کلوز (احفظونی فی العباس) یعنی عم عباسه اذی و جفا ایتوب انک خصوصنده حرمت و حققی حفظ ایدیکوز زیرا (عم الرجل صنوایه) موجبجه عم الرجل والده حکمنده در * رضی الله عنهما * یعنی الله تعالی ایکسنتک دخی جرائندن تجاوز ایلله زیرا رضاسبب تجاوز و عفو در و احباب حقند رضیه (رضی الله عنهم و رضوا عنه) آیتندن مأخوذدر که رضا نهایت مراتب صفات توکل غایت طبقات افعال اولدیغی کی و ماضی ایلله تعبیر و قوعی اوزرینه حرص و وجودیه تفولدن او توریدر کویا واقعدر که اندن اخبار ایدر رحمة الله کی

عموم مؤمنین کوره و قدس الله اسرارهم کبی خصوصه کوره و بوندن
فهم اول نور که رحمت قلب و روحه تعلق ایدر که مقام اثبات در
و تقدیس سره تعلق ایدر که مقام نبی در زیر اسرار انسان جمیع تعلقات
و سخن و دین شدن مقدس و مطهر اولدغه تجلی ذاتی واقع اولماز
مقام ولایت ایسه تطهر کلی بی مستلزم در قال الله تعالی (لایسه الا
المطهرون) ای لایس سر الهویه الالهیه الا المطهرون من انجاس
التعلقات وارجاس المیول الفانیة والعلاقات * کنت خلف انبی
صلی الله علیه وسلم * خلف خاء معجمه نک فتحی و لامک سکونیه جهات
ستندر که امامک فتحله مقابله در عجم پس و پیش دیر یعنی دابه سی
اولان بغله نک اردنده ایدمکه بنی ارداف ایتش ایدی و تصلیه نک
معنای سبق ایدی ای عارف نظر ایله که لسان حق و السنه خلقدن
نوجهله ترتیب بدیع واقع اولدیکه تصلیه رسول و رضیه اصحاب
و تقدیس اولیا و ترجم عامه دندلی زیرا تفاوت مراتب معنویه اختلاف
اسما و اوصافی مقتضیدر (و تصلیه و رضیه و ترجم تغییر و تبدیل قبول
ایتمدیکه کبی تقدیس اسرار اولیا دخی قبول ایتمز بلکه من الاول
الی الاخر السنه خواصده جائیدر اگرچه ارباب انکار دللرندن حج
اولمشدر زیرا مؤف المشاعر و مرور المزاج بر آلی طائفه منکوسه در
والعسل عسل وان لم یجد طعمه الممرور والشمس شمس وان لم یرضوها
الضرب * یوما * ایامدن برکونده که بعینه معلوم دکلر تکیم لسان
ترکده دخی شایعدر که برکون شویله برشی واقع اولدی دیرلر و یاخود
یوم بعینه مضبوطدر و لکن مقصود اولان اول یومده حادث اولان
معنی و اندن اخبار در یوخسه نفس یوم دکلر تکیم قضاء صلاة
و قضاء صومده یومی بعینه تعیین لازم دکلر و بوراده یومدن مراد
نهاردر اگرچه یوم اصلنده بکرمی درت ساعتدن عبارتدر که لیل
و نهاری حاویدر تکیم هر روز ایتشدر و بونده یعنی برکون خلف نبیده
ایدم دیمکه رسول الله اردنجه خلیفه اولدم دیمکه رمز واردر
و برکوندن مراد ایام عمردر که مجموعی برکون کبیدر (سؤال اول نورسه که

بعد الانتقال النبوی خلیفه حضرت صدیق و سایر خلفادر رضی الله
عنهم یوخسه ابن عباس دکلر پس رمز مذکور نوجهله درست
ولور (جواب بودر که خلیفه اودر که سیرت نبویه اوزرینه اوله
پس خلفاء اربعه ظاهرا و باطنا قطب وقت اولمشدری بوایسسه
سائرک خلافت معنویه سنی و قائم مقام نبوی اولماسنی منافی دکلر
تکیم حالا دنیاده قطب بر در و لکن اقطاب و خلفا چوقدر که اقطار
ارضده متفرق در زیر ایکی صدیق بر بلدهده مجتمع اولماز ایکی روح
بر بونده اولدیغی کبی ام ماضیهده بلده و احدهده بر قاج نبی بولندیغی
صدیقک تکرر نه دلالت ایتمز بلکه صدیق اکبر بر اولور و دیمشدر در که
حضرت بلال حبشی رضی الله عنه قطب ابدال ایدی و بومر اتب
ازمان رسائنده دخی ملحوظه ایدی انکیچون معاذ بن جبل و ابو موسی
الاشعری به رسول رسول الله دندلی پس مقام خلافت اول دمدر
بری ثابتدر شوقدر واردر که خلیفه مستخلفک حیاتنده وارث دکلر
بلکه انک علوم و مقامانندن منعم علیه در و سر میراث بعد الانتقال
صورت بولور * فقال یا غلام * ضم میله یا رجل کیکه بعد النداء
معرفه در و یاخود کسر میله که اصلنده یا غلامیدر که اکتفاء بالکسر
باء حذف اولمشدر و بونده کرچه تصحیح نسبت واردر (واذ قال
موسی لفته) اشارتی اوزره یافتای دیمک صحیحدر قاما بواضاافت
جناب نبوتک کمال عبودیت و حسن معاملاته مناسب دکلر تکیم
ارباب ذوقه معلومدر (و بعضی روایاتده غلیم دوشمشدر صیغه
تصغیرله که صیغه شفقدر عید الله کبی و یاخود سنی جهتندنکه اول
وقته اون یاشندن اقل ایدی و غلام شارپی یعنی پیغی بیکه و در بلکه
باشلیان حدیث السن کیمسه در انکیچون غلام دندلی غلتمدنه که
شهوت ضرایدر زیر اول وقت توقان شهوت زمانیدر و یاخود
غلام حین ولادتدن شاب اولنجهده دکلر اطلاق اولنور تکیم اطلاق
نبوی به مناسب اولان بودر (و غلام فارسیده قول معناسنه در
پنده کبی و عربیده اوغلان معناسنه در که حر الاصلده دخی استعمال

اولور * انی اعلمک کلمات * تعلیم تکرار علمدر تاسکه قلبه
ثابت اوله زیرا متعلمک جبلت شده نسیان واردر و بونک تفصیلی
حدیث ثانی آخرنده مرور ایتمش در اورایه نظر اولانه (کلمات ده اولان
تکبر کر چه تقلیلی مشعر در ولکن تضخمن خالی دکادر و کلمتک تحقیق
گذرایلمشدر یعنی تحقیق بن سکا کلمات جلیله و مضامین جلیله تعلیم
ایده یم که نتایج وحیم و ثمرات نبوتمنددر تکمیل کنندنی نفسنه نسبت
وتأکیددن مفهودر و بومعنی اجلندن یعنی کلمات آتیه لوازم دینییه
ودنیویه دن اولوب منافع کثیره بی مشتمل و صدر رسالتدن زبان حکمتنه
جاری اولغین تمهید ایلدی تا که استماع واصفا ده قصور ایتوب
حفظ تام و ضبط مالا کلام ایلدی پس انی اعلمک تنبییه اعلم بدلی اولدی
* احفظ الله بحفظک * بو کلام لطیف (ان تنصرو الله ینصرکم) کبیر
یعنی نصرت الهیه جزاء عمل و نتیجه کار اولدیغی جهتمدن نصرت
عبد اوزرینه ترتب ایدوکی کبی حفظ الهی دخی حفظ عبدالله بویله در
حفظ صورت مدر که بی نفسنده ضبط ایتکدر که مقابلی نسیاندر یعنی
الله تعالی ک سرعنی حفظ ایله که سنی امر ایدوکی برده کورسون یو خسه
نهی ایدوکی برده کورمسون تا که اولدخی ظاهر و باطن عذاب و عکاره
دنیویه و اخرویه دن حفظ ایلسون زیرا عصیان ظاهر او باطنا سبب
ابتلا در قال الله تعالی (ثم کان عاقبة الذین اساءوا السوای) و بردخی
سن حق حضور دائمه حفظ ایله تا که اولدخی سنده (وهو معکم انما یتیم)
سرنه صورت و یره و سنی نو بنواید ملکوتی رتبه سنه ایرکوره (و بردخی
آدابی حفظ ایله تا که حق دخی سنی مکر و کیدندن حفظ ایلده قال الله
تعالی (قل من یکلؤکم باللیل والنهار) یعنی لیل احتجاب و نهار تجلیده
کالی و حافظ الله تعالی در زیر انسان احتجابده ترک ابدن و تجلیده
الحاد و مکر دن خالی دکدر (سؤال اولور سه که ابن عباس اول وقتده
نابالغ ایدی پس نوجهله حدودی محافظه ایله مأمور اولدی جواب
بودر که ابن عباسک کمال عقل ورشدی انی بالغ حکمنده قلدی حی
شیوخ عرب انی حدیث سننده کندی اوزرینه تقدیم ایدرلر و کلامنه

اصفا ایدوب ترجیح ایلرلردی و امور مهمه ده مجلس مشاوره اندن خالی
اولسازدی (و بردخی حفظ مطلقدر که هر وقت کوره بر حفظ معین
وارد رکیمی عا جلا و کمی آجلا کویا بر کیمسه سلطنتدن مقدم
اذا ملکک فافعل کذا و کذا دیمک کبی اولدی * احفظ الله تجده تجاهک *
حفظک صورتنی فهم ابن عباسه تقریب و تمثیلدر (تجاه اصلنده
وجه در که ایکبسی دخی مثلث الحکر که در تاواودن ابدال اولمشدر
تراث وراثت کبی حذاء و تلقاء و امام معنانه زیرا وجهنددر مواجهه
وجه وجهه یعنی یوز یوزه اولمقددر که عجم رو برو دیر و حدیثده کلور که
(ان الله فی قلبه احدکم) یعنی قلبه به بصاقدن نهی اولندی زیر الله تعالی به
قارشو بصاق کبیر شول وجهندن که صلاتده تصحیح مناجات ایچون
حق مصلحتک کویا قارشو سننده در پس دیمک اولور که حدود ظاهره
و باطنی حفظ ایله تا که حق یانکده و او ککده بوله سن و هر نه مرادک
و ارایسه نائل اوله سن زیرا حضور حق انسانی و حشدن تخلیصل ایدر
شول جهتمدنکه هر مرادی تحصیل ایله آتی مستأنس قلور و مرشدی
اولوب منزل مطاوبه ایصال ایلر اگر چه ظاهری براسمدن براسمه در
ولکن مالی کنندندن کنندنه ارشاد در الحاصل سن سالک و شرائع
و آداب طریقت موصول منزل و حق پیشوا و رهنمادر و نفس بنفس
حق سنی سواق و مواضع دن حفظ اوزره در زیر صراط مستقیم
اوزرینه سن شویله که اگر حسن سمندن منحرف اولسک حق دخی سنی
کندی نفسکله تخلیه ایدوب (حبک علی غار بک) معامله سن ایلر
بو صورتده راهندن بیرون اولان حیوان بی باری سباع افتراس ایدوکی کبی
اویله سنندن خارج اولان کراهی دخی قطاع شکوک و ظنون و یغما کر
نفس وهوی و دنیای دون قطع و یغما ایلر و هلاک و غنویسنه سبب اولور
اشته حقندن جدا اولانک حالی بودر و بومقامک بعض اشاراتی
اشفه ده روایت اخرا ده کلور * اذا سألت فاسأل الله * بوجهله حفظه
متعلق اولمدیغنددن بطریق الاستیناف واقع اولوب عاطف ترک
اولندی زیرا کمال اتصالده ترک اولندیغی کبی کمال انقطاعده دخی

ترك اولور بوراده سؤال عطاء در یعنی برنسته سؤال ایتک مراد ایتک
وجه مطلقه دن توجه ایلوب بالذات رب قدیر دن سؤال و طلب ایل
زیر اسم اعظمک مسما سی حقدر و سنک مسئولک اولان معنی اسماء
الهیة دن خارج دکلدر پس اسم الهی شفاعتیه مسمایه داخل اولوب
نائل مرام اولور سن مثلاً مر یضه شافی وفقیره غنی وضعیفه قوی
وضاله هادی و علی هذا السملری و ساطتیه مسمان عطا حاصل اولور
و بو مرتبه نك اقوای مظاهری اقطاب و اندن ملوک و سلاطین
و اندن سائر اغنیادر که بونلردخی و سائل باب حق اولدقلری جهتمدن
اسعاف مراده قادر لر در و مطلوب اهل قدر تدن طلب اولور زیرا
ماعداسی عاجز لر در و لکن بوابدن توسل ایده نه شویله کر کدر که
بونلرک مظاهر قدرت و غنا و اولدقلرن بلوب حقه کند ی
اسما سیله توجه ایتک کر کدر والا مخلوق من حیث هو مفتقر در
و مفتقر دن طلب ایتک بی حاصله قدر و بورا سی مزالقی اقدام دندر
انکیچون دور ابواب ایدن غافلار ذم اولندیلر قال الله تعالی (یا ایها الناس
انتم الفقراء الی الله) ای لا الی الناس ایا کاتو اوقال الله تعالی
(ولله خزائن السموات والارض) یعنی هر مخلوق بر مرادک خزانه سیدر
زیرا بر اسم مخصوصه مظهر در پس خالق اسم رحمن یوزندن
هر در لو مراده فتح باب قادر در و اول اسمک مظهر تاهی
رسول الله در انکیچون مقسم ارزاقدر مطلقا و اول اسمک جانب باطنه
اقطاب و جانب ظاهرینه ملوک مظهر لر در و اسم رحیم دن مرتبه
آخری دخی وارد که بوا اسمک در کاهندن ملح طعام و شمع نعل و زیت
قندیل و بونک امثالنه ورنجه هر نه طلب ایتک عار و عیب دکلدر
فاما دیوان ملوک کوره بویله امور جزئیة سافله طلب اولنسه استبعاد
اولور زهی رب اعلی که عیب ادناسی مرتبه سنه تنزل ایدوب انکله
حسن معامله ایدر و هر سحر اعلی ده فلك قره یعنی سماء دنیایه نزول
ایدوب مستغفر و سائل و طالب حاجت یوقیدر تا که ذنبی مغفور
وسؤالنه استماع و حاجتی روا ایده یم دیوندا ایلر یعنی عالم حقیقتدن

برتاثر ظهور ایدوب دنیاده عروجه قادرا و لیکنه نزول الهی واقع اولور
وانک علامتی وجدان حضور و استشعار انس و اقشعر ارشعر و انسکاب
دموعدر و حق تعالی سؤالدن اعراض و استنکاف ایده نه غضب ایدر
زیرا مکابره ربوبیت ایتش اولور و مشهور در که دیوان اسکندر بر کون
ارباب حاجتمدن خالی اولسه اول کونی ایام سلطنتدن عد ایتزدی پس
اضافت ربوبیت و ربوبیت دائماً سؤال و طلب اقتضا ایدر و سؤالده
انکسار بولمغله مقام عندیته وضع قدم ایتکه باعث اولور و توفیق
سؤال ارادت اجابتدن اوتوریدر و مسئولک عینی ظهور ایتسه بحسب
الحکمه بدانه انتقال ایلر بدل دخی یا دنیوی و یا اخروی اوور و اخرویسی
یا کفارت ذنوب و بارفع درجاتدر پس دعا و سؤال علی کل حال نتیجه دن
حالی دکلدر و بومعنادن غافل اولان مرادم اولدی دیو معناده حقه
عجز اسناد ایلر حق ایتسه حکیمدر و حکمت حمله تابع و علم دخی معلومک
حاله ناظر در چونکه بر کیمسه لسان استعداد دن برنسته بی ازاده
طلب ایتش اولیه عین خارجیده یعنی جانب ابدیه حصوله کلمسی
محالدر و سؤال استعدادی لسان ذاتله اولور (و بر سؤال دخی وارد که
اکا سؤال حالی دیرلر که لسان حاله سؤال لدر فقیرک حضور غنیده
قیامی کی) (و بر سؤال دخی وارد که اکا سؤال مرتبی دیرلر که لسان مرتبه
ایله سؤال لدر قاضی عسکرک مرتبه سی وزیر و یا مفتی اولق سؤال کی
و بر سؤال دخی وارد که اکا سؤال روحانی دیرلر که روحله سؤال لدر
وانک مسئلی علوم و معارف الهیه و مقاماتدر و بر سؤال دخی وارد که
سؤال طبیعی مزاجی دیرلر که لسان مزاجله سؤال لدر تا که انحرافدن
مصون و اعتداله مقرون اوله والا ترکیبی مختل اولور و سؤال طبیعی
عنصری دخی اکا قریبدر که عناصرک مساواتی سؤال لدر تا که غالب
و مغلوب اولیه (والله المسؤل والمجیب) و اذا استعنت فاستعن بالله *
استعانت طلب عوندر عون معاونت و مظاهرتدر و معین معانسته دخی
کلور فلان بنم عونمدر یعنی معینمدر دیمکدر نیکم قاموسده کلور العون
الظہیر و استعنته و به یعنی تعذیه سی بنفسه و بالبادر یعنی امور دنیویه

واخرويه ده معاونت ومظاهرت طلب ايلسك الله تعالى دن طلب ايله
 زيرا مؤنتكه كافي اولان اودر و براسمي دخی معین در انك ایچون
 (فن یأتیکم بماء معین) ده الله رب العالمین وهونعم المعین دیمك مشروع
 قلمشدر (البس الله باحكم الحاکمین) ده بلی وانا علی ذلك من الشاهین
 دیمك کی چونكه معین اولان حقدر پس انسان (وایلك نسین) مو جنبه
 قولنده صادق کر کدر یعنی مجرد لسانه کتورمك کفایت ایتز بلکه
 قلبك توجهی حقه کر کدر تا که ظاهر و باطن بری برینه متوافق ازله
 قال تعالی (واسعینوا بالصبر والصلوة) یعنی امور مهمه واقع اولدوقده
 صبر ایدیکز که صبرله فی المثل قورق حلوی اولور و بردخی نمازه التجا
 ایدیکز که حقه مراجعت و مناجاته کاریکز حاصل اوله (وکان علیه
 الصلوة والسلام اذا حزبه امر فزع الصلاة) یعنی جناب رسالته بر شدت
 اصابت ایلسه نمازه التجا ایدر لر و مشکدری منحل اووردی تنکیم
 مشهور در که دیرل الله دین محروم قالماز وایشم الله قلمشدر دیمك
 لا بأس در زیرا مقصود بوآه دك اسبابی یوزندن حصوانه سعی ایلدم
 وجود بولدی شمدن صکره بلا سبب حقه قالدی و یاخود سبب خفی
 یوزندن تحصیلی اکا موقوف اولدی دیوینه حقندن استعانتدر (سؤال
 اولنورسه که اذا تحیرتم فی الامور فاستعینوا من اهل القبور مو جنبه
 ماسوادن دخی استعانت مشروع اولمق کوستر پس حقه تخصیص
 نوجهله درست اولور (جواب بودر که بومعنی اعوذ بکلمات الله التامات
 قبیلندندر یعنی مظاهر کامله به عباد و لیاذ همان حقه التجادر زبرا
 اسماء الهیه نك حقائق انلرده ظهور ایتشدر پس اهل قبور دن مراد
 اهل فنا فی الله در که (موتوا قبل ان تموتوا) سرینه مظهر لر در یعنی
 اضطر اوله موت طبعی دن مقدم اختیارله موت فناء ايله میت کی
 اولمشدر تنکیم کلور (من اراد ان ينظر الی میت یمشی بین الاحیاء فلینظر
 لی ابی بکر) و یاخود اهل قبور دن مراد موتادر که انلر قبور نی زیارتده
 قلبه نوما فنا و انفعال کلوب جناب حقه توجهله حصول مقصوده
 توسل ایتش اولور پس استعانت فی الحقیقه حقندر و ماسوی وسائل
 اواسایلر و حق تعالی بر نسنه عین الاسباب ایشلر و خسه بالاسباب

ایستلر بوجهتدن زیارت قبور مستونه اولدی و بعض احادیثده (واسألك
 حبك وحب من یحبك وحب عمل یقر بنی الی حبك) وارد اولدیغی وسائلطه
 اشارتدر که خیرده قرع باب وسائلط ایتك مشروعدر شرده سد ذرائع
 مشروع اولدیغی كبی فافهم جدا امدی زیارت قبور ایدن
 یامكاشف و یا تحجوبدر مكاشف ایلسه نظری منظرده ظاهره در
 بوایلسه عین توحیددر و اگر محجوب ایلسه مرادی توسل و استشفاعدر
 یوخسه مظلومی فی الحقیقه صاحب قبر دن طلب دکلدر زبرا مخلوق
 مقتدر در و مقتدر عاجز در عاجز ایلسه کندی کی عاجزه اعانتدن
 قاصر در پس مؤمن حول وقوتی الله تعالی دن بلور و ظاهر و باطن
 نظری حقه مقصور اولور و قطبدن اعجز و اندن اقدر یو قدر
 نید کلری بودر كکه اولکی معنی من حیث هو در و ایکچی من حیث
 الحق در انکیچون اولیادن خوارق عادات ظهور ایدر زبرا اول وقتده
 کندی نفسلریله دکلدر (و مشهور در که ابو یزید بسطامیدن
 قدس سره اللطیف ظاهر شرعه مخالف بعض کلمات صادر اولدوقده
 سیفله ضرب اتدی لر و لکن تأثیر اتمدی زبرا قائل فی الحقیقه حق ایدی
 حق ایلسه مؤثر در متأثر دکلدر (بعدذا معلوم اوله که انسانک کالی
 تدر یجیدر انکیچون اسماء الهیه نك حقائق تدر یجیه ظهور ایدر
 مثلا الله تعالی آدمه علیه السلام ایجادله تعرف اتدکده آدم یاقدیر
 دیواند ایلدی صکره تخصیص ارادته تعرف ایدیجک یا حاکم دیدی صکره
 اکلی قضا اتدکده یا قاهر دیدی صکره توبه سن قبول ایدیجک یا قواب
 دیدی بعده ارضه اهباط ایلدوب اسباب معیشتی تیسیر اتدکده یا لطیف
 دیدی بعده مظلومی اولان نسنه نك حصولی ایچون حقندن قوت حاصل
 اولدوقده یا قوی یا معین دیدی و علی هذا بناء علی هذا انسان بو تدر یجیه
 نظر ایدوب امورنده استعجال اتمک کر کدر زبرا خون شیر اولغه مدت
 استر و هر وقتك بر حکمی و هر کارك بر اسم مخصوصی واردر که
 اکا توجهله حصول بذیر اولور والله المعین * واعلم ان الامة لو اجتمعوا
 علی ان ینفعوک بشیء لم ینفعوک الا بشیء قد کتبه الله لك * امت شول

جاعت در که انلر رسول از سال اولنه ام فتح وتشديد له قصد معانسه در
 زیرا جاعتدن متفرق اولنلر جاعتی قصد وانلره اقتدا ایدرلر
 بورادندر که امام دیرلر زیرامقصود ومقتدادر و دین وطریقته امت
 دیرلر زیرا مأمومه ومقصوده در و تیم دیرلر ترابله توضو معانسه اصلنده
 تأم در همزه ایله قصد صعب طاهر معانسه صکره دفع ثقلت ایچون
 همزه یاه قلب اولندی وبو قلب فارسیده دخی شایعدر نکیم پیامد
 دیرلر که اصلنده آمددر و بیا دیرلر اصلی آی در کل معانسه که عرب
 تعالی دیروقرآنده کلور (وما من دابة فی الارض ولا طائر یطیر بجاهیه
 الا اثم امثالکم) یعنی هر نوع حیوان شول طریقت اوزرنه کلدیکه
 بالطبع اکامسخر در عنکبوتده نسج وسرفه دید کلری دوییه ده
 بنا کیکه دفاق حیداندن بیت اتخاذ ایدوب ایچنه کرر واوراده هلاک
 اولور و غلده ادخار و عصفور و جامه ده قوت وقت اوزرنه اعتماد و بونلرک
 امثالی طبائع کیکه هر نوعک بر طبیعت اختصاصی وارد و حدیثده
 کلور که (لولا ان الکلاب امة من الامم لامرت بقتلها) حدیثده اولان
 امت ایله مراد یا جاعت ناسدر که شرفنه و یا کلبنه بناء تخصیص اولنوب
 سائرلرک حالی انلردن مستفاد اولدی و یا خود جمیع بریادر زیر امت
 لغویه ده داخللر در ولوکله سی مضی ایچوندر کرک ماضی یه و کرک
 مضارع داخل اولشون و کاه اولور که ان کی استقبال ایچون اولور
 (ولامة مؤمنة خیر من مشرکة ولوا عجبکم) کیکه وان اعجبکم دیمکدر
 یومقامده دخی لو استقباله محمولدر (یعنی اگر خصوص اوزره جاعت
 ناس که مجانسک در و یا خود جمیع بریاسکار نسنه ایله نافع اولمق اوزره
 اجتماع اتسلرفانده و یرمز الام الکابده سنک منفعتک ایچون الله تعالینک
 کاتب و اثبات اتدوی نسنه ایله فائده و یرلر زیر یا زیلان یوزلمدیغی
 کی یا زیلیان دخی یکیدن دوزلمز (وبونده اشارت وارد که اشیا لاتدر
 یوخسه مؤثرات دکدر انکچون اگر ایش انسان النده اولایدی آدم
 قابلی ونوح کنعانی و ابراهیم آزری وموسی فرعون و عم زاده سی
 قارونی و رسول الله علیه وعلیهم السلام ابوطالبی و امثالی اختیار

ایدردی و لکن نافع وضار و هادی ومضل الله تعالی اولمق حسیله
 (لیس لك من الامر شیء) دیوهر کار حقه تفویض وحکمته تعلیق و تقدیر
 احاله قلندی انکچون دنلندی که (العبد یدبر والله یقدر) یعنی هر تدبیر
 تقدیر موافق کلر بلکه اصابت و اخطاء ایدر پس اصابت و اخطائک
 هر برنده حکم الله تعالی نکدر که مقتضای علم وحکمتی ایله حکم ایدر
 و بو حکمده خطا یوقدر بلکه خطا عبد کدر که تقدیر مخالف اولان
 نسنه یی تدبیر ایدر ومنفعت رجاسیله ماسوایه اعتماد ایلر مع هذا تقدیر
 و اذن آلهی اولمدیقه نفعه قادر دکلر در * واجتمعوا علی ان یضروک
 بشیء لم یضروک الا بشیء قد کتبه الله علیک * شق اولده لام نفع
 وثانیده علی مضرت ایچوندر (اهما ما کسبت وعلیهما اکنسبت)
 ودخی (من عمل صالحا فلنفسه ومن اساء فعلیها) وامثالی کی وایکی
 محملده دخی کاتبدن مراد لوح علمده اولان تقدیر و اثباتدر قال الله تعالی
 (قل لن یصیننا الا ما کتب الله لنا) ای لاجلنا یعنی لام اجلیه در که
 مکتوب اولان نسنه خیر و شره شامل و اصابت هر برینه محمولدر
 یعنی اگر بریاسکا بر نسنه ایله ضار اولمق اوزره اجتماع اتسلر اصلا برشیء
 ایله ضرر و یرمکه قادر اولمازلر مکر که اول ضرر الله تعالی لوح ازنده
 سنک اوزر یکه یازمش اوله چونکه قضا و اذن آلهی اولمدیقه خلقدن
 نفع و ضرر متصور دکدر پس جانب خلقی نسیان ایدوب نافع وضار
 الله تعالی در دیو عروه توحیده تمسک اتملوردر ومقضى اولیان نسنه نک
 حصولی ممتنع اولدیغی بملوردر وظهور مکر و هده قضایه رضا و زید
 وعمر و یوزندن اولدوغنه عدم التفات لازمدر قال الله تعالی (وما هم
 بضارین به من احد الا باذن الله) یعنی اگر سحرک تأثیر و اگر غیر
 ضرر و زیانی اذن آلهی و ارادت حقله در بو جهتدن سرا و ضراده
 صاف دل اولمق مقتضای حال تحملدر و بو فقیر دمشق الشامده
 اقامتم حالنده او غلم محمد طاهر برمرض هائلدن زیاده متغیر اولیحق
 جانب غیبدن وارد اولدی که (لا یكون مؤمنا بالله والیوم الاخر من قضی
 نجبه وهو غیر راض بالقضاء) یعنی حقائق ایماندر که قضا وقدره

ناظر اولوب حقه تسلیم و رضا اوزرینه اوله که بین العبد و بین المولی احسن اخلاق بویکی نسبه در وحق تعالی بیورر که (ترید وارید و لایکون الا ما ارید) یعنی چونکه حقت مرادی ارادتندن تخلف ایلمز بس عبد ارانی ارات حقه افنا ایلیوب کندی مرادی قیدنده اولمق کر کرد زیرا اولسه دخی مفید دکلدر و مرادک خلاقی ظهور ایتدکه معبر اولیه زیرا واقع اولان نسبه خط سریدر و حال رخا و بسط و فرجه دعوائی ترک ایده بلکه شدت و قبض و غم حالنده طاقت کتورمیه تنکیم سمنون المنون اندساطی رفته یارب هر نو جهله امتحان ایدرسک سندن بکا خوشدر دیودعوی ایدیچک الله تعالی انی عسر بوالله مبتلی ایلدی و طاقت کتورمیبوب فریاد و فغانه باشلدی اشته ای مؤمن قارتک طوق ایکن اولان کلامک ایله آج ایکن اولان کلامک میاننده فرق عظیم واردر هزاودر که آج ایکن دعوی ایده سن تا که صدقه که بهان اوله (اللهم اناسألك العفو والعافية والمعافاة فی الدین والدنیا والآخره و شول ~~کامل~~ که قبض و بسط انزه برادر انزک خلعت حالری (اوائک عبادی حقا) طراز یله معلدر ماعداسی کذبله مختلط در انک ایچون فرقه ناجیه اقل قلیلدر زیرا مراد نجات مطلقدر ابراهیم بن ادهم نجاتی کی والا حشو الجنة اولنردخی ناجیلدر فاما نجاتلری نجات مقید و اضافیدر * رفعت الافلام وجفت الصحف * رفعت مجهول وجفت جیم و فاء مشدده ایله معلوم لازمدر افلام قلمک جمیدر مایکتاب به معنای نسبه زیرا قلم و قطع اولنور اگرچه اصلنده عرضا مقطوع اولانده قط و طولاً قطع اولانده قد استعمال اولنور کما قال فی القاموس القد المقطع المستأصل والمستطیل او الشق طولاً انتهى پس قلمک طولاً شقنه قد و عرضا قطعته قط دیرلر و اقالم سبعة دیرلر زیرا دنیا یدی سهم اوزرینه مقسوم و مقطوعدر و جفاف بیوسددر که بحجم خشکی ایله تعبیر ایدر جاف و یابس خشک و رطب تر در و صحف ضمنین ایله صحیفه نیک جمیدر که هر نسبه نیک مبسوطنه دیرلر کاغذ که مایکتاب فیه در صحیفه دینلدیکی عریض و بسط اولانله در و صحف

ضم میله صحف مجتمع اولدیغی بردر که مابین الدفنین دیدکلریدر (معلوم اوله که قلم اصلنده قلم واحددر که قلم اعلی دیدکلریدر و صحیفه دخی صحیفه واحددر که لوح محفوظ دیدکلریدر و لکن قلمک علومی بسیار و متعلقاتی بیشمار اولمغله ایکبشندن دخی جمله تعبیر اولندی زیرا وارد اولمشدر که الله تعالی قلم اعلاقی خلق ایتدکه الی یوم القیام حوادث آیهین و خلق عالمه متعلق اولان اسماء الهیه بی تعلیم ایدوب اکا اوچیوز التمش دندان ویردیکه هر دندانی اوچیوز التمش در لو بحر علمدن اغتراف ایدردی و امر ایلدیکه یو علموک جمله سنی کنندند نصکره خلق ایلدیکه نفس کلیه لوحنه یازوب تفصیل ایلیه بیوسیدن نفس کلیه اسم مفصله مظهر اولدی و یوقلم و لوحه عقلی و روحانی دیرلر که یونلرک علومی لوح معنوی اولان ام الکتاب که علم الله در اندن مستفاددر و بولوحک علمونه تغیر و تبدل کلمز بلکه محو و اثباتدن محفوظدر و بطن ام بولوحه ناظر در و شول لوح که عرش اعلانک یمینده اولمق اوزره موصوفدر لوح صوریدر که (بحم و الله مایشاء و یثبت) مظهریدر و احوال مختلفه عالم اکا ناظر در زیرا عالم صورت و انک احوالی متغیر اولمقد در حقایق دکل انک ایچون حقایق الاشیاء ثابته دیندی صور الاشیاء ثابته دیندی و شول نسبه که کلیات ذاتیه ازلیه در حالی اوزرینه قالدی انک ایچون لوح صوری به کوره سمد شقی و بالعکس اولدی افاما لوح معنوی به کوره اولدی زیرا لوح معنویه مثبت اولان سعادت و شقاوت ذاتیه و لوح صوری ده عارضیه در پس ذاتی اولان تغیر قبول ایتمز عارضی ایسه تبدل اوزرینه در یوم مقامده یعنی حدیث بشر یقده مقصود اولان لوح معنوی حالیدر که قلم اعلی انی نفس کلیده ثبت ایتشددر که خلاقی اولمق احتمالی یوقدر اگرچه احوال عالم امور عارضه جهتیه تبدلدن خالی دکلدر تنکیم (کل یوم هو فی شأن) اکا اشارت ایدر پس دیمک اولور که قلم اعلی صورت ام الکتابی انتساخ ایدوب نفس کلیه لوحی اوزرینه احوال کائناتی اثبات و رسمدن نصکره اوزادن مرفوع اولدی زیرا کایته صالح نسبه قالمدی و لوح دخی

قور یوب خشک اولدی زیرا روینه خط تازه وضع اولمیش حق رطوبتی
 پیوسته تبدل بولدی ومن بعد ایش احوال عارضه به و تعلقات علمیه به
 قالدیکه الی یوم القیام ظهورده در تنکیم دیمشدر (اللیله حبلی) یعنی
 لیله غیب حوادث کونا کره حامله در هر نهار شهادت بر تاز و لد ظهور
 ایدوب کلکده در و هر کسک عین ثابت سی نه مقوله احوالی اقتضا ایش
 ایسه عالم خارجده وجود بولمده در و یو تجلی الهی کرچه اصلنده
 احدیت ایله موصوفدر ولیکن ظهورات اوقات معینه به منوطدر که
 وجودات ولیل و نهار تجدید ایتدیکه عرش محیطک دورندن شون
 عجیبه مختلفه تولد ایتدیکه در اشته کوره لم بوکون حق نیلر دیدکاری
 بومنادر پس عین واحده تلون اولماز بلکه اوصافنده اولور
 انک ایچون دیرلر که ذواته استخاله اولماز زیرا ذوات واحده به
 راجعه در اوصاف ایسه کثرت ایله متصفدر و بهر یوم بیک بر
 نسمة انسان وجود بولوب بیکی دخی بر زخم انتقالده در که کیمی اصلندن
 فرعه کلور و کیمی دخی فرعون اصله کیدر زیرا بو عالم موطن
 غربتدر که وطن اصلی عالم ارواح و بلکه عالم ذات احدیه در
 قال الله تعالی (والیه ترجعون) یعنی حق رجوع ایتک ضمه قراءته
 کوره اضطراری و فقه کوره اختیاریدر و علی کل تقدیر رجوع
 مقرر در زیر اسلول عالم و آدم دوریدر یو خسته خطی دکدر انکیچون
 بدایت و غایت بر اولوب نهایت دایره بدایت ملتی اولسد کرکدر زیر احقندن
 کلن ینه حقه کیدر غیره کتمز شول معنا دن که غیر یوقدر انکیچون
 غیره باطلدر دیرلر زیر احقندن غیره مرجعی یوقدر و وجودنک استنادی
 حقه در اگر حقندن غیره مستندی اولایدیکه وجودی ذاتی اولمغله در
 بطلان ایله مرصوف اولمادی چونکه وجودی حقندن مستفاد
 اولدی وجود حق ذاتی و حق و وجود خلق عارضی و باطل اولوب
 نور وجود ایچنده ایکن ینه ظلمت عدمده قالدی ای عارف بو کثرت
 مغرور وانک وجود نه مسرور اولم زیرا خرباء دید کلری دویبه نک
 تلونی شمعدن در ذات خرباء و ذات شمس بر در ولیکن بر نور دن بر ذواته

الوان ظهور ایتددر کل امدی الوانده قائمه ذاته رجوع ایله مقصود
 اولان کلک رنگی دکدر بلکه بوی در و بوی دخی کرچه چوقدر
 ولیکن بوی کل کبی اولماز زیرا کل عرق نبوی دندر و عرق جله
 وجود دن ترشح ایدر پس جناب نبوتک بوی بوی اسم اعظمدر
 انکیچون مشرب محمدیده اولق جبع احوالک اسنا سیدر و فی روایه
 اخری * احفظ الله تجده امامک * يقال وجد المطلوب وجدا
 کوعدای صادفه یعنی وجد مصدر معاوم و وجود مصدر مجهولدر که
 وجد الشیء وجود اذ نیلور قال الله تعالی (و وجد الله عنده) بوندن
 معلوم اولور که حق وجدان ایتک ممکندر انکیچون حقه و اصل اولدی
 دیرلر ولیکن مسافه ایله وصول دکدر بلکه عبده نسبتله حجاب واردر تنکیم
 حق اراسته مسافه یوقدر بلکه عبده نسبتله حجاب واردر تنکیم
 (فاینا نولوا فتمه وجه الله) عدم مسافه یهو (طال شوقی الی لقاء الابرار)
 حجاب عبده دایر در زیرا حقک اشتیاقی کندینک محبوب اولدو غندن
 دکدر بلکه کندی کبی عبد دخی بی حجاب اولمغه مشتاق قدر فاعرف
 (وامام وعندیت و امثالی مقام حضوره اشارتدر یعنی سن حق ظاهر
 و باطن امری اوزر ینه حفظ ایله تا که حق یانکده حاضر بوله سن
 یعنی حضورنی مشاهده یه قادر اوله سن و اول مشاهده ایله نورانس
 حاصل اولوب ظلمت وحشت زوالی بوله و حق اسماء حسنی جامع
 اولمغه قنخی اسمک و ساطتیه مرادک و اریسه حصوله کله و غائبک
 حاضر اوله و بومقامک اسرار غریبه سنددر که جناب رسالت امامله
 کندی ذات شریفه اشارت ایلر زیر ابن عباس خلفنده اولق حضرتک
 تقدمنی اقتضا ایدر که معنای امامدر پس دیمک اولور که رسول الله
 مظهر تام الهی در شویله که اگر سن انی حفظ ایتسک حق حفظ
 ایتش اولور سن و حق او ککده بولور سن زیرا رسول الله عالم فرقه کوره
 خلق و عالم جمعه نسبتله حقدر (وانک مصداق قراندر تنکیم کلور
 (من یطع الرسول فقد اطاع الله) و ینه کلور (و عارمیت اذ رمیت ولیکن الله
 رمی) و ینه کلور (ان الذین یبایعونک انما یبایعون الله) بوجهتندن

بر کیمسه نك رسول او گنده اولمق همان حق انك او گنده اولمق کبیر
پس قید و جهت جناب نبوته و اطلاق جناب حقه راجع در (و بومعنا
انکا و ایلین قرآدن و ظاهر و مظهر دن بی خبر در) (ومن تکلم بخلافه
فعلیه کلامه) (لاسلامه لله بل ملامه * تعرف الى الله في الرخاء يعرفك
في الشدة * بومعنی معانی حفظدن اولمغه عاطف ترك اولندی تعرف
تفعل باینده امر و يعرفك ثلاثی مجرد در و بوراده مقتضای ظاهر
یتعرف اليك في الشدة و یاخود) (اعرف الله في الرخاء يعرفك في الشدة
دیمك ایدی وجه عدول بودر که تعرف طلب معرفت و تحصیلنده
تکلفدر بومعنی ایسه حقه کوره متصور دکلدر اگر چه بانهیه جل ایلله
اصلاحی دخی ممکندر پس حقك معرفتی بی تکلف و برکال و عبودت
معرفتی بآنکلف و بانقصاندر که بقدر الطاقه در یوخسه بحسب
الکینه دکلدر و بوراده تعرف اشنالی معناسن متضمندر زیر اکشینك
معارفی یعنی معروفتری اشنالی در رخاء فتحله سعة العیش در شدت
اصلنده شدندر که عقد قوی معنا سنه در صکره قلبه عقده کتور
امور شدیده ده استعمال اولندی (معنی بودر که ایام سعت و راحتده
و طبعه ملایم اولان امورك حصولنده حقه اطاعت ایلله و امریه
مساعده ایلله انکله اشنالی پیدایت حق تعالی دخی سکا اول وجهله
محازات ایلله و ایام مضایقه و محنتده و نقسه مگروه اولان امورك
وجودنده سکا آشنا اولوب مکروهی محبوبه و غیر ملایمی ملایمه
تبدیل ایده و وفاسیله سنی جفادن تخلیص ایلله زیر اهرشی اوزرینه
قدرت تامه سی واردر و اگر بووجهله تعرف بولتمسه سندخی انك
باننده مجهول و غریب کی قالوب کندی که نصرت ایدر هیچ بر آشنا
بولمسن زیر احق و جدان ایدن هر مرادی بولور و حتی فقدان ایدن جمله
مرادانه نائل اولسه دخی آخر محروم قالور و وجدانی فقدانیه مبدل اولور
و العباد بالله تعالی و بونده حقه معرفت اسناد ابدی مع هذا عالمدر عارف
دکلدر زیر معرفت نسیانله مسبوقدر و بر دخی جز بیانده مستعملدر
وجهتی بودر که بطریق المشاکله واقع اولمشدر و بر سر عظمی دخی

واردر که بومقامده ذکر اولمناز زیر فقیه و متکلم فهمندن خارجدر
و دیمشدر در که (لا یباع الابل فی سوق الدجاج والله اعلم بالعذب
والاجاج) بعد از مقاله مذکور نبویه مقالات جامعده دندر که
عوام و خواصی مقاماتیه کوره شکره تحریر یضدر زیر شکر مستحلب
مزید نعمت در کفران مستلزم حرمان و مزید محنت اولدیغی کبی
و اکثر ناس بومعنادن غافل اولوب هوای و شهواته توغل و افحاجملری
سببیه وقت ابتلا ده متحیر قالوب (قلنم انی هذا قل هو من عند انفسکم)
ما صدق اولور * واعلم ان ما اخطاءك لم یکن لیصیبك * خطاء
جهتدن عدول و اخطاء عدم اصابتدر یعنی اصابت ایشمت و بولمق
و اخطاء خلافدر (لیصیبك لان یصیبك تقدیرنده در لام مکسور
جازه توکید نفی ایچوندر که اکلام مجود دخی دیرل زیر مقام انکارده
استعمال اولنور و فعل مضارع بومقوله لامدن صکره ان مقدره ایلله
منصوب اولور نتکیم علم نحو ده میندر و بونك تقدیری (لم یکن ذا اصابة
اولم یکن من شأنه الاصابة) دیمکدر تا که جل درست اوله زیر اول نسنه
نفس اصابت دکلدر و معنی بودر که وسنك معلوم و متیقنك اولسونکه
اول نسنه که مقدر اولندیغی جهتدن سکا و اصل دکلدر الی الابد و اصل
اولمق شاندن دکلدر زیر امتنعاندر ممتنعك ایسه خارجده وجودی
اولماز پس سن اندن اوتوری نیچون وجود بولمدی دیو غنماك اوله
و سرقضا و قدره آز و جوق و قوفك و ارایسه مقام تسلیم و رضاده
ثابت قدم اول وسنك ایچون اولیان نسنه نك فوقی سکا عجب کلسون
* وما اصابك لم یکن لیخطئك * بونك مفرداتی و اعرابی و ابکی کبیر
یعنی اول نسنه نك که سکا اصابتی مقدر و وصولی شاندن اوله البته
اخطاء ایتمز و بوکون اولم دیسه یارن اولور زیر سهم مری کبیر که
منزله طوغرلمشدر چونکه رمی حقدر سداد طریق و وصول مقرردر
وفی الحدیث (اللهم اهدنی وسددنی) یعنی مقصود هدایت طریق
و سداد سهمندر و اصابت بالسبب و بلا سبب اولمغه شاملدر و حدیث
قد سیده کلور (قدرت المقادیر و دیرت التدابیر و احکمت الصنع فن

رضی فله الرضاء منی ومن سخط فله السخط منی) و بوندن فهم اولنور که خلق بو بایده اوج صنفدر (اولکبسی مقر پنددر که انلر قضای رضای و صفاء خاطرله مقابله ایدر لر زرا لطف و قهرک مبدائنه و اصل اولمشلردر) و ایکنجیبسی ابرار در که انلر مکروه ده صبرله معامله ایلرلر یعنی نفسه نقدر کران کلور سه دخی مقتضای ایمان اوزرینه تحمل ایدرلر (واوچنبسی قضایه رد و انکارله مواجهه ایلرلر یا عن اصل عدم ایمانلرندن و یا خود کمال ضعفندن پس لسانله و بالقدر خیره و شره دیمک کفایت ایتدی بلکه اعتراف و تصدیق قلبی و خار جده ترک جزع و امثالی دخی لازم کلدیکه حقیقت ایمان و تصدیقک نشانیدر * واعلم ان النصر مع الصبر * تکریر اعلم مدخولانک شاننه اعتناء دن اوتوریدر نصر عوندر (صبر نفسی کراحت ایتدوکی نسنه اوزرینه حبس ایتکدر یعنی عبده جیع امورنده نصرت و معونت الهیه صبرله در قال الله تعالی (ان الله مع الصابرين) پس تقدیر کلام ان نصر الله مع صبر عبده درو بومعنی (وهو معکم) ده اولان معنی تعیین در زیر الله تعالی نیک عامه خلقه کوره معنی علم و اطفله در و اصفیایله معنی تولی یعنی دوستلق و امرلرنده قیامله در قال الله تعالی (وهو بتولی الصالحين) و انبیا معنی ام اوزرینه اقامت حجت ایچون تأیید دعوائله در که معجز الله در و خاصه ایله معنی مباسطه و انسله در پس معیت بحسب الحال بومقوله معانی به محمولدر زیرا ذات الهیه مجهوله اولمله اکا نسبت معیت معلوم دکادر فاحفظه بومقامده کویا دیمکدر که (ان الله مع الصابرين) بنصره بونده صبرک جلب نصرتیه مدارینه اشارت وارد و دیمکدر که شدته واقع اولان آدم مثلاً هجوم اعداء کبی (وما النصر الا من عند الله) موجبجه ظهور نصرتیه دلک صبر و تأنی ایتلودر زیرا کندی نفسیه له حرکنده و انصار صد دنده اولمقده فائده یوقدر قال الله تعالی (واستعينوا بالصبر والصلوة) تنکیم بالاده تفسیر اولندی * وان الفرج مع الكرب * فرج فختین ایلله اسعدر انکشاف غم و زوال غصه معنائنه کرب وزنی اوزرینه و کربت ضم ایلله شول حزن در که نفس

انسانی اخذاید و مغلوب قله و انک صاحبته مکروب دیرلر و بوندندر که دعاده (یا مفرج الكرب) کلور اصلی کرب الارض دندر که حفرله بری قلب ایتکدر کویا حفریری اثره ایلدوکی کبی غم و حزن دخی نفسی اثره ایدر یعنی یرندن قویارب مغلوب و منکوس ایدر و بودخی ماقبلی کبی دیمکدر که (وان الله مع المکروب یفرجه و کشف غمه و ازاله حزنه) قصیده منفرجه اولنده کلور (اشتهی ازمه تنفر جی) بوراده ازمه ایکی معنیه کلور بری سنه نقطه دیمکدر که لایعقل اولانه خطاب عاقل منزله سنه تنزیلدن اوتوریدر و مراد حقیقت امر دکادر بلکه شدته نهایته بلوغه فرج ایلله بشارتدر (وارباب مکاشفه غم دنده خطاب حقیقه محمولدر زیرا اشیا انلرک عندنده احیادر انکیچون تسبیح و تحمید ایدرلر و بر معنایی دخی بودر که ازمه برخاتونک اسمیدر که انی طلق یعنی اوغلان بور بسی دیدکری شدت اخذ ایتمش ایدی جناب نبوت صلی الله علیه وسلم مطلع اولدقلرنده عنوان مذکورله اکا خطاب ایتدیلر یعنی ازمه نصبر ایلله تا که عن قریب وضعله منفرجه اولاسر و یا خود شدته نهایته ایرش تا که انکشاف غم بولاسن زیرا عند العرب شدت نهایته بالغه اولدقده منفرجه اولور تنکیم دیرلر (توقع زوالا اذا قبل تم) و قرأنده کلور (امن یجیب المضطر اذا دعاه) و حدیثه کلور که (افضل اعمال امم فرج آلهی به انتظار در انتهی زیرا سیرت انبیا در (اللهم یا فارح الهم و یا کاشف الغم فرج عنا غمونا و همونا یا برحمتک یا ارحم الراحمین * وان مع العسر یسرا * عسر و یسر امور اضافیه دندر که کوجلاک و قولایلق دیدکدریدر عسر اولنده لام استفراق ایچوندز و یسرک تنکیرندن هر عسره بر یسر عظیم اولقی مفهومدر زیرا عسر عدل و یسر فضل بایندندر فضل ایسه عدله غائبدر (سؤال اولنور سه که نصر و فرج و یسر معنای صبر و کرب و عسر دیکره در زیرا ضدان محل واحد اوزرینه توارد ایتزلر پس مع کله سندن مستفاد اولان اصطحابک معنایی ندر (جواب بودر که کرچه معانی مذکوره تعاقب و بعدیت اوزرینه در تنکیم کلام امام

علی ده کرم الله وجهه کلور (عسر المرء مقدمه البسر) یعنی نتیجه
مقدمه دن مؤخر اولدیغی کی یسر دخی عسر دن مؤخر در پس کر چه
مقصود اجد هما آخری معاقبه در ولکن زیاده تسلیه و تنفیس ایچون
بطریق المبالغه مقارن و متصل کی قیلدی (الحاصل کلمه معه ده
بحی یسرک غایت سرعتی بیان و اشعار وارد کویا همان پی اندر
پیدر) و بعض اکابر طریقت پیور دیلر که بوکا معیت امتزاج دیرلر
یوخسه معیت مقارنت و تعاقب دیرلر یعنی عسر و یسر بری بریله
ممتزجدر شویله که اگر عسر بلا یسر اولیدی انسان طاقت کتور میوب
هلاک اولوردی بورا دندر که پیور ر (لا یكلف الله نفسا الا وسعها)
واکر یسر بلا عسر اولیدی یسر دخی نه اولدیغی معلوم اولمزدی
زیرا اشیا اضدادیله متبیین اولور نتکیم فقیر و فقر و احتیاج اولمایدی
غنی و غنا و احسان نه اولدیغی بلغمزدی و عسر مصقله قلوب اکابر در
زیرا انلری تجلی الهی یه منتهی قیلور انکیچون انلرک ملایم و غیر
ملایم دن حظ و نصیب لری اوفر در و حدیثه کلور (اشد الناس بلاء
الانبياء ثم الامثل فالامثل) و انبیاء علیهم السلام خدام تجلی و قضا در
ولکن هر تجلی ایله واقف اولمزلر بلکه عسرده یسرله دعا ایدرلر و قضایه
رضادن مقضی یه رضا لازم کلز بوسبیدن مقضی شری دفع ایچون
مناجات ایلرلر و بوبایدندر که بعض کمل آج اولدقه اغلا یحی
بو حال دن بی خبرک بری اکانه اغلر سن دیوتشنع ایتد کده جوابنده
رب العالمین بنی اغلامق ایچون آج ایتدی دیدی پس کامل اولان
ظاهری ایله مباشرت اسبابه مراجعت ایلرلر بونده سنت نبویه یه
اتباع واردر نتکیم جناب نبوتک علیه الصلاة والسلام حین صلاتده
قدم مبار که سن عقرب لدغ ایتد کده بعد السلام برای سلامت
و عافیت ماء ملح کتوردن اول محله سور دیلر و عقربه اعنت ایتدیلر
زیرا نبی یه اذیت انی قتل کییدر قتلده ایسه اشتداد غضب الله واردر
بو جهته دندر که بعض موزیانک خصوصاً که عقربک حل و حرمده
قتلی مشر و ع و قاتلی مشاب اولدی و فقهاء دیمش لردر که حیوان

یا جلب منفعت و یا دفع مضرت ایچون قتل اولور دود قز و نحل غسل
وحیه و سباع حیوانات و طیور کی و بوتقریر اتدن اخذ اولندیکه
عسر صورت غضبه رجته در زیر تربیه الهیه بایندندر انکیچون
قرآنده کلور (ولو بسط الله الرزق لعباده لبغوا فی الارض) یعنی اکثر ناسه
قابض اسمیه تجلی ایتدیکی رجته دندر که انلر دن بغی و ظلم و فساد
رفع ایچوندیر و بو جهته دن (والله یقبض ویبسط) آیتده قبض
تقدیم اولندی و شول موضعه ده که اسم باسطک اثری ظاهر و حکمی
مبسوطدر انک امتحانندن اقل قلیل خلاص اولمش و نجات بولمشدر
العشرون

معلوم اوله که بو احادیث ار بعین اصلنده امام نوای تربی اولوب
بو محله دک لفظ حدیثی تصریح و بوندن الی آخر الکتاب طی اتمسی
سببیه بو معنایه واقف اولمزدخی نسخه رنده اکاتباع اولمش لردر
(عشرون ایکی عشره دیمکدر که یکر میدر قال الله تعالی (ان یکن
منکم عشرون) پس جمعه ملحقدر یوخسه جمع دکلدر اولو کی والا
ثلثونه عشرون دیمک لازم کلور که اوچ عشره در و مفردک آخرینه
واو لحوقی حالت رفعه یا حالت نصب و جرئه کوره در و نون یا حرکتدن
عوضدر المسلمون کی لامله و یا تنویندن عوضدر مسلمی کی اضافله
زیرا اصلی تنویندر پس واو و نون علامت جمعدر و ثلثون اوچ عشر
وار بعون دورت عشره در و هکذا الی التسعین که بونلردخی عشرون کی
ملحقات جمعدر یوخسه ثلثون ثلثه نک جمعی دکلدر و هکذا و بوراده
یکرمی حدیثدن مراد بقربند المقام مجازا یکر منجی در اکر چه فی الحقیقه
معدود یکر میدر الحاصل صورت جمعه و می کیده معنای تصمیر
یوقدر زیر تصمیر اسم فاعل اشتقاقه محتاجدر (ثالث ثلثه) کی
صورت جمع و ترکیبده ایسه بواشتقاقه امکان یوقدر پس عشرونده
یکرمی و اون طقوزی یکرمی قلیبی دیمک مجازدر *ان مما ادرك الناس
من کلام النبوة الاولى* من اولی تبعیض و ثانیه ماء موصوله بی بیان
ایچوندر ای من جمله ما وصلوا الیه منه و لحقوه و ظفروا به (وادراک

بلوغدر اصلنده درك دندر كه اقصى قعر البحر در پس ادراك برنسنه نك
 اقصاصنه بالغ اولمقدر يقال ادراك الصبي اى بلغ غاية الصبا وذلك
 حين البلوغ بوجهتدن قرآنده كلور (لاندركه الابصار) يعنى ابصار
 انى احاطه ايدوب كنهنه بالغ اولماز بلكه ادراك ايتديكى مرتبه ر بويتدر
 وناس مرفوع اولورسه ادراك نك فاعلى اولوب عائد محذوف اولور
 ادركه الناس معناسنه واكر منصوب اولورسه عائد ضمير فاعلدر اى
 من الذى بلغ الناس اى ما اتفقت عليه الشرايع (ونبوت اولى دن مراد
 نبوت متقدمه در كه يوز يكرمى دروت بيك ويا خود ايك يوز يكرمى
 دروت بيك نبوتدر ونبوت متأخره نبوت محمديه در وكلامك نبوته
 اضافتدن فهم اولور كه كلام آتى نتايج وحى دندر كه نبوت انده
 متفقه در يعنى حياء جمله شريعه مندوبدر كه اوزر بنه نسخ جارى
 وطارى اولماشدر پس كلام مذكور بخصوصه برنجي به مضاف
 دكلدر بلكه عموم اوزر بنه در (معناى كلام بودركه كلام انديادن بين
 الناس باقى قالوب ادراك اتدكلرى نسنه دندر بو كلام كه اذالم تستحي
 جمله سيدر پس اذلم تستحي الح هذا الكلام تا ويلي ايله انك اسميدر
 وبعضيلر بوراده ناسى جاهليت ايله تفسير اتمشدر در اى ادراك الجاهلية
 وتوارد عليه من بعدهم اى آخر ما تعلق به اهل الجاهلية من كلام
 النبوة الاولى انتهى (جاهليت بعثت نبويه قريب اولان زماندر كه
 شرع سابق منقرض ووحى لاحق هنوز ظاهر اولمديغندن جهالت
 كثرته وهواى نفسه متابعه وفرته ايدى * اذالم تستحي فاصنع
 ماشئت * استحي حياء نفس برنسنه دن مقبض اولوب ملامتدن حذرا
 انى ترك اتمكدر پس حياء حياءنددر زيرا خوف مذمتدن انسانك
 حياتى مؤف ومنقص اولور قاله الكرماني وجائزدر كه حياءدن اولاكه
 مطر معناسنه در زيرا مطرله ارض حياء بولديغى كبي حياء ايله دخی
 فعل وترك حياء بولور زيرا حياء اهلى اولان معروفى ايشلر ومنكرى
 ترك ايلر وحياترك معناسنه دخی كلور يقال استحياء اى استيقاظ قال الله
 تعالى (ان الله لا يستحي ان يضرب مثلا ما بعوضة) اى لا يترك زيرا

شهرمسار اولان كچمه نجالته مؤدى اولان نسنه ي ترك ايدر (وحياء
 نفسانى ككشف عورت وجماع بين الناس وامثاليدر وحياء ايمانى
 خوفا من الله مؤمنى معاصيدن منع ايدن حالتدر بوجهتدن ديديلر كه
 حياء خير دنيا و آخرتى جامعدر زيرا اهل حياتك فعل وتركى شرعه
 مطابقدر وبومعنادن حديثه كلور (الحياء هو الدين كله) صنع اجاده
 فعلدر وبوراده مطلق فعل معناسنه در (ومشيت اكوانده مستعملدر
 وارادت اندن اعمدر كه احكام ده دخی جاريدر (ومعناى حديث
 بودركه چقن سن حياء اتمرك پس مراد اتد يكك نسنه ي ايشله يعنى
 خلقي واقعه سؤدن كف ايدن حياءر چونكه حياءى رفض ايده كويا
 هر ضلالتى ارتكاب وهر سيئه ي تعاطى ايله مأمور كبي اولور پس
 امر وعيده محمولدر (اعملوا ماشئت) كبي يعنى نه درسك ايشله ولكن
 عملكده خير اولمايچق عاقبت بي حياء لگكه كوره مجازات اولورسك
 (وبعضيلر ديديلر كه لفظى امر ومعناسى خبردر كه صنعت ماشئت
 ديمكدر تكيم حديثه كلور (فلينبوا مقعده من النار) اى قدتبوا
 مقعده منها وبود دخی تهديد محمولدر (وبعضيلر ديمشدر كه
 چقن اشدريكك نسنه عندالله وعندالناس حياء ونجالتى مستلزم اولور
 اموردن اولمسه مبالات اتميوب انى ايشله زيرابى ضرر در پس امر باحت
 ايچون اولور ولكن مقتضاي ظاهر وعيده محمول اولمقدر زيرا آيت
 سابقه يه مطابق اولان بومعنادر وعلى كل تقدير بونده حياءى مدح وبي
 حياءى ذم واردر وهر نه ممدوح اولورسه حياء وجهله مذموم اولان
 بي حياءقندن كلور (وامرو نهى واستكشاف مشكله مانع اولان حياء
 مذمومدر وحياء كرجه عزيزدر ولكن بعض مراتبي كسبله دخی
 حاصل اولور وسبب حياء مراقبه ومعرفة الله در (وبعض اكابر
 بيورمشلدر كه غسل وجهه فرض بودركه الله تعالى دن سنى نهى
 ايتديكى يره كورمكدن ويا امر ايتديكى يره فقداندن حياء ايله سك
 وسنت اولان بودركه خلوتكده كشف عورتدن حياء ايله سك زيرا
 الله تعالى اندن استحياء اولمغه اولادر وبونى دخی بلورسن كه اجزاء

وجود کردن هر جزئی الله تعالی کور میگرداند پس بومعنی بس ایکن
نوجهله اکافر شو بلا ضروره کشف عورت ایدرسک و ضرورت
حائده بله مثلاً بیت الحلاله کشف عورت اندک کرده بعض صلحا
حیا زدن سر زدن ستر ایدر زدی و منکوحه و جاریه سنک عورتنه
نظر اتمک دخی بویه در اکر چه شرعه هر جزئیه نظر مباحدر
ولکن استعمال حیا افضل و اولادر (والخاصل مؤمن بلور که
الله تعالی نک علم و مشاهده سی هر حاله شامدر پیوزدن اهل حیا
اولم کر کرد تا که انی هیچ بوجهله بی ادب لکده کورمیه و اخر جیل
اولا جی نسنه بی ترک ایده زیرا الله تعالی یوم قیامته ایتدیک اعمالی
کننده تقریرات دور یجک زیاده بجل و منفعل اولسه کر کرد پس بوراده
حیا ایلده تا که اوراده بجل اولیه خصوصاً الله تعالی قیامته
دوشیده دن استخیا اتسه کر کرد پس صاچ و صفالك آغره و سن اندن
نوجهله حیا اتمیه سک (ودیمشدر که انساندن قوت حیا باطل اولسه
بر دخی علاج پذیر اولماز و حق تعالی آنی نفسی ایله تخلیه ایدر نیکم
بر طبیب حاذق مریضک من بعد قابل علاج اولدیغن بلسه حالی
اوزرنه ترک ایلر و آخر هلاک اولور (وحضرت عثمانک رضی الله عنه
حباسی اول غایته ایرمش ایدی که بیت مظلمه اغتسال ایلردی حیا
من الله تعالی و انک کلماتند ندر که (ما کذبت منذ اسلمت وما مسست
فرجی بالیمین منذ بايعت النبی صلی الله علیه وسلم ولا اکلت الکراث
ونحوه منذ قرأت القرآن) انتهى و حضرت علی دن کرم الله وجهه
منقولدر که رسول اللهک مبارک یوزنه نظر ایدلدن بری ادب یرمه
نظر اتمدم زیرا اول دیده که جماله آجله غیره التفات و خصوصاً سوأیه
نظر سزا دکادر (وعبدالله بن زید الانصاری که ابتدا ملکدن اذانی
اشیدن صحابیدر رضی الله عنه انتقال نیویدن صکره بر کون کلوب
قبر منیف اوزرنه دوشوب یارب بی اعمی ایله زیرا بوجشم بکا جمال
حبیبی کورمک ایچون ایدی پس من بعدانی کورمین کوزی نبلرم
دیوچسک اوراده حق تعالی د عاسنی مستجاب ایلوب اول حالت ایله

قیام ایدوب کتدی (ودیمشدر که حیا وجوه اوزرنه در حیا
جنایتدر آدمک علیه السلام حالی کییکه شجره منهیه دن اکل ایدوب
ارزندن لباسی مزوع اولیحق فرار ایلدی بزغمی فرار ایدرسک
یا آدم دندلده بل حیا منک دیو جواب و یردی و حیا
کر مدر فخر عالمک صلی الله علیه وسلم حباسی کبی نیکم قرآن دکور
(ان ذلکم کان یوذی النبی فیستحیی منکم) یعنی بعد اکل الطعام خانه
رسولده مکث ایتکوزانی بمحضور ایدر و سزی خانه دن اخراج ایتکدن
حیا ایلر (والله لا یستحیی من الحق) بوجهتدن (فاذا طعتم فانتشروا)
دیو انتشارله امر ایلدی و بوندن فهم اولندیکه جناب رسالت خلقک
عیبنی یوزینه اورمز و بالطبع مکروه اولان نسنه دن تغافل ایلردی
(وحیا حشمتدر که مها بدن انقباض و سکوندر نیکم حضرت علی
رضی الله عنه حکم مذی ندر دیو جناب نبوته سؤالدن احشام ایدوب
سؤالی مق داده احاله ایلدی وجه احشام فاطمه زهرانک رضی الله
عنهما تحت نکاح علی ده اولدوغیدر ز پرا مذی اهلی ایله ملاعبه
و تقبیلمدن احلیله خارج اولان رطوبتدر (وحیا استحقاردر
حضرت موسی علیه السلام حالی کییکه مناجاتنده یارب بکا بعض
حاجات ضروریه عارض اولور که حقارتدن سکا عرض ایتکدن
حیا ایدرم دیدکده جناب رحمن و رحیم پیوردیکه یا موسی ملح عجین
وعلف شاتکه وارنجه بدن طلب ایله و اوتانمه زیرا خالق اسما یوزندن
مخلوقک هر مرتبه سنه نزول ایدر و عیب اولماز و اگر ملوک بوارتباطی
بیلیدی انلر دخی رعایا ایله بو معامله بی ایدردی ولکن ادرا که سر
خلافت لازمدر خلافت ایسه انبیا و اولیاده اولور (وحیا انعامدر
حیا باری تعالی کییکه یوم قیامته عبد صراطی عبور ایتد کدنصکره
یدینه برمه رلو کاغد و بروب دروننده بازمشکه فعلت و فعلت ولکن
علی ملائکات شرمسار اولیه سن دیو ذنوبکی اظهار و عیبو بکی
کشف ایتدم یوری مغفرت ایتدم دیه (والحمد لله علی انعامه و افضاله
و علی انواع کرمه و نواله) مرویدر که حضرت آدم علیه السلام

عقل و حیا و ایمان عرض اولد قد آدم عقلی قبول ایدیجک ایمان
و حیا دخی عقله تابع اولدیله پس بی عقل اولان کیمسه نك یعنی احقك
حیا و ایمانی اولماز شول جهتدنکه عقل علمك آتیدر چونکه واسطه
بولنیه موسوط الیه دخی وجود بولماز و علم و معرفت اولیجق
حیا ندن حاصل اولور بو معنادندر که خارجده مکان حیا بصیر
و داخلده بصیرتدر انکیچون ایماده حیا اولماز چونکه بصیرت
مفتوحه اوله بصیر دخی اکا تابع اولور و اعمی اولدیغی صورته دخی
بصیرتك انکشافی انی من کل الوجوه حیا به جل ایدر زیرا اکامل
اولان انسانه غائب و حاضر و حجاب و کشف و عی و ابصار
برابر در (فلیکن عقلک من العقل الاول حتی یکون علمک من الفیض
الاقدس المعول و یکون جمیع الخلق عندک حقیقه دون مثول
* الحادی و العشرون *

حادی بالاده حادی عشرده میندر واحد واحد و حدندن مشتقدر
انفراد معنا سنه احد اصلده و حد در که صفت مشبهه در وحید
و منفرد معنا سنه علی خلاف القیاس و اوی همزه به قلب اولمشدر
نسقده احد شایعدر احد و عشرون کبی واحد دکل و لیکن
معنای جعل و نصیر که برنجی دیمکدر واحدندن اخذ اولنوب بعد
القلب حادی دنلشدر * قال سفیان بن عبد الله * الثقی رضی الله عنه
سفیان ثلاث سین ایله سنی دندر سعی و ننی اوزرینه صاور مقی
معنا سنه که عجم دامیدن ایله تعبیر ایدر (وسفیانی دیکلریکه زان
مهدی ده ظهور ایدوب شامده قتل اولده کرکدر بنی سفیانندن
برکیمسه در و جا نزد که هرانده سفیانه دیدکلی قریه به منسوب اوله
(ثقی حرکت ایله ثقیفه منسوبدر ثقیف امیر و ننی اوزرینه هوازندن
ابوقبیله در که اسمی قسی بن منبه بن بکر بن هوازندر سفیان مذکور
حضرت عمر رضی الله عنه ایام خلافتده طائف اوزرینه عاملی ایدی
(عامل انواع زکاتی جمع و تحصیله سعی ایدن کیمسه در قال الله تعالی
(و العاملین علیها) عاشر طریق اوزرینه منسوب و موکل اولان

کیمسه در که مسلمان ربع عشر اخذ ایدر که اول سنه نك زکاتی برینه
محسوب اولور و ذمیدن نصف عشر و حر بییدن تمام عشر آلور
اگر مالکری نصابه بالغ اولور سه والا فلا (وشول عشر که باجدار
معنا سنه در انک حقنده حدینده کلور (لایدخل الجنة صاحب مکس)
یعنی اهل سوقدن و طریقه مرور ایدن کیمسه لک فتاعندن باج المق
فعل جاهلیتدر که شرعا منهیدر تنکیم بوا عصارده شایعدر زیرا
اهل عرفک زیاده طغیانی واردر شویله که کمرک دیواخذ ایتدکاری زکاة
واجب اولان مرتبه نك ضعیفی در و سنه واحده ده هر مرور واقع اولان
اسکله لردن دخی تهی کچور در مع هذا حدیده کلور (لاثناء فی الصدقة)
یعنی برسنده ایکی کره زکاة و یرمک و المق مشروع دکلدر و بومقوله
عقله اخذ اولناب اموالک بدل زکاة اولدوغنده شبهه واردر دیو
بعض فقهاء اعاده زکاة ایله فتوی و یردیله زیرا مال مأخوذ موضع
زکاته وضع اولنمیجق زکاته کچمز * قلت یارسول الله * رسول الله
جناب نبوتک القاب مشرفه سندندر نبی الله و امثالی کبی پس اسملری ایله
ذکر ایتک (لا تجعلوا دعاء الرسول بینکم کدعاء بعضکم بعضا) نصی ایله
منهیدر و بعض جهله اعرابک یا محمد دیوندا و خطاب ایتدکلی
مقام تعظیبه قدملری اولدیغندن و امر الهی بی یلند کلرندندر
تنکیم بو بابه متعلق بر مقیدار بیان حدیث ثانیده مرور ایتشدر
و آی اول تابعه که متبوعی تعظیبه قاصر اوله خصوصاً که متبوعی
معلمدین و لاسیما شارع اعظم اوله * قل لی فی الاسلام قولاً * قل لی ده
لام تبایغ ایچو ندر قلت له بلغت الیه دیمکدر و قل لی فی الاسلام
قولاً اوصنی فی باب الدین دیمکدر تنکیم کلام علی ده کرم الله
وجهه کلور (قلت یارسول الله اوصنی فقال قل لی ربی ثم استقم قال
قلت ربی الله و ما توفیقی الا بالله علیه توکلت و الیه انیب فقال لیهنک
العلم ابا الحسن) پس فی الاسلام امور دنیویه دن احتراز در اگر چه
شان نبوت امور دنیویه ایله توصیه دکلدر و لیکن سائلک کمال حرصی
و دینده اخلاصی اولمغله اسلامه تقید ایتدی (معنای کلام بودر که

یا رسول الله باب دینده بکار قول وافی و کلام کافی سویله و بر امر مفید
جامع توصیه و تبلیغ ایله که آنکله منتفع اولایم وافی کندیمه سرمایه
سعادت بله یم * لا اسأل عنه احدا غیرک * بعض روایانده احدا بعدک
واقع اولمشدر یعنی اول معنادن سندن غیری هیچ بر کیمسه یه و یاسکا
سؤالدن صکره بر فرد دخی سؤاله محتاج اولمایان مقصودی جناب
نبوتی کماله بیان و کلامک جامعیتی عیاندر یعنی خصوص دینده
سنتک بکار کلامک هر وجهله حسب حال و لفظک انتفع الالفاظ و مقالک
اجمع المقال در * قال صلی الله علیه و سلم فی جواب سؤاله قل آمنت
بالله * ایمان اجمالی کلمه شهادتک مفهومی و ایمان تفصیلی آمنت بالله
و ملائکته الخ جمله سنتک مضمونی در و کلمه شهادت شعب ایمانده درج
اولندیغی لفظی حسبیه و الا بحسب المعنی اساس الكل در و بتفصیلک
فروع کثیره سی وارد که ایمان زیاده و نقصان قبول ایدر دیدکری
ا کاد ائردر و الا ایمان فطری که مؤمن انک اوزرینه مقبوض اولور
زیاده و نقصان قبول ایتز و ایمان کر چه مرتبه غیبر و لکن عدم
ریبده شهادت حدنه ابرمد که معتبر دکلدر علامتی بودر که نفس عالمه
اندن یعنی مؤمنندن امان ساری اوله شویله که وجود نده و ماننده
و متعلقاننده هر کس امن اوزره اوله نتکیم مؤمن لفظنک مؤداسی بودر
و بوندن فهم اولنور که ایمان هر چند مکارم اخلاقی مستلزم اولسه
دخی مکارمک هر بری جلی دکلدر بلکه نیجه سی کسبه منوطدر و الا
افعل لاتفعل دیو امر و نهی وارد اولمازدی و کاه اولور که مکارم یعنی
غیره متعلق اولان اخلاق حسنه بلا ایمان دخی اولور و انک هر دارده
صاحبنه ثمره سی وارد در نتکیم ابوطالب حقنده واقع اولمشدر
و بومقامه متعلق بعض کلمات مفیده بالاده در (و بوتقریردن مأخوذ
اولدیکه الله تعالی یه و رسول الله و کتوردیکی سنه یه اجمالاً و تفصیلاً
ایمان لازمدر کرک بعض متعلقات ایمان کنندنه و اصل اولسون و کرک
اولسون زیرا فی نفس الامر ثبوتی کافیدر (و ایمان اولاتو حید تقلیدی
و ثابیا برهان عقلی و ثالثاً توحید عیاندر که هر فعل و وصف و ذات

فی الحقیقه حقتک اولدیغی مشاهده در (و اسلام ایمانک قشری کیندر که
انقیاد فرعیدر و کذلک درجات ایمانک اولی توبه در اندن الله تعالینک
قابل التوبه اولدیغی تصدیق و افعال عباد اوزرینه دائماً مطلع اولدیغی
مراقبه در و بوصفت اوزرینه اولان کیمسه بر دخی امر مکر و هندن
نهی ایتسه هر نقدر اول مکر و هنی ایشلکه رغبتی اولسه دخی دوستک
اطلاعندن الم چکوب ایشلر (پس حق علیم نهی ایدوب مطلع اولدیغی
نسنه بی نیجه ایشلر و بعده درجات ایماندن بری دخی صفت اخلاصه
عمل صالح اوزرینه ثباتدر که کالانابت دیور انکیچون بو وجهله تحقیقی
توبه ایتیم کیمسه منیب الی الله اولماز ایشته شیخ النده توبه و انابت بویله
اولور و الا مجرد قیل و قالدر و بعده اعمال صالحه زربانی ایلدر درجات عالیه یه
ترقیدر که مراتب مشاهده در نتکیم حدیثده کلور (من عمل بما علم ورثه الله
علم ما لم یعلم) یعنی علم شرعی ایله عامل اولان علم حقیقی یه و اصل اولور که
علم لدنی دید کلریدر و اصل السعادات ایمان و علو درجات علمه در
و علم و ایمانی جامع اولان کیمسه اقصای درجاته بالغدر پس معارف الهیه
و مشاهده حقیقه ایمان و عمل صالح و تقوی و سلوک اوزرینه منبیدر
و الا معتبر دکلدر و کذلک سالک قول و فعلی مشاهده سی علتی ایله ایتیم بلکه
رسول الله صلی الله علیه و سلم قول و فعلنه متابعت ایلیم و هر حالنی
ایمان اوزرینه بناقله الحاصل ایمانله عیان اراسنده مواخات ایده فاعلم
ذلک (بعد ذلک آمنت بالله دیمکله آمرده تلقین ذکر وارد که اندن
مقصود عموم شرائعی تعلیمدر زرا دور سنبله که یدی یک سنه در مرتبه
توحیددر که لا اله الا الله در و یک سنه دخی مرتبه محمد رسول الله در
پس بویکی کلمه جمیع شرائعی جامع اولمش اولور انکیچون اهل توحید
حقانی جاهل اولماز بلکه شرایع مقرر یه عالم اولور زیرا علم بالله
بو علم اوزرینه منبیدر (و کذلک الباس خرقه که بین الصوفیه شایعدر
اخلاق حیده و حقائق اسمایی الباس صورتیدر و قلنسوه دخی
بویله در که تاج دید کلریدر پس قلنسوه تاج اولیحق خرقه دخی معناده
خلعت شاهی اولوب صوفینک صورتده درویش و معناده سلطان

اولدینگی ظاهر اولور شکیم بعض آئارده کلور (هم الملوك تحت
الاطهار) والباس خرقة اصلنده جناب رسالتدن صلی الله علیه وسلم
متوارثدر زیر انصاری نجران ایله ماده ابتهاله شکیم کلور (ثم نبتهل
فنجعل لعنة الله على الكاذبين) آل عباسی یعنی امام علی وحضرت
فاطمه و امام حسن و امام حسین رضی الله عنهم برسیاه عبادن خرقة
ایچنه آلوب انلوی سترایتمشدی و حدیث قدسیده کلور (ما وسعني ارضي
ولا سماء ولا كن وسعني قلب عبدي) یعنی قلب حقانی اشیا بی
واسمانی مشتمل و اسماء دخی حقت لباسی کیدر اشته انسان کاملک
رداء الکبریا اولدینک سری بودر قال الله تعالی (ولباس التقوی
ذلك خير) فافهم جدا چونکه فخر عالم امام علی یه اول خرقة سیاهی
الباس ایلدی تا که نور دانه ظلمت کونی مشاهده ایلده و بلکه ظن
حقیقی بی مطالعه فقه علی دخی کرچه کمال بن زیاد دی محرم راز ایلندی
ولکن فی الحقیقه خرقة بی حسن بصری یه الباس ایلدی کرک سن ظاهرده
طوت و کرک باطنده ز برامحدثلر حسنک امام علی دن سماعنی وانکله
صحبتی انکار ایتشلردر و لکن صوفیه نک نظری عالم معشاده اولان
معاملاته دخی شاملدر شکیم منصور حلاجک روحی یوزاللی سندن
صکره شیخ عطاره تجلی ایلدی و صاحب القصیده البریدیه شیخ محمد
بوصیری یه عالم معشاده برده نبویه الباس اولوب مرضی فلجدر انکله
خلاص اولدی (والی هذا الا ان ختم الاولیا یوزندن ارباب استعداد
انفاس رجائیه واصل اولمده در) والحمد لله تعالی من لم يدق
من هذه المائدة لم يعرف وانما لا يزال عدو الما جهل وهو المراء الرسمي
التقليدي (وتلقين ذكر والباس خرقة نک تما تندن بوراده برنکته جلیله
دخی قالدی که جناب نبوتک امام علی نک عمامه سنی بند ایدوب طرفی
وراء ظهره ارضاء ایتدکدریدر که طیلسان دیدکدریدر که عمامه نک
زیاده سیدر و سری بودر که انک صاحبی هرئیه نظر و یامس ایتسه
نموز یاده لک بولور شکیم عمل مذکور دن صکره امام علی برکف یعنی
برآوج صوابله آبدست الوردی و بر جوب پاره یعنی بر قارش جنوق

نقد مراد ایدر لر سه اولقدر اوزانوردی و علی هذا اشتطیلسان اهل
توحیدک ظاهری قصیر و باطنی طویلدر و طیلسان اهل انکار ایتسه
بالعکسدر یعنی ظاهری طویل و باطنی قصیردر زیرانی روح و بی برکندر
کل ایلدی تقلیدی قوت تحقیق یوانه کت و محققه تشبیه وانک اخلاقیه
تخلق ایت * ثم استقم * ثم اصلنده تراخی زمان ایچون اولمغه بعض علماء
رسوم اکاجل ایدوب معناده دیمشلددر که آمنت بالله دیدکدن صکره
اقرار و مقتضیات اوزرینه ثابت اول شو یله که قدمک قلبا و قالبا
طریق عبودیتدن بصفة الدوام الی وقت الوفاة زال و تخطی اولسون
بس بونده کل عبادات و جملة اعتقادات داخل اولور و کفار فروع
اسلامه مخاطب اولقی لازم کلز زیر اعمال ایماندن متأخر در فر عک
اصلندن تأخری کبی و بومعنی کرچه ظاهر مذهدر و لکن باطن
مذهبه مخالفدر زیر علماء ظاهر دن بر فرقه و جمیع علماء حقانی کفارک
فر وعله مخاطب اولمالرینه ذاهب اولمشلددر بوجهتدن اولی اولان ثم بی
تراخی رتی ایچون استعاره ایتدکدر زیر عند العرب بومعنی دخی شایعدر
ورته نک معنایی بودر که استقامت نهایت حال و مقصود بالذات
اولمغه مبدادن یعنی اقرار مجرددن اعلا در بس ایمان اوزرینه استقامت
لازمدر الحاصل استقامت منهج مستقیم لزوم والی آخر الحاصل
اولکی حال اوزرینه دوامدر بورانددر که دیرلر برنسنه نک بالکز وجودن
استمه بلکه وجودندن صکره بقاسن دخی طلب ایله (نظر ایله که
کنده نورله طلوعندن صکره کسوف واقع اولسه اختلاف عالم حاصل
اولور و اول کون شمسله انتفاع اولمایوب کون کیجه مثابه سنده قالور
و بوندن اخذ اولندی که بوراده استقامتدن مراد استقامت مطلقه
دکدر که سورة هودده کلور (ما من دابة الا هو آخذ بناصيتها ان ربي
على صراط مستقیم) زیر بو استقامتده جله خلق مشتملک اولمغه
سعادت متعینه بودر که بوراده ضلالت عین هدایتدر بلکه مقصود
استقامت مقیده در که الله تعالی نک ام اوزرینه الزام ایلدوی شرائع
حقه در و برنم شریعتن جله بی جامعدر (واستقامت اعتدال و اندن

ثبات در تنکیم آنفارمزاوندی و بو حالت اعتدالیه حقّه و انک اوزرینه
ثبات زیاده عسیر اولغله جناب نبوت بیوردیکه (شبتنی هود و اخواتها)
زیر اسوره هودده (فاسنقم کما امرت) وارد اولمشدر و بوراده کما امرت
خطابندن مفهومدر که حقیقت استقامت رسول الله مخصوصدر که
انکه مخاطب اولان اودرا نکچون امته خطاب ایدوب بیورر (استقیموا
وان تحصوا اولان تطیعوا) یعنی ای اصحاب و امت استقامت ایدیکوز
اگر چه نهایت و حقیقت ابرمه هر کسک کوجی بمنزیرا انسان نشاء سی
وقوای ظاهره و باطنه سی جهتندن صفات و اخلاق طبعیه و روحانیه بی
مشملمدر که هر برینک طرف افراط و تفریطی وارد در که واجب اولان
معرفت وسط و انک اوزرینه بقادر بین البخل و الاسراف و وسط کبی
(و بعض صحابه ترهب و صیام دهر و قیام لیله استشاره ایدوب جناب
نبوت دخی اول حالتدن انی زجر ایتد کد نصره بیوردی) ان لنفسک
علیک حقاً و ازواجک علیک حقاً و اولادک علیک حقاً فاصم و افطر
و قم و نم) و میویدر که رسول الله صلی الله علیه و سلم حضرت عمری
رضی الله عنه صلاة تهجد در رفع صوتله قراءت ایدر کورد کده سبب
چهردن سوال ایدیچک (اوقظ الوسنان و اطرده الشیطان) دیو جواب
ویرد کده جناب نبوت بیوردی که (اخفض من صوتک قليلاً) و حضرت
ابی بکر رضی الله عنه خفض صوتله اوقور کورد کده انک دخی
سینندن سوال ایدیچک (قد سمعت منی ناجیت) دیو جواب ویرد کده
جناب رسالت بیوردیکه (ارفع من صوتک قليلاً) یعنی ایکسنی دخی
صفت اعتداله ارشاد ایلدی و شجاعت که بین التهور و الجبن صفت
متوسطدر و بلاغت که بین الایجاز و الجحف و الاطناب المقرط حالت
معتدله در وسائر احوال دخی اکا قیاس اولنه و شریعت محمدیه
هر ترغیب و ترهیب و حال و حکم و صفت و خلقده میران اعتدالک
بیانه تکفل ایتشد رحنی مذمومه ایچون دخی مصارف تعیین ایلشد در که
اول مصارفده استعمال اولنسه محموده اولور منع الله و بغض الله کبی
نورادن بعض عرفاء دیمشدر در که (بیت) خون بدر حلال دان کر نچدا

کشد ترا) ورنکشد حرام دان شیر حلال مادری) یعنی اگر پدر کلک
قانی یعنی انی قتل ایتک سنی حقّه جذب ایدوب سبب وصولک اولور سه
انی حلال بیل تنکیم صدر اولده حربده ولد مؤمن والد کافر فلیج
چکردی و اگر سنی حقّه چکمیوب حقندن انقطاعک باعث اولور سه
مادر کلک شیر حلالی حرام بیل و مص ایتمه تنکیم نچمه لر بد اخلاق
اولان زنانه اولادن امرز نمشدر تا که (الرضاع یغیر الطباع) موجب نجه
تغییر طبع واقع اولمیه (بعدهذا بعض روا یاتده حدیث سفیانده زیاده
وارد در که) قلت یا رسول الله ما اخوف ما یحاف علی قال هذا فاخذ بلسان
نفسه یعنی بنم اوزریمه زیاده خوف اولنور ندرید کده جناب نبوت
دخی کندی لسانلرن طوتوب شودر دیو لسانلرنه اشارت ایتدیلر
و قبض لسان و کفله رمز ایتدیلر که عالم اولان کیمسه علمی ایله ابتدا
کندی عمل ایدوب بعده سائر لره تعلیم ایتک لازمدر و الا
مذموم و منهیدر تنکیم قرآنده مواقع متعددده واقعدر
* الثاني والعشرون *

* قال جابر بن عبد الله الانصاري رضي الله عنهم * جابر جبر دندر
اصلاح معناسنه تنکیم کلام امام علی ده کرم الله وجهه کلور (یا جابر
کل کسیر و مسهل کل عسیر) ای یا مصلیح دیمکدر جابر کثرت روايته
مشهور اولان التي عدد اصحاب دندر که انلر بونلدر ابوهریره و ابن عباس
و ابن عمر و عایشه و جابر و انس رضي الله عنهم (جابرک جلهء مرویات
بیک بشبوز قرق حدیثدر پدری عبد الله غزوه احدثه شهید اولوب
الله تعالی انکه کفا حاکمه و جزیل احسانیه تکریم ایتد کد نصره
دخی بر مرادک و ارمیدر یا عبد الله بیور دقده اولدخی برای غزاد نبایه
عودتنی عرض ایدیچک حکمتندن جارج اولغله حالی اوزرینه ترک
ایلدی (انصاری ضمه له جابرک نسبتی در که نصیرک جمعیدر شریف
و اشراف کبی انصار غلبه اسمیت ایله انصار نبویه علم کبی اولغله
مفرد حکمنده قلوب نسبت اولندی فرا نضی کبی (انصار اصلده
بمندن بر طائفه در تنکیم انلره اشارت ایدوب حدیث شریفده کلور

(انی لا جند نفس الرحمن من قبل الیمن) نفس حرکتله تنفسندندر که
 الله تعالی حضرات انصارله جناب نبوتدن کرب اعدایی تنفس اتدی
 والا الله تعالی نفسدن یعنی جسم متفسدن خارج اولان هوادن منزله
 وعالی در * ان رجلا * مراد غزوه احدده استشهد اولسان نعمان
 بن قوقل در قافین ایله فوعل وزنی اوزرینه دیمشدر در که نکرات
 اون نسنه در که شیء وموجود ومحدث وجسم ونامی و حیوان وانسان
 وبالغ و ذکر و رجل در که انکرات نکرات شیء در * سأل رسول الله صلی الله
 علیه وسلم فقال * فاه تفسیریه در که سؤالی بیاندر وتصلیه به متعلق
 اولان بعض لطائف سبق ایتشدر واصل تصلیه آیت ایله وکیفیتی
 حدیثله متین اولمشدر انواعی بسیار در والی یوم القیام افزون اولمده در
 * ارایت * اخبرنی معناسنه در که سبب اخبار اولان علم نفس اخباردن
 مجاز و اخبارک سبب قریبی در پس استفهام مجازا امر معناسنه اولور
 زیرا ایکسند دخی معنای طلب وارد واکر رؤیت قلبیه اولمایوب ابصار
 ومشاهده معناسنه اولور سه مشاهده واحساس علمه و علم دخی اخباره
 سبب اولور بوصورتده مشاهده اخبارک سبب بعیدی در * اذاصلیت
 المکتوبات * اذاظر فده حقیقتدر ولکن شرطک استعمالی کی استعمال
 اولور یعنی معنای ظرف ساقط دکل ایکن بنه شرط کی مستعملدر
 مثلا اذاقت قت دنلسه اقوم وقت قیامک دیمک اولوب سنک قیامک
 انک قیامنه تعلیق اولمغله جزایی شرطه تعلیق کی اولور تکیم بوراده
 دخول جنت اوصاف مذکوره به متعلق کبیدر مکتوباتدن مراد
 الله تعالیکن کتابت وایجاب اتدوکی صلوات مفروضه در که بش در
 پس دیمک اولور که بش وقتده تعیین الهی اولان نمازلی ادا تدوکم زمان
 یعنی اگر وجوده کنور رسم وشروط وقیو دیله قیلوب بتور رسم
 واشغیده کلن جمله لر دخی بواسلوب اوزرینه در * وصمت رمضان *
 مراد شهر رمضاندر که مجموعی ایام معدوده به علم در تکیم قرآنده کلور
 (شهر رمضان الذی ازل فیه القرآن) وشهر لفظی مطوی اولسه
 دخی تکیم بعض احادیثده وارد اولمشدر بنه مقصود در تفصیلی

بالاده در (وصلاتده شروط اولدیغی کی صومده دخی وارد در حتی
 صائم ایله برکیمسه مشائمه وبلکه مقاتله ایتسه دخی انا صائم دیو دفع ایده
 واسانه ناسزاسوز کتور میه زیرا صوم حق تعالی نکدر پس
 انی ابطالدن زیاده حذر ایتلودر * واحلالت الحلال *
 همزه افعال تعدیه ایچوندرا حلال حلال ایتک وحلنه قائل
 اولوب الله تعالیکن حکمنه تابع ومنقاد اولیق زیرا حلالی حلال
 ایتک صفت الهیه در وشان عبد قبول و تسلیم در وحلال جمله
 انواعه شاملدر مطعومات ومشروبات وملبوسات ومنکوحات
 کی کرک تفاصیلنه علمی اولسون وکرک اولسون ولکن حلالی حلال
 اعتقاد ایتکدن جمله سنی اکتنساب لازم کلز بلکه عبد مطعوماتده
 اکل طیباتله مأمورددر تکیم مرور ایتدی وسائرده دخی مقتضای ورع
 وتقوی نه ایتسه انکله عمل ایتک اقوادر * وحرمت الحرام * حرمتده
 تضعیف تعدیه ایچونددر تحریم حرام قلیق وحرمتنه قائل اولوب
 اوخصوصده معانده حق ایتمکدر پس تحریمده تفسیق کی معنای
 نسبت وارد و برنسنه بی حرمته نسبت ایتک اعتقادله اولور وکذلک
 نهی اعتقاددن جمیع انواعندن اجتناب لازمدر پس اجتناب حرام
 اکتنساب حلال کی دکلدر فاعرف (بوراده صیغه تفعیلی اختیار ایتدی
 مع هذا احرمت الحرام دیمک دخی صحیحدر زیرا احرامک تحریم کی
 شیوعی یوقدر وبردخی جانب تحریمده تشدید اولی وایلغدر وتحلیل
 وتحریم اوزر بنه اقتصار ایدوب شبهه بی طی ایتدی زیرا شبهه
 معارضه دلیلین اولور زمان نبوده معارضه مد فوعدر ز بر اشارع
 حلال المشکلات در * ولم ازد علی ذلک شیئا * ازد فتح همزه ایله
 نفس متکلم وحده در زاد لازم ومتعدی کلور بوراده متعدی در که
 شیئا کامفعولدر ولقتده ازاد یوقدر یقال زاد الله خیرا وزیده
 فزاد وازداد وزدته فیعدی الی مفعول ومفعولین (ذلک امور اربعه به
 اشارتدر مذکور اعتباریله (وعلماء یخو دیمشدر در که گاه اولور که اسم
 اشارت مفرد مثنی ومجموعده دخی استعمال اولور پس اولتک کی

اولوب تأویل حاجت قالماز یعنی مذکور اولان درت نسبه اوزرینه
زیاده ایتسم و عبادتدن سارندن انلره ضم ایتسم و همان بومر تبه ایل
اکتفا قلمیم دیمکدر ولکن اوزرینه واجب ایکن ترک ایتک معناسنه
دکدر زیراترک واجبده آثم اولدیغی معلومدر بلکه حج و زکاة و امثالک
اول وقتده کندی اوزرینه عدم فرضینندندر (و کلمه توحیدی طی
ایتدیکی کال ظهورندندر زیر اساس الکل در و بردخی اعمال ایماندن
اولدیغن اعتقاد ایدردی نیکیم امام شافعی ذاهب اولمشدر) الحاصل
سائل مذکور کندی اوزرینه فرض اولان مرتبه بی ذکر ایتدیکه
صلاة و صوم و تحلیل و تحریمدر و ما عدا سنی طی ایلدی و جناب
نبوتک انک بووجهله حاله اطلاعی اولدیغندن نعم دیو جواب و یردی
اگر عصیانی اولایدی غیر و جهله جواب و یرردی خصوصاً که
بالکز توحید دخول جننه کافیدر زیر سائر اعمال درجات ایچوند
(پس سؤال مطلق دخول جننه دارا اولغله جواب اکامطابق کلدی
* ادخل الجنة * حرف استفهام محذوفدر ادخل الجنة دیمکدر
ایکی همزه ایله یعنی اوصاف اربعه ایله قائم اولیجق جننه داخل اولورم
دیمکدر جنن دارا الثوابدر ماده ترکیبنده معنای ستر اولغله بعض عرفاء
وجه تسمیه ده دیمشدر که جنن حقله عبد اراسنده پرده در زیر
محل شهوات نفسدر چونکه عبد شهواتدن غائب اوله حتی حاضر
بولور پس هر کسک شمسنه غمامه ینه کشیدر * قال نعم * یعنی
رسول الله صلی الله علیه وسلم بومر تبه ایله جننه داخل اولورسن
دیو جواب بیوردی (نعم حر که ایله جواب واجبده یعنی استفهام
واجبک مدخولنی اثباتده استعمال اولنور قال الله تعالی) فهل وجدتم
ما وعد ربکم حقاً قالوا نعم ای وجدنا ما وعدنا ربنا حقاً (بلی کلمه سی
ایسه نفیده مستعملدر قال الله تعالی) الست برکم قالوا بلی ای انت
ربنا ولوقالوا نعم کفروا اذ المعنی حیثذلت انت برنا (سؤال اولنورسه که
ظاهر حدیثدن فهم اولنور که اعمال صالحه دخول جننی ایجاب ایلید
زیرا حکمی وصفه یعنی مشتقه تعلیق ایتک علیننی مشعردر مع هذا

دخول

دخول جنن احادیثده وارد اولدیغی اوزره فضل و رحمت حقله در
جواب بودر که کرچه عمل موجب دکدر بلکه وسیله در جاتدر فاما
فضل و رحته طریقدر بوجهندن خواص ناس ذیل فضل و رحته
تمسک ایتدیلر زیر فی الحقیقه وسیله فضل اولان دخی فضل الهیدر
انکیچون کرچه اعمال صالحه ده اجتهاد ایدر لر ولکن تعلق ایتملر
بلکه ما فضلیا نیم دیرلر والحمد لله المنه الله تعالی

* الثالث والعشرون *

* الطهور شرط الایمان * طهور فتحله مشترکدر مصدر یعنی فعل ایل
اسم یننده اگر مصدر اولورسه توضع دیمکدر که آبدست آلمقدرد و اگر
اسم اولورسه مایه تطهریه دیمکدر که آب وضو در فطور فتح فائله
مایه فطریه و مسحور مایه تسخیریه معناسنه اولدیغی کی اشته روات
احادیث جیعام صدرله اسمک میاتی حرکتده فرق ایتمشلردر و صاحب
القاموس دخی بونک اوزرینه جاریدر (و بعضیلر دیدیلر که افصح
اولان ضمله مصدر و فتحله اسم اولمقدرد و قبول و ولوغ که فتحله
مصدر لر در شذوذ اوزرینه در بوراده طهورله مراد معنای
مصدردر که وضو در ضمله نیکیم بعض روایاتده الوضوء شرط الایمان
واقع اولمشدر و بور و ایتده دلالت واردر که طهور ضمله در زیر نظیری
مضمومدر و مراد بالکز حدث اصغردر یوخسه اکبرانده داخل
دکدر وحدیثده ذکر صلاة دخی آنی مشعردر زیرا مراد وضوء
شرعی و صلاة شرعییه در (شطر نصف الشی معناسنه در و جزء
الشیء دخی مستعملدر نیکیم حدیث معراجده کماور) فوضع
شطرها ای بعضها بوراده مراد معنای اولدر سری بودر که ایمانک
صورتی و ایکی صفتی و هر صفتک ایکی حکمی واردر و صورت ایمانک
صفتلری اقرار باللسان و عمل بالارکان در و ایمانک ایکی شرط معنویسی
واردر که صحت اقرار و عمل اکامو قوفدر و انک بری نیت و بری اخلاصدر
زیرا انقیاد محقق و مؤمن و منافقک تمیزی بویکی نسبه ایله حاصلدر
و بویکی شرطک ایکی حکمی واردر که بری زمانی در اوقات خسته

صلوات و موسم صوم و حج و امثالی کبی و بری مکانی در استقبال قبله
و کائنات مصوره و مواضع نجسه و امثالده اجتناب صلاتک و جوی کبی
پس وضو نیک شطرا ایمان اولاد یعنی صورت ایمان حسبیله در زیر
من وجه عمل و من وجه شرط در بوراندن در که امام شافعی عمل اولمانه
ناظر اولوب نیت فرض و امام اعظم شرط اولدوغنه بناء نیت سندر
دیشدر (الحاصل صورت ایمان اقرار و عملدن عبارت اولیحق وضوء
عمل بایندن اولمغله نصف ایمان اولدی و بونکله مندفع اولدی شول
نعارض که حدیثه کلور (الصبر نصف ایمان) زیر صبرک نصف
اولد یعنی حقیقت ایمانه کوره در بوا یسه وضو نیک صورت ایمانک
نصفی اولد یعنی منافی دکلدر و صوم انواع صبردن اولمغله ربع ایمان
دنیشدر و بوجه دخی بودر که ایماندن مقصود ماسوا دن ادبار
و انفصال و حقه اقبال و اتصال در وضوء ایسه انفصالی دلالت ایدر
صلوة اتصال دلالت اندوکی کبی بوراندن در که دیرلر خطوتان و قد وصلت
(و بعض اهل ظاهر دیدیلر که ایمان شر کردن طهارت باطن و ظهور
نجسدن طهارت ظاهر در (وفیه نظر زیر اکر مرادی وضوء معنا سنه
اولان طهارت ایسه غسل اندن ابلغدر وینه دیدیلر که ایمان کاملک
نصفی نفسی اخلاق ردیه دن ترکیه و نصف آخری فضائل ایله
تحلیله در وفیه نظر زیر ایمان کامل اعتباری بعض مذاهبه کوره در
(وینه دیدیلر که معنای شطریت بودر که اجر و وضوء نصف
اجر ایمان کبیدر که مضاعفدر (وفیه نظر زیر مضاعفه به اعتبار
اولان صوم جمله به غالبدر انکی چون (الصوم لی وانا جزی به) دزدی
و بردخی ایمان جمیع اعمالک صحت شرطدر و وضوء دخی اعمالده
داخلدر (پس بلا ایمان وضوء به اعتبار اولیحق وضوء انک نصفی
مرتبه سنه نوجهله بالغ اولوز (وینه دیدیلر که بورا ده ایمانله مراد
صلواتر کا قال الله تعالی (وما کان الله لیضیع ایمانکم) ای صلاتکم
چونکه صحت صلاة استجماع شرائط و ارکانله در پس اقوای شرائط
اولان طهارت شطریکی قلندی شطرایسه نصف حقیقی اولمق

لازم کلز وفیه نظر زیر آیت مذکوره ده ایمانک صلاة معنایه کلدوکی
مختلف فیهم در وسائر اقوال ضعیفه دخی بونلر قیاس اولنه * الحمد لله
یملأ المیزان * الحمد لله فاتحه او قومق دکلدر تنکیم بعضیلر زعم ابتدیلر
بلکه الحمد لله قوی در یعنی حق تعالی بی وصف ثبوتی ایله مدح و ثنادر
تنکیم کلاه کر کدر میزان آلت و زندر یعنی ترازو در که انکله برنسنه نیک
مقداری معلوم اولور قال الله تعالی (والوزن يومئذ الحق) مرویدر که
حضرت داود علیه السلام میزانی صورت اصلیه سی اوزرینه
مشاهده مراد اینه کده اول وجهله عرض اولیحق کمال سعت و عظم
هیبتی کوروب مغشی علیه اولدی زیرا همان بر کفه سی یالکر سع
طباقة و اسع ایدی (و میزان کلی کرچه بر در ولیکن (ونضع الموازين
القسط ایوم القيمة) موجبجه هر کسک حالت کوره میزان مخصوصی
واردر اعمال ظاهره سی میزان محسوس و احوال باطنیه سی میزان
مغنی ایله وزن اولنور زیرا نشأه آخره حشر جسمانی و روحانی بی
جامعدر بوسییدن اواء الحمدی امر مغنی اولمغله جل ایدن خطا ایدی
زیرا اواء صوری اولمغله دخی مانع یوقدر نظر ایله که عالم دنیا معقول
و مخیل و محسوسک جمله سنی جامعدر عالم آخرت دخی بویله در
زیرا روح و جسد بری برینی مستلزمدر یعنی روح جسددن مفارقتدن
صکره انکله الفتی سبیلله ینه انی مستدعیدر زیرا نهایت بدایت
صورتیه ظاهر در (و وزن اولان اعمالدر زیر اعمال کرچه اعراضدر
فاما تجسد ایدر ارواح کبی و یا خود مورون اولان دفاتر اعمالدر تنکیم
حدیث سجالات اکا دالدر یعنی آخرتده بر کیمسه نیک طغسان طغوز
عدد سبیل معصیتی کله که هر بری مدالبصردر و میزاننه وضع اولنه
بعده کوره لکه سمدن بری اوچوب بر بطاقة یعنی برقی قدر کاغد پاره
کلور که ایچنده کلمه توحید یا زلمشدر و سجالات مقابله سنده اولان
کفه به وضع اولنوب جمله سی اوزرینه آخر کله و قائلنک نجاتنه سبب اوله
(و بعضیلر ینه نیک میزانی اعمالی ایله پراواوب بر تحمیده صفاحق قدر
محلی خالی قالدوده اوراسی بر تحمیده ایله بر قنوب میزانی طوله و آحق

یرقالمیه قال الله تعالى (وآخر دعوانهم ان الحمد لله رب العالمین) الحاصل
مقصود میزان نظریدر زیر انواع ثناء حق سلب واثباته منحصره در
پس تنزیهات نفی اقتضا ایدر بوجهتیدن امور وجودیه دکدر که
برسنه بی طول دوره صفات ثبوتیه ایه بویه دکدر بلکه حد وصف
ثبوتی ایه تادرا نیکچون میزان عقلی بی پرایدرو صفات ثبوتیه ایه تعریف
الهی و برهان انکله اتمام اولور و میزان عقلینک حالی بواو لیجق میزان
حسی دخی اکا قیاس اولنه * و سبحان الله والحمد لله تملأن *
تاء تأ نیت ایه باعتبار الجملة وتذکیر له علی ارادة الذکرین
اول النوعین ابکیسی دخی مر ویدر (سبحان الله مصدر در تنزه وتبعد
معناسته بوراده مراد قول سبحان الله وقول الحمد لله در * او علاء
مابین السموات والارض * راویدن شکدر که ابومالك الاشعری در
رضی الله عنه بوراده افراد فعل مجموع اعتباریه در زیر پرا بدن
مجموعه بدر یو خسه علی حده هر بری دکدر تکیم سوق کلامدن
مفهومی مدر (سری بودر که کلمات مذکور نان کمال ثنایی و صفات ذاتیه
و فعلیه می مشتملدر که بوصفانک آثاری سموات وارض و مابینهماده
ظاهره در زیر سموات وارض و مابینهماده برشبریر یوقدر که اوراده
ارواحدن بر روح و یا اجساددن بر جسد اولیه جمیع اشیا ایه (وان
من شیء الا یسبح بحمده) موجبجه تنزیه ذاتی و تحمید صفاتی به
مشغولردر بس عالم تجلیات مختلفه و مسبحات و حامدات ایه مشخوند
قال تعالی (قل کل یعمل علی شاکلته) فافهم جدا و اعرف قطعا (و بعض
اهل ظاهر معنای کلام نبوی ده دیدیلر که سبحان الله والحمد لله کله لربنک
ثوابی مابین السماء والارض طولدر ردی اگر جسم تقدیر اولنسه ایدی
انتهی یعنی مقصود عظم شان و جزالت اجر و ثوابی یساندر اگر خلوصه
مقارن ایه (بس بو تقریر احباب شرا ثعه کوره اولور زیر مطمح
نظر لری ثواب و نعم جنندر و اولکی ارباب حقائقه نسبتله در که تسبیح
و تحمید اشیا بی اشیدر و باب اسمادن حضرت مسمایه دخول ایدر لر
و ذوق روحانی و شهود سری به نائل اولور لر (یا ایها السالک کم من فرق

بین هو لاء و اولئک و این الجن من الملائکه * والصلوة نور * یعنی نماز قبرده
و ظلمات قیامتده صاحبیه قائد و نور اولور قال تعالی (نورهم یعنی بین
ایدهم و بایمانهم) یا خود صلاة نور در که ظلمات هواده انکله استضاءه
اولور قال تعالی (ان الصلوة تنهی عن الفحشاء والمنکر) و صلاة اوزرنه
اطلاق نور تشبیهده مبالغه طریقیله در که اصلی ذاتها کالنور در
و یا خود ذات نور دیمکدر هکذا قال اهل الظاهر (وارباب حقیقت
دیمکدر در که صلاة مصلی به سبب انعکاس نور در زیر نور الانواره
وسیله محاذاتدر یعنی مصلی مناجی و متوجه حقدر و حدیثه کلور
(ان العبد اذا قام یصلی فان الله ینصب له وجهه تلقاءه) الله تعالی ایه
نور و حقیقت عبد ظلما نی در ذات ظلما نیه ایه ذات نیره به محاذات
صحیح ایه مواجهه و مقابله ایلسه انوار ذات نیره دن اکنسب نور ایدر
تکیم قر که کندی ذاتنده جسم اسود مظلم کشفدر لکن صفات
و مقابله سی حسیه بیه شمسدن اقتباس نور ایلر و محاذات و مقابله ده
قربا و بعدا حاصل اولان تفاوت سببیه اکنسب نوری دخی تفاوت
قبول ایدر بورادندر که حظوظ اهل صلاة تفاوت اوزرنه در و بوندن
(وجعلت قره عینی فی الصلوة) و دخی (انی اراکم من وراء ظهری مثل
ما انظر بین یدی) و دخی (الله نور السموات والارض) و دخی (وله الکبریا
فی السموات والارض وهو العزیز الحکیم) اسرار ی ظاهر اولدی (بعدذا
نور ایکیدر بری نور ذاتدر که نور شعشعانه در نور شمس کییکه اختطاف
ابصار ایلر و بومرتبه نیک نجلیسی برقی اولور که آتی در زیر ایکی آنده
مستمر اولغه وجودک نجلی بوقدر والا طور موسی کی منک اولمق
لازم کاور و بری دخی غیر شعشعانه در نور قر کییکه خطف ابصار
و تقریق انظار ایتز نجلی ر بوییت کی پس مصلینک مناجاتی حالت
برزخیده اولغه بقیه رسمی موجود و تجلی رتبه صفاتدن مشهود در
واهل بقا که جمع و فرقی جمع ایتش لر در دائما حالری بو وجهله
مشاهده در که لذت نظری مشتملدر و بومعنی فهمکه دخول ایدیه
سندخی منزل قر به حلول ایده کور والله الهادی * والصدقه برهان *

صدقه صدقند در کسر له شدت معناسنه زیرا نفس انسان حب مال
و شح اوزرینه مجبول اولدوغندن انفاق ایتک اکا شدید کلور فرض
اولان صدقه یه زکاه و نافله یه قرض دیرلر اداء فرضله حد بخلدن
خارج اولور و نافله ایله درجات عالیله و وصول بولور (و کاه اولور که
مانده زکاتدن غیر ی وجهله دخی حق ثابت اولور مثلا جیرا نندن
و یا اخوان مؤمنین دن برینی و عیالنی فقردن حدهلا کده کورسه انفاق
و مواسات ایتک اوزرنه واجب اولور (برهان رجحان وزنی اوزره اصلنده
وضوح معناسنه در انکیچون حجت قاطعه یه برهان دیرلر زبرامد عایه
دلالتده وضوحی وارد در الحاصل برهان او کدالادله در که ابدی صدق
اقتضا ایدر تنکیم بعض دلالت وارد که ابدی کذب اقتضا ایدر
و بعضی صدقه اقرب و بعضی کذب اقرب و بعضی نک ایکسندده دخی
دلالتی علی السواء در پس ادله بوبشدن خارج دکادر (بعدها بوراده
صدق ایلله مراد مطلقدر بوخسه بعضیلر ذاهب اولدیغی اوزره زکاه
دکادر زیرا تقیید خلاف ظاهر در بس دیمکدر که صدقه مطلقا
متصدقک وجود آخرتی و مجازاتی جز مننه برهاندر زیرا مال خواص
طبیعیله منصفه اولان نفوسک مجبوبیدر وجهتدن بذل ماله اقدام
ایتمز مادام که ثمراتی و مقابله سنده عوض بولاجغنی و یا خود ضرر
متوقعدن سلاستی اعتقاد ایتیه تنکیم حدیثده کلور (صدقه السر
تطنی غضب الرب) و بنه کلور (اتقوا النار و لو بشق ثمره) و صدقه نک
افضل زمانی انسان صحیح شحیح ایکن در که امید حیات و خستیت
فقرایده زیرا نفسک بو صورتده تسویلات و شیطانتک تریناتی
چوقدر (و برکسمه کنندینک رزق غیره و غیرک رزق کنندینه
تجاوز ایتیه جکنه یقینی اولسه حرص و طمعدن خلاص اولور
و باب توکلده ثبات بولور و اوح تقدیره نظر قیلور و قلبنه اطمینان کلور
و بذل و انفاقده انتفاص رزق اولدیغن بیلور * و الصبر ضیاء *
صبر حبس النفس علی مایکرهاه معناسنه در (ضیاء و نور لغتده
ردر و بعضیلر دیدیلر که ضیاء بحکم الوضع و الاستعمال اقوادر انکیچون

ضیاء الشمس و نور القمر دیرلر (و عند الحکما ضیاء بالذات اولان نوردر
بوسبیدن نور القمر مستفاد من الشمس دیرلر) و ار باب حقیقت هندنده
فرق بودر که صبر حبس النفس عن الشکوی در بوا یسه نفسه الم و بر
نسنه در الام نفسانیله ایسه قوای طبیعیله تک التهاجی سوبنددر و تنویر
باطنه سبب اولان قوای روحانیله بی تحریک ایدر انکیچون صبر و صبر ضیاء
اولدیکه نورله ظلمتک امتزاجیدر صلا ایه بویه دکادر بلکه
سر محاذات سبیلله نوردر و نوردر دینلدی زیر اذات قرده شمسله
امتزاج ایده جک نسنه یوقدر که میانلرنده ناتج اولان نسنه یه ضیاء
دنیلله پس قر نور و شمس ضیاء اولدی شول جهتدکه شمس سراجله
تشبیه اولدی سراج ایسه شجره مبارکه دن ممدوددر که اندن جهات
نقی اولمشدر تنکیم کلور (لاشرقیه و لا غربیه) و اول شجره اسماء
وصفات متقابله بی جامعه اولان حضرت ذاتدر و صبرده اولان تنور
دخی قوای طبیعیله وصفات روحانیله میاننده واقع اولان امتزاجدن
و غلبه و مغلوبیتدن متحصصل و ناتجدر و بوندن میان تورات و قرآنده
فرق ظاهر اولدی زیرا تورات ضیاء دینلدی شدائد ایلله ممتزج اولدیغندن
اوتوری (و قرآنله نور دینلدی شدائددن خالی اولوب شبه مضله بی طرد
ایتدیکچون اگر چه ضیاء دخی دینلدی ایچنده امور و حقائق کشف
ایدر آیات اولدیغیچون (کل یوم هو فی شأن من یطع الرسول فقد
اطاع الله) و امثالی کبی و بو تقریردن فهم اولدیکه نفس کلبه یه یا قوته
جرا دیدیلر زبر نور تی جسمه تعلیق ظلمتله ممتزجدر عقل فارق ایسه
بویه دکادر انکیچون اکادره بیضا دیدیلر و عقل اول قلم و نفس کلبه
لو حدر که ایکسنددن هر دوزن کبی نتایج کثیره ظهور ایتشدر فافهم جدا
(بعدذا صبر بلاده اولور بلا وجود المدر کر کسه صورت اسباب نعمده
اولسون و شکر نعمده اولور کر کسه صورت اسباب المده اولسون
بو معنادن الم و لذت و جدانه راجعدر پس شولکه مبدأ قهر و اطفافه
و اصلدر صورت المده لذت بولور انکیچون مقامی شکر اولور و شولکه
اهل بر زخدر صورت لذتده المدن خالی اولماز بله علی هذا حالی شکر

اوله جق ایکن صبر اولو اشته بر دقیق معنادر همان فهم ایده کوره
 و اوصافدن فانی اوله کور زیر امور نسبیہ عدمیه در وعدمدن وجود
 حاصل اولماز بلکه وجود حقیقی به نظر ایتملور فاعلم ذلك * والقرآن
 حجة لك اوعليك * قرآن برهان وزنی اوزره اصلنده مصدر در
 قراءت معناسنه صکره کتاب محمدی به علم کی اولدی تورات موسی
 وانجیل عیسی وز بور داود کی علیهم السلام قرآن دینلدی که قرء جمع
 معناسنه در زیر جیع علومک ثمراتی وجهله کتبک حقائقنی جامعدر
 قال الله تعالی (وتفضیل کل شیء) حجت صحت دعوا به شاهد اولان
 نسنه در که انکله احتیاج ایدن کیمسه خصمنه غالب اولور یعنی بر کیمسه
 قرآنه ایمان کتور ب کلام الله در و منزل من عند الله در و علمنی مظهر در
 دیسه زیر احوال خلقدن وانلرله اولان شؤون الهیه دن ترجمه در
 وكذلك اواخر و نواهی به منقاد و آدایله تأدب و اخلاقیه تخلیق ایله
 و تأویلاته متعلق اولان مواضعنی علم الهی به رد و نظر قاصر نک نتیجه سی
 اولان تأویلی ترک ایتسه بوضوئورده قرآن حجة له اولوب نجات بولور والا
 حجة علیه اولوب هلاک اولور (و دیمش لردر که قرآنی تلاوتله حفظ
 ایتدیکی کی عمل ایله دخی حفظ ایله زیر بر شخص بر آتی حفظ ایدوب
 صکره نسیان ایله یوم قیامتده اشد عذابله معذب اولدیغی کی
 بر آتی حفظ ایدوب انکله عملی ترک ایتسه دخی حال بویله در (و قرآندن
 کلمه تو حیدله و یا بر غیر ذکر لهذا کر اولان و یانی استماع ایدن کیمسه
 هم ذکر و هم قراءت نیت ایله تا که ایکی وجهله مأمور اوله (و بر کیمسه
 دنیاده بنفسه قراءتدن خلقه قراءته راقی اولسه حق انک لسانی ایله تالی
 اولوب قراءتده منتهی اولدیغی آیتک حکمی اولان درجه به نائل اوله
 و اگر جیع آیاتی استیفا ایدرسه یعنی اخلاقیه متخلق اولور اعلا درجاته
 مستولی اوله و وصف نبویه کلور (کان خلقه القرآن) چونکه
 جناب نبوی اخلاق قرآنله تخلقه ذروه علیابه مساعد اولمشدر لاجرم
 اعلا الجنان اولان مقام وسیله اکا جایگاه اولمق اوزره منصوبدر
 و بوندن فهم اولندیکه مقام جمعه کوره اولان تلاوتله مقام فرقه

اولان تلاوتک میاننده فرق واردر زیر مقام جمعه اولان تلاوتده
 مدالوات و اخبار و احکامی ملاحظه یوقدر بلکه قرآنی من حیث
 ماهو کلام الله تلاوتدر زیر حقیقه حاضر اولان کیمسه عند الکون
 اولسه دخی اکا کون یوقدر کرک جنت و نار و کرک غیر (و مقام فرقه
 تلاوت بویله دکلدر بلکه الله تعالینک مدح و ذم ایتدیکی نعوت و صفاتی
 تدبر ایدوب ممدوحی اکنسب و مذمومی ترک لازمدر زیر نزول قرآن
 اکنسب و اجتناب ایچوندرو بومقامدندر که جناب رسالت صلی الله
 علیه و سلم موارد قرآنده سؤال مغفرت و جنت و استعاذه نار ایدر لردیکه
 اکلیت دید کلمری بودر زیر بویته مکابره اولماز بلکه مقام
 عبودیتی تحقیق لازمدر کرکسه اکمل الا کامل اولسون (ومن ذهب
 الی خلافه فعليه کلامه) و حدیثده کلور که قرآنک ظهر و بطن وحد
 و مطاعی واردر ظهیری نظمندن ذهنه سبق ایدن معنایدر و بطنی
 مفهوم اوله لازم اولان اطائفدر (و حدی عقول و فهم و غایت
 ادراکیدر و مطالعی میمک ضمی و طانک تشدید و لامک فتحیله بونلرک
 ماوراستنده علی سبیل انکشف حاصل اولان اسرار الهیه و اشارات
 ربانیه در که اکبر اولیا به مخصوصدر که اکا نهایت یوقدر پس بوندن
 (ان فی القرآن لشغلا) سری ظاهر اولدی زیر هر کسک تلاوتی
 مقدار فهم و کشفدر و حدیثده کلور (من فسر القرآن برأیه فقد کفر)
 پوراده رأیه تفسیر اودر که نظمک محملاتندن خارج اوله بوجهله که
 لغتده بولغیه و اهل لسان یاننده بلغیه والا مقبولدر و تفسیر دیدی
 زیرا کشفله اولان اسرار و نکاتده مزاجه یوقدر مکرر که بالکلیه شرایع
 و حقایقه مخالف اوله تنکیم بعض اهل کشف ضعیفدن صادر اولور
 * کل الناس یفقدو * جهله استیفا فیله در که سؤال مقدره جوابدر
 یعنی بو تقریردن رشدوغی متین و مقیم اولدی پس بوندن صکره
 ناسک حالی نیجه در دیو سؤال و جوابدر بو سؤالک موقعی قرآنده
 (قد تبین الرشد من الغی) قولندن صکره (من یکفر بالطاغوت) قولندن
 فاء موقعنده در و بو تقریردن جهله نک ماقبلنه اتصالی ظاهر اولدی

(لفظ کل اکلیدن مأخوذ در که اکلیل جوانب رأسی محیط اولان
 تاج اولدیغی کی کل دخی بعض مواضعده احاطه افراد و بعضنده
 احاطه اجزا ایچوندر بوراده کل فرد من افراد الناس دیمکدر) وغدو
 نحو وزنی اوزره وغدو تشدیدله غلو کی بکورد یعنی اول نهاده
 کتمک وایرکنندن برکاره قیام کوسترمکدر بوراده مراد سیر وسی
 وحرکتدر * فبایع نفسه * بعض نسخده اضافله ضبط اولمشدر
 ای فهو بایع نفسه دیمکدر زیرا فاء جزائیه دنصکره مبتدا کثیرا
 حذف اولور و بعضی لر فایه تفصیلیه در دیدیکی که بواسطه (بیع
 اعطاء ثمن واخذ ثمن در وشری اعطاء ثمن واخذ ثمن در بوراده
 بیع اصلی اوزرینه در تکیم) (ان الله اشترى) الخ آیتندن حقک مشتری
 وعبدک بایع اولدیغی ظاهر در اشته طریق نجاستده اولان بایع
 و مشتری بونلدر و طریق هلاکده مشتری شیطان ونفس وهوی
 ودنیا و ماسوادر) و بعضی لر دیدیلر که بوراده بیع وشری ایشان مکاننه
 وضع اولمشدر زیرا متبایعیندن هر بری صاحبک بدنده اولان
 نسنه بی کندی بدنده اولان اوزرینه ایشان ایدر بو جهتدن انسان
 نفسی اوزرینه یا عقوباتی بلکه مولایی ایشان ایدر نجات بولور و یا دنیایی
 وهوایی اختیار ایدوب هلاک اولور * ففعتها او وبقها * فاسبیه
 واولتو بیع و تقسیم ایچوندر تقدیری فبایع نفسه الاخرة بل للمولی ففعتها
 و ففعتها من العذاب والقطیعة بسببه و بایع نفسه للدنیا ولما سوی
 المولی فبقها و مملکتها بسببه (اعتناق ازاد ایتیمکدر عتیق کسرله
 حریتدر عتیق رقدن تخلیه اولنسان کیمسه در یعنی اول بیع کی اولان
 حسن معامله سببیه نجات صوریه و معنویه بولور معتق اولان اسیر
 عذاب اسردن خلاص اولدیغی کی) وایباق اهلاکدر یعنی اول بیع کی
 اولان سوء معامله حسبیه هلاک صوری و معنوی بولور و معذب
 اولور گرفتار اسر اولان اسیر کی پس ففعتها مبتداء مخد فقه خبر آخر
 و یا فبایعدن بدل اولور بوندن اخذ اولمیکه مایعه اصلده معاوضه
 مالیه در و معاوضه مایعه دید کلاری بطریق الشبیه در وجهت

شارعدن مایعه وعد ثواب وجهت آخردن التزام طاعتدر) بعدذا
 یومحل (ولکل وجهه هومولها) سرنی تفسیر کیدر زیر عالم وجودده
 هیچ بر کیمسه ایچون وقفه یوقدر بلکه هر کس کندی ایچون تقدیر
 اولنسان مرتبه فایته دک سیر ایتیمکده در یا مراتب نقص و شقادن و یا
 مراتب سعادتیکه کالات نسبه در ارباب برازخه کوره و یا کمال
 حقیقی در اصحاب اطلاقه کوره که انلرتجلی ذاتی ابدی به مظهر لر در
 تکیم حدیثده کلور (صنف من اهل الجنة لا یستتر الرب عنهم ولا یخفی) (بیع
 ودعاء نبوی ده دخی کلور) واسألك اذة النظر الی وجهک الکرم
 ابدا دائما سرمدا دون ضراء مضرة ولا فتنة مضلة) یعنی بعد التجلی
 حجابدر و فتنه مضله شبهه در که علم وشهوده خلل ویا نقص احباب
 ایلیه پس شول نسنه که انسان غایت مراتبه وارنجه سیر وانی تحصیل
 ایدر قوای روحک حاصلی و نتیجه زمان و احوال وصفات ونشاه سنده
 اولان تطورانک ثمر سیدر شویله که اگر بوسی و سیرده طائل اوزرینه
 اولوب یا بعض درجات سعادتده کمال نسبی و یا اعلای درجاتده کمال
 حقیقی به منتهی اولور سه نفسی ورطیات مهملکه و حبوس قیود
 امکانیه و حجب ظلمانیه دن اعتناق ایدوب علم محقق و خیرات ملایمه بی
 متجج اولان عمل صالح ایلله منور اولوش اولور و اگر محروم اولور سه
 نفسی ایباق واهلاک و عمر و عملی اضاعت ایتیمش اولوب خائب
 و خاسر قالور پس مغفرت و جنت و وصول مولایه مسارعت
 و سیر و سفر و حرکت لازمدر تا که غایت حیدده حاصل اولوب
 (والعاقبة للمتقین) سری ظهور ایدره والله المعین لعباده اجمعین
 * الرابع والعشرون *

* یا عبادی * یا بعید ایچوندر زیرا انسان اعلای علین قربدن اسفل
 سافلین بعدده تنزل ایدوب حجب امکانیه و غواشی بشریه ایلله محجبت
 اولشدر پس بعید اولان عیددر زیرا حقک جمیع اطوار حضر ایدر
 و عبادده اولان اضافت تشریف ایچوندر زیر عظمیه مضاف
 اولان دخی غظیمدر (وجعیت عباد استغراق افراد ایچوندر و بوندا

و خطاب اصالة انسه و تبعية جنه در که بوايکسسته ثقلین دیر که
 احکام و تکالیف الهیه ایله محکوم و مکلف در ملائکه بو خطابدن
 خارجدر داخلدر دین یککش خیال ایلدی زیرا که چه ملائکه دن
 صدور ذنب امور ممکنه دندر والا (لا یعصون الله ما امرهم) دیو
 مدح اولمازلردی و لکن کمال نورانیت و لطافت لرندن معصوم لر
 وحد تکلیفدن خارجدر انکی چون بحسب انشئه ثواب عملدن
 مستغیلدر و عبادت لری ذاتیه در تکلیفیه دکلدر و تکلیفیه اولدیغی
 صورته مأور لر در فقط زیرا نشئه لرنده نهی اقتضا ایدر شهوت
 و منازعه نفسانیه یوقدر مکر که ملائکه ارضیه اوله که اهل ارضه
 متابعتله منهی اولار (بعد ذابو حدیث شریفه حدیث قدسی دیر که
 ابوذر غفاری رضی الله عنه روایت ایلش و رسول الله دخی صلی الله
 علیه وسلم الله تعالی دن حکایه قیلشدر یعنی الله تعالی یا الهامله و یا
 منامله معنای حدیثی اکا القایتمش و اولدخی کندی عبارتله اخبار
 ایلشدر پس حدیث قدسی قرأندن درجه نایسه ده در زیر قرآن
 نظما و معنی منزل و حدیث قدسی معنی منزلدر فقط و سائر احادیث
 نبویه درجه ثالثه ده در و قرآن مجز و متواتر در سائر احادیثه اینه
 متواتر اولدیغی صورته اعجاز یوقدر والا قرآنله برابر اولمق لازم کلور
 اگر چه بلاغتده سائر بلغا کلامدن ابلغدر و احادیث الهیه شول
 اسرار وحی در که ایلله معراجده رسول الله بدون توسط الملائک القما
 اولمشدر و شول خبر که رسول الله انی جبرائیلدن و جبرائیل دخی
 میکائیلدن و میکائیل دخی اسرافیلدن و اسرافیل دخی باذات
 الله تعالی دن نقل و حکایه ایلر حقائق و لطائف متعلق اولان معانیدر
 بسمله فی فاتحه و وصل حدیثی کی و شول امر و نهیدر که کرسی به تدلی ایدن
 ایکی قدمدر یا لکن جبرئیل و ساطئله نار لدر زیرا امر و نهی انک مقامده
 واکا مفوضدر و احادیث قدسیه یوزدن مجاوزدر و بو حدیث طویل
 انلردندر که ابوذر حضرت لری انی نقل و تبایع ایتدیکی وقتده اعظاما
 واجلالا دیر لری اوزرینه چو کوب تحدیث ایدر لردی زیرا هم حضور

حقه و هم حضور رسوله دأردر فافهم جدا * انی حرمت الظلم
 علی نفسی * تحریم برنسنه بی حرام قیلقدردر که حرام شرعا قول و فعلی
 ممنوع و نص قاطعه معلوم اولان نسنه در ظلم برنسنه بی موضعنک
 غیری به وضع و حقدن باطله تعدیدر که جور دیر و غیرک ملککنده
 تصرف و حدی تجاوزدر و نفس منشاها تندر که تأویله حاجت
 یوقدر سائر منشاها ت کبی و عند الصوفیه بحر العلماء دیر لر بین الحق
 و الخلق بر برزخ واردر که بو بحر ده ممکن صفات الهیه ایله و واجب دخی
 صفات کونیه ایلله تصف اولور تعجب و ضحک و فرح و معیت و امثالی کبی
 پس سنک ایچون صعود و حق ایچون نزول واردر بو معنادن کر کدر که
 انک کمالی اکا و سنک صفات اصلیه کی سکا رد ایده سن و بو مقامدر
 بی خبر اولان الحاده دوش و حق حقه ده چوق خطاسوز سویلر
 و قرآنده کلور (و یحذر کم الله نفسه) یعنی عقوبتندن سزی تحریر ایدر
 و باذاتی طلبدن زیرا طلب بین الطالب و المطلوب نسبتدر و توحید
 اسقاط نسب و اضافتدر فاعلم ذلک وینه کلور (تعلم ما فی نفسی و لا اعلم
 ما فی نفسک) یعنی بنم ذاتمه اولان معلومات خفیه به محبط سن زیرا
 سندن مغاضدر اما بنم سنکله عالم بویه دکلدر زیرا بن محاطم محیط
 دکلر و حدیثده (لا احصى ثناء عليك انت كما اثنيت على نفسك) یعنی
 ممکن واجبه واجب کبی ثنایه قادر دکلدر بلکه شناسی کندی حسبیه در
 حق حسبیه دکل (و بعض علمائک لفظ نفسی مشکله به حل ایتدیکی
 تأویلدن صوابه اقریدر و بونده الله تعالی نک کندی ذاتی اوزرینه
 ظلمی تحریمدن مقصود ساحه عز و جلالی اندن زیاده تنزیه و تقدیسدر
 شویله که محرم نسنه نک و قوعی مشروع اولدیغی کبی حقه بالنسبه
 ظلم دخی معقول دکلدر بو جهتدن نقص ثواب و زیاده عقاب و تعذیب
 بری و امثالی اندن صادر اولماز اگر چه جهله عالم مسخر و مملوکیدر
 (و نفسی شیء نفیسدن اخذایدوب نفاست و شرفندن اوتوری نفس
 دنمشدر بو یوزدن حق اوزرینه اطلاقی درستدر دیمک و همدر
 زیرا ایهامدن خالی دکلدر و اعیان اوزرینه منبسط اولان وجود عامه

نفس رحمانی دیدگاری خفک نفسی اولدوغی جهتدن نفس دکلدر
بلکه نفس انسانی به تشبیهادر که نفس انسانی ایله حروف
و کلمات لفظیه صورت بولدیغی کی نفس رحمانی ایله دخی حروف
و کلمات وجودیه حصوله کلمش واسعایه تنفیس حاصل اولمشدر دیکلدر
* و جملهته بینکم محرما * بینکم قیدندن وجهه آیه دن مفهومی در که
بوراده ظلمه مراد عبادک بری برینه اولان تعدیسیدر که عدل وانصاف
ومکارم اخلاقک خلا فیدر اگر چه شرک ظلم عظیم وسائر معاصی
لازمه دخی بحسب المراتب ظلمدر (و بونده اشارت واردر که بر قومک
مقتداسی ابتدا بر خلقه متخلق و یابرامره عامل کر کدر تا که اول قومک
تخلق و عملنه طریق اوله زیر احق عدل اولدیغی جهتدن ابتدا کندی
ظلمدن تنزیه و تبرئه ایدوب بعده عباد دخی اولوجمله حکم ایتدی نتکیم
ان الله وملائکته) الخ آیتنده اولان کنیدنک وملائکته مقرر بینک تصلیه سندن
اخبار ایدوب ثانیاً مؤمنلره دخی امر ایدوب (صلوا علیه) پیوردی پس
بومعنی رب حکیمک طریق لطیفدن عباد کشیفی ارشاددر تادمیه لر که
یارب سن وملائکته مقرر بین تصلیه ایتیمک بزه نیچون انکله امر ایدرسن
وظلم خصوص دخی بویه در اشته حکیم اولان شربت ارشادی
بووجهله ایچیر (نظرایله که اگر رسول الله صلی الله علیه وسلم
غنا قبول ایدیدی فقرانک اکثری صبر ایده میوب مرتد اولورلردی
پس بومعنی اوائل اسلامده تألیف قلوب ایچون دفع اولنان مال کی
اولدی (و بوسر ایچون صحابه کرام رضی الله عنهم غزالده
رسول الله ایله ترس ایدرلردی یعنی ترس و قلعان کی انی اولکرینه
طوترلر و پیش قدم ایدینورلردی وانک قفسانده طوروب جنک
ایلرلردی و قرآنده کلور (لا تتخذوا عدوی وعدوکم اولیاء) یعنی بکا
وسزه دشمن اولنلری دوست اتخاذا ایتکوز پس بوراده عدوکم ایله
عدوی بی تعقیب ایلدی تا که مخاطب اولنلر دیمیه لر که یارب سکا
دشمن ایسه بزه دکل بناء علی هذانه سبیدن بزائلره موالاتی ترک ایدرز
مع هذا لازم ایدیکه عدو حق اولق سنک انلره عدو اولدوغکه کافی

اوله زیرا دوستک دشمنیه دوست اولق مقتضای ایمان دکلدر
چونکه حق تعالی خلقلده اولان ضعف حاله نظر ایتدی قوللرم
یا بکا اعداء ایسه سزه دخی اعدادر دیوانلرک عداوتی دخی کنیدی
عداوتیه ضم ایتدی تا که غیرت ایدوب اعدایی احباب اتخاذا ایتیملر
و بوندن فهم اولندیکه لسان عامه ده بنی صوفین یلان بیک یشاسون
دیدکاری اعتقاد باطل ومذهب فاسد وقول کاسددر که جهل عظیمدن
ناشیدر * فلا تظالموا * قبح ناء و تخفیف ظانله اصلنده لاتتظالموا
و بعض حفاظ تشدیدله دخی روایت ایلدی فاما شهر اولان اولکیدر
بوراده تفاعل مشارکت ایچوندر تضارب زید و عمرو کی یعنی
بعضیکر بعضیکره ظلم ایتکوز زیرا دنیاده تغییر نعم واختلاله باعث
و آخرته احاطه ظلمته سبیدر و بونک مقابلی عدلدر که بری برلرینه
انصافدر که دنیاده انتظام و آخرته منابر نور اوزره جلوسه وسیله در
و بومقامدندر که دیمشدر دنیا کفرله خراب اولماز بلکه ظلمه ویران
اولور زیرا کفر لازم وظلم متعسیدر که ضرری عامدر بومعنا دندر که
انوسروانه مجوسی ایکن عادل دنددی زیرا موتندنصکره برهفته تابوتی
دور اولوب هیچ کیمسه نک انک اوزرنده برجه حتی بولمندی (ولدت
فی زمن الملائک العادل) حدیثی دخی اکا ناظر در زیرا کر چه اهل حدیث
انی تجریح ایتشدر ولکن کشف صحیحدر وظلمه اعانت ظلمه وانلره
مماشات ومعاملات ورکون دخی داخلدر قال الله تعالی (احشروا
الذین ظلموا وازواجهم) ای قرناءهم وظالملرک اباسلرینی خیاطت
ایدنلره ظالم و اویله خیاطلره خیط وایره بیع ایدنلره اعوان ظلمه دیمشدر
بعد ذا فلا تظالموا ده اولان مشارکت اختلاف تعیناته راجعدر
وفی الحقیقه نظامک ظلمی کنیدی نفسنه در و کنیدی نفسنه ظلم ایتیمک
حقه اذیتدر ومؤذی حق فصله ملعوندر والعیاذ بالله تعالی * یا عبادی *
تکریرنداء زیاده تشریف ومضمون آیتک فحماضه تنبیه واستماعنه
تجریض ایچوندر و اضافت اوچ نوعدر اولکیمی صفاتک موصوفه
اضافیدر صفات حتی کنیدینه اضافت کی علم وقدرت وسمع وبصر

و کلام و وجه و ید حق کبیکه بومقوله صفات حق له قائمدر که ذات
حقندن منفصل دکادر و غیر مخلوقدر و اینکجهسی اعیان منفصله نک
اضافیدر بیت الله و ناقة الله و عبد الله و رسول الله و روح الله کبیکه
مخلوقک خالق اختصار و تشریف ایچون اولان اضافیدر که انکله
مضاف غیریدن مقیم اولور اوچنجیسی ربو بیت حق اولان اضافت
صامه در جمیع موجودات کبی زیرا خلق و تربیه اقتضای تئیدیکی جهتدن
مخلوق و ربوب حق دیرلر انکیچون رب العالمین دندلی * کلکم ضال
الا من هدیته * کل کلمه سی لفظا مفرد اولمغله ضالون دندلی بوراده
ضلال ایله مراد فی الحقیقه جهلدر نکا قال الله تعالی (اخر حکم من
بطون امهاتکم لا تعلمون شیئا) و جاء فی الحدیث (ان الله خلق الخلق
فی ظلمة ثم رش علیهم من نوره فن اصابه اهتدی و من اخطاه ضل)
یعنی الله تعالی خالق ظلمت جهلده خلق ایدوب صکره اوزرلرینه
نور علم رش ایلدی پس هر کیم اول نور علم اصابت ایتدیه معلوم
حقیقی اولان حق و شرایعنه مهتدی اولوب صراط مستقیم مقید
اوزرینه تمشی ایتدی و الاضال اولدی اگرچه صراط مطلق اوزرینه
یوریدی فافهم جدا بونده علمک مزید شرفنه اشارت وارد
انکیچون حیات اوزرینه تقدیم اولور زیرا علمه آیات و دلالات منصوبه
یوزندن صانع استدلال حاصل اولور و امور حسیه ركون و شهواته
میلدن نجات بوانور وحدیه ده کلور (کل مولود یولد علی الفطرة)
(سؤال اولور سه که بویکی حدیث میانده دفع تعارض نوجهله در
زیرا حدیث اول ضلال اصلی و ثانی هدایت ذاتیه رز ایدر) جواب
بودر که فطرتدن مراد قابلیت اوزرینه خلقتدر و هر کسده بوقابلیت
علم و کمال واردر و لیکن اسبابنه مباشرت یوزندن بالغه بل هدایت
یوقدر پس ضال اصلی کبی اولمش اولور الحاصل فطرت اوزرینه
مجبور اولدقدن صکره طباعده مرکز اولان شهوات و اهل نظر
و عمل اوزرینه ترک اولنسلر ضال اولورلردی بوسیددن مهتدی اولان
عنایت و استعداد و اختیار دن مهتدی و ضال اولان دخی بونک

خلافندن

خلافندن ضال اولدی و بوندن (ان الغلام الذی قتله الخضر طبع
کافرا) مضمونی دخی مفهوم اولدی زیرا اول غلام مقتولده ایمانه قابلیت
واریدی فاما بالغ اولسه اول قابلیتی اضاعت ایتسه کرک ایدی انکیچون
بومقوله نک امری حق و مفوضدر زیرا جتته دخولی مختلف فیه در
اگرچه قبل التکلیف وفات ایتددر فاما یوم قیامتده امتحان اولور دیو
اثر واردر بوراسی مواد مخوفه دندر هر غلام عقیقه سنه مرهون اولدیغی
کبی اکثر ناس ایسه عقیقه ایله مقید دکادر پس نابالغ وفات ایدن
اولاد نوجهله ابویه شفاعت ایدرلر فاحفظه و عمل به (و بعضیلر
دیدیلر که حدیثه مذکور اولان ضلال قبل البعثه اولان وضعدر
بوندن ایسه ضلالت اوزرینه مجبور اولمق لازم کلز انتهی بالمعنی
و بومعنای اوخشار شول حدیث شریف که انصاره خطابا کلور
(الم تکنونوا ضلالا فهداکم الله فی الم تکنونوا علی شفا حفرة من النار
فانقذکم الله فی) بوحدیته بالرسمیت ایچوندن پس فلانک سببیه
و حرمت و حقیچون دینک لایأسدر اگرچه بعض فقها یارب فلان
حقیچون دیمکدن منع ایتددر و لیکن منعی ممنوعدر زیرا حدیثده
کلور (اللهم بحق السائلین علیک) و بومقامک تفصیلی واردر مخلنده
میبندر (اللهم بحرمة الانبیاء و الاولیاء و بحق الاخیار و الاصفیاء
اجعلنا من اهل الفصاء و الوفاء لا من اهل الکدورة و الجفاء
* فاستهدونی اهکم * استهداء طلب هدایتدر یعنی پس بندن طلب
هدایت ایدیکز تا که سری بکا ایصال ایدر هدایتله هدایت ایده بم
بوندن مراد لسان استعدادک سؤالی اوزرینه موقوف اولان طلبدر که
منج هدایتدر زیرا بدحالی زل سری اوزرینه جاریدر بومقوله به سعید
و مهتدی دیرلر و هر کسده لسان استعداددن بوطلب حاصل اولدیغندن
لاطلب و لامطلوب مرتبه سنده قالدی و بومقوله به شقی و ضال دیرلر
قال الله تعالی (ولو شاء لهداکم اجمعین و قال ولو شاء الله لجمعهم
علی الهدی) ای لکنه لم یشاء لانهم لم یسألوا ذلك بلسان الاستعداد
ولا هدایة بغیر سؤال فان الله لا یحب علیه شیء ولذا علق الهدایة

بالاستهداء وانعم ما قالوا ان الله تعالى لا يمكن العبد من الدعاء الا لاجابه
(بعد از مراتب هدایت کثیره در که ابتداء مرتبه ایمانه هدایت در که
ایمان مبداء السعاده در بعد مرتبه احسانه واحسانك طبقا تنه هدایت در
و بومعنايه اشارت ایدوب قرآنده کلور (ومن يؤمن بالله يهد قلبه) و یتنه
کلور (والذين جاهدوا فينا لنهدينهم سبلنا) پس ایمان هدایت عامه
اوزرینه موقوف اولدیغی کبی هدایت خاصه دخی ایمان اوزرینه
موقوف در بوجهتدن دیرلر که سیرالی الله منتهیدرز برامقامات مخصوصه در
ولکن سیر فی الله منتهایت یوقدر زیر الله تعالى واسع علیم در بوسبیدن
هر آن غیر منقسمه عبادایله هزار معامله سی و تجلیات متنوعه سی واردر
اشته بومعنی دنیاده بی نهایت اولدیغی کبی آخرتده دخی بی نهایت در که
ترقیاته غایت یوقدر انکی چون اکامل اولیا پیور دیرلر که اهل جنت
اون بش بیک سنه هر ورنده نصیره مشرب ملائکه یه داخل ارورلر زیر
عناصرک حکمی بالکلیه زوال بولوب عالم اطافنده ملک کبی بشقه
نور انیت ظهور ایتسد کر کدر اگر چه نعيم جنت ایله تنعمی باقیدر ملائکه ده
ایسه تنعم یوقدر زیر اصل خلقتی تنعمی و ثواب عملی مستدعی دکلدر
بوجهتدن موتلری غشیان صورتده اولسه کر کدر زیر روحله جسدک
بری برندن تمیزی یوقدر انس و جن ایسه بویله دکلدر زیر انس
اهلنده عناصر درندر که خاک کشتی غالبدر و جن دخی ناردندر نازک
ایسه نوردن فرقی واردر زیر نار عناصر درندر و شدتله متصفدر که اکا
افراط دیرلر نور ایسه معتدلدر زیر نور ذات و نور صفاتدر صفات
الهییه ایسه معتدلدر بومعنادن اوتوری الله تعالى یه عاشق اطلاق
اولماز زیر عاشق افراط محبتدر مکر که بطریق المشاکله اطلاق اولنه
و یا محبت شدیدیه به محمول اوله * یا عبادی * عبدک جمعیدر عبد
انس اندر حر اولسون رقیق اولسون و حقیقت عبودیت و تسخیر
معناسنه سائرلر اوزرینه دخی اطلاق اولنور قال الله تعالى (ان کل من فی
السموات والارض الا انی الرحمن عبدا) و عبودیت تواضع در و تواضع
خلاف ریاستدر پس حقیقت عبودیتله قائم اولان کیمسنه ده سودای

ریاست اولماز زیرا برکشی هم رئیس وهم مرئوس اولق نیجه ممکن اولور
(و بوراده اوج مرتبه واردر که عبادت و عبودیت و عبودتدر که
الهییت والوهیت والوهت مقابلیدر که بری افعال و بری صفات و بری
ذاته ناظر در قال الله تعالى (یا ایها الناس اعبدوا ربکم) بو آیتده واردر
اولان امر اوج مرتبه یه دخی شاملدر بومعنادن هر کس مرتبه سنه
کوره عابد در و اکمل اودر که جمله مراتبی احراز و احاطه ایلیدر
و خطیاب تشریفه صالح اوله تکیم ابو بزید بسطامی قدس سره
اللطیف پیور مشدر که خلق یوم قیامتدن خوف ایدر ولیکن بن خوف
ایتم زیر حق تعالى بنی کنندینه اضافت ایدوب بر کره عبودی دیسه
بکا بسدر * کل کم جائع الا من اطعمته * جوع معده طعامدن خالی
اولمقدن حیوانه حاصل اولان معنادر اطعام طعام و بر مکدر یا بلا واسطه
و یدون الاسباب المعتاده در که عالم قدرندن اسم قدیرک تأثیری ایله
متکون در من وسلوی ای موسوی و مائده عیسویه و سائر فتوح سیاره
صحاری و امثالی کبی و یا بالواسطه و بالاسباب المعتاده در که عالم
حکمتدن اسم حکیمک توجهی ایله متحصلدر صنائع و حرف یوزندن
حاصل اولان ارزاق و یا غیری وجهله وجود بولان معاش کبی
و دیمشدر در که الله تعالى جمله صنائعی حضرت آدم علیه السلام
تعلم ایدوب اگر اولادک رزق استرلسه بواسباب یوزندن طلب ایتسونلر
دیو پیور مشدر بوسبیدن اکثر ارزاق بنی آدم کسبه منوط اولمشدر
هر کس از لده بحسب الاستعدادنه مقوله صنعتیه قابل ایسد عین
خارجی ده دخی انی اختیار ایتشددر (وشول اکامل ناس که عالم قدرتده
ید طولای واردر انلره بدل کسب توکل تام اعطا اولمشدر پس انلرک
حرفتلری فقر در تکیم حدیثده کلور (لکل احد حرفه ولی حرفان
الفقر والجهاد فن احبهما فقد احبني ومن ابغضهما فقد ابغضني)
و بورا ده بعض علما سؤال ایدر که الامن اطعمته والا من کسرتیه ده
استثناک معناسی ندر که ناسدن هیچ بر کیمسه طعام و کسوه دن محروم
دکلدر وجواب و بر کره طعام و کسوه دن بسطی در که هر کسک طعام

ولباسی بسوط و موسع دکلدر بلکه بعضی بینه منسرا باشد که
والله یقبض ویستطع موجه معاملة الهیه در انتهی بالبسط (ولکن
حقیقتی بود که جمله کوزک جوئی بنم اطعمه من دفع وجه کوزک
عراسی بنم الباسمه زائل در دیکدر پس اسائننا بومعنا به راجع در
تکیم مقتضای سوق کلام بود و بونده غذاء روحانی دخی داخلدر که
علوم حقیقه و معارف الهیه و فیوض ربانیه در (سؤال اولنور سه که
نقریزد کور اوزره جمله خلق غذاء روحانی ایله مرزوق و متغذی
اولق لازم کلور) جواب بود که هر ماده ده خصوصی عموم تطبیق
اقتضای تمیز بلکه جمله سی رزق صوری ایله مرزوق و بعضی رزق
معنوی ایله دخی مرزوق اولق کافیدر و بردخی بود که (ولئن سألتهم
من خلق السموات والارض ليقولن الله) موجهی بدی معرفت آدم اولان
و بردخی خصوص معرفت هر کسده بالقوه ایداع اولمشدر و لکن فعله
خارج اولسی استعداد نالمر در تکیم کلام آتی ده اکا اشارت وارد
فافهم طعمک الله * فاستطعمونی اطعمکم * استطعم طعم طعم
وقوله علیه الصلاة والسلام (اذا استطعمکم الامام فاطعموه) ای اذا
استفهمکم الامام عند الارتاح فافتحوا علیه و لقنوه) بعد الاستطعمه
احر ایدی زیر سؤال رزق فقر ذاتیک حکمیدر پس حقیدن سؤالی
ترکده و وساطت اسبابه طلب رزق ایتیم کرده ابطال حکمت وارد
تکیم استطعمای ذاته اضافیدن دور ابواب ایدن فقرایی تأدیب فهم
اولنور زیر باب الله طور رکن سؤال عن الغیر جهالت در تکیم قرأته
کلور (یا ایها الناس انتم الفقراء الى الله) ای لالی الغیر مکر که سر سؤاله
واقف اوله اهل مشاهده کی تکیم بالاده تفصیلی مرور ایدی
(وبو احتیاجک فی الحقیقه اصلی شیئ کنیدی نفسنه احتیاجیدر
ولکن ظاهر حالده بعض تعیناتک بعضنه احتیاجیدر که سؤال و سائل
و مسؤل عنهی تصحیح ایدن بونستدر پس بومعنی عالم فما وجهه
اولان حالی منافی دکلدر زیرا بوعالمده نسبت اضافت ساقطه در
و کبار اولیادن واسطینک قدس سره الفقیر لا یحتاج الى الله دیدو کی

فی الحقیقه بومقامده اولان نسبتی رفعدر والا جمیع اشیا کنیدی ذاتنده
حقه مقتدر در وار باب حقائق دیشدر که الله تعالی اسباب عادیه بی
وسائط خلق ایتشدر تا که موجد و مشرک امتحان و تمیز ایده پس
فعلی وسائطه نسبت ایدن مؤمن وسائط و کافر بالله در زیر شرع
و عقل دلالت ایدر که لا فاعل الا الله اگر چه افعالی خلقا یعنی بحکم
الایجاد والا بداع حقه و کسبا یعنی بحکم التوجه و الکسب خلقه
اضافت ایدر و لکن اگر قلبی وسائطه رگون ایلوب عند الاسباب
مطمئن و عند الفقدان مضطرب اولور سه شرک خفی اهلی اولمش
اولور اگر وجدان و فقدانده الله تعالی دن غیر یه سکون ایتزسه مؤمن
بالله در مطلقا و فعلی ظاهرده سببه نسبت ایدی ادب شرعه
تأدبندر والا مؤثر الله تعالی اولدیغنی بلور و فی الحقیقه واسطه
وسبب نظرندن ساقطه در زیر واسطه مظهر در مراد ایشه ظاهره
نظر در کرک مظهرده و کرک مطلق بوندن ظاهر اولدیکه فی المثل الله
دین محروم اولماز ماسوائله مقید اولان ایشه مرزوق اولسه ده برکت
بولماز (ولا حول ولا قوة الا بالله ولا یكون الا ما اراد الله * یا عبادي
کلکم عار الا من کسوته * عاری نك جمعی عراة و عریانک جمعی عریانون
کلور) و عری ضمه ضحی و زنی اوزره خلاف الباس در (کسوته نفس
متکلم وحده در البسته معناسنه یقال کساه یکسوه البسه کسوة بالفتح
ای الباسا بالفارسیه جامه بیوشانیدن واکنسی لبس دیکدر که لازمدر
یعنی جمله کز لباسدن عاریدر الا بنم جامه کیدر دیکم ملبوسدر یعنی
جمیع مکره لباسی بن الباس ایندم شویله که آنر بنم الباسم اولمبایدی
عریان قالور دیکز (معلوم اولاکه ابتهدا خلعت آدمیه وجود بعده
وجود اوزر بنه عارض اولان طر نقدن لباسدر که جسته ایکن الباس
اولمشدر بعده دنیا ده صنایع بوزندن تسجله و غیره وجهله تعلیم
و نمان لباسدر در کرک لباس زینت اولسون و کرک اولسون و طعمامده
غذاء معنوی به اشارت اولدیغنی کی لباسده دخی لباس تقوایه رمز وارد
ولباس اسم لباس تقواده داخلدر زیر تقوای حقیقی اولدیفه

قلب انسان لباس اسما و اخلاقه تلبس و تخلق ایتمز و لباس فی الحقیقه
ایکیدر بری لباس شریعتدر که دثارد و بری قیص صدیقیتدر که
شعاردر و قیص صدیقیت قیص مریددر یعنی نفس مطمئنه نیک لباسیدر که
صدیقیتک فوقنده مقام قرب و انک فوقنده مقام نبوتدر و بونک فوقنده
رسالتدر نظرایله که انسانک شعار و دثاری اولسه بدنی حر و پردن
محفوظ اولساز لباس شریعت و حقیقت دخی بویله در که بویکی
وجهله دینی الحاد و جهالتدن مصون اولور و عریان کپسه بی
دیوانه در دیوتجار خانه ده حبس در زنجیر ایتد کلری کبی لباس
شریعتدن عریانی دخی سجن الله اولان جهنمه مغلول و معذب و لباس
حقیقتدن مجردی محبس بعد و قطیعتده مقید و مذبذب ایدر لایمیدی
(خدا و ازینکیم) و فقیحه مظالمقارینت وجود لازمدر فاعرف * فاستکسونی
اکسکم * استکسا طلب کسوه در اکس فتح همزه و ضم سینله اصلنده
اکسودر که فعل مضارع نفس متکلم و حده در جزم ایچون و اوساقطدر
(یعنی بدن کسوه طلب ایدیکوز تا که سره کسوه اعطا ایدیم الحاصل
هدایت که امر معنویدر بدن طلب ایتدیکوز کز کبی امر حسی اولان
غدا و لباسی دخی بدن طلب ایدیکوز که اولکسی اسم باطنه و ما بعدی
اسم ظاهره دثردر) و کذلک اولکبسی اسم هادینک اثارندن و ایکنجی
اسم قیومک ثمراتندن و اوچنجی اسم ستارک نتایجنددر (و کسوه ده
کسوه ارباب طرق حقه دخی من طریق الاشارة د اخلدر کویادیمک
اولور که اگر استعداد کز و ارایسه طریق حقه دخوله بدن کسوه
در ویشانی طلب ایدو کز تاج و خرقه و سایر نشان تصوف کبی زرا و لباسلر
فی الحقیقه هر کسه سراد کلددر بلکه حصائص خاصه دند که توفیق
خاص الهینک اماراتنددر زرا لباس عوام کبی لباس سرسری دکلدر
بلکه هر بری اسرار و اسماء الهیه دن بر سر سرری به علامتدر اگر چه
ارباب انکار عندهنده طعن و ندر و لکن ایلر طاعون نکاردن هلاک
اوللر یله اهل نجاتک حالربنی بهوده ظن ایدر لای کلا بل ران علی قلوبهم
ما کانوا یکسون) تأمل ایله که حضرت صدیق رضی الله عنه جمیع

مالی حضور رسوله کتوروب کنددی برکهنه ردایه بوزند کده جمیع
ملائکه اکاتشبهها اول صورتیه کردیلر و انک هیئت اوزرینه تجرد خرقه سنده
کورندیلر اشته در ویشلر خرقه سنه ملائکه کرام تشبیه ایدر لای فلما
اهل دنیا و اهل انکار لباس و صورتیه دخول ایتد کلری یوقدر پس
برسنهیه که ملائکه رغبت ایده عندالله لباس مقبول و امر مرضی در که
او معنی فی الحقیقه صاحبیه داد الهییدر انکیچون خرقه طریقت
در ویشلرک مایه الافتخاریدر ملوک خلعت زینت سبب فخر لری
اولدینگی کبی و بومعنایه دلالت ایدر شول اثر که کلور (هم ملوک تحت الاطمار
یعنی کرچه در ویشلر یلاس الشده در و لکن ملوک معنویه در که اول
یلاس انلرک سلطنتلرن منافی دکلدر زرا الله تعالی ظواهره نظر ایتمز
بلکه بواطنه نظر ایدر بس هر قنده که نیت و اخلاص اوله کمال
انسانی اندهدر * یا عبادی انکم تخطئون * ضم تا الله اخطا دندر
نتکیم مقتضای رسم خط بودر زرا اگر فتحله اولیدی نتکیم بعض
روایاتده کلمه در رسم خط بخطاؤن کرک ایدیکه خطا دندر و الف
فتحه طایبی بیان ایچونددر خطاه کبی انکیچون ایکبسی دخی قصر اولنور
(سؤال اولنور سه که خاطی عمدا فاعل خطا و مخطی بلا عمد فاعلدر
خطا ایسه نصله مر فوعدر زرا بغیر قصددر) جواب بودر که (ربنا
لا تؤاخذنا ان نسینا و اخطانا) آیتنده اخطاء صورتنده دخی عقلا
جواز مؤاخذیه اشارت واردر زرا انساندن بعض تفریط و عدم
مبالات صادر اولور که مؤاخذیه به مؤیددر مثلاً بر کپسه نوینده اولان
نجاستک تطهیرنی تأخیر و نسیان ایدوب اول حالله نماز فلسه ازله سنه
مبادرتی ترکه تقصیر ایتمش اولور انکیچون حال صومده مضمتد وضوده
احتیاط و نسیان صومه مؤیدی اولور امور دن پر هیز لازمدر
(و دیملر در که تخطی اودر که عند خدق تجاوز ایدوب محملک غیری به
خطوه و وضع قدم ایله ارض مغصوبه به مشی کبی بس عید سیددنک
امر ایتدو کی محملک غیری به تخطی و تجاوز ایلمسه مخطی و اول غفلته خطیه
دیر لای و قرآن و حدیثه خاطی و مخطی مغلنه کوره مستعملدر مثلاً

رفع عن امتی الخطاء والنسیان) ارادنده اصابت و فعلده خطایه کوره در
 (اللهم اغفر لی خطائی و عمدی) و كذلك من اجتهد فخطأ فله اجر
 بوقبیلنددر پس خطا او در که بر کیمسه صیده رمی ایدوب انسانه اصابت
 ایده که ارادنده اصابت و فعلده خطا ایتش اولور و اگر انسانه رمی ایدوب
 صیده اصابت ایلسه ارادنده خطا و فعلده اصابت ایتش اولور
 و لکن قصدنده مذموم و فعلنده غیر محمود در زیر فعلی بغیر قصددر
 (قال الله تعالى ومن یکسب خطیئة او اثما) بوراده خطیئة فعلنه قصد
 اولیان نسنه در (و یغفر لکم خطایا کم) قصدله اولان کاهلر در لایاً کله
 الا الخطائون کبی (و یمشردر که مخفی کلام و امر و شانه زله
 و هفویه کوره و خاطی دیننده ضلالتنه کوره در که بونک اشتقاقی خطی
 بخطادن در علم یعلم کبی) الحاصل خطیئة اصلنده خطایه مقارن
 اولندر و لکن عمدده دخی مستعملدر و اخطاء بغیر عمدده شایعدر
 و لکن مطلق کاهده دخی جاری در پس حدیث مذکورده تخطئون
 مذنبون معانسه محمول اولق واضحدر و ذنبیدن خطا لله تعبیرده نکته
 بودر که مؤمن اولان کیمسه کاهی خطا لله ایشلر یوخسه قصدله ایتز
 زیرا قصدله کاه ایتک مقابله قهار و جبار در (بوسیدن بعض اکار
 اولیا یور مشلر در که قصدله ترک اولنان نماز ایچون قضا یوقدر
 بلکه قضا خطا و نسیان و بعض ضروراته ترک اولان صلواته
 کوره در زیر عمدده انکار معناسی واردر که تسدید عقوبته بائیدر
 گو یا عمدده ترکی دائرة تدارکدن خارج کبی اولدی فاعرف
 فانه من مزالقی الاقدام * باللیل والنهار * باظرفیت ایچوندر
 فی معناسنه کتب معتبره و لیلک اشتقاقنه تعرض اولنمیشدر نهاره
 تعرض اولنددینگی کبی زیر انهر حرکت ایله ستمدر و نهر سکون هائله
 بحری الماء الفایضدر پس نهارضوء منتشر اولدینگی وقتدر که طلوع
 فجر صاقدن و یا شمسدن غروب شمسه دکر و لیل غروب شمسدن
 طلوع فجر صادقده و یا طلوع شمسه دکر (و شول ضوء که طلوع فجرله
 طلوع شمس میاننده در انک حقیقه اختلاف اولنمیشدر اصح بودر که

شمسک مطلعده قربندن ناشی تحت الارضدن عکس شعاعیدر بعد المغرب
 شفق انک عکس شعاعی اولدینگی کبی انکیچون مستحب اولان
 جرتدن مسکوره اولان بیاضک غیبوبنده ک عشیایی تأخیر ایتکدر (بوراده
 لیل و نهاردن مراد یکریمی درت ساعتدر که طلوع و غروب شمس
 حسبیه نور و ظلمته تقسیم اولنمیشدر و انسان بوساعاتده خوابدن غیر
 وقتده یا اعتقادا و یا عزیمته و یا غلامه مصبتدن خالی دکلدر انکیچون
 اخطاء مجموع لیل و نهاره تقبید اولندی مکر که ترکیه نفسله هیا کل
 علویه به متصل اوله و قرأ نده کلور (ومن آیاته منامکم باللیل والنهار
 یعنی منام غفلت و سوء حاله اشارتدر که عوام ناسه کوره لیل و نهاره
 تقبید اولنمیشدر تنکیم حدیثده کلور (الناس نيام فاذا ماتوا انتبهوا)
 یعنی انسانک اکثری منام حالنده کبی غفلتده در کر کسه صورتده متیقظ
 اولسون (ولیل اگر حدیثده و اگر آیتده نهاره اوزرینه تقدیم اولندی
 زیرا ظلمت اصل و نور فرعدر شول جهتدکه نهاریک حدیثی شمسک
 طلوعبله در وجود شمس ایشه حادثدر پس نور شمس ظلمتبله غلبه
 ایله نهاردینلدی و لیل نور شمسله مستور قالوب ظاهری نهاره و باطنی
 لیل اولدی (بورادندر که صوفیه قدس الله اسرارهم لیل ذات و نهاره
 صفات دیرلر زیرا مقتضای ذات خفا و مقتضای صفات ظهوردر
 (و بوامت مرحومه مظهر اسم ستار و غفار اولوب کیجه لری کبی
 کوندلر بیک دخی ذنوب و هیئات ظلمانیله لری مستور اولدی بنی اسرائیلک
 ایسه جرایم شبلری طاق بابلری اوزرینه منقوش اولوب روزک بر روزده
 آئینده و روندنک اطلاعی حسبیه مفتضح اولورلدی و لیل و نهاره تجلی
 و استتاره اشارتدر تنکیم دیمشلر در که (مشاهده الابرار بین التجلی
 والاستتار) عقرینک مشاهده سنده ایسه استار یوقدر (صنف من اهل
 الجنة لا یستتر الرب عنهم ولا یخفی) اکا اشارتدر رسول اللهک
 صلی الله علیه وسلم ظلمت ایلده نهاره کی رؤیای کارمزدر
 فاعلم ذلک * وانا غفر الذنوب جیعا * لفظ جیعا ذنوبدن لفظا حال
 و معنی تأکیددر و جیهک افرادی فعلیل بمعنی المفعول اولدینغندر

وذنوب ذنبك جميعا در معنای تأخری مشتمل اولغله ذنب دیندی یعنی ذنب حرکت ایله حیوان قویرو غیر در (ودایه نك رأسدن ذبی نیجه ایسه ذنب واثم دخی متأخر در که امر عارض در انکیچون) سبقت رحمتی (علی غضبی) وارد اولدی زیرا تعلق غضب عارض اولیجی متعلق اولان ذنب دخی بویله در پس ذنب اسم آخرک احکامند در (و بوراده ذنوب صغائر و کبائر شاملدر قال تعالی (ان الله یغفر الذنوب جميعا) اگر چه عمومند در شرك مثلثادر زیرا قرآنده کلور (ان الله لا یغفر ان یشرك به) و عاصی دخی مشبته مقید در قال تعالی (و یغفر ما دون ذلك لمن یشاء) زیرا مطلق مقیده محمولدر (بعدذا بوراده وانا غفر الح استیفا فیله در حالیه دکل زیرا جمله آیه انک اوزرینه مبئی اولغله انساب اولان ابتداء اخباره حل ایتمکدر پس انا تقویت حکم ایچوندر (الصوم لی وانا اجزی) کی ویا تخصیص ایچوندر زیرا مغفرت شرعیه الله تعالی به مخصوصدر نتکیم (فانه لا یغفر الذنوب الا انت) و كذلك (ومن یغفر الذنوب الا الله) اکادالر * فاستغفرونی اغفر لکم * تقدیری فاستغفرونی لذنوبکم اغفر لکم ذنوبکم دیمکدر ولیکن مقدم ذنوب مذکور اولغله بوراده ذکره حاجت قالدی یعنی بدن مغفرت ذنوب طلب ایدیکز خصوصاً اسحارده سماء دنیایه ترولم وقتنده وایام وایالی مبارکده واما کن متبرکده تا که مغفرت و عفو ذنوب ایدیم و مغفرت و عفو فرقی بالاده در و مغفرت استغفار منوط قلند دخی توبه به تحریر و شان استغفار اهمقامد در والا بلا توبه دخی مغفور اولمق مشبته مفوضدر (و بوندن مفهومدر که انساندن صدور ذنب مقدر و مقرر در زیرا مقتضای نشئه سی جمیعدر و اسماء الهیه ده غفور و غفار وجود ذبی مستلزمدر بوجهندن حدیثده کلدیکه (اولم تذنبوا و تستغفروا لذهب الله بکم و جاء بقوم غیرکم فینذنبون فیتستغفرون فیغفر لهم) ولیکن استغفارک برهانی بودر که افساد ایتدیکه اموری اصلاح ایلیه که اکانات دیرلر زیرا حقه رجوع ایتک یا لکن قول اسانله اولماز بلکه اعتقاد و عمل و تدارک مافات ایله اولور بومعنادندر که

رابعه عدد ویه رجها الله تعالی دیمکدر که) استغفارنا هذا یحتاج لی استغفار (یعنی استغفارک شروطی اولیجی اودخی بریشقه معصیت اولوب استغفار آخره محتاج اولور (بعد ذان ذنب اطلاق ذنبک انکله قیامی حالیه کوره در زیرا (الثائب من الذنب کن لا ذنب له) و فقیحه مذنب تائب ایله غیر مذنب حکمه برابر در اگر چه مشبیه به وجه شبهه مشبهه ن اقوادر بوجهندن بعض علما دیدیلر که من لا ذنب له اولان مذنب تائبین مرتبه ده اعلا در ثوب طاهر و منتهر کی بوسیدن وضو ده ذراعنی ید اخرانک بللی ایله مسح و بعده ماء جدید ایله غسلدن منع اولندی زیرا تجسس ثم التطهیرک معنای یوقدر یعنی ماء مستعملک عدم طهارتنه کوره نتکیم بعض مجتهدین ذاهب اولمشدر فاما بومعنی اولم تذنبوا الح حدیثه کوره معکوس کی کور بنور تأمل ایله که کر چه رسول الله صلی الله علیه وسلم حضرت یحیای علیه السلام ذنب ایتدی و بلکه هم ذنب بله ایتدی دیو مدح و اخبار ایلدی مع هذا کندی یحیادن افضل ایکن قرآنده حقه کاور (عفا الله عنک) و یند کلور (لیغفر لک الله ما تقدم من ذنبک وما تأخر پس صدور ذنب معصومدن مفضول و متأخر اولمق اقتضا ایتدی نتکیم ملائکه (لا یعصون الله ما امرهم) نشانیله معلم و انسان (کلاما یقض ما امره) کلامیله معاتب ایکن ینه فضلده انلردن برتر در والحمد لله تعالی (سؤال اولنور سه که طلب مغفرت ذنب اوزرینه مترتب اولیجی مغفرت ذنب لازم اولدی ولیکن (وسارعو الی مغفرة من ربکم) موجبجه اسباب مغفرت و طلب عفو مسارعت لازم کلدی ذنبه مسارعت لازم کلدی مع هذا بلا ذنب مغفرت اولماز (جواب بودر که کر چه مغفرت و ذنب امور اضافیه دندر فاما (ان الله لا یأمر بالفسحشاء) و فقیحه ذنبه امر اولماز بلکه ذنبدن نهی اولور (الحاصل ذنبک وقوعی لازمدر ولیکن فعل اولدیغی جهندن یوخسه حکم اولدیغی جهندن دکل فافهم فانه من مزالاق الاقدام وایاک والاقدام علی الاجرام والله الحفیظ * باعبادی انکم لن تبلغوا ضری * ضرر فحله نفع مقابله در قال تعالی

یدعوا لمن ضره اقرب من نفعه) وضمه سراء و نفعه مقابله بیدر قال تعالی
(فكسفاما به من ضر) یعنی ضر ضمه سوء حال در قلمت علم و فضل و عفت
و نقص نفس و مال و بلا و آفت کی و انکله مبتلا اولانه مضر و دیرل
و بوندندر که ذاهب البصره ضریر دیندی و ضر و رتک دخی اصلی
ضرر در ضیق معنسانه (بوراده ضرری نک نصی نزع خافض اوزرینه در
تقدیری ان تبلیغوا الی ضرری دیکدر که بلوغ پر نسته نک اقصا سانه
منتهی او اور و او غلان بالغ اولدی دیمک حد صبا و نک غایتنه ایردی
دیکدر قال تعالی ایمان بالغه ای منتهیه فی التا کید بویه مواضعده
مطلق وصول و اکا قدرت معنسانه در * فتضر و فی * نصبله نقیه
جواب در اصلی فتضر و فی در یعنی یا عبادی تحقیق سر بکا ضرره ایرمز
و اکا قادر اولماز سکر که بکا بالفعل ضرر ویره سر ز را ضرر بنم و سکر
ضرر یکر بنم ضرر مدن مستفاد و امر جزئی در پس جزئی کلی به
فوجهله مقابل کله قال تعالی (یدالله فوق ایدیهم) ای یدالله الکلیه
فوق الایادی الجزیئه (محکیمدر که قوت القلوب صاحبی شیخ ابوطالب
مکی قدس سره بغداده و ارب مجلس و عظه جلوس ایدر که لا اضر
علی الخلق من الله شیء یعنی خلقه الله تعالی دن زیاده ضرر لی نسته
یوقدر دید کده حاضر ار لیلر بو کلامی فهم ایتوب مجلسدن متفرق
اولدیلر فاما حقیقت ضرر صفات الهیه دندر تکیم اسماء حسنه
در ج اولدیغی اکا نشا ندر و حدیثه کلور که (لا ضرر و لا ضرار) یعنی
کیمسه کیمسده ضرر و یروب حقندن بونسته نقص ایتسون و کسندنه
ضرر و یره نه دخی ادخال ضرر ایله محازات ایتسون بلکه عفو ایتسون
زیرا ضرر واحد دن و ضرر ایتسندن اولور یعنی نه ابتداء و نه خود جزاء
ضرر و یره مسون دیو ضرر و مضاره دن نهیدر فاعرف * و ان تبلیغوا نفعی
فتنفعونی * اولک دخی اصلی و ان تبلیغوا الی نفعی فتتفعون فی در و نفع
خیره وصولده انکله استعانت اویمان نسته در و شول نسته که انکله خیره
توصل اولور خیر در پس نفع خیر در (و نفع متعدی در انتفاع لازم
اولدیغی کی و انتفاع لغته و استعمالده یوقدر اگر چه بعض مؤلفین

کلامنده (انتفاع الفقراء) واقع اولمشدر یعنی سر بکا ایصال نفعه قادر
دکلسکوز که بالفعل نافع اولاسکر بلکه سکر نفعکر بنم نفعمدن مأخوذ در
پس منفعتکر کچدن کچه در پس نفع و ضرر یکر بنم کندی نفسکره در
الحاصل و مننه لازمدر که نفع و ضرر و خیر و شر مشیت و قدرت و قضائیه
اولدو غن بیلوب کاری صاحبنه تقویض و امر نه استسلام و ترک معارضه
لازمدر و الا (و انالحن الفالبون) مصداق کچه حق تعالی کیمسه نک
مغلوبی اولماز و معارضه صد دنده اولانک معارضه سندن متضرر
دخی د کدر نمرود و فرعونک سوی سمایه تیراند از اولد قلمری کی پس
رعیت سلطان اعظم ایله مقابله مت ایده مد کلمری کی اهل عالم دخی
سلطان السلاطینه مقابله به قادر د کدر در زیر سلطان منعه و عسکر
صاحبی اولدیغی کی حق تعالی دخی اسماء متقابلیه صاحبیدر که از جمله
قهار و جبار و ضار و مقتدر و منتقم و امثالیدر * یا عبادی اوان اولکم
و آخرکم * اولدن مراد امم اولی در آدمه علیه السلام و انجیه که اموات
زمره سنده در و آخردن مراد امت اخیره در که کیمی حیاته و کیمی دخی
قیامته دک کلیمکدر که بونلر احیا کر و هنده و انلر حکمنده در تکیم
اولین و آخرین دنلشدر که مراد امم اولی و اخیره در یعنی امم انبیا
و امت احمدیه در و جائزدر که اول آدم دن مقدم کلن انواع
سته به دخی شامل اوله جن و بن و طم و دم و حس و بس کیمکه
بونلر هر بری دهور طویله دنیاده معمر اولمشدر که یا لکر جنک
آدمه کلنجه عمری الشمس بیک سنده در (و بعض بکار اولیاء کعبه بی
طواف ایدر کن مطافده بعض مجهول کیمسه لر کور دکه
انلردن بری سن بنی بلور مپسن بن سنک اول کلن اجداد کدتم دید کده
اول ولی دخی یاسن دنیادن انتقال ایده لی تقدیر مدت اولدی دیو سؤال
ایدیمک جوابنده قرق بیک سندن زیاده در دیدی اولدخی یاد و آدمک
یوقدر مدته تحملی یوقدر زرا دور سنبله یدی بیک سنه در دید کده
اول کیمسه ده قنخی آدم دن سؤال ایدرسن افر بدغنی و یا بعدد غنی
دیو جنک انک دخی خاطرنه (ان الله خلق قبل آدم مائه الف آدم)

حدیثی کلدی و نسبت ام اولایه اولمایوب قبل آدم اولان امه اولدیغی
ظاهر اولدی اگرچه تاریخ مجهول و حدوث عالم مقرر در (و بومقوله
احادیثه کرچه اهل حدیث علیل البصر اولدقلرندن نظر صحت له
باقزلولکن کشف صحیح در) و نحن مع اهل الکشف فی کل حال فانهم
اصح الرجال فی الحال و المال ولهم الحجة علی غیرهم من اهل القیل
والقال * و انکم و جنکم * انس کسر له بشر در که انس و اینا سزلندن
اوتوری انس تسمیه اولندی و جن قوم جان در که اجستان و استار لردن
اوتوری جن دندلی و ملائکه یه دخی جن اطلاق اولمق بالاده در
بوراده انسی جن اوزرینه تقدیم ایتدی شرفندن اوتوری اگرچه
وجود ده جن مقدمدر نتکیم سبق ایتدی و جن ده زیاده کثرت اولمغه
تصریح ایتدی زیرا مقتضای مقام خلائی کثیره نک بری بریله
تظاهر و اتفافی بیاند و بردخی انس و جنه ثقلین دیر که شرع محمدی
بوابکی یه نازد ریس جن و ملائکه اصل واحد دن دکلدر نتکیم
بعضیلر زعم ایتدیلا و الاملائکه دخی مکلف اولمق لازم کلور انلرک
حالی ایسه بالاده ذکر اولندی بلکه ملائکه نک اصلی نور صفات و جنک
اصلی نار عناصردر و ملائکه ده عصیان اولماز بلکه کفر و ایمان و طاعت
و معصیت ثقلینه مخصوصدر پس شیاطین و جن بر نوعدر که متمر دلرینه
شیاطین و مؤمنلرینه جن اطلاق اولنور و کذلک انسان یوز یکر می بش
حصه در که اکثری اهل کفر و معصیت و اقلی اهل ایمان و طاعتدر
انکیچون یوم قیامتده بعث جنت بیگده برو بعث نار مابقی در که طغوز یوز
طقسان طغوز در و بلاد هند اوسع البلاد اولمغه یوز یکر می بش
صنفک یوزی هندستانده و یکر می بشی سائر بلادده متفرق و منتشردر
* کانوا علی اتقی قلب رجل واحد منکم * تقدیری کانوا علی تقوی
اتقی قلب رجل واحد منکم او کانوا علی اتقی احوال قلب رجل واحد
منکم دیمکدر و الاجل صحیح اولماز یعنی زیاده متقی اولان بر کیمسه نک
قلب حالی اوزرینه اولوب غایت تقوا لله متقی و جمله کز بو خصوصده
متفق و هر وجهله مطیع و منقاد اولسکوز بوندن مراد اهل جمالدر که

قرار کا هلری جتدر و بومعنا بی بطریق الفرض ایراد ایلدی
نتکیم کلمه او اکادالدر زیرا قبضه جمال و جلال فی الحقیقه دارینک
واهلنک وجودن اقتضا ایتشددر که خلائی اولمق حکمتدن خارجدر
* ماراد ذلک فی ملکی شیئا * ملک ضم جماله بادشاهلقد سلطنت
کیکه ذی روح و غیری اکا مملوک و مسخر و ناطق و صامت و فقید
و مطیعدر یعنی ذکر اولنان کینونت بنم ملک و سلطنتده هیچ برانسه بی
زیاده ایمن نتکیم مملوک دنیا یه کوره زیاده حاصلدر زیرا اتفاق دین
و اتحاد کله موجب نظام و باعث امتلاء خزائن در بوجهندن نیچملر
ادعاء ربوبیتله مبتلا اولدیلا اگر خلائی اولایدی دعوی قبوسی اولماز دی
و حدیثده کلور (خلقت الخلق لیربحوا علی لا ربح علیهم) یعنی
حق تعالی غنی بالذات در و شولکه مرتبه استکمالدر اسمایه راجعدر
و اسمانک اضافاتندن اطلاق ذاته ضرر کلز الحاصل دیمکدر که
یا عبادی سز بنم ملکده داخل و مملوکم سکز و سزک حسن حالکز بنم
تقدیرم و توفیقیم ایله در پس اولدن ملکم نه ایسه اودر و خلقتک بکا انده
امتنانی یوقدر کما قال الله تعالی (قل لا تمناو علی اسلامکم بل الله یمن
علیکم ان هداکم للایمان ان کنتم صادقین) بلکه زیاده لک عبده
اولور زیرا و اسع علیکم بنده سیدر که نوبنوانده استمداد و استفاده ده در
(افاض الله علینا و علیکم سجال لطفه و کرمه * یا عبادی اوان اولکم
و آخرکم * یعنی عقل اولدن غایت مخلوقده منتهی اولنجه که یکر می
سکز منزل و بی حساب مخاوقی مشتملدر زیر املائکه دخی انده داخلدر
ملائکه ایسه لاتعد و لا تحصی در حق مرویدر که بنی آدم عشر جندر
و بوا یکسی عشر حیوانات البردر و جمله سی عشر الطیور در و کلی
عشر خنوانات البحاردر و بونلرک جمعی عشر ملائکه السماء الدنیا در
و هکذا اسماء سابعه یه وارنجه و بونلرک مجموعی ملائکه کرسی مقابله سنده
شیء قلبلدر و بوجهله سرادقات عرش که آتی کره یوز ییکدر بر سرادقه
موکل اولان ملائکه نک عشریدر و بوجهله حول عرشده دوران
ایدن ملائکه یه کوره در پادن بر قطره کیدر و بونلرک کلی اشباع اسرافیل

گوره که ملائکه او حذر عشر کبیر و جنود جبر یلک اجناسه نهایت
 یوقدر و ارواح عالییه دیدکلی مجرداتک حسابی علم حقه مفوضدر
 * وانسکم و جنکم * یعنی محسوس اولان اجساد و مستور اولان
 ارواحک جمله سی که اجساد عالم ملک و حسابات و ارواح عالم
 ملکوت و عقوبات دیرلر که عالم الغیب و الشهاده بویکبسی محیطدر
 و قرآنده کلور (فسمحان الذی یبده ملکوت کل شیء) ای روح
 کل شیء یعنی اجساد الله تعالیک قبضه شمالنده و ارواح قبضه
 یمیشده در قال الله تعالی (و السموات مطويات بيمينه) یعنی العلویات
 (والارض جيعا قبضته) یعنی مقبوضه شماله و هی السفلیات فاعلم
 ذلك فانه وقع بطريق التفنن الهاما من الله تعالی * کانوا علی الفجر
 قلب رجل واحد منکم * بونک دخی تقدیری قرینی کبیر که علی فجور
 افجر قلب یا خود علی افجر احواله دیمکدر یعنی اتفاق ابدوب جمله کز
 زیاده فجور اوزرینه اولسه کز ولکن فجوری قلبه نسبت ابتدی زیرا
 قلب مبدأ فساد در تشکیم بالاده (اذا صلحت صلح الجسد كله و اذا فسدت
 فسد الجسد كله) حدیثنده شرح اولندی قال الله تعالی (ولکن تعمی
 القلوب التي فی الصدور) وقال الله تعالی (ومن یکنها فانه آثم قلبه)
 و بعض روایانده بوراده منکم افظی یوقدر تا که افجریت ایله خطاب
 واقع اولیه تفضلا و احسانا کذا قالوا ولکن کلام الهی فی الجملة
 خطابی مشتملدر زیرا انسکم و جنکم خطابی و کانوا ضمیرینک انلره
 رجوعی خطابده کافیدر بلکه مقام عز و جلالده تقبیحا خطاب
 او کدر تشکیم مواضع عدیده ده واقع اولشدر * مانقص ذلك من ملکی
 شیئا * نقص خسران فی الحظ در لازم و متعدیدر که فاعلی ذلك
 و مفعولی شیئا ای مانقص ذلك المذكور من الکیفونه شیئا من الاشیاء
 یعنی زیاده فجور اوزرینه اولدقلمی بنم ملکمدن بر خردل دانه سی قدر
 نسته بی نقص ایتمز زیرا کمال و نقصاندن هر بری نشان کمال الهیدر تشکیم
 ارباب معرفته معلومدر و بردخی فجور اوزرینه اولدقلمی حالده یند
 مملوک و مستخر حقدر زیرا ادعای بوبیت ایدلر بله آخر مغلوب اولدیلر

فکیف که غیر یلر انکیچون مونه مذل الجبره دینلدی موت ایسه خلاق
 الهیدر قال الله تعالی (خلق الموت والحیوة) و بعض یلر دیدیلر که
 اتقای قلب جناب نبوتک صلی الله علیه وسلم قلبی و افجر قلب ابلیسک
 قاید زیرا جناب نبوی هادی اسمنه و ابلیس مفضل اسمنه مظهردر
 هدایت و ضلالت ایسه متقابلدر انکیچون بعض روایانده منکم
 دینلدی زیرا ابلیس چندندر و خطاب بالذات انسه در که جنک ذکر
 تبعیت ایله در ولکن بوجه فی الجملة تعظیم نبوی بی محل در نما لایخفی
 علی المعارف و ردخی بودر که بوراده خطاب انسه اولیحق شق اوله
 د فی انسه مخصوص اولوب جناب نبوی من وجه خارج اولق لازم
 کلور پس قلبه نوجهله قلب نبوی مراد اولور تفصیلی بودر که کرچه
 ظاهرده جناب نبوت (قل انا بشر مثکم) موجبجه جنس
 شردنر که بشردن تولد ایتشدر عیسی علیه السلام کییکه مریمدن
 تولد ایتکله بشردن معدود و ملک جنسندن خارجدر انکیچو اکا روح
 مجسم دین خطاب ایتشدر ولکن (حبیب الی من دنیاکم) ثلث خطابندن
 مفهم و مدر که انلر فی الحقیقه بودن بادن دکلدر در تشکیم بعضیلر طینت
 نبویه جندندر دیدکلی بنی تقویت ایدر و كذلك حدیثنده کلورانی
 لست که یثکم) یعنی کرچه صورته هیئت بشریه اوزرینه در ولکن
 هیئت اصلیه لری اکا مغایردر جبر یلک صورت بشریه تمثلی کی حقیقت
 ملکیه سنی منافی دکلدر مغایرتدن اوتوری اکل و شربی ترکه سر صمدانیت
 و حقیقت ملکیه اوزرینه جاری اولشدر شویله که اکبر ظاهر امتی
 محافظه مقصود اولیبایدی الی آخر الامر فیردر روحانیلری اوزره
 اولورلدی زیرا حضرت ادر یسدن علیه السلام افضلدر حضرت
 ادر یس اون الی سنه قدر اکل و شرب و منامدن خالی اولشدر در استه
 جناب نبوتک صورت بشریه سی اعتبار ایله خطاب درست و حقیقت
 ملکیه سی و بلکه هیئت الهیه سی اوزرینه خطابدن خارجدر زیرا
 کیسه نك جنسندن دکلدر هذا لیکن من لطائف المعانی و ملیح اشارات
 المبانی والله اعلم * یا عبادي اوان اولکم و آخرکم * یعنی جمله ذی روح

كرك رئيس اولسونكه اول القوم در و كرك مرؤس اولسونكه آخر
 القوم در و كذلك كرك اكبر اولسون اوائل بنی آدم كې و كرك اصغر
 اولسون و اخیری كې زبر الاول و آخر كې و صغیر ایله تفاوتی وارد در عوج
 بن عنق و عمالقه و یا جوج و ما جوج و غیر یلر كې تكیم حبه حنطه
 دوه قوشی یمرطه سی مقیدارندن حالا اولان حدنه دك تنزل ایلدی
 و بعض اشیا اصلنده عظم جشه اوزرینه خلق اولندی جل و فیل
 و كركدان و رخ كې و بعضی صغیر حجم اوزینه مخلوق اولدی عصفور
 و غله و امثالی كې سبحان من صغیر البعوض و كبر الفیل فاعرفه * و انكیم
 و جنكیم * یعنی وجه ارضه محسوس و تحت الارضه مستور اولنلر كې
 و جوهوا و طبقات سماده اولنلر دخی اكا قیاس اولنه و ابن عباس
 رضی الله عنهما (و من الارض مثلهن) آیتنده بیور مشدر كه یدی
 طبقه ارضدر كه هر ارضه نیکز كې بنی و آدم كز كې آدم و نوح كز كې
 نوح و ابراهیم كز كې ابراهیم و عیسی كز كې عیسی و بنم كې ابن عباس
 وارد یعنی بنم ارامزده انبیا و اولیا نیجه ایسه انلرك اراسنده دخی مشارب
 انبیا و اولیاده سادات وارد كه قوملرینك اوزرینه قائملردر و حفاظ
 بو حدیث خصوصنده اختلاف تبدیلر و لكن فتوحات مكبیه ده
 كلور كه كشف صحیحدر بورادندر كه پیران طریقه یقیندن شیخ افتاده
 خلیفه سی شیخ هدایی به خطاب ایدوب بیور مشدر كه نیجه عالملر
 وارد كه حالا انلرده بنم كې افتاده و سنك كې محمود وارد فاعلم ذلك
 * قاموا فی صعب واحد * صعب تراب و یا وجه ارضه صعب
 دیندیكی غبارنك هوایه صعودی اعتباریله در انك ایچون فقها
 دیمش لردر كه متیم اولان كبسه نك یدنه علوق غبار لازمدر تا كه
 مس تراب ایتدیكی متیقن اوله بوراده صعب واحد دن مراد مكان
 واحد در اكرچه ترابله مكانك فرقی وارد زبر مكان اعدر یعنی
 هر تراب مكان اولور و لكن هر مكان تراب اولماز قال الله تعالی
 (و رفعا مکانا علیا) یعنی سماء اربعه دن مكان ایله تعبیر اولندیكه
 لدر یس علیه السلام او محله در فوع ایدی سموات ایسه حد عناصر

کشفه دن خارجدر كه از جمله ترابدر و بوندن فهم اولندیكه عرش
 اعلانك محیط اولدوغی اشیا نك جمله سی مكان مقوله سیدر كه حیر تعبیر
 اولنور تكیم محله میندر * فسالونی * سؤال استعطاء بدر یعنی
 بو قدر کثرات و تنوع حاجاتله دفعه واحده بندن نسنه طلب اتسلر
 بوندن مراد درگاه عز و غنای ذی الکبریایی دیوان سلاطین و ملوکدن
 افراز و شان حضرتی مقام الوهیته مناسب اولان وصفله اعلا
 و اعزازدر یعنی بو مقام سؤال مسئول عنی ادهاش و اعجاز ایدوب
 سائللرك یا حرمانلرینه و یا مشقتله مطلوبلرینه و صوله دلالت ایدر
 محل ایکن حق تعالی بو معنادن عالی و عجز و ملال و حیرتدن متعالیدر
 تكیم دعاء خضر یدنه كلور (یا من لا یشفعه شان عن شان) زبر جمله
 اشیا بی محیطدر و شولكه (سنفرغ لکم ایها الثقلان) بیور مشدر تهدیده
 محمولدر شول وجهدنه فراغ و شغلدن بری و نصب و اغوبدن عربدر
 * فاعطیت کل انسان مسأله * پس هر انسانه یعنی جمیع خلایقه
 مسئول و مطلوبی اعطیاتسم زبر بر نسنه مسئول اولدیغی جهتدن
 مسئله و لفظدن مفهوم اولدیغی وجهدن معنی و انك ایچون اسم
 مخصوص وضع اولدیغی یوزدن مسمی در و بوراده سوالی جمیع
 خلایقه تعمیم دنصكره اعطایی انسانه تخصیص ایلدی زبر اعطاده
 مقصود بالذات اولان انساندر كه عطایای ذاتیه و عطایای اسمائیه
 اكا مخصوصدر و كذلك (و آنا كم من كل ما سألتموه) و فقبحه عطایای
 حسیه ده دخی مشار الیه و هر دور او نعم ایله منعم علیه در قال الله تعالی
 (اسبغ علیکم نعمه ظاهرة و باطنیه) زبر انسان مفضل مطلق و مقرب
 حقددر پس خزائن فضل اندن ممنوع دكلدر * مانقص ذلك مما عندی *
 اولكی ما نافیله و ایکنجی موصوله در یعنی اول عطاء عام و انعام تام
 عند مده یعنی حضور مده و ملکیده اولان خزائن رحمتدن بر نسنه
 نقص ایتمز معلوم اوله كه عندیت حق اصلنده عین ذاتدر پس
 دلالت ایدر كه الله تعالی جمیع اشیا بی محیطدر شویله كه انلرله حاضر
 و انلرله ناظر و بلکه هر برینك یوزندن ظاهر در و قدرتی شول

مرتبه در در که هیچ بر مقد رده منتهی اولماز بلکه علی التوالی مالا نهاییه
ایجاد قادر در وجهتدن ذاتنده کمال وعدم تناهبسی اولدیغی کی
صفاتی دخی بویله در اشته بوتقر بردن مقام عنایت و انک مشتمل
اولدیغی خزائنک معنایی معلوم اولدی * الاکما ینقص الخیط *
ما موصوله و یا موصوفه و یا مصدریه در ای ما نقص شیئا من الاشياء
الا مثل الذی او مثل شیء ینقصه الخیط او الا نقصانا مثل نقصانه
فی القلعة (مخبط منبر و زنی اوزرینه کسر میله اکنه در ابره کی که عجم
سوزن دیر که انکله ثوب خیاطت ایدر لر خیاط کی قال الله تعالی
(حتی یلج الجمل فی سم الخیاط) واپلکه رشته و عرب سلك دیر بوراده
مخبط ایله مراد طرف مخیطدر یعنی اکنه او جیدر که تسمیه البعض
باسم السکل قبیلنددر تکیم شرع غسل ذکر ایله امر ایلدی مقصود
رأس ذکر غسلدر مجموعنی دکل * اذا دخل البحر * صیغه مجهوله
و نصب بحرله که مفعول ثانی اولمق اوزره در بحر ماء کثیری جامع اولان
مکان واسعددر انکیچون تجر فی العلم دیر لر توسع معناسنه و بحر ملح
و عذبه شاملدر بعضیلر ملح در فقط دیمشدر و عذبه بحر دنمک
ملح مقارنتله در تکیم شمسله قره قران دینلور قال الله تعالی (بحران
هذا عذب فرات و هذا ملح اجاج) بونده ابره و بحرله تمثیل ایلدی که
مثلدر تشبیه معقول بالمحسوسدر که افهامه تقریب ایچونددر زیرا
طرف ابره قلنده و بحر وسعت و کثرته و بوقلندن مقصود عدمدر
زیرا قدرت حقه کوره خزانیدن برنسنه منتقص اولماز تکیم اشارت
اولندی و بعضیلر دیدار که تشبیه نقصانده دکلدر زیرا عند الله
اولان نسنه به نقصان کما ابره بی بحره ادخال ایسه نقصدن خالی
دکلدر بلکه عرفا اول قدره نقصان اطلاق اولنما مقدر و یا خود
فرض و تقدیر باینددر یعنی اگر ملک حقده نقص فرض اولنسه اول
نقص بوقدر اولوردی * یا عبادی انما هی اعمالکم * هی ضمیر مبهمدر که
اعمالکم انی تفسیر ایدر یعنی بر متعلق ذهنی به راجعدر که اول اشارت
اولنوب بعده اما بعدیله اخبار اولنمشددر تکیم صاحب الکشاف (هذا

فراق بینی و بینکم) آیتنده دیمشدر که عند حلول الميعاد خضرله موسی
میاننده فراق تصور اولنوب هذا ایله اکا اشارت اولنمشددر و بعضیلر
دیدیلر که اتق رجل و اجر رجلسدن مفهوم اولان اعمال صالحه
و طالحیه راجعدر و علی صکل تقدیر اعمال بوراده مطلقدر تکیم
تفصیل آتی انی اقتضا ایدر حدیث سابقده (فبايع نفسه الخ) کی
* احصیها لکم * احصا حصادندر که صفار حصاره در احصا وضع
حصادر که عدا یتکدن عبارتدر اصلی بودر که طائفه عرب
حساب عقود اعداددن بر عقد معینه بالغ اولدوقده لاجل الحفظ
انک ایچون بر حصاة وضع و بعده استیناف عدا ایدر لر دی قال
الله تعالی (وان تعدوا نعمة الله لا تحصوها) یعنی الله تعالی انک
نعمتله برینه غایت بوقدر که شو غایتیه ایدر دیو حصاة وضع اولنه
واحصا واحاطه اراسنده فرق بودر که احاطه موجود و معدومه
عامدر و هر معلومه دخی مستعملدر احصاء ایسه موجود ده اولور
فقط (لکم ده لام اجابیه در یعنی سزک ایچون اول اعمالی احصا و حفظ
ایدرم مقصود ملائکه حافظون صحف اعمالده حفظ ایدر لر دیمکدر
بوخسه علمه حفظ دکل زیرا علمه اولان حفظده الزام هجت قوی
اولماز کلا ینحی علی التأمل * ثم اوفیکم ایاها * بعده اول اعمالی سزده
توفیه ایدرم یعنی بوم قیامتده نامة و افیة سزده تأدیه ایدرم مقصود اجر
و جزاسنی اعطادر قال الله تعالی (وانما توفون اجورکم يوم القيمة)
و بونده توفیه لفظنده اشارت واردر که بعض اجور و اجزیه دنیاسده
واقع اولور و تأخیر توفیه به باعث بودر که دنیا دار العمل و آخرت
دار الجزا در کما ورد (الدنیا مزرعة الاخرة) و بردخی صلحا ایچون اعداد
اولان عطایه دنیانک وسعتی بوقدر و حال فسقا دخی بویله در زیرا
حدیثده کلمشدر که هر کما فرك ضرر سی احد طاغی و بدنی غلطندن
اوج کونلک مسافه قدر اولسه کر کد ریس یا لکن بدنلری دنیاسه
صغما یحقی اسباب عذاب دخی ضم اولنیحقی نوجهله کجایش اولور
ولکن جنت وجهندن اوسعددر زیرا دار رحمت و فضلدر * فمن وجد

خیرا * پس هر کیمکه خیر بولا که مایثاب علیه اولان عمل واجریدر
 وبعض نسخ صحیحده (فن عمل خیرا) دوشمشدر یعنی پس هر کیمکه
 اجر وثوابه دأر عمل اشلیه ولکن نسخه اولی اولادری را حفظ مذکور
 مناسب اولان وجداندر * فلیحمد الله * پس حق تعالی توفیق
 طاعت وفضل ورحمته جدا یلسون که استعداد از اینست حکمی
 اتی بوغایت حیده به ایر کوردی پس بونده خیری حق تعالی به اضافه
 اشارت واردر زیر الله تعالی محمود اولغه فعل جیل لازمدر و فعل
 جیل توفیق اندندر بوجهندن فعل اکا مضاف و جده اکا راجعدر
 (والحمد لله تعالی علی توفیق الطاعة جدا یستغرق کل ساعة
 * ومن وجد غیر ذلك * وهر کیمکه خیر غیرنی بولا که شر در و شرک
 عدم تصریحی مقابلندن معلوم اولغه در زیر اخیر و شر بری برینه
 مغایر در و بردخی ذکر شری ترک ایتک آداب و حسن محاوره و مخ طبه دندر
 قال الله تعالی حکایه (اشرا یدعن فی الارض) یعنی شرده ارادت حقه
 نسبت اولغدی خیرده اولد یغی کی تنکیم کلور (ام اراد بهم ربهم رشدا)
 و بوراده غیر ذلك ده مباح داخل دکلدر تنکیم بعضیه لر زعم ایتدیلر
 زیر مباح فی الحقیقه لاخیر ولا شر یعنی لایثاب علیه ولا یعاقب علیه
 قیلندندر بورا ده مراد ایسه خیر و شر شرعیدر که ثواب و عقابه
 دأر در فاعلم ذلك * فلا یلوم من الا نفسه * لوم بر کیمسه بی لومه یعنی
 ضد کرم اولان نسنه به نسبت ایتکله خوار لمقدر و بعض شعراء جاهلیه
 دیمشدر از المرء لم یدنس من اللوم عرضه (فکل رداء برندیه جیل) یعنی پس
 کندی نفسنی لوم ایلسون انجق و اول معنایی حقه ارجاع ایتسون
 زیرا (بدک او کأفوک نفخ) قیلندندر الحاصل حقتک انک حقنه ده
 شری خلق ایتدوی بطریق الظلم دکل بلکه موجب استعدادنی
 اظهار طریقله در زیر احق حلا قدر که عبدک صرف اختیار ایتدوی
 نسنه بی بلا تأخیر خلق ایدروالا عجز و حکمتدن عدول لازم کلور
 بوجهندن کیمسه سنده نحاس و زهدندن نه واریسه ظهوره کلن اودر
 وائی اخراج ایده نه ملامت اولماز زیر ملامت التون اولد یغی کیمسه دن

نحاس اخراجیه اولور انده خودنجا سدن خیری یوقدر بو معنا دن
 فعلی تا کید ایلدی که فلا یلوم من در زیر بونده حضرت ذاتی زیاده تنزیه
 واردر انکیچون حدیثه کلور که (والشرایس البک) و بوندن اهل جنتک
 (و آخر دعویهم ان الحمد لله رب العالمین) سری و اهل نازک (فلا تلومونی
 ولوموا انفسکم) امری باهر اولور که بری حال سعیداء و بری حال
 اشقیادر و بوندن فهم اولنور که اول وقتده اهل ناره عین ثابتیه لرینک
 احوالی منکشف اولوب معاقب اولد قلمی عدل الهی و سر از لیه به
 دأر اولد یغی بلسار کر کدر انکیچون نفسلرنی لوم ایدر لر و بزم کاهم زندر که
 بو وجهله مبتلا اولدق دیمزلر اشته بودر که الله تعالی الزام حجت و کشف
 حقیقت ایتدیکجه کیمسه بی معذب ایتسه کر کدر نیاده ایسه بو معنی مکشفه
 روشن و محجوبه خفیه در که محجوب سرفقدره آخرتده واقف اولور
 * الخامس والعشرون *

بو حدیث شریف دخی حدیث سابق کی ابوذر غفاری رضی الله عنه
 رویتی و مسلم تحریری ایله ثابت اولمشدر * ان ناسا من اصحاب رسول الله
 صلی الله علیه وسلم * ناس انک جمعیدر که جمع عزیز در اصلنده
 اناسدر که همزه سی حذف اولمشدر ناس بیوس نوسا دینلور
 اضطرب و تحرك معنا سنه بو صورتده ناسده بحسب اللفه
 جن دخی داخل اولور زیرا انده دخی حرکت و اضطراب
 معنایی واردر و بعضیه لر نسی دن مقلوبدر دیدیلر انکیچون آدم
 نسیانه نسبت اولندی (کما قالوا اول الناس اول الناسی و لفظ ناس
 کرچه عامه افراد بشره شاملدر ولیکن کاهیه کمال انسانیت
 ایله متصف اولنلر مراد اولور که فضیلا در زیر اسم مجرد ده
 عاده اولماز و اشرفی عامیه اضافه ایدوب افاضل الناس دیمکده
 تعظیم بولنماز بوراده ناسدن مراد اصحاب رسول الله دن برجاعت
 فاضله در که فقراء مهاجریندر فضلاری بودر که حرفت نبویه فقرایله
 موصوفلر و هجرته تقدم ایله معروفلر و مشاهده حضورله مضبوطلر
 و قرآنده ممدوحلر در انکیچون کوثری ایتدا بولنلر ابحرل و باب جنی

دق ایدوب قبل الکل انلر آجرلر وطبقات صحابه اصول حدیثه مذکوره در اورادن طلب اولنه و عدد صحابه مضبوط دکلدر اگرچه انتقال نبویدنصکره موجود اولان روات احادیث یوزاون دورت بیکدر دیور روایت ایلدیلر و یونلردن آخر وفات ایدن ابوالطفیل عامر بن واثله اللبئی در که انتقال نبویدن یوزنجی سنه ده مکه مکرمه ده و ذاع عالم فانی ایدوب مقام عنایت ایله مکرم اولمشلر در رضی الله عنه زیرا جناب نبوت صلی الله علیه وسلم خرامان مقام وسیله اولمزدن بر آئی مقدم اخبار ایدوب بیور مشلر ایدیکه (علی رأس مائة سنة لا ینقی علی وجه الارض من هو علیها اليوم احد) پس بومعنی معجزات نبویه دن عد اولندی زیرا قبل الوقوع اخبار صحیحدر * قالوا یا رسول الله * یعنی دفع خاطره ایچون سؤال و رغبت اعمالده کماللرندن عرض حال ایدوب دیدیلر که یا رسول الله * ذهب اهل الدثور بالاجور * دثور فلوس وزنی اوزره دثرك جمعیدر فلس کی مال کثیر معناسنه بالاجورده باتعدیه ایچوندر باء ملاسه اولمق دخی جائزدر اگرچه اولکی اشهردر اجور اجرک جمعیدر اجر ثواب عملده و عقدله و عقد مجراسنه جاری اولان یرده مستعملدر جزا اندن اعمدر که نافع وضارده و عقدله و غیر عقدله اولانده استعمال اولنور یعنی اغنیاء و اهل اموال کثیره اولنلر اجور عظیمه و ثوبات جزیه کوتوردیلر و یا خودا کاملاس اولدقلری حالده کتیدیلر مراد اعمال کثیره یوزندن اجر عظیمه نائل اولدقلرن اخبار در زیرا اجر و ثواب کثرتی کثرت اعماله منوطدر اگرچه اخلاصک دخی طبقه سانه کوره باشقه تأثیری وارد یا نوجهله اجور کثیره به محل اولدیلر دیو سؤال یری کلد کده جواب و یردیلر که * یصلون کما نصلی * ما مصدریه در فعل مستقبل اوزرینه داخل اولان ان ناصبه کی نصلی دینلدی نو جمعه سائل جمع اولمغه صلاتن مراد صلاة مفروضه شرعیه در تنکیم مقامدن مأخوذ در یعنی بز قیلدیغیمز کی انلر دخی نماز قیلورلر یعنی صلاتده مشترکلر که بو خصوصده مابینمزنه مساوات

وارد زیرا صلاتک فرضینی اغنیاء و فقرایه برابردر * ویصومون کما نصوم * یعنی بزم شهر رمضان صیاممز کی انلر دخی صائم اولور و صوم فرضده فقرا و اغنیاءک بزی برلندن امتیاز لری یوقدر مقصود صورت صومدر صورت صلاة کییکه عدم فرق صورته در والا نیت و اخلاص و مراعات شروع و قیود و عدم مراعاته فرق ظاهر در که ابرار مقربین درجه سنه ایرمز * ویتصدقون بفضول اموالهم * فضول فضلك جمعیدر ضد نقص معناسنه و فضیلت دیرلر الدرجه الرفیعة فی الفضل معناسنه پس فضلده مرتبه عالیه صاحبینه اهل فضیلت دیرلر و دعاده کلور (آت محمد الوسیلة والفضیلة) یعنی وسیله دن مراد مقام صورینک اعلاسی و فضیلتدن مقصود مرتبه کمالک اسنا و متها سیدر (معنی بودر که و اغنیاء اولنلر ماللر ینک زیاده سنی نفقه دن زائدنی فقرایه تصدق ایدرلر و اجر عظیم بولورلر بر ایسه فقریمز سببیه اندن محرومز پس انلره نوجهله لاحق اولالم دیواظهار تحسیر و ابراز قصور و حسن حاله غبطه در یو خسه حسد دکل و فی الحدیث (لا حسد الا فی العلم و المال) یعنی علم و ماله غبطه صورت حسدده اولمغه اندن حسدایله تعبیر اولندی پس صاحب العلم و المال محسود و مغبوطدر زیرا نشر علم و خیرات اعمال فاضله راجحه دندر و منع و عطا بعض مقامده مدوح و بعض محلده مذموم اولدیغی کی حسد و سایر صفات متضاده دخی بویه در که شارع هر بری ایچون بر موضع تعیین ایتشددر که سائر شرایعه بومعنی یوغبیدی اشته (بعثت لائیم مکارم الاخلاق) حدیثنک بعض اسرار ی بودر که رمز اولندی * قال * یعنی رسول الله صلی الله علیه وسلم جوابده بیوردیکه * اولبس قد جعل الله لکم ما تصدقون * همزة استفهام نفیک مابعدنی تقریر ایچوندر و واولک معطوف علیهی محذوفدر تقدیری البس لکم ثواب مثل ثواب الاغنیاء و لبس قد جعل الله لکم مانتصدقون به دیکدر که تصدقون روایت محدثین اوزره تشدید صاد و الله در ولغته کوره تخفیف صادله دخی جائزدر که اصلنده تصدقون در

(تنزل الملائكة) کبی و ما قبلنده بفضول دلالت ایدر که بوراده جار
و محرور محذوفدر که به در (وجعل برقاج معنایه کلور بوراده شرع
و تعیین دیمکردر (جعل الله الصلوات المفروضة خمسا) کبی زیرا بونده
جعل حکم شرعی در پس دیمک اولور که ای فقراء یا مالکربو غیسه
الله تعالی سزیه انی تصدق و بذل ایدیه جک نسبه مشروع قیلدیمی
و تصدقه بذل عمل تعیین ایدیمی یعنی قیلدی و ایتدی و اول عمل
مشروعات آیه در * ان بكل تسبیحة صدقة * بكل ده با
مقابله ایچوندر ان لکم تقدیرنده که بكل خبر مقدمه متعلقدر
صدقه ان نک اسمیدر بعض نسخده لام واقع اولمشدر تسبیح
الله تعالی بی قول و فعلا و نیت تنزیهدر و تار وحدت و افراد
ایچوندر یعنی هر بر تسبیحکز مقابله سنده سزک ایچون بر اجر
وارد اجر صدقه کبی الحاصل بر کره سبحان الله و یا سموح قدوس
و یا غیری تنزیهاتدن بر کله سو یلک صدقه به بدادر که اغنیانک
نص صدقه بوالدیفی اجری سز بر کره نیت خالصه و لسان طاهره
سبحان الله دیمکله بولور سز پس بوندن فهم اولنور که اغنیایه کوره
تصدق فیجه ایسه فقرایه کوره تسبیح دخی بوبله در و بلکه فقرانک
تسبیحی اغنیانک صدقه سندن افضلدر زیرا کرچه صدقه حسناتنددر
و خیر متعدیدر و لکن ذکر خصوصاً کلمه طیبه احسن الحسناتدر
و شرف زائی و اردر زیرا ذکر حقه و صدقه خلقه متعلقدر و ذاکری
حق ذکر ایدر (فاذ کرونی اذ کر کم) کبی متصدقی ایسه خلق ذکر ایدر
خلقک ذکرندن ایسه حقت ذکرری اعلا در و فی الحدیث (یا علی
لان یتهدی الله بک رجلا خیر لک من حمر النعم) یعنی یا علی سنک یوزکدن
بر کیمسه هدایت بواوب توحیدی اعتقاد و اقرار ایلمک عربک ایل
نفسه سنی تصدقندن افضلدر زیرا تصدق درجات جتنه موصل
(ان تالوا البر حتی تنفقوا) کبی هدایت ایسه قربات حضرت و سبیلدر
(وانک لتهدی الی صراط مستقیم صراط الله) کبی * وکل تکبیرة
صدقة * تکبیر الله اکبر و الله اجل و اعظم و امثالی دیمکردر که تعظیم

حقه دأردر بوراده کلمه کل رفعله مبتداً و صدقه خبری و بعد الجملة
نحل ان اوزرینه معطوفدر و بعضیلر دیدیلر که کل مجروردر که بكل
تسبیحة ده مدخول جار اوزرینه و صدقه نصبله اسم ان اوزرینه
معطوفدر ما کل سوداء ثمرة و بیضاء شحمة کبیکه عند القراء جائز
و عند الجمهور غیر جائزدر حرف واحدک عاملین مختلفین مقامنه قائم
اولغه قونی یوقدر بعدذا بوراده اسلوب ترکیب تغیسیر اولندی زیرا
سوفی خفیفدر و اخباردن حکمه انتقال وارددر که حکم اخباردن اقوادر
* وکل تحمیدة صدقة * تحمید الحمد لله و نظائرینی قولدر که الله تعالی به
ثنا و محمودک کانی اظهارددر و حدیثده کلور (اللهم لک الحمد شکرا
ولک المنة فضلا) سکا خدم نعم عظیمه به شکر طریقبله و منتهم فضل
معناسنه در یو خسه امتنان معناسنه دکل پس منت سنکدر دیمک من
و فضل و کرم سنکدر دیمکدر فاعرف جدا * وکل تهلیل صدقة * تهلیل
لا اله الا الله و لا اله الا انا و لا اله الا انت و لا اله الا هو و لا معبود الا الله
و لا مقصود الا الله و لا موجود الا الله و بونلرک مؤداسنی افاده ایدر
کلمات توحید دیمکدر تهلیل تأخیر ایتدی زیرا نفی و اثباتی مشتمل
اولغله صفات ثبوتیه و سلویه و تعیین و لاتعین مرتبه لرینی جامعدر
انک ایچون افضل الذاکار لا اله الا الله دینلدی پس الله الله و هو هو
دیو و غیری وجهله ذکر ایتمکدن کلمه طیبه توحیدله ذکر ایتک افضلدر زیرا
ترکیب متضمن اولدیفی افراد متضمن دکلدر * و امر معروف صدقة *
امر رفعله مبتدادر زیرا معروفله مقید اولغله منکره مخصوصه کیدر
و یا خود ثمرة خیر من جرادة قیلنددر صدقه خبردر و بعض محدثین
صدقه بی نصبله و امری جرله قراءت ایتمشلدر در ماقبلی کبی معروف
شول فعلدر که شرعا و عقلا حسنی معروف اوله ضدی منکردر که
شرعلا و عقلا حسنی بلغمش اوله بوسه بیدن جودده اقتضاده
معروف دیدیلر زیرا اقتضاد شرعده و عقولده مستحسن در
و حق تعالی به معروف دیدیلر زیرا مشهور و مألوف و جلی در اگر خفی
اولوب معروف اولسه منکر دیمک لازم کلوردی حاشا که الله تعالی منکر اوله

زیرا عند العقلاء معروف و عند اولی الابصار مشهود در * و نهی
عن منکر صدقه * بونک اعرابی ماقبلی کیسدر بونده امر معروف
و نهی منکر تنکیری تقلیل ایچوندر زیر بونوعک قلبی امور سابقه
مقامنه قائم اولور فکیف کشیری و بعضیلر دیدیلر که تنوین افراد
ایچوندر کل افرادی کی یعنی افراد امر معروف و نهی منکر هر فردنده
حکم صدقه ثابتدر بلکه بونوعک ثوابی غیرک ثوابدن اکثر در زیر
فرض کفایه در تسبیح و امثالی ایسه ثوابدر ثواب فرض ایسه ثواب
نافله دن اکثر در تنکیم حدیث قدسیده کلور (و ما تقرب الی عبدی
بشیء احب الی مما افترضت علیه) و بعض روایاتده کلور که فرضک
نافله اوزرینه ثوابی یتشقات زیاده در و بوندن امر و نهیک تأخیری
فضائله بقاء اولدیفی معلوم اولدی زیر امر و نهی خاصه نک شایندر
عامه نک دکل انک ایچون امر و نهی اهلی سائر خواصه جنت فردوسه
داخل اولور لر و تقلیل امر و نهی بودر که مثلاً بر مؤمن او بر و قنده
ذکر الله ایسه که امر بایندندر بومرتبه قایلدر و اگر ذکر کثیرله ذکر و افراد
محظوراتک جمله سندن نهی ایسه بومرتبه کثیردر و منکری بالکنز
قلبله انکار ایمک ادای ایماندر که ایمان مثقالدر و لسانله انکار و یدایله
تغیر ایمک اعلای ایماندر ایمان دیناریدر و بر ماده ایله اوقات مختلفه ده
امر ایمک کثیردر نهی دخی بویه در پس امر و نهیک تعددی
مأمور به و منهی عنھک تعددی کی اولور بعد ذل بومقامده سؤال
وارد اولور که اغنیای دخی تصدق لرندن ماعدا ثوابل فقرایی وجوده
کتورسه لر شکوای فقرای حالی اوزرینه قالور زیرا ینه اغنیای فقرایی
سبق یتش اولور جواب بودر که مقصود فقرای تحصیل ثواب صدقه در
بوخسه زیاده مطلقه بی نفی دکلدر ولیکن بوجمل مناقشه دن خالی
دکلدر زیر امر اد فقرای طلب مساواتدر پس جواب بودر که غیری حدیثله
تقید اولمسه در که اغنیای فقرانک ایتدیکی ذکر ای دوب هر ذکرک
یانه صدقه دخی ضم ایسه لر ینه ثواب فقراید ایز لر زیر اغنیایله فقرای
بر دکلدر که فقر حرفت نبویه در بوجهندن بوا یکبسنک میاننده فرق

ندر دیمک کلام ساقطدر زیرا فقر فی الحقیقه عبدک و غنا حقک صفت
ذاتیه سیدر (و امام غزالی رحمه الله دیمشدر که کافر فقیر عذابی کافر
غنیدن اخفدر پس فقر کافره نافع اولیچق مؤمنه نیجه نافع اولماز
(و البذل علیا خیر من البذل سلی) ده ید علیا ایله مراد ید الله و ید سفلا ایله
مقصود ید غنی در که ید منفقده در زیر اعطای صدقه ده شرط
بودر که غنی یدنی پست و کفنی بسط ایدوب فقیره آل شونی دیمکدر
بوصورتده فقیرک یدی علیا و معطی اولان غنیک یدی سفلی اولور
ولکن فقیر اول صدقه بی قبض ایتدر دن اول الله تعالی انی قبض ایدوب
یرینه یدنه غیری صدقه وضع ایدر که فقیرک اخذ ایتدیکی اول بدلدر
و اصلی حقه بله در که تربیه ایچون انی حفظ ایلر پس بونده فقیر حق
مقامنه قائم اولدی و فقر افضل اولق ظهور بولدی (و جعلت فیل لطمعی
رمز ایتدیکی فضل فقر بلندی و فقرک مذموم و کفر اولانی حقه
احتیاجی نسبان رخلقدن تکفدر و بعض اهل الیهک در یوزه قلندیفی
صدقه ایله خلقی حقه تقریب ایچوندر زیر مؤمنلره شفقتلری غالبدر
اگرچه سؤال غیر منہیدر و رسول الله صلی الله علیه وسلم اخر عمرنده
غنی ایدی دیمک فی الجملة معاشده شعثه کوره در زیر خیریری فتمده
قریه فدک و امثالنی کندینه خاص قلمشدی تنکیم حراثت و زراعت
ایتدی دیمک اول قرانک ارضنی اعماله دائردر و الا رسول اللهک بالذات
کندی طرفندن آدم نعیین ایدوب زراعت و حراثت ایتدودیکی بوقدر
و غنای دخی قبول ایتدی اگرچه خزائن ارض و سموات اکامسل ایدی
بوجهندن دنیادن انتقالرند در علری بریهودیده بر صاع شعیره
مرهونه قالوب صکره حضرت صدیق رضی الله عنه ایام خلافتده
فک ایدوب درع مذکور بی بیت ماله وضع ایتدی زیر ایتداده مال میراث
اولماز و ورثه ایتداده دخی بوقدر صوفیا بومعنادن او توری اقم
عینک و ماسوادن بالکلبه تجرد ایدر کور و ظاهر و باطنی تعریه ایله
طریق انبیا به کروب کیده کور * و فی بضع احدکم صدقه * بضع
باء موحدنک ضمی و ضاد معجمه نک سکونیه جماع معنایه در و امام

راغب دیمشدر که بضعه فتحه بر قطعه لمددر که بضع و قطع اولنور
صکره بضع ایله بالضم فرجدن نکایه اولدی و ملک بضعها دندلی
تزوجتها معناسنه و باضعها باشرها و فلان بضعه منی یعنی جسد مدن
جزه بحر اسنه جاریدر زیر اقر بی وارد دیمکدر نتکیم حضرت فاطمه
رضی الله عنها حقنده وارد اولمشدر نتکیم (یا علی انت منی بمنزله هرون
من موسی) ده من اتصالیه قرب مذکوره دالدر معنای حدیث بودر که
وسرک بریکرک منکوحه و یا مملوکه سبله جماعنده صدقه وارد
پوراده و بضع احدکم دیمدیکنده اشارت واردر که جماع اول زمان
صدقه اولور که مباشرتله عفاف نفس یعنی نفسی حرامدن کف
ونظر و فکر و هم و عزمدن منع و یا اداء حق زوجیه و یا حصول ولد
صالح نیت ایلیه و اگر مجرد التذان و شهوت ایچون اولور سه صدقه
یرینه یکم قال الله تعالی (فالآن باشروهن وابتغوا ما کتب الله لکم)
یعنی ولد صالح ابتغوا و طلب ایتمک شرط نکاحدندر زیرا تسلسل
وجوده داعی ظهور نور تجلی به باعثدر زیر انسان مرآت حقدر
ودخی اووادر صالح دعوله و فقیحه خیره دعایه بادیدر و بوتقریردن
فهم اولنور که ظاهر حدیث و طمک مطلقا صدقه اولماسن اقتضا ایتمز یعنی
نیت ایتمز ایسه ده نتکیم زناده نیت بولمسه دخی آثم در کارمه بعضهم
پس و طی نیت ایله صدقه اولور و زناده دخی بویله در که نیت ایله آثم اولور
مثلا برکیمه زوجیه سی فراشده بولدیغی اجنبیه به بلیوب مجامعت ایتمسه
آثم اولماز انکیچون فقها دیدیلر که مثاب اولغه صحت عبادت شرط
دکدر بلکه عبادت فاسده دخی تعدد ایتمک نیتی اوزرینه مثاب اولور
کندینی طهارت اوزرینه ظن ایدوب محدث ایکن نماز قلمق کی پس
برکیمه زنا قصه ایله بر فاحشه به داخل اولوب انک فراشده کندی
خاتوتی بولوب بلیوب جماع ایتمسه آثم اولور زیرا فعلی نیتنه راجعدر
نتکیم خاتوننه قز قزنداشی ملاحظه سبله جماع ایتمک دخی بویله در
* قالوا یا رسول الله * یعنی جماع ظاهرا امور شهویه دن اولمغه انده
اجر و ثواب صدقه اولدیغی استبعاد اسوال ایدوب دیدیلر که یا رسول الله

* ایاتی احدنا شهوته ویکون له فیها اجر * یعنی نرم بریمز منکوحه
و یا مملوکه سی یانه برای قضاء شهوت کلورده انکیچون انده اجر
و ثواب اولور می یعنی بوایش عقلا مستبعد و مستنکر در زیر شهوت حظ
طبیعتدر طبیعت ایسه سفلی و اجر و ثواب علویدر انکیچون دفتر
عمل صالح علیینده وضع اولنور که اکا کتاب ابراز دیرل صحیفه عمل
طالح سبجینده وضع اولندیغی کییکه اکا کتاب الفجار دیرل نتکیم قرآنده
میتندر * قال * رسول الله صلی الله علیه وسلم انک استبعاد ایتدکری
نسبه به بطریق الحکمة والقیاس تقریر ایدوب بیوردیلر * ارا بنم *
خبر ویریکر نکا زیرارؤیت اخبار سبب اولمغه سبب ایله مسببدر
تعبیر اولندی و بالاده تقریر اولندیکیه اگر رؤیتدن مراد رؤیت بصریه
اولور سه سبب بعید اولور زیرا رؤیت حسیه علمه و علم دخی اخباره
صیدر و اگر رؤیت قلبیه اولور سه سبب قریب اولور * لو وضعها
فی حرام * اگر اول شهوتی حرامه وضع ایتمسه یعنی زنا طریقله
دفع توقان ایلمسه بونده زنا دن حرامله تعبیر ایلدی زیرا الخش
محرماندندر انکیچون دنیاده شهوانه اتباع ایدنلر آخرنده جیفه دن
بد رایحه ایله قبر لردن مبعوث اولوب اهل محشر مرانلری استقذار
ایتمسه لر کرکدر * اکان علیه وزر * استفهام تقریر ایچونددر
وزر کسرله ثقل و حل ثقیل معناسنه در انک ایچون ائمه وزر دینلدی
زیرا آخرنده مذنب اوزرینه حل ثقیلدر قال الله تعالی (وایحملن
اثقالهم واثقالهم مع اثقالهم) یعنی سنت سیئه وضع و ابتداع ایدنلر
کندی وضعلری بارندن غیری اول سببه ایله عمل ایدنلر باری قدر
دخی بار بوکلنور لر زیر اضال و مضل اولمشدر در انکیچون حق تعالی
پیورر (زدناهم عذابا فوق العذاب) یعنی اول وضع حرامده انک اوزرینه
عقوبت ترتب ایده جک کلاه اولور می یعنی اولور و اشد یکی ایش عقبات
قیامنده اوزرینه بار کران اولور و عقوبت عظیمه بولور و بوندن فهم
اولنور که وزر اولمق تعدد و نیتله در زیرا حرام دیدی حرامه ایسه تعدد
بولمغه خطاء معفو قیلندن اولور * فکذا اذا وضعها فی حلال

کان له اجر * ای کان له اجر بوضع او کان لاجل وضعه اجر بوضع او
 اجر اسم کان اولور و بعض اهل حدیث اجری نصبه ضبط ابتدای
 بوضع او اجر خبر کان اولوب اسمی تحتند مستتر اولور ای کان
 ذلك الوضع له اجر اول کبسی شریعتیه موافق در که علی حده اجر
 و عمل اثبات ایدر و ابی کبسی حقیقتیه مطابق در که فی الحقیقه اجر و عمل
 بر در که عملک تمثیل ایدر یکی اجر ینیه اول عملدر که صورتین مختلفین ده
 ظهور ایدر افعال بویه اولدینی کی اما کن دخی بویه در مثلاً
 جنتیه وسیله مقامدن مراد روضه مقدسه در و لکن هر بری موطنه
 کوره تمثیل ایدر رفاهم جدا (بعد ذابو حدیث شریفده تجویز
 قیاس ایدر دایل واردرا اکثر اصولیین کی زیرا ضد اصلده ضد
 حکم اثبات اولندی یعنی وطنی حلالده ثواب صدقه اولیحق ضدی
 اولان زناده و زر ثابت اولدیکه ضد ثوابدر تنکیم (من مات لا یشرک
 بالله شیئاً دخل الجنة) نک ضدی من مات یشرک بالله شیئاً دخل
 النار در و كذلك (طوبی لمن طال عمره وحسن عمله) نک
 ضدی و بل لمن طال عمره وساء عمله در و علی هذا که نظائر
 بسیار در و بعض تابعین که قیاسی ذم ایدر یا نصیه مخالف
 و یا بعض شروط طی مفقود اولان قیاسه محمولدر پس قیاسله عمل
 صحیحدر که قیاس ادله اربعه دن بریدر تنکیم مخلنده میبندر
 * السادس والعشرون *

* کل سلامی * سلامی ضمه و خفت لامله جباری وزنی اوزر ینیه در
 جمعی سلامیات کلور جباریات کی کذا فی القاموس (و بعضیلر واحد
 و جمعی برابر دیدیلر و لکن ضیق ادرا کندر زیرا افراد و جمعه
 نظائر اولان کله ده دعوی تسویه ممنوعدر سلامی او حیوز الشمس
 مفصلدر تنکیم غیری حدیثیه تصریح اولمشدر مفصل کسر صادله
 و فتحله بدنده ملحق العظمین در و بدن انسانده مفاصل مذکور
 اولدینی کی او حیوز الشمس عرق یعنی طمردخی وارد در که بوز سکسانی
 ساکن و بوز سکسانی تحرکدر شویله که اگر ساکن متحرک و یا متحرک

ساکن اولسه مانع نوم اولوب راحتیه خلل و برر کذا قاله سهل بن
 عبد الله التستری قدس الله سره * من الناس * کل سلامی به صفتدر
 تقدیری کل سلامی الی فی کل فرد من افراد الناس دیمکدر که من الناس
 فی الحقیقه کل فردی بیاندرا فاما صورتیه من فی معنایه در تنکیم قرآنده
 کلور (ما ذا خلقت من الارض) ای فی الارض * علیه صدقه * علیه
 ضمیری تذکیر اولندی مع هذا سلامی مؤنثدر عضو و یا مفصل و یا کل
 اعتباریه زیرا اگر چه کله کل مدخولنک افرادنی احاطه ایچون داخل
 و تذکیر و تأنیث و اعرابده اعتباریه مضاف الیه در (کل امری بال وکل
 نفس ذاتة الموت) کی فاما صورت ایدر و مضاف و قوعی فی الجملة
 اعتبارنی صحیحدر (یعنی هر مسلم مکلف اوزر ینیه عدد مفاصلی قدر
 بطریق الشکر لله تعالی صدقه لازمدر زیرا قبض و بسط و جلب
 و دفع مضرت بومفاصله منوط اولمغله نعم جلیله دندر علما
 دیدیلر که صدقه فی سلامی اوزر ینیه ایجاب ایدر یکی مجازدر زیرا فی الحقیقه
 صدقه صاحب سلامی اوزر ینیه لازمدر و لکن ظاهر اولان بودر که
 بوراده علی تعلیل ایچوندر تنکیم قرآنده کلور (ولتکبروا لله علی ما هدیکم)
 ای لاجل هدایتکم یعنی اول سلامی به شکر دن اوتوری صدقه لازمدر
 لاجل الهدایه تکبیر و تعظیم لازم کایدیکی کی (صورت استعلا در ایراد
 اولدینی وجوب صدقه به اشارتدر * کل یوم تطلع فیہ الشمس *
 کل نصبیه در که عاملی علیه در ای کل سلامی وجب علیه او ثبت لاجله
 کل یوم الخ بالاده یوم تقریر اولمشدر (طلوع ظهور معنایه در
 و طلوع شمسدن استعاره اولوب طلوع علیه افلان دندای ظهور و اتانا
 معنایه و طلوع علیه ای علم و طلوع عنه ای غاب فهو ضد و شمس فلك
 رابع کواکبدر که بین الافلاك توسطنددن اوتوری شمس دندای
 شمس قلا در دنکه میانکین دیدکدر یعنی قلا در نک چاق اورتاسنده
 اولان جوهر نفیس کبیردر (یعنی هر کون که انده کونش طالع ایدر جدیدا
 صدقه لازمدر یو خسه بر کونک صدقه سی جمع ایامک صدقه سنه کافی
 اولماز زیرا هر کون بر آسمان مستقل اولمغله تنکیم طلوع و غروب اکاشاهددر

حکم دخی تجدید ایدر و بعضی از تجویز ایدوب دیدیلر که بوم رفعله مبتدا
اولور سه مایه بنده اولان جمله لر حذف عائدله اخبار اولور لر تعدیل
فیه تعین فیه معناسنه بوصورنده استیناف یعنی عدد سلامی قدر
صدقه یه کیم قادر اولور دیوسوال ایدنه جواب اولور و بوتقر براوزرینه
تطلع فیه الشمس یومک صفت کاشغه یعنی مو فسخه سی او اور
رفع توهم ایچون زیر اوقت اولور که بومله مطلق وقت مراد اولور
و علم نحو در مسطور در که نکرا تده تخصیص اشتراکی تقلیل ایچوندر
رجل عالم کی و معارفده توضیح احتمالی رفع ایچوندر زید الظریف کی
* تعدیل بین اتین صدقه * خطاب اوزرینه در غیبت اوزرینه دکل
پس عدله خطاب شانندن اولنلرک جمله سنه شامدر (ولوتی
اذا الجرمون) کی که خصوص اوزرینه رائی به خطاب دکلر بلکه
رؤیتله خطاب صالح اولنلر عامدر عدل تسویه در یعنی برنسنده
برنسنه ایلر برابر فلقدر و اعتدال تنا سیدر بوراده فعل مصدر تقریرنده
مبتدا و صدقه خبر اولوب مجموعی کل کلمه سنه خبردر (و تسمع بالمعبدی
خیر من ان تراه کی و قرأ تده (ومن آیاته یریکم البرق) یعنی بومقوله
مواضعه فعلک متضمن اولدیغی حدثه نظر اولنور هیئت فعلله دکل
و بعضی لر دیدیلر که اصلنده (ان تسمع وان یریکم در و اتین دن مراد
متحاکمین و یا متخاصمین و یا متهاجرین در پس دیمک اولور که ایکی
کیمسه اراستی اصلاح و تقویم ایتک صدقه در ز برانخاصمه قبیح قول
و فعل دن خالی دکلر بناء علی هذا اصلاح ذات البین ایتک فی یحیدن
وقایه اولغله باعث اجر و ثواب اولدی و لکن شرط اصلاح و تعدیل
بودر که حلالی حرام و حرامی حلال فلیله که حد شرعی نجس و زدر
اگرچه بعض موادده فی الجملة کذب جائز و جاریدر ز بران جائز که صدق
دوام عداوته سبب اوله انکیچون محله کوره کذب صدق دن اولی اولور
قال الله تعالی (انما المؤمنون اخوة فاصلحوا بین اخویکم) و تالیف
قلوب فضیلتدن اوتوری محل امتنانده واقع اولوب (فالف بین قلوبهم)
وارد اولشدر و بعض احادیثده اصلاح ذات البین صلاة و صیام

و صدقه اوزرینه تفضیل اولمشدر ز بران اصلاح خواطر اصلاح
کعبه و بلکه دخی اعلادر زیر اقلب بناء الهی در و انک عمارتنه سعی ایتک
من یدر ضوانه وسیله در * و تعین الرجل فی دایته قحمله علیها * بودخی
خطابدر و تأویل مصدرده در الرجلده الف لام عهد ذهنی ایچوندر که
خارجده غیر معین مراد در پس آشنا و بیگانه یه شاملدر و بلکه
کافره بله کفر و ضلالک غیری موادده مساعدده مشروعدر فی دایته
حذف مضاف اوزرینه در که فی رکوب دایته دیمکدر دایه دیب
دندر که مشی خفیف در لغتده جمله حیوانه اطلاق اولنور و عرف
عامده مر کویده غالبدر خیل و بغال و حیر کی قال الله تعالی (ومن آیاته
خلق السموات والارض وما بث فیهما من دابة) بوراده دایه ایلر مراد
سی در مسبک اسمی سبب اوزرینه اطلاق طریق یقیده ز بران دایه سبب
حیاتدر بومعنا یه ملائکه دخی دایده داخل اولمش اولور و جاریدر که
من دابة دنصکره و الملائکه تغدیر اولنور نکیم (ولله یسجد ما فی السموات
وما فی الارض من دابة و الملائکه) انی تأیید ایدر ز بران قرآن عظیمک
بعضی بعضی تفسیر ایدر و بقیه وجوه روح البیان نام تفسیر مرده در
و معنای حدیث بودر که دخی بر کیمسه یه دایه سنه رکوبده اعانت ایدوب
دایه سی اوزرینه کندی ارکاب و جل ایتک صدقه در ز بران ضعیفه
اعانتدر و قوی اولدوغی صورنده دخی مساعدده ایتک اجردن خالی
دکلر کنار نهمرده سعی ایتک کی * اوترفع له علیها مناعه صدقه *
قحمله علیها اوزرینه معطوفدر که او کلمه سی تنويع ایچوندر
یوخسه راویدن شک دکلر نکیم بعضی لر زعم ایتدیلر ز بران اولکبسی کندی
دایه اوزرینه و ایکببسی متاعی حیلدر کندی دکل پس ایکبسی دخی
موجب اجردن معنی دیمک اولور که یا خود بر کیمسه نک متاعی دایه سی
اوزرینه قالد و رب یو کلتک ایلر اعانت ایتک دخی صدقه کبیدر
بوصورنده تقدیر کلام دیمکدر که (و تعین الرجل فی حل متاعه
علی دایته فترفعه علیها پس ایکبسی دخی تحت اعانتده داخل
اولمش اولور (متاع ما تمتع به و ینتفع معناسنه در و قرأ تده کلور

(قل متاع الدنيا قليل) و متاع انكه قصه مسح ايتدكلى نسنه در كه
ترك اكا چنانى بزی دير نكتم كلام عربده كلور (جاء الرقيم واخذ المتاع
فتبارك الجبل) يعنى كلب كلبى و چنانى بزنى آلوب طاعه چقدى و دنيان
متاعه تعبير اولمقده دنيان زياده تحقير و اردر زيرا چنانى بزنه تشبيه در
مبتدل نسنه در * والكلمة الطيبة صدقة * يعنى انك اجرى صدقه
اجرى كييد در مضاف و حرف تشبيهك حذف مبالغه همچوندر زيده
كلاسد مقامنده زيده اسد كى و سائر نظائرى دخی بويله در و اكالمحسوسى
محسوسه تشبيه ديرل جامعى عقليده در كه هر برى اوزر نسنه ترتب
ثوابدر و نفس منكلمه و مخاطبه صدقه در ديمك جا ژدر زيرا غداء
روحانى در نكتم كلور و كلمه طيبه ذكر الله در تكبير و تحميد و تهليل
و تسبيح و استغفار كى نكتم غيرى حد يشده تصریح اولمشدر
ودعا و ثنا و جمع قلوب و تفريح دل و ادخال سرور ايدن كلمات دخی
انده داخلدر و قرآنده كلور (قول معروف و مغفرة خير من صدقة
يتبعها اذى) يعنى سائلك خاطرى قول حسن ايله تطيب ايتك
اذيت ايله متبوع اولان صدقه دن خير لودر زيرا امتنان
موذى جاندر بس امتنان دائر و انك امثالى اولان كلمات طيبه اولماز
خيبت اولور فعليك بالطيبات و اياك و الخبيثات * و بكل خطوة
تمشيها الى الصلوة صدقة * بازائده و يا مقابله همچوندر و خطوه فتحله
مره در كه بر كه آدم در و ضمه ما بين القدمين و مفتوح دخی اولور
قال الله تعالى (ولا تتبعوا خطوات الشيطان) تمشيها خطا بدر غيبت
دكل ضمير خطوه به راجع در يعنى هر آدم كه نماز بوررسن مسجد
كيد رسن هر برى بر صدقه در (بعض علماء ديمشدر كه كلمه طيبه
و خطوه الى الصلوة اوزر نسنه صدقه اطلاق اولمق مع هذا تفهيمى
غيره متعدى دكلدر يا مشاكات و يا سبب اجر اولمقده ماله تشبيه
طريقيله در انتهى بالمعنى (وظاهر اولان بودر كه بوايكبسى نفس فاعل
اوزر نسنه صدقه در زيرا غداء جسمانيده كندى آغز نه وضع ايتديكى
لقمه صدقه اولمق كه نفس حيوانيده بى طاعتنه تقويت همچون

تريه در غداء روحانى دخی نفس ناطقه بى تمينه و رقيه همچون اعاندر
بو يوزدن اعمال لازمه اعمال متعديه اولدى پس صدقه ايله مراد بالكر
صدقه ماليه دكلدر بلكه نوافل طاعات دخی انده داخلدر نكتم
صلاته مشيده سائر طاعاته مشى دخی مندر جدر صلاه رحم و طلب علم
و سفر حج و غزا و عبادت مرضى و نظائرى كى زيرا شارحك بر نسنه بى
تعينى سائرى منافى دكلدر كه طاعات متشابهاتدر (مرويدر كه زمان
نبوده صلى الله عليه وسلم بعض اصحابك رضى الله عنهم مساكنى
ناحيه مدينه ده اولمغله قرب مسجد نبوى به انتقال ايتك صد دنده
اولد قلرنده (انا نحن نحيى الموتى و نكتب ما قدموا و آثارهم) آيت
كريمه سى نزول ايدمك حضرت رسالت انلرى جمع ايلوب (ديار كم
يكتب آثار كم) يعنى خانه لريكره ملازمت ايديكوز و قرب مسجد
انتقال سودا سنده اولميكوز زيرا اثر لريكره و آدم لريكره ثواب يازيلور
بيوروب آيت مذكوره بى قرائت ايتدكه انلردخی عزيمتلرندن فارغ
اولديلر و غيرى حد يشده (مشى الاقدام الى الجماعات) مكفرات ذنوبدر
عد اولمشدر پس بويابده بياده سواردرن افضلدر مكر كه اهل عذر
اولمغله راكب اوله و فى الحديث (اعظم الناس اجرا فى الصلوة ابعدهم
اليها مشى فابعدهم) يعنى نماز همچون مسجد بعيده اقدام اوزر نسنه
بور يوب كتمده ثواب زياده در زيرا خطوات كثيره به محتاجدر كه
مشقتى مشتملدر مكر كه مسجد قريبي هجر ايتك لازم كلمه زيرا قريبي احبا
اولادر و يا خود مسجد بعيديك امامى مبتدع و يا غيرى وجهله ضال
اوله زيرا كرجه (صلوا خلف كل بر و فاجر) موجب به فاسقه
اقدام ايله دخی اصل صلاه صحيح اولور فاما متقى به اقتداده كى كى ثواب
كثير اولماز بوسيدن اوق كى ابراهه آتلق بيانه كتمك كيددر كه
زجت محرمه در و قبور انبيا و مر اقد اوليا زيارته قصد و فقه و فخره
صحبتنه عزم و خروج نه ايدوكى بوندن فهم واخذ اولانه * و تمبظ الاذى
عن الطريق صدقة * تمبظ افعال بايندن خطا بدر اما طد تبعيددر
ذى طريقدرن مرور ايدنلره زجت واضطراب و برن نسنه در حير

وشوك وعظم ونجاست وطین وامثالی کبی امامطه اذابی تأخیر ایلدی
 زیرا ادنی شعب ایماندر نتکیم شهادت اعلای شعبدر بوجهتدن ازاله
 اذی مرادیدن کیمسه به مستحبد که ابتدا لا اله الا الله دیه تا که شعب
 ایمانک اعلی و ادنی سنی جامع اوله بعد ذل حدیث مشروحدن مقصود
 هر سلامی مقابله سنده یا بر ذکر قوی و یا بر خیر فعلی در که امر بالمعروف
 ونهی عن المنکر و درت رکعت صلاة ضحی وامثالی انده داخلدر
 و بونله قادر اولمیانله ادنی الامر کر کرد که نفسنک شرفی خلقدن دفع
 ایده زیرا کرچه تر وک مقوله سنده اجرا ولماز ولکن نیته مقارن اولیحق
 مأجور اولور مباح کییکه احکام شرعیه دن اولق اوزره نیت ایدوب
 عمل ایدنه ثواب مندوب کبی ثواب واردر (و حسن بصری وابن سیرین
 رحمهما الله تعالی دیمشدر در که فعل خیرده نیت اولمسه ده اجر واردر
 زیرا اکثر خلق تصحیح نیتدن عاجز لدر پس نیت امور مباحه ده
 و عبادات مستقله ده لازمدر وشولکه معروفاندر صله رحم واحسان
 یتیم واعانه ضعیف و اطعام مسکین وامثالی بونلرده
 تصحیح نیت کماله راجعدر بوخسه اصل ثبوت دکل انکیچون الله تعالی
 کافرله مکارم اخلاق اوزرینه دینیه مجازات ایلر مع هذا نیتلری
 یوقدر هکذا قالوا (بوفقیه فیه یتدیک یور که کفار مکارم اخلاق
 مقابله سنده اولان مکافات دنیویه آخرتده بین الحیوانات قصاص
 مقابله کیدر که فی الحقیقه بطریق الجزا دکلدر نتکیم شیطان علیه
 مایستحق (انک من المنظرین) دینلوب طقوز بیک و یا اوتوز بیک سنه
 عبادت سابقه سی مقابله سنده الی یوم القیام عمر طویل اعطا اولندی
 معتبر اولان ایسه مکافات باقیه در فانیه دکل و کفارک دوزخده بعض
 افعال خیر مقابله سنده کفردن ماعداه معاصی خصوصنده تخفیف عذاب
 اولند قلری اختلافدر و علی تقدیر الصحه اول تخفیف نعمت قبیلندن
 دکلدر زیر ناردنه نعم اولماز که کفرزی مقابله سنده عذاب ابدیلری اتی
 منافیه در بناء علی هذا هر عملده مقتضای حال نیت تقرب رب متعالدر
 زیرا قصود و نیات ارواح اعمالدر و بی روح جسد دن انتفاع اولماز تأمل

ایله که الله تعالی جمیع ارادات ایچندن نیتی اختیار ایتشدرا کر برکارده
 مطلق ارادت کافی اولیدی نیتیه حاجت قالمزدی و هر مراد اولان
 ایشده ثواب اولق لازم کلوب عبادت و عادت بری برندن ممتاز
 اولمزدی و عوام و خواص رتبه ده برابر اولوب اخلاصنه کوره رفع
 درجات لازم کلزدی پس عاملک معمول لهم ارتباطی نیتله در بوخود
 معلومدر که هر کارک یوزی حقه دکلدر مثلا بر کیمسه اکل و شربدن
 امساک ایتک پرهیز و یا مرض و یا بخلدن ناشی اولق احتمالی واردر
 بوجهتدن اول امساک که صوم دیمک نیتیه موقوفدر اشته بودر که
 (الصوم لی وانا اجزی به) دنلدی پس بونیت اولمسه امساک حق ایچون
 اولمایوب اوزرینه ثواب ترتب ایلز و اکثر اعمال مداخله زیادن خالی
 دکلدر مثلا اطعام مسکین و اطعام ضعیف وامثالی گاه اولور که بعض
 اغراض فاسده به مبنی اولور بومعنادن تحصیل اجر و ثوابه اخلاص
 نیت شرطدر و حدیثه کلور (من قاتل لکن کلمة الله هی العلیا فهو
 فی سبیل الله) یعنی صورت غزا افعال خیردن ایکن شهرت و یا جلب
 غنیمت و یا غیری غرض ایچون اولان مقاتله فی سبیل الشیطان و اعلای
 کلمة الله ایچون اولان فی سبیل الرحمن اولدی و صورت عمله نظر
 اولمندی کر کسه صورت خیرده اولسون و فی الحدیث (ان الله لیؤید
 هذا الدین بالرجل الفاجر) یعنی تأیید دین افاضل اعمالدن ایکن
 فجورله بله ثوبده تأثیری اولوب مردود و صاحبی مغضوب اولدی
 و دیمشدر در که کلمة شهادته بله نیت لازمدر یعنی شهادت عمل لسان
 اولمسه که عمل ظاهر در نیت اخلاصه محتاجدر زیرا جائزدر که اهل
 نفاقک شهادتی کبی اولوب (والله یشهد ان المنافقین لکاذبون) نشانبله
 عمل اوله چونکه اهل الله تزکیه نفس حسیله نفس و شیطاندن
 خلاص اولدیلر و یا و سمعه مداخله سندن نجات بولدیلر لاجرم
 اخلاصلری جمله اعماله ساری اولوب هر کارده مثاب و مأجور اولدیلر
 و اخلاصلرینه کوره درجات عالییه بولدیلر هذا و لیس وراء عبادان قرینه
 * السابع والعشرون *

معلوم اوله که یکری یدنجیده درج اولنان ایکی حدیثدرکه متنا و سندا
مختلفدر ولکن معناده بر برینه اتصالی وهر برنده فائده زائده اولمه
بر برده درج ایلدی و حدیث واحدکی قلدی * البر حسن الخلق *
بر کسره بالاده شرح اولندیغی اوزره انواع خیری جامع اسمدرکه
شرعک و جویا و یاندبا اقتضا ایتدیکی نسنه در زیر بر کسره بردن
اخذ اولمشددر فتحله که بحرك مقابل و معنای توسعی مشتملدر و واجبه
بر اطلاق اولندیغی (لبس من البر الصيام فی السفر) حدیثندن
ماخوذ در زیر بوراده صیامله مراد صوم فرضدر و ابرار دیدکلی
شول طائفه درکه انواع بری جمع ایتشلر و طاعتده تقصیر ایتمشلدر که
انلر عباد و زهاد در زیر اعمال جسمانیه درجات جتیه داردر که
مقامات اهل اعمالدر و مقربین احوال روحانیه ایله حقه تقرب
ایدنلدر که مقامات قرینه راقیلدر بونلر ابرارک فوقنده در زیر ابرار
یونلر کوره باطندن ظاهر منزله سنده در زیر ظاهر عمل جسده راجعدر
جسد ایله ایسه حقه تقرب اولماز باطن حال ایسه روحه داردر روحله
ایسه حقه تقرب ممکندر زیر نفخ الهیدر و مخلوقدر دندیکی وسیله
قربت اولمغه مانع دکلدر زیر ارواح کسره اتصال قویسی واردر
خافهم جدا وگاه اولور که بر عقوقله مقابله اولنور بوصورته بر
احساندن عبارت اولور نتکیم عقوق اساءندن عبارتدر بوراده بر ایله
مراد اعظم انواع بردر که حسن خلقدر کویا که بر حسن خلقدن
عبارتدر زیر عبدالله مولی میاننده احسن اخلاق رضا و تسلیم و عبدالله
عبد اراسنده سخا و حسن خلقدر و حسن خلق دیدکلی مکارم
اخلاق و معاملات جیهله در طلاق وجه و کف اذی و بذل ندی
و رفق ولین جانب و حسن عشرت و امثالی کبی اشته بوندن فهم
اولندیکه عبوس الوجه اولق و غضب و کسر خاطر و بد معامله
و شدت و تبرک و نظائری مقایح اخلاق و افعالدندر که اوصاف
نیویه دن خارجدر پس حسن خلقله هر خلق حسن مراد دکلدر
بلکه مکارم اخلاقدر که سنک ایله غیر اراسنده جاریدر زیر کندی

تاکه لازم اولان اوصافه نعوت دیرلر اگرچه بومقامی نیجه رفهم
ایتمشلدر * والا ثم ما حاك فی نفسك * اثم موجب عقوبت اولان
گاهدر همزه سی و اودن منقلبدر کویا اعمالی و ثم و کسر ایدر یقال
و ثمه ثمه کسره و دقه و اثمی همزه بایندن ذکر ایتدکلی و اوی الاصل
اولدیغنه مانع دکلدر زیر اصلی متروک و منسی در نتکیم بعض علماء
اسمی و سم دن اخذ ایلدی و یقال حاك السيف یحیک حیک اثر یعنی
حیک حاء مهمله نك فتی و یاء مشات ساکنه و کافله تأثیر معناسنه در
و انی محی دن جاك قیاس ایدنلر تصحیف ایتشلر در نفسله مراد
صدر در زیر بعض احادیثده صدرله تعبیر اولمشددر یعنی گاه واردر که
نفسده و صدرده تأثیر ایلده واکا نفور و کراحت واضطراب کتوره
پس حیک اطمینانی منافیدر زیر اطمینانده تردد واضطراب اولماز
بلکه یقین و سکون اولور نتکیم اصحاب الهام و داعیه حالیدر یعنی الهام
و داعیه اهلی اودر که بر نسنه بی قبول ورده قلبه نظر ایدر شویله که اگر
تردد حاصل اولورسد (دع ما یریبک الی ما لای یریبک) موجبجه شکی یقینه
مبادله ایدرلر و بوندندر که محیر اولدقلری نسنه بی اشلر لر زیر تخبرده
مکر واردر پس بر نسنه معمول به اولمغه قطع لازمدر والا اثم دن خالی
اولماز زیر بر نسنه بی اهل دلاک کوکلی قبول ایتدیکی شره علامتدر
خیره دکل * و کراحت ان یطلع علیه الناس * یقال کره الشیء بالکسر
من باب علم لم یرده یعنی کراحت ضدار ایدر ولکن عرفا تنفر معناسنه
الاستعمال اولنور کما فی الکرمائی (و تاج المصا درده کلور که الکرهاته
دشوار داشتن یعنی بر نسنه بی کوچ طومق زیر دشوار عسیردر یعنی
وجوه و امثال قوم که انلردن استیحیا ایدرسن و یا مطلق ناسک اولحاله
اطلاعی و اول ایشک انلرک یاننده سندن صدورنی کراحت ایدرسن
و تنفر ایدرسن و سکاعیب و عار کلور اشته اثم بومقوله نسنه در و بوندن
فهم اولندیکه اثمک ایکی علامتی واردر بری داخلیه در که قلبک
او خصوصده اضطراب و ترددیدر و بری خارجیه در که اطلاع ناس
صورتنده فصاحتدر بومعنادن دیدیلر که انسانک قلبی شویله کرکدر که

بالعرض برطبق اینجا وضع اولوب خلقه عرض اولسه اینجا
حیا اینه جک برنسنه بولمیه (و بودخی معلوم اولدیکه معنای مذکور
اهل عفته کوره در زیر مغلوب الهوی والشهوه اولان کیمسه مذموم
العاقبه اولدیغنی یلادیکی امر مضره اقدام ایدوب مفتضح اولور
زنی وسرقه وامثالی کی وعغیف اولان توفیق الهی ایله محفوظ اولور
(سؤال اولنورسه که مضطرب اولدیغنی امر نفسی نوجمله اثم اولور که
عمل ایتدوکی و یا سانه کتورمدوکی سنه معفودر تنکیم حدیثه کاور
(ان الله تجاوز عما وسوست به نفسها ما لم عمل به او تکلم) جواب
بودر که مقصود نبوی قلبه متردد اولان سنه نك عمل و تکلمی اثمدر
دیمکدر والا عفوده وسوسه کیدر * قال وابصه رضی الله عنه *
وابصه باء موحد نك کسری و صاد مهمله ايله اسم مذکور در
زیرا تا وصفیدن اسمیه نقل علامتیدر و بصدنر که لمعان یعنی
یلدر اقم معنای سنه * ایت رسول الله صلی الله علیه وسلم * اتیان سهواته
محییته دیرلر وبالذات وبالامر اولانه شاملدر و خیرده و شرده دخی
جاریدر یأتی الفاحشه کی و دیمشدر در کجی ده برنسنه بی جانب
مبدادن نقل و اتیانده منتهایه ایصال ملاحظه اولنوراشته بوجهتدن
فرقلری واردر اگر چه اصلنده شیء واحددر (هر ویدر که وابصه
هجر نك طقوزنجی سنه سنه بنی اسد قبیله سنندن قومندن اون نفر
کیمسه ایلر رسول الله صلی الله علیه وسلم کلوب کر بند اسلام اولدیلر
و آخر رفته دقین خاك اولدی قاری القرآن کثیر البکاء صحابی ایدی
رضی الله عنه * قال * رسول الله صلی الله علیه وسلم وابصه به بیوردی
وابصه اکا حالی عرض و ضمیرنی کشف ایتزدن اول * جئت تسأل
عن البر * یعنی یا وابصه بر و اثمندن سؤال ایدر اولدوغک حالده بزه
کلکد زیر جواب آتیده اثم دخی درج اولندیغندن وابصه نك مرادی
ایکبسنندن دخی سؤال ایدی تنکیم غیری روایتک سوقنده مجموعی
مذکور در پس بوراده طی اثم اولندیغنی اکتفا قیلمدنر و بونده
کشف ضمیر واردر که دلائل نبوتندر زیر قبل التکلم قلبنده اضمار

ابتدییکی نسنه دن اخباردر و کشف بش نوعدر که کشف ضمیر و کشف
قبور و کشف ملک و کشف جن و کشف الهی در که بوجمموعک اغلاسی
کشف اخیر در زیر الله تعالینک ذات وصفات و افعاله دائر در
ماعداسی ایسه اکواندنر و اکوان عالم وجوبک قشری کیدر
مقصود ایسه ایدر قشردکل * قلت نعم * سوء اله کلدوکنی تصدیقدر که
انکاره وجه یوقدر زیر تعلم خیر طریقله داخل مجلس نبوی اولمشدر
پس حال باطنی جناب نبوته منعکس اولسه دخی کشف راز ایتلودر
* قال استفت قلبک * قلبکدن فتوی طلب ایلر دیو بیوردی یعنی
بر و اثمی بیاندن اول ابتداء کلام بواولدی (فتوی فتی دند رشاب قوی
معنای سنه زیر مفتی جواب حادثه ایلر سائله قوت ویرر و بوراده
قلبی مفتی منزله تنزیل ایلدی زیر مظهر اسم علمیدر که علم اشرف
اوصافدر قلب اشرف قوی اولدیغنی کی بونده وابصه نك اهل قلب
اولدوغنه اشارت واردر زیر رسول الله علیه الصلاة والسلام
نور نبوتله حال وابصه به واقف اولوب انی ادراک قلبی به احاله ایلدی
واهل قلب اولمق پینه و بین الله حجابلرک ارتفاعی واسم اعظمه مظهر
اولوب انفس و افاق بری برینه تطییغه قادر اولمفله اولور تنکیم
خطاب مذکور دن اقدام رسول الله وابصه بی زانو برانوا تقریب
و اوج برماغنی جمع و انک صدرینه وضع ایتدوکی سینه سنده قوت
ادرا که دالدر زیر اوج برمقدده اوج مرتبه به رمز واردر که ذات
وصفات و افعالدر * البر ما اطمأنت الیه النفس * اطمئنان نفسک
اضطر ایدن ساکن اولماسیدر که ترك دکلمک و بحکم آرامیدن و آسودن ایلر
تعبیر ایدر و طمأنینت ضمه و سکون همزه ایلر اسمدر که مصدر مقامنه
اقامت اولمشدر فتح طائله غلطدر زیر اطمأن یطمئن طمأنینه اقشعر
یقشعر قشعر یر کیدر (معلوم اوله که جوهر انسان فطرت اولیده حقیقت
واحددر که قوای کثیره سی واردر عند الصوفیه قلب و روح دیدکلرینه
عند الحکیم نفس ناطقه دینلور پس غواشی بشریه ایلر محتجب اولسه
نفس و عند النجدر عقل و عند الرجوع الی العالم القدسی الاصلی روح

و باعتبار المعرفة قلب دیرل یعنی بر او در که نفس اکامطین و انک
حقنه بی اضطراب اوله زیر نفس حجب بشریت ایله محتجبه اولدیغی
جهتدن ظنون و شکوک و تردد و اوهام و خیالدن خالی د کلدن چونکه
اختراق حجب ایلله الهام و داعیه اهلی اولوب یره متعلق نسنه ظهور
ایتسه انک حقنه بی تردد اولور حق اولدوغنی بلور و انکله عمل قلور
و بونده (دع یریک الی مالایریک) مضموننه اشارت واردن زیر بعض
امور وارد در که بحسب الحکم مغلق قالور و حقیقتی مفتوحه اولدو
یو صورتده اورادن حقیقتی منکشفه و امری ظاهر ازلان طرفه عدول
لازمدر (حتی رئیس المشایخ صدرالدین القنوی قدس سره حضرت مرتبه
محل ثواب جن منکشف اولمایوب حالی اوزرینه ابقا ایلشدن اگرچه
هر طاعتیه مکافات لازم اولدوغنه قائمدر پس اگر کامل واکر ناقص
یقین تامله عمل ایتک کر کدر * واطمان الیه القلب * عطفدن قلبک
نفسه مغایرتی فهم اولنور نتکیم بیانی سبق ایتدی (و اطمینانی اعاده
دخی استقلاله مریدر) (اطبعوا الله واطيعوا الرسول) کی قلب دندوکی
یرحالدن برحاله تغلب و تحواندن اوتور یدر کرک خیر او کرک شرایعنی
پراودر که قلب اکامطین اوله زیر الله تعالی عبادی معرفت و محبت
و قبول و سکون حق اوزرینه مفسطور ایلشدن پس شول کیمسه نک که
فطرتی سلیم و طبعی مستقیم اوله نفس و قلبی مستحسن اولان نسنده
مطمئن و منشرح اولور و مستکر اولاندن نفرت ایدر انکیچون خبیث
و طبعی تمیزده اهل اخلاق و اصحاب فطرتیه مراجعت اولنور اگرچه
عوام ناس خواص و حکم خواص ندر بارلر انکیچون خلقت هر بری
بر یوله کشلر و اکثر علماء ظاهر دخی اوهام و خیالاته متابعت ایتلدر
نعوذ بالله من مقالاتهم الباطله و دعاویهم العاطله * و الاثم ما حاک
فی النفس و تردد فی الصدور * جمله اولی نک مفردات و معانیسی گذر
ایلمشدن (تردد اضطرابدر که بحکم اندن شد آد کردن ایلله تعبیر ایدر
مثلا قبله نمائک ابتدادن مین و یساره حرکتی کی صدر قلبک طرفی
و خارجی در فؤاد باطنی اولدوغنی کی قال الله تعالی (ولکن تعنی القلوب

التي في الصدور) وگاه اولور که صدرله نفس قلب مراد اولور و صدر
اصلنده جارحه در صکره مقدم الشیء ایچون استعاره اولندی
صدر القنات و صدر المجلس و الکتاب و الکلام کی و صدرین دیدیلر
ایکی قاضیه صکره زیر مقدم قضا تدر بوراده صدرله مراد جارحه دکل
بلکه جارحه نک مشتمل اولدیغی قوتدر که معنویه در پس صدرله قلبک
قوتی بر در و قلبدن صدرله تعبیر اولندیغی تفنن طریقیه له در یعنی گاه
اودر که نفسده تأثیر ایلله وانی اضطرابیه دو شوره و صدر و قلبده تردد
ایدوب صدر انک ایچون منشرح اولیه و بوبایدن در که گاهیجه بعض
اموره مباشرتیه ابتدادن خطا واقع اولوب دفع ایدیم دیرکن بر مانع دخی
ظهور ایدر پس بوخط -الر اول کارک ترکی لازم اولدوغنه علامتدر
حتی بعض عرفاده بر معرفت کتابنه شروع ایتدکده اول امر دن قلمنده
خطا و غلط واقع اولور و اعاده و اصلاح ایدیم دیدکجه یتنه خلاف واقع
اولور پس بو معنی اول کاردن فراغه نشاندن نتکیم بوفقیه چوق کره
واقع اولور حتی بردفعه بعض اهل انکارک امتحان طریقیه له ارسال
ایتدکاری بر امر مشکل شرح اولنور کن قلمده طغیان و طور عقلمدن
خارج بیان واقع اولمغله اوراده عالم غیبیدن بو بیت القبا اولندی که
(بیت قلم برار در هادر ایکی شق انده ایکی سر در) مرکب زهر وارانک
دهانی ایچره مضمر در) فاما بوفقیه ایکا مقید اولمایوب بعد التحریر
محلله ارسال اولندقدده یولده کیدر کن بامر الله تعالی اول شرحک
اوراقی بری برینه ملتزق اولوب فهم اهل انکاره کنجایش دن بیرون
اولان مواضعی ممسوح اولدوغندن استنساخه صالح اولمایوب واقع
الحال برقاج کوندن صکره عکس ایتدکده حفظ الهی ده اولدیغیمزه
تشکر اولندی فاعرفه * وان افتاک الناس * مقدره معطوفدر که
ان لم یفتک الناس وان افتاک الناس تقدیرنده در و بعض ر وایاتده وان
افتاک المفتون واقع اولمشدن که مراد علماء و بو وصل فی الحقیقه استفت
قلبک یم متصلدر البر و ما بعدی استفتاء نقلیدر (یعنی علماء سکا جواز نه
فتوی ویرسه در دخی قلبک قبول ایتدکجه فتوالرن قبول ایتنه زیرا انلرک

فتواری ظواهره منبدر بس اسلم اولان غلط و شبهه به وقوع در حذر
فتوای قلبه عمل ایده سن که بوقوتی سکا باطنیدن و حقدندر و فتوای
مفتی ظاهر دن و خلقدندر و جانب باطن اقوادر انکیچون افتایی ناسه
نسبت ایلدی زیراناس نسیاندندر و نسیان و سهولت مبدائی و همدرد و بو
و همدن نه مدرس و نه فقیه خلاص اولمشدند کرسه روایت و نقلی
عننه ایله و ثقه دن اولسون بوسیددن کتب معتبره حدیثیه موضوعات
بولوراکر چه مؤلفنک صحت احادیث حقدندر دعوای عربضه سی
و ادر فاما خواص ناسک فتوی و یردیکی نسنه بلا تردد معمول به در
زیرا انلرک علمی حضوری در حصولی دکل بس انلرک قول و فعلند غلط
اولماز و الهام عوام ناسه حجت دکل ایسه ده ارباب اعتقاده حجتدر
بومعادندر که الی هذا الان والی قیام الساعة سنن اولیائله عمل اولنور
و ارباب انکارک ظنیاتله مقابله سننه التفات اولماز فان القول ما قالت
حذام * وافتوک * تأکیددر و جا زدر که وان افتاک جمع بعد جمع
معنا سنه اوله و بعضیلر افتوک روایت ایشلر در قافله و نوله ارضوک
معنا سنه کا قال فی تاج المصادر الاقناء سرمایه دادن و خشنود کردن
یعنی خلق سنی ظاهره بنیاء خشنود ایدر لسه دخی قلبکده اضطراب
و باطنکده تردد بولند بجه عملده توقف ایله والا آثم اولور و تنزل
بولور سن نظر ایله حال آدمه علیه السلام که قلبی مضطرب ایکن
التفات ایتوب شجره منهیه دن اکل ایتدکده عاقبتنده نادم اولوب
(ربنا ظلمنا انفسنا) دیدی و وجه ارضه هبوطنده فی ایدوب اندن
زهر اغاجی بنیدی و بوندندر که دیرلر المعاصی سموم یعنی معاصی
فی نفس الامر هلاک معنویه مؤدی اولدیغی کبی هلاک صوری به سبب
اولان اثری دخی مورت اولور پس بوندن فهم اولند بیکه اضطراب
قلب اولدیغی یرده تأویل مفید اولماز زیرا آدم دخی کرچه اکل تأویله
مبنی قلدی فاما بدایتنده صواب ملاحظه اولان نسنه نهایتنده خطا
چقدی خطا مجتهد کبی بوجهتدن هر قیاسه و هر دلیل ظنی به
التفات اولماز بلکه دلیل قطعی و اطمینان دل لازمدر فاعلم ذلك

* الثامن والعشرون *

* قال ابو نجیح العریاض رضی الله عنه * نجیح نون مفتوحه و جیم
مکسوره و اخرنده حاء مهمله ایله فعلیل وزن اولوزه اسمدر نجاحدن که
ظفر بالشی معناسنه در عرباض باء موحده و ضاد مهمله ایله قرطاس
ورنده آدمدن ثقیل و ابل و اسد دن ثقیل و عظیم دیمکدر ابو نجیح
عرباضک کنیه سیدر که نجیح اوغلی و عرباض هجرتدن یمش بش
تاریخنده شامده دفین خاک اولمشدر جله مرویاتی اوتوز بر حدیث
شریفدر * و عظمنا رسول الله صلی الله علیه وسلم * یعنی صلاة صبحدن
صکره رسول الله صلی الله علیه وسلم بزه و عظم و قلبه رقت و بر وجهله
تذکیر ایلدی نیکیم روایت اخراده بعد صلاة الصبح اولدیغی مقید
و مصر حدرون جمع اول مجلس عالیه حاضر اولان صحابه اعتبار ایلدر
آشغه ده قلوب و عیون جمعیتی دخی جماعته ناظر در * موعظه *
مصدریت اورزینیه منصو بدر زبرا و عظم و عظمه و موعظه بدر
ثوین تعظیم ایچونددر که موعظه عظیمه دیمکدر نیکیم روایت اخراده
مر عظمه بلیغه اکادالدر زبرا موعظه نیک بلیغه اولدیغی اندار و تحویف
و تأثیرده غایت بلوغیدر نیکیم (قل لله الحجة البالغة) دئلدی مراد الزامده
نهایتیه بالغه دیمکدر پس بو تقدیردن فهم اولندی که و عظم و موعظه
تذکیر و ترفیق دل و تحویفه مقارن اولان زجر در یعنی شول کلماتی تألیفدر که
قلوب قاسیه بی تلین و عیون جامده بی تسلیل و تدبیر و اعمال فاسده بی
اصلاح ایلر نیکیم خطبه ضمه شول کلامی تألیفدر که و عظم و ابلاغی
متضمن در انکیچون مخاطبه تأثیر ایدر و خطابت دخی دیرلر فحشه
اگرچه عوام کسر ایدر و اول کلامه دخی خطبه دیرلر و موعظه
دخی بویله در که فعل و اعظم اولدیغی کبی تألیف ایتدوکی کلماته دخی
اطلاق اولنور * وجلت منها القلوب * جیم کسر یله و جلدن در
استشعار الخوف معناسینه یعنی قابنده خوف بولمق یعنی قلبلر
اول موعظه نیک تأثیری سببیلر خوفک اولدی قال الله تعالی (انذا ذکر الله
وجلل قلوبهم) دیمشدر در که عندالذکر حاصل اولان خوف

و خشیت بحسب التجلی در یعنی شعاع جلال و نور عظمتك اشراق
 تقدرا یسه حقیدن خوف دخی اول مقدار در انکیچون جناب رسالت
 صلی الله علیه و سلم جمله دن اتقی و اخشی ایدی یعنی زیاده مستعد اولدیغی
 جهتدن تجلی واقع اولوب مقام کبریا ده قیامی دخی اکا کوره ایدی
 پس اعظام و اجلال رادب و حیا عارفك شایبدر زریا مکا شفدر
 جاهلک حالی دکلدر که محجوبدر و بوندن فهم اولور که مقر بین
 ملائکه کرویین کیدر که علور تبیه و مقام قریده اولد قلرندن حقله
 معامله لری جاهلرینه کوره در تکیم خواص سلطانله عوام ناس
 برابر اولماز قال الله تعالی (هل یستوی الذین یعلمون والذین لا یعلمون)
 * و ذرفت منها العیون * ذال معجمه وراء مهمله و فائله ضرب بابندن
 سالت معنا سنده در مصدری ذرفدر که سیلاندر و ذرف عین سیلان
 دمعدر یعنی کوزیاشی آفتددر بس عینه نسبت اولندیغی مجاز در زریا
 سیلان ایدن نفس عین دکل بلکه دمعدر بصورتده کلام مبالغه دن
 خالی دکلدر یعنی اول موعظه تأثیرندن و قلوب اوزرینه سلطان
 خشیتك استیلا سندن اشک دیده روان و بلکه کوزلر پر سیلان
 اولدی عیون عینك جمیدر که جارحه در وضو منبعنه
 عین دید کلری هیئت و رطوبتده جارحه معناسنه اولان عینه
 مشابهنندن اوتوریدر ذرف عیونی وجل قلبندن تأخیر ایلدی
 زیرا وصل اصلدر اصل ایه فرع و سبب مسبب اوزرینه
 تقدیم اولور و بعضی روایتده ذرف تقدیم اولندیغی ادنادن
 اعلایه ترقی ایچوندر زریا بکاء ذکر لسانی کیدر که حال قلبه تابعدر
 پس حال قلب حال قالبدن اعلا در زریا کاه اولور که اغلق کذب اولور
 تکیم اخوان یوسف حقنده کلور (وجاؤا باهم عشاء ییکون) یعنی یوسفی
 ذنب اکل ایدی دیو اخشام و قنده کریان اولد قلری حالده پدر لری
 یعقوبه کلدیلر مع هذا اکلک اصلی یوق و کریان اولد قلری دخی تکلف
 و حیل طریقه ایدی (و بونده تذکیرك استجابنه اشارت واردر بناء
 علی هذا بن مسعود رضی الله عنه هر خبیس اخشامی تذکیر ایلر و خوف

ورجایه متعلق کلمات سویلردی و حدیثده کلور (یسروا ولا تعسروا
 و بشر واولا تنفروا) یعنی وعظ و تذکیر طرفینی جامع کر کدر که ترغیب
 و ترهیبدر زریا و اعظ فصاحتی در هم جراح و هم واضع مرهمدر
 و وصایای اقمایده کلور (لا تکن مرفعه و لا حلو و افسترت) یعنی آجی
 سوز او اولمه که زهر ناک نسنه کی اغزلردن رمی اولور سن و فوق الحد
 مللو سوز او دخی اولمه که حلو اولان نسنه کی عرضه بلع قلنور سن
 پس افراط و تفریطی قویوب معتدل اولور و تراز و کفه لری کی
 مساوات بولا کور قال تعالی (واوکنت فظا غلیظ القلب لا تفضوا
 من حولك * فقلنا یا رسول الله کانها موعظه مودع * مودع دال
 مشدده ناک کسر یله تفعیل بابندن اسم فاعلدر تودیع و داع ایتمکدر که
 بحکم بدر و دورك اسئلک دیر تودیعك اصلی دعتدندر که مسافر
 الله تعالی زجت سفر چکدر میه وانی دعت و حضور و راحت ایرشدوره
 دیود عادر تکیم تسلیم سلامت ایله دعادر و ترکیب تودیعده ترک و تخلیه
 معناسی دخی واردر انکیچون نفسی مجاهده دن ترک تودع دیرلر (معنی
 بودر که پس بر حاضر اولان جماعت صحابه ایله دیدک که یا رسول الله
 کویا بوموعظه بلیغه کن اصحاب و احبابنه و داع ایدوب سفر ایدن
 کیمسه ناک موعظه سیدر که امور لازمده دن هیچ برنسنه ترک ایتمیوب
 سویلر و بردخی عودت ایتمک ایهامن ایلر چونکه حال بویله در
 * فاوصنا * پس بره ایضا ایله یعنی امر دینه متعلق وصیت قبل تا که
 انی دستور العمل قلام و آخرتده فلاح بولالم (سؤال اولور سه که
 قرب انتقالرنده بعض صحابه طلب وصیت ایتد کارنده منع اولوب قرآنه
 احاله قلنمش ایدی بوراده ندن منع اولنمدیلر (جواب بودر که قرب
 انتقالده جای کلام قالماش ایدی اکا بناء اسکات اولندی بووصیت
 ایه انتقالرندن برقاج کون مقدم اولمغله لاجل المصلحه بعض تنبیها
 واقع اولدی (بعد ذابومقامده برقاج اشارت واردر اولکسی بودر که
 استر شاد و ارشاد اکابر دین دن اولور زریا کندی ذاتنده رشید اولیان
 ارشاده قادر اولماز و ناقص طریق کاله هدایت بولمز و امی اوکنه طالب العلم

او تور من و دوه قوشی دوه بوکن کو ترمن و دیمش لردر که (خذوا العلم من افواه الرجال) یعنی علم تافعی اهل رجوایت اغزنندن اخذایتمک کر کدر و بوراده ارلاک کمالدر پس اهل کمال افاده به اقدر و کلامنده روح معنی اظهاردر و ایکنجسی بودر که مزید استعدادی اولانه فیض الهی به قائم می کلز انکیچون الی آخر العمر طلبکار در ذکر اولانان صحابه کبی و حدیثه کلور (اطلبوا العلم من المهدی الی المهد) و قرآنده کلور (و قل رب زدنی علما) مقصود علم بالله در که اکانهایت یوقدر و او چنجسی بودر که لسان واعظ لسان حقدر زیرا حقک متر جیدر پس کلامتک تأثیری مراقبه و مشاهده سینه کوره در فافهم جدا و در دنجسی بودر که حیا رزق صوری به مانع اولدیغی کبی رزق معنوی به دخی مانعدر انکیچون صحابه رضی الله عنهم حضور رسوله کلام و سوء الدن ممنوع ایکن یتنه امور دینه اهتماملری اخر انلری سو یلندی والی هذا الان اهل دل انلرک طفیل مانده سی اولدیلر پس سو یلین حق اولدیغی کبی سو یلدن دخی حقدر تا که خلقه نافع اسمندن تجلی واقع اوله * قال * رسول الله صلی الله علیه وسلم انلرک دخلوا هلر نه مساعده ایلوب پیوردی که * اوصیکم بتقوی الله * تقوائله بدء ایلدی زیرا امور دینیته نک مجمعیدر که مأموراته امثال و نهیها تدن انتها انده مندر جدر و ظاهر و باطن حالی حاویدر زیرا کفر و معاصیدن اجتناب ایدن اهل جنت و درجات اولوب ناور دوزخدن نجات بولور و ماسوای حقندن پرهیز ایلین نار بعد و قطیعتندن سالم اولوب جنت قرب و مقامات معنویه بولور پس تقوی اساس الکمل در و انک بعض تفصیلی بالاده در و تقوایی جلاله به اضافه اشعارت وارد که جمیع اسماء بر زخدر سمایه ایرنجیمه دک پس هر مرتبه به کوره بر نوع تقوی وارد چونکه درگاه الهی بی نهایت در بنشاء علی هذا بر پایه ایله مقید اولیق سالکه رهن ندر بلکه سری علی الدوام سیر ایتلور در نا که تجلیات آفله و غائبه دن تجلیات باقیه و دائمیه وصول بوله و نور ایلدی ایچنده قاله واستناردن خلاص اوله که مقام اکامل اولیادر * والسمع والطاعة * سمع کلام امیری استماع و طاعت امر نه اطاعتدر بومعنا ایله

تقوایی تعقیب و توصیه به تخصیص ایلدی زیرا ظاهر حاله انسب ایلدی شول معنادن که قرب انتقالده اهم اولان نصب خلیفه و اطاعت تحریض و تفرقندن تحذیردر چونکه خلیفه اکابر اصحاب عهدنده رموز نبویه ایله متعین ایلدی لاجرم انی تصریحندن اعراض و اطاعتنه ترغیب ایلدی کویا بنم مقامه خلیفه اولان ابو بکره والی یوم القیام کلن خلفا و امرایه مخالفت ایتد کر دیمک اولدی (پس ینهم و بین الله تقوی لازم اولدیغی کبی ینهم و بین الولاة و الامراء دخی لازم اولدی زیرا نظام عالم انلره منوطدر بوجهتندن نصب سلطان واجب اولدی و امر مباح و جائزده یعنی معصیتک غیر یده اطاعتی لازم کلدی پس معصیت مقوله سنده مطاوعت لازم دکدر شوقدر وارد که خروج علی السلطان جائز اولدیغی مجمع علیه در زیرا سلطانله حاصل اولان صلاح فساددن زیاده در و جور یننه صبر ایتلک اثاره فتنه دن اهون و هرج و مرجدن خالیلر اکر چه حضرت عثمان رضی الله عنه وقعه سندن بری بوامت ارا سنده باس باقیدر یعنی سیف و قتال مرفوع دکدر زیرا انک دفعیچون دعا به رخصت الهیه اولماشدر و حدیث آخرده کلور (اسمعوا و اطیعوا فانما علیهم ما حملوا و علیکم ما حلتهم) یعنی امرایه لازم اولان رعایایه عدلدر و سزیه واجب اولان اطاعتدر زیرا بری بریکوزه امانت سکوز و عدل و اطاعت و سائر فرائض اوزر یکوزه دین شرعدر انکیچون حدیثه کلور (اللهم اقض عنی دینی * وان تأمر علیکم عبد * ان و صلیه در تأمر تسلط ایتلک و امیر اولمقدر و بعض روایانده عبد حبشی واقع اولمشدر و حدیث آخرده کلور (ان امر علیکم عبد مجدع یفودکم بکتاب الله فاسمعوا له) مجدع تشدید دال ایله معظم وزنی اوزره مقطوع الانف او الاذن او الشفة معناسنده در یعنی سزک اوزر یکره عبد حبشی و یا بر مقتوع الانف ادنی کیمسه تسلط ایدوب والی و امیر او اور سه دخی مادامکه سزی کتاب الله ایله قائد در اکا اطاعتندن اعراض ایتلکوز بلکه حکمت الهیه به حواله ایدر کوز زیرا الله تعالی ظاهره نظر ایتز انکیچون

ارباب تصوف هر خصوصه بی تکلف در و منقولدر که مغربده بر کیمسه
قطب اولش ایدیکه اشل ایدی یعنی بی دست و یا خود چو لاق
دید کلریدر که بین الناس عیوب ظاهره دندر فاما مستعد اولیحق
تقطبنه مانع اولامشدر (بعثذا معلوم اوله که) (الائمة من قریش)
و فقیحه خلیفه و امام قریشدن نصب اولحق لازمدر انکیچون
شریف مکه الی الان اول قبیله دندر و رومده آل عثمان و سایر ملوک
و سلاطین اسلامیه شریفک اقطار ارضه نواب و وکلای کبیر
انکیچون اوائلده ملوک مصرده آل عباسدن استیذانله جلوس
ایدردی زیرا بلاذن جلوس و خلافتده میمنت یوقدر صکره آل عباس
منقرض اولیحق امور ولایت و خلافت شریف مکه به منوط اولدی
اگرچه که شریفک ظاهرا بوا عصارده ضعف حالی واردر ولیکن
اصالتی انی هر حالله ترجیح ایشدر پس عبدک امارتی فرض و تقدیر
طریقله در و واقع اولدیغی صورتده دخی نیساته محمولدر (و تور پستی
شرح مصابیحده دیشدر که جائزدر که بو کلامله ذوی الامرک
اطاعتده مبالغه مراد اوله یوخسه ظاهر لفظک اقتضای تدیکی اولیه
زیرا عرب ابواب مبالغه ده وقوعه قریب اولیان نسبه ایلله ضرب
مثل ایدر و یوبایدندر که حدیثده کلور (من بنی لله مسجدا و لو کان
فخوس قطاة بنی الله له بیتانی الجنة) انتهى بالمعنی ولیکن وقوعی
انکار امر بدیهی بی انکار کبیر یعنی وکلادن عبد حبشی و مقطوع
الانف کیمسه لک امارتی چوق واقع اولمشدر حتی و صایای قنوجانده
کلور که بروقنده مغربده امام المسلمین کلور دیو خلق اراستنده کفت
و شنید اولدقده هر کس انک تماشاسنه متبھی اولیحق اوراده نصرانی
بولوب بندخی مسلمک پادشاهنه نظر ایدیم دیوب طوردی کورسه که
الای ایلله بر مقطوع الانف زشت حبشی کلور تعجب ایلوب بومقوله
فیج الهیکل کیمسه نك سلطنتنه ایکی عقل بریره کلوب اجاع ایتز همان
بو قدرت الهیه غالبه ایلله اولمشدر دیو انکله قدرت قاهره اوزرینه
استدلال ایدوب شهادت کتوردی و مسلمان اولدی * وانه من یعش

منکم * وانه ضمیری شاندر و بعض روایانده فانه در فائله من شرطیه
و یعش انکله مجزومدر اصلی یعش در عبش قحله حیاتدر معبشت
ما یعاش به معناسنه در عرب حیات دید وکنسه عجم زند کی دبر که
دیری لکدر زند کانی دیری لک اوزرینه تفرع ایدن دیر لکدر تمتع
بالحیاة معناسنه عائشه عبش دندر که تفؤل طریقله تسمیه اولنور
عمر کی امام راغب دیشدر که عبش حیوانه مخصوص اولان حیاتدر که
حیاتدن اخصد زرا حیات باری تعالیده و ملکده و حیوانده اطلاق
اولنور عبش ایسه اطلاق اولنماز که عبش مطعم و مشرب و سایر سبب
بقا اولان نسبه ایلله کچمکدر بوا یسه حیوانه مخصوصدر و حدیثده
کلور (لا عبش الا عبش الآخرة) یعنی اعتبار حیات آخرته در که
باقیددر حیات دنیا یه دکلدر که فائده در معنی بودر که و تحقیق شان
سز دن هر کیم حیاتده اولورسه و پرمیت دنیا ده قالورسه * فسیری
اختلاف کثیرا * فاء سببیه در زیرا عبش مدید سبب رؤیتدر و سبب
تأکید استقبال اچونددر یعنی بوسبب کلمک زمانده بلکه ایام قریبهده
اختلاف کثیره کورسه کر کدر مقصود خلفا و امرا و رعیت اراستنده واقع
اولان اختلافاندر که ابتدای حضرت عثمان رضی الله عنیه واقع اولان
هجوم و تفرق ناس و ثانی معاویه سببیه حضرت علی کرم الله وجهه
و اوغلی امام حسن رضی الله عنه زمانده اولان اختلافات و ثالثا امام
حسین رضی الله عنه بزید عنید واقعه سی و رابعاً حجاج ظالم زمانده
اولان وقایع کثیره و فضاحات ثم و ثم که الی هذا الان و الی قیام الساعه
جاریدر اشته زمان رسالته و صدر اولده (کان الناس امة واحدة) سری
ارزرنه ایکن فاختلفوا و مضمونی ظهور ایلوب امم سالفه انبیا اوزرینه مختلف
هر بری بر طریقده ذاهب و آخر تضلیل ابتد کیری کی بوامته دخی
فرق مختلفه ضاله و طوائف بغی و فساد ظاهر اولوب افساد فی الارض
ایتمکدن خالی اولدیلر و بعض بلاد اسلامیه ده فرق ضاله دن بدل
ضال و مضل منکرلر و خودینلر ظهور ایدوب مقدمه دجال اکبر اولحق
اوزرینه احقاق باطل و ابطال حق ایشدر (قاتلهم الله انی یؤفکون

ای کیف یصرفون عن الحق والبرهان باهر والحق ظاهر ففهم حق
 القوم والمغمورون اليوم بالنوم * فعلیکم بسنتی * علیکم اسم فعلدر
 الزموا واستمسکوا بمعنا سنه وسنت طریقه مسلوکه رسول الله در
 صلی الله علیه وسلم که انده افتراض ووجوب یوقدر یعنی سنت مطلقه
 اودر که رسول الله اکاموا طابت ایدوب بر کره ویای یکی کره ترك ایتش اوله اگر
 مواظبت علی سبیل العبادت اولور سه سنن هدی واکر علی سبیل العادت
 اولور سه سنن زوائد دینلور وسنن هدانک اقامتی تکمیل دین ایچون در
 انکیچو ترکنه کراحت ویاساعت تعلق ایدر بعض احیانده ترك اولندیغی
 توهیم وجوبی دفع ایچوندر بوسیدن امت اتی ترك ایتن زیراتوهیم منفه در
 واکا سنت مؤکده دیرلر که واجبه قریبدر وهدی دندلی دین کامله
 هادی اولندیغیچوندر بوجهندن فاعلی مثاب وتاری ضال ومبتدعدر
 اذان واقامت وجماعت ورواتب کی حتی دیمشدردر که خبر متواتری انکار
 ایدن کافر اولور وانک حکمنده اولانی مسح علی الخفین کی انکار ایدن
 اوزینه کفر خوف اولنور زبرا مسح حقنده اولان اثار تواتر حکمنده در
 وخبر مشهوری انکار ایدن تضلیل اولنور وخبر واحدی انکار ایدن آثم
 اولور کافر وضال اولماز زبرا کذب رواات احتماله علمی قطعی دکلدر
 اگر چه عمل حقنده قطعیدر که موجبی محمله کوره وجوب ومحمله کوره
 سنت واستجابدر وسنن زوائد اقامتی مستحسن در که ترکنه کراحت
 واساعت تعلق ایتن قیام وقعود وایس واکل وشربده سیر نیویه کی
 انکیچون زوائد دندلی زبرا فاعلی مثاب وتاری ضال اولماز وبروجهله
 دخی تقسیم ایدوب دیمشدردر که بر سنت وارددر که اکا سنت عین دیرلر که
 هر کس اوزرینه سنتدر رواتب کی وبر سنت دخی وارددر که سنت کفایه
 دیرلر بر جاعتدن برینک سلامی کی وسنن سفردده حالت سیرده ترك
 اولنور عذر حسیله وبعضیلر سنت فجر وسنت مغربی استثناییتدیلر
 زبرا رسول الله علیه الصلاة والسلام بویکی سنتی وصلاة وزی
 حضرده وسفردده ترك ایتمشدر بوراده استمساکنه تحریض اولنان
 سنتدن مراد اعتقاد وعماده طریقه مسلوکه نبویه در که اهل سنتک

طریقت معهوده سیدر * وسنة الخلفاء الراشدين المهديين * خلفاء
 خلیفه نك جمیدر خلیفه ظاهر وباطن سیرت نبویه اوزرینه اولان
 کیمسه در چهار یار وامام حسن وعمر بن عبد العزیز ومهدی وبقیه
 خلفاء اثنی وعشر که بونلرهم قطب ظاهر وهم قطب باطن اولمشلدردر
 وایام خلافتلری ظلمدن بالکلیه پاکدر انکیچون کندلی سنتنی بونلرک
 سنتیله تعقیب ایلدی وایام تور پشتی دیمشدردر که انلرک سنتنی کندلی
 مقابله سنده ذکر ایتدی ایکی معنادن اتوری اولکبسی بوددر که انلرک
 اجتهاده کندلی سنتندن استخراج ایتدکلری مواد ده خطا ایتیمکلیرین
 بیلوردی نتکیم ابو بکر مانع زکات اولنلرایله وعلی رضی الله عنهما خوارج
 ایله قتال ایتدیلر انتهی ونتکیم حضرت عثمان رضی الله عنه تعلیمه نك
 زکاتی قبول ایتدی مع هذا رسول الله وابو بکر وعمر رد ایتمشلرایدی
 ونتکیم حضرت عمر اوعلی شهیدیه طقسان دکنک حد زنی اورب
 شهید اوراده هلاک اولدقده یوزده وارنجیه اون دکنک دخی میثنه ضرب
 ایلدی مع هذا میثه حد اولماز پس چاریاردن صادر اولان بوجار
 معنی اجتهاده مبنی ایدی وامام ابو حنیفه دیمشدردر که (لولا علی ما کاندری
 احکام اهل البغی) یعنی قصدن اخذ ایده مدیکم معانی بی حضرت
 علی نك اجتهادندن اخذ ایتدک دیمکدر وایکنجبسی بوددر که رسول الله
 صلی الله علیه وسلم بیلوردیکه کندلی سنتندن بعضیسی زمان خلفاده
 مشهور اولوب انلره اضافت اولنسه کرکدر بوسیدن انلرک سنتلرینه
 ملازمته امر ایلدی تا که بر کیمسه اول سنتلری انلره نسبت ایدوب ردایتمیه که
 معناده سنت رسولی ترك ورد ایتش اولور و بوبایدندر که حضرت عمر
 رضی الله عنه امهات اولادی بیعدن منع ایلدی انتهی بالمعنی ای مؤمن
 بوراسی عجب مضموندر که قیامتدک اخذ وعمله صالحدر زبرا خلفانک
 اون ایکی به اختصاصی ظاهر وباطنی جمعه کوره در پس هر عصرده
 خلفاء معنویه واقطاب باطن وارددر که انلرک سنتلرینه دخی اتباع
 لازمدر زبرا انلرک طریقتلری عندی دکل بلکه شرعیدر وشول
 سننه بی که علماء رسوم فهم ایده بوب اختلافه دوشمشلردر انلرک

عندنده مسلم در زیر انسلاخه مجلس نبوی به داخل اولورل و کشفه
 نیجه امور خفیه بیلورل بوجهتدن انلرک سستلری سنن هدی
 مقوله سستندرکه فی الحقیقه جناب نبویه مضافدر واول سستلرک
 ظهوری انلرک وقتنه مرهون اولغله اول وقتنه دك شیوع بولمشد
 تکیم بعض شرائع نزول عیسایه موقوفدرکه الی الان مجهول و غیر
 معمولدر و بوندن شرع رسولی تغییر لازم کلز بلکه خفیاتی اظهار
 ایتک لازم کلور اظهار ایسه عین هدایتدر فاعلم ذلک و عمل فانه سدید
 بلاخلل و من تکلم بخلافه مات میتة جاهلیة و کان ملوما ر دیا
 دنیا کالطائفة الیاهلیه (بعد از ارشد رشتنددرکه دین و دنیا مصالحنه
 اهداددر بس راشد مهتدی معناسنه درکه راه راسته هدایت
 بولیدر هادی معناسنه کلک لفظا مخالفدر زیر بومعنایه کلن رشید
 درکه فعل بمعنی المفعول در بدیع بمعنی المبدع اولدیغی کبی تکیم ایکبسی
 دخی اسماء حسنادندر بوراده راشدین انلردرکه مقاصد صحیحه لرنده
 رشد ابناء اولمشلردر یعنی مطلوب لرینه مهتدی اولمشلردر و بونلر
 مهتدین درکه اقوال و افعالده اقوم و اصلحه هدایت اولمشلردر
 و جائزدرکه رشد کندی نفس لرنده اهداء فطر یلری و هدایت فعل
 حقه مضای اوله زیر برنسنه قوتدن فعله خروج و عملدن عینه دخوله
 فعل حقه موقوفدر و محتملدرکه رشد کمال ذاتیه اوله ایمان حبسیله
 و مهدیلاک تکمیل غیر اوله احسان سببیه زیر احسان که مشاهده در
 هدایت خاصه درکه هدایت ایمان اوزرینه مترتبدر قال الله تعالی
 (ومن يؤمن بالله یهد قلبه) وقال الله تعالی (والذین جا هودوا فینا
 لنه دینهم سبلنا) زیر اهدایت خاصه تکمیل غیر مستلزمدر خصوصاً که
 معنای خلافت بوا یکی امری جامعدر بوجهتدن خلفا نک بوا یکی
 کلمه صفت مادحه لریدر و سلاطین و ملوک بویه دکلدر یعنی امر خلافت
 انلرده نقصان اوزرینه در انکیچون عدلله وصف اولمازلر مکر
 مجازا و یا بطریق التّفوّل اوله و حدیثه کلور (الخلافه بعدی ثلثون
 سنة ثم بعدها ملک عضوض) یعنی بعدیت متصله ایله مقید اولان

خلافت که خلفاء خمسة نک خلافت مطلقه لریدرکه ظاهر و باطنه
 شاملدر انک مدتی اوتورسنه در پس بوتقید بعدیت منفصله ایله
 اولان خلافتی منافی اولماز خلافت عمر بن عبدالعزیز و خلافت مهدی
 و امثالی کبیکه مجموعی اون ایکیدر کا ورد فی الحدیث (ان عدة الخلفاء
 من بعدی عدد نعباء بنی اسرائیل) و بعض احادیثه که خلفا مطلق
 ذکر اولمشدر شرح اولان حدیثه کی کبی خلفاء معنویه به دخی
 شاملدر کرک عبارة و کرک اشاره زیر عبارتده مناقشه اولوب مطلق
 مقیده محمولدر دنلسه دخی اشارت معارضه کوزمن و نکاتده مزاحه
 اولماز فاعرف * عضوا علیها بالانوا جذا * عضو اقبح عین مهمله
 و تشدید ضاد معجمه مضمومه ایله علم بایندن امر در عرض دندان ایله
 امساک و اصله مقدر فتح بایندن لغت شاذه در کافی تاج المصا در اگرچه
 قاموسده کسمع و منع دیو تعمیم ایتشددر و امر نک فتحله کلدو کی بودر که
 امر نک اولنک حرکتی مستقبلک تأییدینک حرکتی جنسندندر بعض ده ایسه
 عین مفتوحدر تکیم برائک فتحله در زیر مأخوذ منه اولان تبرکده سنده
 یا مفتوحدر و مد الحبله ضمله در زیر تعدیه میم مضمومدر و خوف
 فی العمله مکسور در زیر تخفده خاء معجمه کسرله در عرض بنفسه
 یا لله و علی ایله استعمال اولنور نواجذ ذال معجمه ایله ناجذک جمعدر
 زیر فاعل اسمی فوا عل اوزرینه جمع اولنور کا هل و کوا هل کبی
 نواجذ اقصی الاضراس درکه دورت عدد دنداندر بعد البلوغ
 و کمال العقل ثابت اولغله ضرر الحلم دیرلر بورا هندرا خذ ایدوب
 عض علی ناجذه ای بلغ اشدیه دیرلر و لیکن بعض ناسده ضرر
 مذکور یتمزو بعضیلر دیدیلر که نواجذ انبایدر و یا انبایی ولی ایدن اسناندر
 و یا اضراسک جمله سیدر بو مقامه مناسب اولان انبایه محمول اولمقدر که
 آزدیش دیدکلریدر زیر امساک معناسنده اظهار ضرر کسرله
 دیش در ضرر فتحله اضراسله عض شدیددر تکیم نچد دخی فتحله
 نواجذ ایله شدت عض در بوراده مراد سنله اخذ و تمسکده مبالغه در
 زیر علیها ضمیری سننه کیدر مطلقا تکیم بر کیمسه یدی ایله برنسنه بی

امساك ايدوب صكره بطريق الاستظهار دندانی ايله دخى ضبط
ايدر تنكیم (عض على العلم بضرس) على اتقان واحكام ايلدى
ديمكدر الحاصل بر كيمسه بر نسته بي اخذ ايتد كده ديشى ايله دخى
يايشوب استعانت ايتدوكى كى تنكیم شدتله اخذى تمثيله ديشى ايله
وطر ناغى ايله يايشوق كرك دير لر وصيت مذكوره ايله تمسكه دخى
ممکن اولان اسباب معينه ايله استظهار لازمدر و بعضي لر ديديلر كه
محافظة سنده مقاسات ايتدوكى شدائد و مشاقه صبردن كايه در
تنكیم حديثه كلور (يا تي على الناس زمان الصابر فيهم على دينه
كالقابض على الجمر * و اياكم و محدثات الامور * فعليكم اوزرينه
معطوفدر كه اوليكبسي ترغييه و ايكبجسي تحذيره متعلقدر و اكانصرح
بما علم التزاما دير لر كه ايضا حى مشتملدر محدثات ضم ميم و فتح دانه
محدثه نك جعيدر كه احداث اسم مفعولدر محدث بعد ان لم يكن ايجاد
و ابداع اولان نسته در حوادث نو بنو حدوث و ظهور ايدن اموردر
زير احدث قدمك مقابليدر امور امرك جعيدر كه اقوال و افعاله شاملدر
اكثرا حال و شان معناسنده مستعملدر نهيك ضدى اولان امر ك جعي
او امر كلور عربى ايله تقديرى (بعدوا انفسكم من محدثات الاقوال
والافعال و بعدو هامن انفسكم) يعنى محدثات اموردن نفسكزى تبعيد
ايديكوز فكيف كه احداث ايدى سكز و تحزيردن فهم اولنديكه محدثات
الامور شر الاموردن تنكیم غيرى حديثه كلور (و شر الامور محدثاتها
* فان كل بدعة ضلالة * بوندن فهم اولنور كه محدث و بدعت
بر معناه در زير احدثن تحزير اولنقى ضلالت اولند و غندندر
بدعت ابتدع الامر اذا ابتداء واحداث دن اخذ اولنمش اسمدر
صكره ديشده ريانده و يانقصان اوزرينه اطلاق اولندي تنكیم
بالاده دخى شرح اولنمشدر يعنى بر خصلت جديده كه
صدر اولده اولما يوب صكره دن احداث اولنه و اصول شرعه
بر اصل اكاشاهد اوليه ضلالتدر زير ضلالت طريق مستقيمى ترك
و غيريه ذهبا در طريق مستقيم ايسه شريعتدر (علماديديلر كه بدعت

حسنه بو حكمدن خارجدر يعنى ضلالت دكل بلكه هدايتدر تنكیم
حضرت عمر رضی الله عنه تراويح حقه ده (نعمت البدعة هذه) ديدى
يعنى جناب نبوت صلى الله عليه وسلم تراويحى اوج ذرت دفعه قلوب
صكره فرضيتى خوفندن ترك اتمشدى پس فى الجملة اقامتى جهتندن
سنت و تركى جهتندن جاعتله اقامتى بدعت اولدى بو جهتندن
حضرت عمرا كابدعت ديدى و اكر سنت خلفادن اولد يغنه نظر
اولنور سه بدعت دنلر زير سنت خلفا ايله عمل ايتك موجب حديث
اوزره امر شارعله عملدره امام شافعى رحمه الله ديمشدر كه محدثات امور
ايكيدر برى كتاب و ياسنت و يا اثر و يا اجاعه مخالف اولاندر كه بدعت
ضاله در و برى دخى خيرون احداث اولان نسته در كه غير مذمومدر
(پس بر بدعت كه سنته مزاجه اوله سيئه در و بر بدعت كه سنته
مساعده اوله حسنه در نيت لسانيه كييكه بدعتدر وليكن مستحسنه در
زير نيت قلوبيه تقويت ايدر و نوافل كييكه فرائضى تكميل ايلر
(و بوندن فهم اولنديكه اهل سنت ديدكلى سنته اتباعلرندن
اوتوريدر كر كسه اول سنت بدعت حسنه صورتنده اولسون زير
بدعت حسنه نك مرجعى ستدر و كندنه سنت دخى اطلاق اولنور
تنكیم (من سن سنة حسنة) الخ حديثى اكادالدر و اهل بدعت ديدكلى
قاعده لى سنته مزاجه اولد يغندن اوتوريدر كه كنديلر ابتداء
اتمشلر در پس حقيقتده عقل قاصر لر ينه اتباع اتمشلر در يو خسه سنته
دكل (وامام شافعى ديمشدر كه من استحسن فقد شرع يعنى
عند المؤمنين مستحسن اولان نسته مشروعات قبيلندندر فكيف كه
استحسان ايدن مؤمن كامل اوله و دهور طويله ده مقرر قلنه زير
انبياده خطا اوزرنه تقرير اولديغى كى كامل اولياده دخى اولان
زير صماخلرى خطاب اكهى يه معتاد و قلب لى الهام و داعيه ايله
الفت ايتكله متدار كلردر (و ديمشلر در كه بدعت بشدر اوليكبسي
واجبه در علم نحو و اصول فقه و علم كلام كييكه بونلر حفظ شريعت
ايچون واجب على الكفايه در و شبه ملاحده و غيرى رد ايچون نظم

دلائل کبی اگر چه بومعنی تقواده دکلدر بوسیدن امام احمد حارث
محاسبینک صحبتن ترک اتدی زیر جوابه تصدی ایدن کچسه مذهب
مخالفی توسیعدن خالی دکلدر نظر ایله علماء رسومه که نصیر طوسینک
تجرید نام کتاب ضلالت شعارنی شرحه نقد شهرت و یرمشلردر
پس انلره واجب اولان بوایدیکه اول امر دن کتاب مزبوری احراق
ایده لرو باب مساعده بی سد ایلنه ل تا که اهل سنتک نظرندن بالکلیه
ساقط اوله اشته تزیف دیر کن عاقبتی ترویجی چقدی زیر نیجه
طالب لرائی اوقومغله عقیده لن حفظ ایده میوب ابتداعه دودی
اولور بوجهندن علم کلامه تعمق وتوغلندن منع اولندی وایکجیسی
مندوبه در تصنیف کتب کبیکه یوز تاریخند نصرکه ظهور اتمشدر
زیرا عزیمت لره فتور کلوب سلف کبی علم دینی حفظله ضبط
ایده مد کلرندن قلم ایله قیده مشغول اولدیلر تکیم دیمشدر که (العلم
صید والکتابه قید) و زمان رسالته کتاب وحی قرآنی قید ایدر لردی
وقید حدیث عبدالله بن عمرو بن العاص رضی الله عنه وعن ایه قلمه
منوط ایدیکه غیر یسی مأذون دکل ایدی بلکه ذهنبه ضبط ایدر لردی
(ودخی بناء مدارس کبیکه بودخی بدعت مندوبه در وابتدا اسلامده
مدارس بنا ایلین نظام الملک قوام الدین الحسن بن علی الطوسیدر که
الب ارسلان سلجوقیه وزیر اولمشدر محب فقرا و صوفیه و مکرم
صلحا و مشایخ ایدی بغدادده مدرسه نظامی در تیرور الی ظهور
تاریخنده تکمیل ایلوب ابواسحق الشیرازی بی مدرس تعیین
ایلدی و نیا بورده دخی بنا ایلوب امام الحرمین مدرس نصب
اولندی (ودخی دقائق تصوفدن کلام دخی مندوبدر اکر چه
صدر اولده یوغیدی زیر اوائل ظواهر شرعیه و محکما تله مقید
ایدیلر که بواطن و متشابهاتدن بحث ایتزلردی اکر چه ارازلنده عارف
بالله چوغیدی و بزم اعصار من شول حده منتهی اولدیکه دقائق
تصوفدن کلام دکل بلکه لفظ تصوف و صوفیه بله السنه دن طرح
اولندی زیر اتقارب زمان اولمغله ظاهر شرع بله خلل زیر اولدی

فکیف که باطن شرع و برعالمه سزک بلاد کرده وحدت وجوددن
بحث اولنورمی دیسک انکار ایدر مع هذا وحدت وجوده قائل اولمی
جمله اوزرینه لازمدر زیر اشر کردن مطلقا خلاص انکله در کتاب
مواقفده ایسه لبس فی الدار غیره دیاردین کچسه بی بعض فرق
نصارایه الحاق اتمشدر مع هذا اهل الله دن اول سوزی دیمز و اول
اعتقادی ایلز یوقدر ولکن عوام علماء فهم ایدکلری اوزره دکلدر
والاعلم وهی ایله علم کسبی میرانده برابر اولمی لازم کلور کلا فلا تطمع
فی الفهم عن الله الا بعد الفناء فی الله و او جنجسی بدعت مباحه در بسط
الوان اطعمه و اشر به و البسه و توسیع اکام کبی و بعض علماء بمقوله لری
مکروه عدا ایدر خصوصاً اکر خیلاء و افتخار طریقله اولور سه
حرامدر (ودیمشدر در که بسط اطعمه زمان معاویه ده شامده حادث
اولمشدر اسراف اوزرینه اولمیحق تنعم منوع دکلدر اکر چه صدر اولده
کمال تقوادن ناشی طعام و لباس واحد ایله کتفا ایدر لردی و امتلادن
زیاده حذر ایدر لردی (و بعض مشایخ ضیافت ایلوب ییک قدر شمع ایتقاد
اتد کرده بعض حاضرین اسراف در دیو طعن ایدمیچک اولدخی اسراف ایسه
اطفاء ایدیکر دیو رخصت و برد کرده اول شمع و عک هیچ برینی سویندر مکه
قادر اولمدیلر پس شیخ کرامت تمکین بیوردیکه حق یاقدوغی چراغ
سیو نمز یعنی اول چراغ لری بزکندی نفس من الیه ایتقاد ایتدک که اسراف
و حرام و منطقی اوله بلکه دست حمله ایتقاد اولمشدر که اخلاصه
مقارن در انکیچون فروزاندر و لبه برآنده اولان شمع کثیره دخی
بو بایدنرتنور مساجد سنت صحابه در و بعض ایالی مبارکده مزید
اسراج فتادیل و شمع ترغیب جماعت و تحسین دین ایچون اولمیحق
مستحیدر عجب حالدر که ارباب انکار بعض اوضاع صوفیه بی انکار
ایدر لر مع هذا کنیدیلری اوضاع منکره دن عبارت اولمشدر مثلاً کابده
کتاب التاج و الخرقه یوقدر دیر لر دیمز لر که کتاب الفرو و العمام دخی
یوقدر یا انکرک لباس لری مکروه و ایلوب صوفیه محققینک ندن مکروه
اولور که بونلرک لباس لری صدر اولک لباس لریه زیاده اقر بدر (فخر عالم

صلی الله علیه وسلم عبا اسود تبس ایتدیلریا د خال لرندن قباء احر
ولباس شهرت کبر لر مع هذا جلود سباعده اختلاف مجتهدین وارد که
کمال تقوی اتقاقی ایله عملده دریو خسه اختلافی اولان نسنه ایله دکل
کل ایدی فقر الباسنه دخول ایله تا که حضرته اقرب اولاسن وجاهی
ترک ایله تا که کمال قرب الهی بولاسن ای اسیر نفس دون فی المشل
شهوات بور نکدن اقرار کن یننه اهل ریاضته دخل ایدرسن و بهر یوم
ادنی الامر اوچر که طعام خور ایکن مسوم دهر مکروه در دیو دینی
عیب طوترسن هوای نفسک ایچون دورا بواب ایدوب کز رسن قنی سنک
مجاهده که (المد ورون ملعونون) ندر بلزسن وز عموکجه سندن غیری
مسلمان یوقدر دیرسن طاغوت نفسک کفری ندر اکلمز سن نعوذ بالله
(من علم لا ینفع ومن قلب لا یخشع ومن عین لا تدمع ومن نفس لا تشبع
(ودور دنجیسی بدعت مکروهه در زخرفه مساجد و تزویق مصاحف
وامثالی کبی ولکن اختلاف بدر بلکه بواعصاره کوره راجع اولان ابا حتی
بلکه ندیدر زیر اگرچه اشراط ساعتدندر ولکن هر اشراط ساعتدن
اولان مذموم دکلدر بلکه مذموم اولان عقوق والدین وامثالی بدر
و بواب مزالقی اقدامدندر که هر عالم بوبابده علم حقیقی ایله قائم اولان
و معمول و غیر معمولی فرق ایدوب محلی بولا مزیس شول نسنه که
خیره موصلددر معمولدر و شول نسنه که شره مؤیددر غیر معمولدر
و حدیثه کلمشددر که بر نسنه که هدادر انکله عمل ایدیکوز کرک بنانی دیم
و کرک دیمیم و بر نسنه که ردی در انکله عمل ایتیکوز زیرا بدن هلاکه
مؤدی اولور کلام صادر اولماز و بوندن فهم اولندیکه بعض احادیث که
مضمون خیر صریحدرانی موضوع در دیو حکم ایممک کرکدر زیر
احادیث حفاظتک محفوظندن اکثر دروغایه حکم اولماز بلکه حدیث
صحیحی انکار لازم که نسکیم شیخ الشافعی و کعب بن الجراح مذهبی
بودر و بشجیسی بدعت حرامدر بعض مذاهب بدعیه که الله تعالی
حقنده ناسزا بلکه کفری مشملدر مجسمه کبدر الله تعالی بی ذوی
الاجسامه تشبیه بلکه مجسم مقوله سندن قلمشدر و مرجه کبیکه

ایمانله بله معصبت ضرر ویرمن کفرله طاعت نفع ویرمدیکی کبی دیرل
وقولی تقدیم و غلبی ارجاء و تأخیر ایدر لر بوایسه شرعی رفعدر و حدیث
قدسیده کلور که (ابن آدم بنی تکذیب ایتدی که بعد الموت اعاده واحیائی
انکار ایلدی و بنی شتم ایلدی که اتخاذ ولد ایله وصف ایلدی) بوایسه
ترکیب و مجانسته اولور که الله تعالی بومقوله اوصافدن بریدر (بعدذا
بدعته متعلق اولان تفاصیلک بعضیسی بالاده در اورایه مراجعت
اولنه وانک مباحثنی استیفا ایتک مشکلدن زیر افروع کثیره سی وارد
وطویل الذیلدر ولکن فهم اولان اجمالدن تفصیله انتقال ایدر و العارف
یکفیه الاشارة خود مشهور در و بعض بدایع بیاندخی غیری کلمزده در
و بواعصارد مجادله دن خاموش اولمق اولی بلکه اوج بندر زیر
اشیان بلابله زانان قوندی و مشاطه سواد نکا رانده وجه دین نیه
دوندی (هذا زمان السکوت و ملازمة السیود و التوجه الی محراب الملکوت
* التاسع والعشرون *

* قال معاذ بن جبل رضی الله عنه * معاذ ضم میله اعاده دندر که بر نسنه
حقک پناهنده قلمق و حفظنی در خواست ایلکدر نسکیم قرآنده کلور
(انی اعینک) یعنی مریمی سنک پناهکرده قلمورم و سکا صغندر رم
جبل طاعدر که طائفه عرب بطریق التفؤل جبل و صخر و جندل
وامثالی اسمائله تسمیر ایدر لر (معاذ قراء اصحاب دندر که طرف نبوتدن
ابوموسی الاشعری ایله اهل یمنه تعلیم دین ایچون استخلاف اولمغین
انلره رسول رسول الله دینلوردی رسل عبسی کبی و بین ورثه الانبیاء
خلافت بورادن قالمشدر اگرچه حقیقت خلافت مستخلفک دنیادن
انتقالند نصکرده در * قلت یا رسول الله * بوحدیثک صدردی وارد که بودر
(قال معاذ بیما نحن نخرج مع رسول الله صلی الله علیه وسلم فی غزوة
تبوک وقد اصاب الحر و تفرق القوم فاذا رسول الله اقر بهم منی
فدنوت منه و قلت یا رسول الله) الخ تبوک مدینه ایله شام اراسنده
برارضدر که بین التری عاصی خرما دیمکله مشهور در که زمان
قیظ و حراره شدیدده اول طرفده نصاری اوزر یننه سفر واقع اولمش

ایندی نتکیم قصه سی قرآنده و سیرده میندر یعنی رسول الله ایله تبوله
 غزاسنه حقیق دیغمز انشاده که حر شدید واقع اولمغه قوم یعنی صحابه
 رضی الله عنهم پریشان اولوب هربری بریکا کتمش لوردی کورد مکه
 رسول الله بکا قریدر همان یانلرینه واروب سوال ایدوب دیدم که
 یا رسول الله * اخبرنی بعمل یدخلنی الجنة و یباعدنی من النار *
 عملده اولان تنوین تنکیر تعظیم ایچوندر نتکیم (لقد سألت عن عظیم)
 اکا دالدر یدخلنی رفعه صفت مخصوصه در زیرا کرچه اعمال صالحه
 اسباب رضا و وسایل دخول جنت اولمغه برابردر و لکن فضائل
 و تأثیرده تفاوتلری وارد بورداده ایسه مراد بلا سابقه عقوبه و سبیل
 دخولدر انکیچون مباعده ناری تصریح ایتدی مع هذا تصریح بما
 علم الترامادر و ادخال جنتی شرفندن و غایت مرام اولدیغی جهتندن
 تقدیم ایلدی والا امر بالعکس در قال الله تعالی (من زحزح عن النار
 و ادخل الجنة فقد فاز) پس مباعده نار تخلیه باینددر که اساس و معناده
 مقدمدر و انک اسباب کثیره سی وارد که اعظمی آشفه ده کلسه کر کدر
 و مباعده مناط فائده اولمغه بطریق المبالغه مبالغه صبیغه ایله ایراد
 ایلدی مقصود و یبعدنی منه ایدمکدر و حدیثده کلور (اللهم باعد بینی
 و بین خطایای کما باعدت بین المشرق و المغرب) ای ابعدنی کما ابعدت
 و ادخال و مباعده بی عمله نسبت ایلدی سببیتی جهتندن و الا ادخال
 و ابعاد ایدن الله تعالی در که عند الاسباب ایشلر بو خسه بالاسباب
 ایشلر بس دخول جنت فضل الهی به منوطدر و بعضیلر دیمش لورد که
 یدخلنی جزمله در که جواب امردر ای اخبرنی بعمل ان تخبرنی به یدخلنی
 الجنة نتکیم قرآنده کلور (قل لعبادی الذین آمنوا یقیموا الصلوة) ای
 ان تقل یقیموا زیرا اخبار و امر رسول ادخال و اقامتک سبب موجبی
 کیدر که عمله وسیله در و ادخال اقامت اخبار و قوله لازم دکلدر دیمک
 سوز دکلدر زیرا جواب ملازم عقلیه اقتضایتمز بلکه غالبیت اقتضا
 ایلر اخبار و قولک ایسه غالب سببیتی وارد و مقتضای حکمت دخی
 بودر انک ایچون جنت و ناره خطاب ایلدوب (لکل واحد منکم ما لوهها

پیوردی بس قبضتینک حکمی تمام اولمغه دعوت انبیایه اجابت لازم کلدی
 انک ایچون جنت و ناره اهلارینک ذکر قرآنده شفیع اولمشدر (بعدذا
 حدیث مذکوره ده رفع مرچددر زیرا جزم آیت مسطوره به کوره در
 حدیثده ایسه بحسب الاستعمال مرجوحدر * قال لقد سألت
 عن عظیم * لام ابتدا تا کید ایچوندر زیرا جواب قسم جمله فعلیه
 و فعل دخی ماضی مثبت اولسه جمله لام ابتدا لله تصویر اولنور بس
 بونک تقدیری و الله لقد سألت دیمکدر که خطاب معاذه در و عظیمک
 موصوفی محذوفدر امر عظیم دیمکدر حقیرک مقابلدر کیر صغیرک
 مقابلی اولدیغی کی و عظیمک اصلی اجزاء متصله ده و کثیر منفصله ده
 استعمال اولمغه در و کاه اولور منفصله دخی عظیم دیلور جیش
 عظیم و مال عظیم کی که کثیر معناسنه در یعنی رسول الله صلی الله علیه
 وسلم پیوردیکه یا معاذ و الله تحقیق امر عظیمدن سوال ایتدک زیرا
 جهتندن) زحزحه و جنته تقریب اولمق امر عظیم اولدیغی کی اسبابی
 دخی اویله در * وانه * و تحقیق اول عمل مشغول عنه * لبسیر علی
 من بسیره الله * یعنی کرچه امر عظیم اولدیغی جهتندن امر عسیردر
 و لکن الله تعالینک تبسیر ایتدیکی عبادی اوزرینه بسیر و آساندر بس
 بسیر سهل معناسنه در که عسیرک ضدیدر قال الله تعالی (وکان ذلک
 علی الله یسیرا) وشیء قلیل معناسنه دخی استعمال اولنور و قال الله
 تعالی (و ما تلشوا بها الا یسیرا) و اسباب تبسیر قوت قلب و علوهمت
 و عزیمت و نشاط و اعتقاد و صحت بدن و امثالیدر * تعبد الله * رفعه
 استیناف بیایددر که امر عظیمی بیاندرو انک صورتی خبر و معنای
 امردر که اعبد الله دیمکدر رحمتک الله و اعوذ بالله و استغفر الله کییکه
 لیرحمک الله و اعفرلی و اعذنی یارب دیمکدر امردن خبره عدلک
 فائده سی استجابته اعتمادی اولمغه تفویدر کویا رحمت و اعاده و مغفرت
 وجوده کلمشدر که اندن اخبار ایدر بو مقامده دخی مأمورک امثال امره
 تسار عنه تنبیهدر که اظهار رغبتدن اوتوری اخبار ایدر و یا خود
 تقدیری هو ان تعبد الله دیمکدر صکره ان حذف اولنوب فعل اصلنه

رجوع ایتشدر که رفعدر فرآنده (ومن آياته يريكم البرق كيه كه بعض
 علما انى اصلنده ان يريكم تقدیرنده در دیمشدر که بوراده عبادتله مراد
 توحیددر کما قال الله تعالى (يا ايها الناس اعبدوا ربكم) ای وحدوه
 صلی بودر که اخلاص عبادت توحیدی مستلزمدر قال الله تعالى
 (ولا تشرك به شئاً) كفارده اشراك عبادت اولمغله توحیدله
 اما مور اولدیله اگر اخلاص اولایدی عین توحید اولوردی قال الله تعالى
 (وما يؤمن الا وهم مشركون) بوندن مراد شرك
 وجود در بس اثینیت اهلنك ایمان وتوحیدینه اعتبار یوقدر زیر
 توحیددن مراد توحید لسانی دکلدر بلکه توحید جنانی وحقیقی در
 بوسیدن شول توحید قولی که فعل انی تکذیب ایدر صحیح اولماز
 * ولا تشرك به شئاً * به ضمیری الله تعالى به راجعدر زیرا الله تعالى به
 اشپادن بنسبه بی اشراك ایتمیک عبادتنده دخی عدم اشراکی
 مستلزم اولور پس شئاً مفعولیت اوزرینه منصوبدر ویا خود
 شرکدن برشی ایلله اشراك ایتمکز کرک جلی وکرک خفی بو صورتده
 نصبی مصدریت اوزرینه اولور و بوراده تعبد الله ولا تشرك به شئاً
 مجموعی (لا اله الا الله وحده لا شریک له) کی در که لا شریک له توحیدی
 بیان اولدیغی کی (ولا تشرك) الخ دخی اولیله در زیر تعبد الله توحید الله
 دیمکدر بس بوراده وحدتله مراد کثرته مقابل اولان وحدت دکلدر زیرا
 بو وحدت مخلوق اولان کثرته مقابله سنده اولمغله مخلوقدر بلکه
 نفی شرکته مقابل اولان وحدتدر که کثرته مقابل اولان وحدتک
 مبدائیدر و بونک نظیری ذات مطلقه در زیر الله تعالینک اطلاق
 اطلاق حقیقیدر که تقیید مقابله سنده اولان اطلاقک مبدائیدر
 یو خسه تقیید مقابله سنده اولان اطلاق دکلدر و بومعنائی ادراک
 ایتمیلر الله تعالی به وجود مطلق اطلاق ایدن عارف بالله طعن ایتدیله
 وظن ایلدیله که الله تعالی مقیداته قائم و مقیددر حاشا بلکه اشیا حقله
 قائمدر و تعینات اشیانک زوالندن زوال حق لازم کلز زیر ایدمشدر در که
 الآن علی ما علیه کان تکیم شمس غروب ایدوب اشپادن ضوئی

قطع اتسه شمس وضوئنه فنا کلمن بلکه اشیا به استتار کلور که
 فنا حکمسنده در نظر ایلله که بنسبه آتشد غلیان ایدر کن اوزرینه
 کف کلور حجاب کییکه صوقبر جفی دیدکلریدر پس اول کف و حجاب
 کرچه اول غلیان ایدن نسندن وصولدن وجود بولور و لکن وجود
 موهومدر که آخر زائل اولور و اول غلیان ایدن نسنه و صوبانی
 قالور اتسه وجود واجب ایلله وجود ممکنه مثال بودر همان فهم
 ایدوب وجود حقیقی به ایزه کور و خیالاتی نظر کدن سوره کور (معلوم
 اولاکه) وما خلقت الجن والانس الا ليعبدون (ودخی) وان من شئ
 الا یسبح بحمده) مو جنبه ابداع خلقدن مقصود اصلی تسبیح
 وتحمید و توحید و عبادت و معرفتدر و لکن بعض اشیا عبادت
 ذاتیه ایلله قائمدر که اکا تکلیف عارض اولما مشدر تقلیدن ماعداسی کی
 و بعضی عبادت تکلیفیه ایلله عابددر تقلین کی پس کرچه
 مصلحت بو معنادر و لکن هر تکلیفدن مأمور به اولان نسنه نک
 حصولته ارادت الهیه تعلق ایتمک لازم کلز و الامرا دارا تندن تخلف
 ایتمیوب جمله مکلفینه سعادت ساری و شقاوت اولور سده طاری
 اولق لازم کلور بوا یسه حکم قبضتینه مخالفدر بوجهندن خلقک
 کپی مؤمن و کپی کافر در و قبضه یمین ایلله مقصودک حصول
 کافیدر بلکه هر عصرده یالکز انسان کاملک وجودی مصلحت
 و حکمت خلق انس و جنی مستلزمدر زیرا واحد علی الحق سواد
 اعظمدر پس یالکز بر موحید و عابدک وجودیله فی الحقیقه
 مصلحت تام در فکیف که عموم و خصوص اوزره بو قدر اهل توحید و ارادر
 پس بو تقریردن لیعبدون ده اولان لامک مؤداسی معلوم اولدی
 و خلق اشپادن مقصود تسبیح و تحمید اولوب خلقک اشیا لله انتفاعی
 ائک اوزرینه متفرع اولدیغی ییلندی یعنی (هو الذی خلق لکم
 ما فی الارض جمیعاً) آینده لام انتفاعدن اشیا اصالة انتفاع ناس ایچون
 خلق اولنق لازم کلز فاعرف جسدا * و تقیم الصلوة * دخی صلات
 مفروضه بی اقامت ایدر و شروط و قیودی اوزرینه اکا صورت

و بررسن که بعد التوحید عبادت بدینہ نیک افضلی و قربات الہیہ نیک
 امید در بورادہ اقامت صلات تعبہ دالہ دہ اولان عبادتہ داخل
 دکلدر زیر ابو عبادتدن مراد اولان توحید اولدیغی سبق ابتدای پس
 خاصی عام اوزرینہ عطفدر دین و ہم ایلدی بلکه فرعی اصل اوزرینہ
 عطفدر و آخر وصایای نبویہ دہ کلور کہ (الصلوة و ماملکت ایمانکم)
 یعنی ایمانکز کامل ایسہ نمازی اقامتہ دائم اولوکز وزیر دستکرده
 اولان ممالیکہ دخی رفقلہ معاملہ اید بکوز و بعضی یلر دیکلر کہ
 و ماملکت ایمانکم دن مراد کازتدر زیر زکات قرآن عظیمہ صلاتہ
 مقرونہ در حق الحقیقہ ملک یمیندن (و یوفیک فہم ابتدکی بودر کہ
 صلات حق اللہ و ملک یمین مقولہ سنہ رفقدن مراد حق عبادی
 مراعاتدر کویا حق اللہ و حق عبادی محافظہ ایلہ توصیہ در کہ حقوق
 مطلقا یو ایکدن عبارتدر فا حسن الاشارة باوجز العبارة (و حدیثہ
 کلور (الصلوة خیر موضوع) یعنی بعد التوحید وضع الہینک
 خیر ایسی نمازدر و بوندن صلاۃ صومدن افضل اولق لازم کلز زیر
 صوم صفت الہیہ صمدانیہ و صلاۃ صفت عبادیہ در کویا دیمک
 اولدیکہ صلاۃ صفات عبادیہ دن اولان عباداتک افضلدر و صفت
 الہیہ ایلہ صفت عبادیہ برابر دکلدر (سؤال اولنورسہ کہ ایلہ معراجہ
 (قف یا محمد فان ربک یصلی) خطابدن فہم اولنور کہ صلاۃ دخی
 صفت الہیہ در جواب بودر کہ بورادہ صلاتدن مراد رحمت خاصہ
 الہیہ در یو خسد اذکار و افعالی مشتمل اولان صلاۃ دکلدر کہ صفت
 عبادیہ در وحدیثہ کلور کہ صلاۃ سبب سواد وجہ شیطاندر زیر
 سجده دن ابا ایتمکله یوزی قارہ اولمشدر و بوجہتدن سجده مؤمن
 انک یوزینہ سبب ظلمت و مؤمن یوزینہ باعث نور در کہ محاذات
 حضرت الہیہ دن منعکدر فافہم * و توتی الزکوة * یعنی نصابہ
 قدرت شرطیہ تکیم کلور (واقن الصلوة و آتین الزکوة) مع ہذا
 امہات المؤمنین دہ رضی اللہ عنہن نصاب یوعیدی و افظک محتملاتی
 بسیار اولغلہ زکاة مشروعہ ایلہ مخاطب اولیان ترکیہ نفسلہ مأموردر

(و حضرت عبادن علیہ السلام بطریق الاخبار کلور (واوصانی
 بالصلوة و الزکوة مادمت حیا) بورادہ زکاتلہ ایضادخی ماقبلی کیدر
 زیر اعبسی صورہ و معنی اہل تجربہ ایدی (سؤال اولنورسہ کہ (و وجدک
 عائلا فاغنی) نصندن مفہوم اولور کہ رسول اللہ صلی اللہ علیہ وسلم
 غنی و صاحب نصاب اولہ مع ہذا صریحا زکاتلہ مأمور اولما مشدر
 اگرچہ غیری حقوقلہ مأموردر (جواب بودر کہ آیت مذکورہ دہ
 اغناسدن مراد غیریدن استغنادر بوندن ایسہ نصاب و غنای شرعی
 لازم کلز و سائر انبیاء کی زکاتلہ مخاطب اولد قلمی سر سریدر کہ
 کند یلرینہ مخصوص صدر و اول سر فقر حقیقیدر کہ عالم کونک
 نفس و آفاقندن بالکلبہ فراغدر انکیچون نفسی نفسی دیموب امتی
 امتی دیسہ کرکدر سائر انبیاء ایسہ بومرتبہ بہ بالغ دکلدر در تکیم آثار
 صحیحہ دن معلومدر چونکہ بوسرہ واقف اولہ سن (ربنا انی اسکنت
 من ذریتی بواد غیر ذی زرع عند بیتک المحرم ربنا ليقموا الصلوة) دہ
 حضرت ابراہیم علیہ السلام اہل مکہ یہ کوزہ صلاتلہ اکتفا سنک
 معناسی ندر بلورسن زیر فی الحقیقہ ذریتدن مراد جناب نبوتدر کہ
 مکہ دہ نشو و نما بولمشدر مکہ ایسہ محل صلاتدر فقط زیر اکعبہ فنافی اللہ
 مرتبہ سنہ اشارتدر انکیچون پردہ می سیاہدر و بومرتبہ دہ زکاة اولمز
 بلکه ترکیب نفس انک وسیلہ سیدر بومعنی ایسہ جناب نبوتہ دخی
 ابتداء حاصل اولمشدر در تکیم مرارا شرح صدر واقع اولدیغی
 اکادالدر کویا بو عالم وجودہ روح مجسم کلشد در کہ اندہ جسد
 و طبیعت و نفس و کیفیاتدن اصلا اثر یوقدر فافہم جسدانہ
 غریب و المرجو تقریب البعداء من جنابہ تعالی بشفاعتہ فانہ قریب
 * و تصوم رمضان * یعنی معذور دکل ایسہ تکیم بالادہ میندر
 و بعضی مفسداتی آشغہ دہ کلور (واثرہ کلور کہ صیام جسدک زکاتیدر
 انکیچون زکاة مقارن قلمی زیر جسد انکله ظاہرا منتقص و زائل
 القوہ و معنی نامی و متین اولور کویا باطنی ظاہرا وزرینہ عطف ایلدیکہ
 زکاة شرعیہ ظاہر و صوم زکاة باطنی در و صومک تأخیرندن ماقبلی

اوزرینه عدم فضلی لازم کز بلکه فرضینک تأخر نه بناء تأخیر
اولم شد در زیر صلاۃ مکیده ایله معراجده فرض اولدی انکچون
تقدیم اولندی اگرچه زکاة تخلیه بایندن اولغله تقدیم اقتضا ایدردی
وصوم وزکاة مدینه به هجرتک ایکنی سنه سنده فرض اولدی
وصومک فرضیتی زکاة الاموال فرضیتندن مقدم ایکن تأخیر اولندیخی
اشارت اولنان سر ایچوندر که زکاة صومدن باطندن ظاهر منزله سنده در
ظاهر ایسه (الظاهر عنوان الباطن) موجب صوره تقدیم اقتضا
ایدر و بوندن حجت سبب تأخیری دخی فهم اولندی زیرا فرضیتی
هجرتک التبی سنه سنده در مع هذا حج معناده صلاۃ بر ایدر زیرا حجتدن
مراد طواف ووقوفدر که ایکیسی دخی مناجات قیلندند در صلاۃ کبی
و معناده تساوی بودر که صلاۃ صورتده مقید و معناده مطلقدر
طواف ایسه صورت و معناده مطلقدر و قوف عرفه دخی
بویله در که اوراده مناجاتک جهت مخصوصه سی یوقدر فاعلم
ذلك * و حج البيت * یعنی بشرط الاستطاعه که زاد و راحله در
و حج غزادن افضلدر حج ایتینه کوره و غزا افضلدر حج
ایده نه نسبتله و ظاهر اولان بودر که غزا حج اوزرینه تقدیم اولنور
بخلیه و حج تخلیه بایندن اولغله تکیم بوفقیه بیک یوزیدی ده غزا
والفات اربعده حج بو ترتیب اوزره واقع اولم شد و لکن غنی به کوره
حج تقدیم اولندیخی حجت شرفندن اوتوریدر و بردخی بودر که غزا
فرض کفایه درمکر که نفیر عام اوله پس تأخیر اولنسه دخی لا بأسدر فاما
حج بویله دکلدر بلکه فرضیتی فوریدر اگر حجاجک بلده دن خروجی
وقتده نصاب بولنور سه و حج سلطنت کیدر که سبب غنا در زیر
سلطانه قریب اولان دخی سلطان اولور و حدیثده کلور که (حجوا قبل
ان تحجوا) یعنی طریق حج مسدود اولمزدن اول حج ایدیکوز و كذلك
حیاتده اولد بجه قصد رب البیت ایدیکوز والا موتله طریق قصد
مسدود اولوب مقام قریدن بعید قالور سکن بعد از احکام مذکور
جمله اهل ایمانه شاملدر اگرچه خطاب ظاهرده معاذه در زیرالسان

شرع خصوص اقتضا اتمز مکر که اوراده قرینه اوله و بردخی بودر که
اهل ایمان اخوان اولدقلری جهندن نفس واحده حکمنده در
و بوعمال صالحه که اعظم اسباب دخول جتدر انلری تخصیصدن
ماعدایی نفی لازم کز زیرا اعمال متشابهات و عبادات اولمقبده
مشارکدر پس نیجه اعمال دخی وارد که سببیده مذکورات کیدر
قتال بالسیف لاعلاء کلمة الله و اطعام ضیف لوجه الله و اهتمام بمواقبت
الصلاة لایقاعها فی اول الوقت فان اول الوقت رضوان الله و اسباغ
وضوء و اتمام غسل لاسیما شدت برده و اطعام الطعام علی حبه
یعنی مع حب الطعام و شهوته اوقلته و احتیاجه الیه او علی حب الله
و مسکین و مستضعف اولق که خلق انی فقر و ثنائت حال و خولندن
اوتوری احتقا و استضعاف ایدوب اوزرینه تجبر ایدر و امثالی اعمال فاضله
کیکه احادیثده وارد اولم شد در تکیم فظ غلیظ و مختال و جماع مال و ممنوع
خیر اولق و امثالی دخول ناراسبابنده درج اولم شد * اللهم اجعلنا
من الذين تلبسوا بملايس الاعمال و تزینوا بزين الاحوال و دخلوا الجنة
بلا حساب و وصلوا اليك بلا حجاب * ثم قال * یعنی رسول الله صلی الله
علیه وسلم فرائض مذکورده ذکر کردن صکره نوافل خیراته دخی
تحریر بض ایدوب بیوردی بونده (للذين احسنوا الحسنی و زیاده) سر نه
اشارت وارد که زیر بیان اول سوال اوزرینه مبنی اولغله کویا
معاذک حق صریحی ایدیکه شمد نصکره ذکر اولنا جق فضلی و منت
بایندندر اشته بومعنادن اوتوری عارفله هر معامله ده مزیدی رعایت
ایدر که اخلاق الهیه دندر جاهلله ایسه حق غیری انکار و ستره
چالشورلر فکیف که معامله مزید ایده لر و بومقامدندر که بر کیمسه
آخر اوزرنده حقی اخذده استیفایتمک فضلدر یعنی بر ایکی اوچ
اچه بقیه قالور سه اندن تغافل ایده و طلب صدقده اولیه اگرچه
اهل زمانک نقصانده حالی کاله ایرمشدره مثلاً کمال دناءت لندن بیک اچه ده
بر اچه دن کجمرلر و اوزر کده بر اچه حقم قالدی دیرلر * الا ادلک علی
ابواب الخیر * الا همز دایله لادن مر کیدر همزه استفهام ایسه نفی اوزرینه

داخل اولسه تحقیق و اثبات افاده ایدر پس دیمک اولور که ابواب
خیر اوزرینه سکا دلیل اولمایم یعنی اولماق منکر در ولایق دکلدر
زیرا مرشدك شانی تکمیل غیر ایتکدر و بوقیلدندر که قرآنده کلور
(الا یعلم من خلق) یعنی خالق بتلزمی بلمه مسی یوقدر بلکه بیلسی
واردر (الم نشرح لك صدرک) کبی زیرا دیمکدر که بزسك صدری
شرح ایلدکی یعنی ایلتمک یوقدر بلکه شرح ایلشوزدر پس نفی
نفی ایتک مفید اثبات اولور و جائزدر که الا عرض و تحضیض ایچون
اوله که ایکبسی دخی طلب معناسنه در ولکن عرض این ایله طلبدر
قال الله تعالی (الاتحبون ان یغفر الله لکم) و مشهوردر که دیرل الا تنزل
فتصبب خیرا یعنی اگر نزول ایدرسك خیر بولور سن دیو مخاطبه
عرض نزول و اصابت خیره تحضیضدر پس بومقوله الا کله لری
حرف تنبیه و استفتاحک غیر یدرا کر چه شرح جامع صغیرک بعضیسی
استفتاحه حل ایلشدر در ولکن بویله مقامده بعید و سوق کلامه
مخالفدر ابواب الخیر مداخل الخیر دیمکدر بونده خیری برداره تشبیه
واردر که ایچنده هرمتنی ارله انکیچون باب اثبات ایلدی نتکیم تکبیر
افتتاحی باب الصلاة قیلدیلر بوسیدن فرض اولدی زیرا باب دخی
داردندر و حدیثده کلور (انا مدینه العلم و علی بابها) یعنی علم برشهر
کییدر که علی کرم الله وجهه انک مدخلی در شویله که بالفرض
علی اولسه اول شهر مسدود و مغلق و مطبق قالوردی پس علم رسول
علیدن منتشر و جمیع طرق حقه اربابی سلوک و حقایق بوزندن اکا
مضاف و منتهی اولدی (سؤال اولنورسه که علیدن غیر یلری دخی
علم رسوله باب اولدقاری مقرردر پس نه یوزدن علی به تخصیص اولندی
(جواب بودر که علی به تخصیص اولنسان معنی علمک کمالیدر که پرتو
علم رسول اکا زیاده عکس ایتشدر بومعنی ایسه غیر یلرک دخی باب
اولماسنی منافی دکلدر و بوقریردن فهم اولندی که ابواب خیر انواع
خیر دیمک دکلدر نتکیم بعضیله و هم ایتدیلر بلکه بومقامده ذکر
اولنان امور آتیه نک هر بری نیچه خیر ته و امور نافعه به وسایله در

دیمکدر بوجهتدن امور آتیه کلیات دیندن اولدی و خیر امر مرغوب
معناسنه در که شرک ضدیدر (و بونده سؤال آتی کبی معاذ بلی یا رسول
دیه جک قدر توقف نبوی اولمدوغی تصدیقی منتظر اولق شانه بدن
اولمغه تنبیه در زیرا مدلولنه اهتمام و مضبوطنه اعتبار عظیم وارد
(و بردخی بودر که سائلده حرضله سؤاله جسارت عدم توقف اقتضا
ایدردی زیرا هنوز بیاندن شعبان اولماشیدی صکره احتمال ملال
و امتحان رغبتدن او توری استعمال ایلدی تا که نشاط و رغبتی
وار یسه توسیع دائره کلام ایلدی * الصوم جنت * جنت ضم جمیع قلقان
دیدکاری سلاحدر که اهل حرب انکله اجتناب و استئرا ایدر لر براسمی دخی
ترسدر ضم تا ایلله بوراده بیان فضائل صد دنده اولمغه صومی تقدیم
ایلدی زیرا صوم صفت صمدیه اولق اعتبار یله عند الله انواع
عبادتدن مفضل و مختاردر ظاهر اولان بودر که مراد صوم نافله در
زیرا فرض تقدم ایتشدر و اظهار اولان اطلاقنه نظرا عام اولمقددر
یعنی صیام کسر شهوت ایتکله دنیاده معاصیدن و آخرتده دخول
ناردن سپردر شهوت ایسه اعظم اسلحه شیطاندر (معلوم اوله که
ابواب جهنم اغلاق اولند قدح حری مضاعف اولوب بعضیسی
بعضیسی اکل ایتدیکی کبی صائمک دخی صوم و امساک حسبیه
باب نار طبیعتی مسدود اولوب مرطبات و مبرداتی عدم استعمالندن
حرارت زائده بولور بوجهتدن صوم سپر نار اولور زیرا ایکی کره
احتراق حکمت خلایقندن خارجدر (و صوم فی الشتاء غنیمت بارده در
فیو حدیثده و رودی قصر نهار و بردی سبیلله در یعنی قصر یله
اکل و شربدن استغنایه مدار و بردیله حرارت زائده یه دیوار اولشدر
و صومک جنه اولدیغی مفسداتدن محفوظ اولمسیله در کذب و شتم
و غیبت و نمیه و عین کاذبه و نظرشهوتله محاسن امر آیه اجنبیه به
نظر و امشالی کبیکه بونلر فعل جهالدر نتکیم بعضی احادیثده وارد
اولشدر زیرا عالم و مقتضای علم ایلله عامل اولان کیمسه دن شرعا
و عقلا منکر و مستقیم نسنه صادر اولماز (بعد از باب حقایق

دیمشدر در که الله تعالی اعمالدن فرائیضی و افعال صلاتدن سجده بی
واقوال صلاتدن ذکر و عباداتدن صومی اختیار ایشدر بوسیدن
(الصوم لی وانا جزی به) بیوردی نتکیم بعض احادیثدن دخی صومک
افضلیتی اخذ اولنور و لکن شافعیه افضل العبادات صلاة اولغه
ذاهب اولمشدر در ظاهر اولان بودر که صوم اوصاف الهیه و صلاة
افعال عبدیه کوره اعتبار اولنور که مقامنه کوره ایکبسی دخی مختاردر
نتکیم علم ظاهر و علم باطنک هر بری کندی نفسنده کمالدر اگر چه
بحسب الاضافه بری قشر و بری لبدر * والصدقة تطفي الخطيئة
کما يطفي الماء النار * و صدقه سبب عقوبت اولان فعلاک ضرر متوقعی
دفع ایدوب شرنیدن سالم قیلور ناردوزخ کبیکه اثر غضب الهیه در
وانی سینه در صو آتشی سو بندر دیک کبی زیر اثرده تنافیری
واردر که حق تعالی اول وجهله ایجاد ایشدر یوخسه بالطبع دکلدر
پس صوقاندر من و خبر اشباع ایش و نار احراق ایش مکر که الله تعالی
فعل و تاثیر خلق ایده نتکیم عدم تأثیری دخی بویله در آتش ابراهیم
و غیر کی و بوراده صدقه ایله دخی مراد ناغله در و یا صدقه
مفروضه دخی شاملدر و صدقه حقوق الهیه متعلق اولان صغائر
آثاری مخواید و شولکه حقوق عبادته متعلقدر هر نه مقوله حسنه
اولورسه انی دفع ایشر بلکه حسنه سی خصنه ویریلوروا کر اهل توبه
ایسه جائزدر که الله تعالی غیر وجهله خصنی ارضالیده و دیمشدر در که
کبار توبه موقوفدر مکر که فضل الهی اوله (بعد از صدقه بی صلاة
اوزرینه تقدیم ایلدی زیرا صدقه طهارت قلبه سببدر که رذیله
بخلدن انی تطهیر ایدر صلاة ایسه طهارت ظاهره و باطنه موقوفدر
بوجهتدن صدقه شرط صلاة کبی اولدیکه تقدیمی لازمدر و حدیثدن
فهم اولنور که صو آتشی غالبدر و لکن صومی دخی ریج و ریجه دخی
انسان غالبدر زیرا خانه ل او مقوله آفادن مصون اولمق ایچوندر
و موت دخی انسانه غالبدر که دفعنه چاره یوقدر والله غالب علی امره
* وصلاة الرجل في جوف الليل * الرجل له ال عهد ذهني ایچوندر

واناث دخی حکمده رجاله تابعلدر در نتکیم (و كانت من القانتين) کاملات
وکاملینک تساویسنه اشارتدر و جوف لیل مجازدر زیرا جوف ارضه
کوره اسفل و چقور و انسانه کوره بطندر پس بوراده مراد
یا اثناسیدر که کیمه اراسیدر قنخی جزئی اولورسه و یا آخریدر که
سدس الیلدر اگر چه افضل اولان نصف الیله دک نام و ثلثنده قائم
وسدسنده ینه نام اولمقددر که حال داود و حال حضرت نبوتدر علیهما
الصلاة والسلام و جوفی اول لیله شامل قیلوب صلاة اولنه تعیم
ایتمک صحیح دکلدر زیرا غیر احادیثده تقیید اولندیغی اوزره تهجد
بعد المنامدر منام ایسه بعد العشاءر صلاة او این ایسه بین العشاءیندر که
انک فضیلتی غیر اثرله ثابتدر و تهجد بعد المنام اولدیغی عسرتنه
بناءدر که ثوابی دخی اکا کوره در که انکیچون رجل ایله تعبیر ایتدی
زیرا بومقوله کار جلیل رجولیت اهلندن صادر اولور کر کسه صورت
انانده اولسون و بر دخی صلاة لیلک بمدوح اولدیغی مناجات باریدن
اوتوریدر مناجات ایسه مستجاب فیضدر ارباب حقایق ایسه اتفاق
ایشدر در که اول ایلمده فیض الهی ضعیفدر پس مقصود وسط
ایلمدنصر که اولان مناجاتدر که فیض قوی به باعثدر انکیچون رب
العالمینک سماء دنیا به نزولی سحر اعلایه تخصیص اولمشدر که اولوقدن
وقت ضحایه کلنجه مدد الهی کثیر و تجلیات الهیه و فیردر و دیمشدر در که
بر کیمه حلب شاه قدر قائم و ادنی الامر ایکی رکعت نمازله مناجی رب باقی
ودائم اولسه فضل قیامله مستعد اولوب قوام ایلدن یازیلور و شیطان
انک قولاغنه بول ایلمکدن قورتلور و بعض روایانده من جوف الليل
وارد اولمشدر که من فی معنایسنه در کما قال الله تعالی (ما ذا خلقوا من
الارض) ای فی الارض مقصود صلاة لیل اطفاء خطیئه ایدر صدقه کبی
دیمکدر و هو الاظهر بوضوح ما قبل قرینه سیله خبر مخدوف اولوب
وصلوة الرجل تطفي الخطيئة ایض دیمک اولور و ابن الاثیر جامع
الاصولده غیر خبر تقدیر ایدوب (وصلوة الرجل في جوف الليل من
شعار الصالحين) دیمشدر کر چه بوقدیره ظاهرده قرینه یوقدر نتکیم

بوجهتدن بعض جهله جرح ایشملر در ولکن عیری حدیثدن
 مأخوذ در تنکیم جامع صغیرده کلور (علیکم بقیام اللیل فانه دأب
 الصالحین) ای عادتهم وشانهم وشعارهم وقرآنک بعضی بعضی
 مفسر اولدیغی کبی حدیث دخی بویله در و بعضیلر دیشملر در که
 حذف خبر فضل کثیرنی اشعار ایچوندر یعنی (صلوة الرجل فی جوف
 اللیل لا تعلم نفس ما اخفی لها) تنکیم مابعدی اکا قرینه در * ثم تلا *
 یعنی بویاندن صکره رسول الله صلی الله علیه وسلم بطریق الاستشهاد
 تلاوت اولدی (تلاوت متتابعة قرائتدر در راست کبی زیارتلودندر که
 تبعیتدر پس تلاوت قرائتدن اخصدربوندن یعنی بیان اخیر
 واستشهاددن فهم اولنور که صوم وصدقه دخی نافلهیه محمول اولمق
 اظهاردر زیر قیام اللیل والصلاة فی جوف اللیل تهجدایله تفسیر
 اولمشدر تهجدک فرضیتی ایسه منسوخدر و آیت آیه دخی اهل قیامی
 مدحدر اکر فرض اولسه غیر ادا ائله تعبیر اولنوردی قال الله تعالی
 (ومن اللیل فتهجد به نافله لك * تتجافی جنوبهم قال الراوی حتی بلغ
 یعملون * یعنی بوقولی آخر آیتینه دك تلاوت ایلدی که بودر) تتجافی
 جنوبهم عن المضاجع یدعون ربهم خوفا وطمعا ومما رزقناهم ینفقون
 فلا تعلم نفس ما اخفی لهم من قرءة اعین جزاء بما کانوا یعملون) تتجافی
 تباعددر جنوب ضمله جنبک جمعیدر فتحله شق الانسان معنایه در
 مضاجع مضجعک جمعیدر فتحله مقعد وزنی اوزره موضع ضجوع
 یعنی جنبی وضع ایله جک یردر مقصود فراشدر (خوف غضبدن
 وعدم قبول عملدر وطمع ورجاء رحمتیه کوره در وانفاق واجب
 وقطوعه شاملدر زیرا اوچ قسمدر بری نصابدن زکاتدر و بری فضلدن
 مواساتدر (وبری قوتدن ایشارددر که بری عوامک و بری خواصک و بری
 اخص الخواصک حالیدر وسوره بقره ابتداسنده) ومما رزقناهم
 ینفقون) دخی بویله در که صلاتدن صکره ذکر اولمغله زکاة وصدقه
 نافلهیه و بلکه بذل علم نافع شاملدر زیر انشر علم دخی انفاقندر
 شول جهتدنکه ارواحک اکا احتیاج تامی واردر (ونفس ملک مقرب

و بی ومرسله عامدر زیر اسباق نفیده نکره واقع اولمشدر واخفا اولنان
 جزانک اعلاسی رؤیتدر تنکیم قرءة اعین اکا اشارتدر ولکن کاملره
 کوره بطریق الاستحقاق وناقصلره نسبتله بطریق الفضلدر
 وجزانک اخفا اولدیغی عملک جوف ایلمده اخفاسنه ناظر در که جزا
 عمل جنسنددر ورؤیت کرچه موعود اولمغله معلومدر ولکن ظهوری
 هر کسک قوه وضعفا بصیرتنه راجعدر و بویلمده علم کفایت اتمز
 بلکه جلایه الامر عینله ومشاهده ایله حاصل اولور که بومعنی ناقصلره
 کوره هنوز خفیدر و کاملره کوره دخی ظهور افزون اولمده در
 وقیام ایلمده بومقوله فضیلت عظمی اولمغله افضل النوافل وترکی
 مکروه اولدی (فانته من السنة قبل ان تنقضي الايام والشهور
 والسنة * ثم قال الا اخبرک برأس الامر * دلالتدن اخباره عدول
 بطریق التفتندر و امردن مراد امر دیندر رأس بوراده اصل و مرجع
 واعلی الشی معنایه در تنکیم امر و نهیده مرجع اهل بلد اولان کیمسهیه
 رئیس دیرلر و بومعنی فارسیده دخی مستعملدر تنکیم سرور دیرلر
 صاحب ریاست معنایه در زیر اسرایله وردن مرکبدر که سر باش
 ولفظ ور ذو معنایه در و سر غلبه استعباله مقدم و متبوع معنایه
 حقیقت منزله سینه وارمشدر سر لشکرده کی سر دخی تجوز اول
 معنایه در که ریاست و متبوعیت مراددر و بونده سرک شرفنه اشارت
 واردر زیرا افضل مشاعری مشتمل واحسن اعضا وقوایی محتویدر
 * وعموده * عمود شول خشبه در که خیمه انک اوزرینه اعتماد ایدر
 وانسانک انه آلب اعتماد ایتد وکنه عمود دیرلر حدیددن اولسون
 خشبه دن اولسون وعمود الصبح ابتداء ضویدر که هیئتمده حدید دن
 عموده بکزر یعنی خیمه نک قیامی عمودی اوزرینه اولدیغی کبی دینک
 قوامی دخی انکله در * وذروه سنامه * ذروه ذال معجمه نک کسری
 وضمیله وذری ضمله اعلی الشی معنایه در (سنامه فتحله دوه نک
 اور کیمیدر که ظهرنده مرتفع اولان سینه در عجم کوهان دیر وسم
 دیرلر کتف وزنی اوزرینه عظیم السنام اولان دوهیه پس ذروه السنام

اور کجک ال یوقاروسیدر * قلت بلی یارسول الله * بلی بالاده در
نعم کی * قال رأس الامر الاسلام * اسلام اظهار ایمان و اقرار کلمه
شهادت در که احکام دینی اجرا کا منوط بر نمازده اقتدا و مؤتذنه
نمازی و قبور مسلمینده دفنی و عشر وز کاتله مطالبه اولمسی و اخذ
میراث و امشالی کی تنکیم تفضیل مقام کذرا یتشدر بونده اسلام رأسه
تشبیهدن فهم اولنور که اسلام سائر اعمالدن اعضادن رأس منزله سنده
و ایمان روح کبدر که باطندر و عمود و ذروه سنامله تشبیه عربک
اهل خیمه و ارباب ابل اولوب ارالزنده شهرتته بناء در زیر تشبیه جلی
نفسده اوقع و فهمیده اسرعدر انکیچون هر خطاب قومک متفاهم
و متعارفنه کوره در تا که مراد حاصل اوله * و عموده الصلوة * یعنی امر دین
صلاته قیام و ارتفاع بولور بوسیدن صلاة ایچون قیاب مرتفعه و منارات
طویله بنا اولنه کلمشدر قال الله تعالی (فی بیوت اذن الله ان ترفع) و قال
تعالی (واذیرفع ابراهیم القواعد) پس نمازک کندی نفسنده علوی که
معراج معنوی و تسبیح و تحمیدی مشتمل در صورتده دخی محلی اقامتک
علونی اقتضا یتشدر الحاصل بیوت الهیه بی سائر بیوت خلقدن
تمیز ایتلودر انکیچون مکرم مکرمده کعبه شرفها الله اوزرنه مشرف
و عالی خانه بنا یتک مکروه و منهیدر ~~ا~~ کمر چند زمانه ده دینلری خراب
اولنلری بیوت عالی بنایتمشدر و غیره خدیثده کلور (الصلوة عماد الدین
فن اقامها فقد اقام الدین و من هدمها فقد هدم الدین) بوراده عمادی
اساس معناسنه اخذ ایتشدر و لکن ظاهره مخالفدر زیر اساس عمادک
غیر بدر مکر که عماد اساس منزله سنه تنزیل اولنه پس اساس رأس
الامر اولان اسلام و صلاة انک رکن اعظمیدر و رکنک انهدامله صورت
خانه خراب اولدیغی کی ترک صلاته دخی صورت دین خراب اولور
کر کسه تمک کی اولان اقرار و اعتقاد باقی اولسون * و ذروه سنامله
الجهاد * جهاد و مجاهده است فراغ الوسع فی مدافعة العدو و معناسنه در
یعنی طاقتی اولدوغی قدر اعداء دینی مدافعه ایتکدر زیر اصلاح عالم
و نظام احوال بنی آدم کا منوط در شول و جهندنکه استیلاء کفار له

شعار دین معطل و امور معاش دخی مختل و مشوش اولور (و جهادک
ذروه سنامله اولدیغی زیاده علو و فضلیدر زیر فتح الانبیاء زماننده
حراثت و ختم الانبیاده علیهم الصلاة والسلام جهاد مقدمدر بس
بوامتک صنایع و حرفی ایچنده حراثت و زراعت جمله دن مؤخر و جهاد
عنوان الامر در زیر جهادده ساحه دین و دنیا نک ظهارتی وارد
زراعت ایسه امر معاشله تقید اولدوغندن دنا تدن و باطنی مأ کولانه
تجسسدن خالی دکلدر (بوندن فهم اولنور که قتله عفو فضل
و قصاص امر دینی محافظه در و اخذ دیت حساستدر بس علوه منی اولان
هر کارده دینی دنیا اوزرینه تقدیم ایدر (و دیمشدر در که صلاة فروض
اعیان و جهاد فروض کفایه دندر مکر که نفیر عام اوله و مداد علمادم
شهادتدن راجحدر زیر علمدن افضل نسنه یوقدر انکیچون (و قل رب
زدنی علما) دینلری (و مجاهده اوچ نوعدر اولکیسی عدو ظاهر له
مجاهده در که الی یوم القیام باقیدر و فی الحدیث (بعثت بالسیف) و جاء
ایض (لی حرفتان افقر و الجهاد) بس حرفت نبویه جمیع حرف اوزرینه
راجع اولدیغی جهندن معمول به اولمق لازم کلدی تا که متابعت درست
و تام اوله (و انکیچسی شیطان و وساوسه ایله مجاهده در و ریاضت
و اکل حلال انک اسباب قویه سننددر و نور معرفت رحانیه مطارد
ظلمات شیطانیه ده کرچه ادخلدر فاما مقام معرفته وصوله دکر ریاضت
و مجاهده لازمدر (و او چنجبسی نفس اماره ایله مجاهده و هواسنی هدایه
تبدیل ده مقاسات شدائد در که خلوت و اکثر از کر الله انک و سائلنددر
و بواج نوع مجاهده ایله قرآنده امر ایدوب بیورر (و جاهدوا فی الله
حق جهاده) و حدیثده کلور (جاهدوا هواکم کما تجاهدون اعداءکم)
وینه کلور (جاهدوا الکفار بایدیکم و المستکم) یعنی سیف و سنان
و حجت و برهان و هجو اعداء رحان ایله مجاهده ایدیکز تنکیم حسان
رضی الله عنه امر رسولله صلی الله علیه وسلم کفار قریشی هجو و ذم
ایدردی زیرا عند العرب جراحت زبان جراحت سیف و سناندن
بتردر تنکیم کلام امام علی ده رضی الله عنه کلور (بیت) جراحت السنان

لها التيام) ولا يلتام ما جرح اللسان * ثم قال الا خبرك بملاك ذلك كله * ملاك الامر كسر له وفتح له ما يعتمد عليه منه وقوامه الذي ملاك به معنائه تنكيم القلب ملاك الجسم دبر رزرا جسمك قوام وصلاح وفسادی اکامو طدر تنکیم بالاده شرح اولمشدر یعنی امور مذکوره نک جله سنک معتمدی ومابه القوامی ندر سکا اخبار وافاده ایده یممی بوراده کله ايله ذلك بی تأکید عدم شمول احتمالی دفع ایچوندر * قلت بلی یا رسول الله * نواله نصیحتدن سیرا ولدیغی بیاندر زیرا صحابه نک حفظی غالب واستعدادی مزیدی جاذب ایدی واهل دنیا نک مال ومثاله حرصندن انلرک علم وکماله حرصاری زیاده ایدی نیجه زیاده اولسونک درجات عالیہ علم وعمله موقوفدر و بر قومک متبوعی اعلای درجاتده اولوب کندیلر اسفل منازلده قالمق همتده دون اولمقدندر حاشا که عالی یه مقارن اولان سافله اوله زیرا بحکم الجوار مقتضاسی علوددر * فاخذ بلسانه * یا زانده در لسان اغزده جارحه مخصوصدر وانک قوته دخی لسان دیرل قال الله تعالی حکایه عن موسی علیه السلام (واحمل عقده من لسانی) یعنی قوت لساندن عقده بی کیدر زیرا بستلک جارحه ده دکل بلکه انکله نطق حاصل اولان قوته ایدی قال الله تعالی (واختلاف السنهکم والوانکم) اختلاف السنه اختلاف لغات واختلاف لغاتدر زیرا هر لسانک نغمه مخصوصه سی واردر که سمعه تمیز اولور وصورت مخصوصه سی واردر که بصره تشخیص اولور ولغات یعنی انواع لسان ایدی یوز بیکدر که الله تعالی آدمه علیه السلام تعلیم ایدوب صکره نسلنه میراث قالدی و بعضیلر دیدیکه بلسانه ده با اخذ کله سنک معنای تعلقی تضمنی ایچوندر یعنی رسول الله صلی الله علیه وسلم کندی لسانی امساک ایلدی و یاخود یدیه اکا تعلق کوستردی و بعضیلر لسان معاذی طومغنی تجویز ایتدیکی وهم ومتعارفدن بعیددر * وقال کف علیک هذا * کف ضم کاف وتشدید فا ايله امر در مد کبی کف دفع وصرفدر بوراده علی عن معنائه مجاوزه ایچوندر قال الله تعالی (وما من دابة فی الارض الا علی الله رزقها

ای عن الله وشعرده کلور (اذ ارضیت علی بنوا قشیر) ای تجاوز عنی یعنی آفت لسانی سندن منع و رفع ايله و یاخود کف ده معنای حبس تضمین اولمشدر ای احبس علیک لسانک ولا تطلقه علی غیرک وبونده کف علیک لسانک دیمکله اکتفا ایچوندر بوب اخذ لسانله دخی اشارت قلدیغی ذهنبه ایقاع وزیاده تأثیر ایچوندر زیرا فعل قولدن ارچدر کا جاء فی الحدیث (صلوا کا رأیتمونی اصلی) یعنی صلوا کا قلت لکم دیموب رؤیتیه احواله قلدیغی فعلک نفس تابع مقتدیده ارچینه بنا در تنکیم شعرده کلور (بیت) و اذا المقال مع الفعال وزنه (رجع الفعال وخف کل مقال ومشویده کلور) (پند فعلی خلقی را جذاب تر) که رسد در جان هر باکوش کر) یعنی پند فعلی نک بر فائده سی دخی بودر که اصم اولان دخی منتفع ومستفید اولور فاما صاغر هر قوله منتفع اولماز بلکه شدت صوته محتاجدر ابکم اولان صممنه ایسه صیحه دخی کار ایتمز وجناب نبوتک لسان خصوصنده اهتمامی امر لسانک شدت وصعوبتی اشعار ایدر انکیچون ملاکله تعبیر ایلدی بوجهندن حفظ لسان رأس اولدی زیرا محفوظ اولیحق اعمال دخی باطله واجوری زائله اولور * قلت یا نبی الله * تفنن فی العبارة مقوله سید راشارتدر که رسوله نبی دخی اطلاق اولور اگرچه هر نبی یه رسول دینلر تنکیم فرقلری مرور ایتشدر * وانا لمؤاخذون بماتکلم به * و او محذوفه عطف ایچوندر ای تنکلم وانا لمؤاخذون بجمع ماتکلم به پس مدار تعجب واستغراب مؤاخذه در یوخسه تکلم دکلدر یعنی بزر سویلر زده سوزلر یمزک جمله سیله مؤاخذه اولنورمی یوز وجیهله قید اولندی زیرا راوی آفات لسانله مؤاخذه ثابت ایدیکن بلمک بعیددر ولکن بوتقریرک ما بعد کلامه مزید ملایمتی اولمز کا لایحقی علی المتأمل وجازدر که سائلک مساهله سنه محمول اوله یعنی لسان بر اصغر جوارحدر که اندن صادر اولان نه اوله جق که عرصه مؤاخذه اوله بوصورنده بیان آتی اکا موافق اولور ومؤاخذه لفظنی تخصیص ایتدیکی معنای مجازات ومقابله یه تنبیه ایچوندر زیرا خلق نعم الهیه بی اخذ ایدرلر وشکر وثنا ايله مقابله ایتمزلر انکیچون

ماخوذ و معاقب او اورل * فقال ثكلتك امك * ثكلتك كاف اولی نك
كسر يله علم باینند در اصل ثكل ضمه موت و هلاك و فقدان حبیب
و یا ولد در انك ایچون تاج المصادره دیمشدر که الشکل بی فرزند
شدن مادر یعنی انا بی ولد اولق و او غلنی باوی قلمق پس ظاهرده
ثكلتك امك والدك سنی فقدان ایلسون دیوموله دعا در تربت یداك
افتقارله دعا اولدیغی کی و لیکن عرب بونلری و قتاله الله و لا اب لك
و امثالی کلمات دعائیه نك حقیقت اصلیه لرین مراد ایتموب غیرى معانى
اوزرینه حمل ایتمشدر در معاتبه و انكار و زجر و ذم و تعجب و تعظیم
الامر و حث علی الشئ کیكه بویله مواضعده حث و تحریرضه مجبول
اولق ظاهرده * و هل یكب الناس فی النار علی وجوههم * هل
بر قاج معنایه کلور بوراده ماء نافیله معناسنه در (عل جزاء الاحسان
الا احسان) کی پس استفهام تقریر ایچوندر یوخسه انكار ایچون
دكل (یکب قتحله یمد وزنی اوزرینه مضارعدر مصدری کب در که
یوزی اوزرینه القایتمکدر بوراده تجرید طریقیه در که اسقاط
معناسنه در) اکباب یوزی اوزرینه دوشمکدر که امام بیعتی لازم ایله
تعبیر ایتمشدر حتی حدیثه (فاکبوا رواحلهم علی الطریق) ده
کرچه روایت اکبوا در و لیکن صواب اولان کبوا در الزموها الطریق
معناسنه دیمشدر پس مکب اسم فاعل اولق اوزره ساقط علی وجهه
واکب خر علی وجهه دیمکدر که لازمدر و لیکن قاموسده دیمشدر که
کبه قلبه و صرعه کا کبه و کبکبه فا کب و هو لازم متعدد انتهى
و دعای حدیث دیمك اولور که وجهمده خلق یوزی اوزرینه
دوشورمز یعنی جهنم اهل جهنمه یوزلری اوزرینه دوشورلر که
سقوطك اقبیدر زیرا احسن اعضا یوزده در بصر و انف و لب
و دندان کی و دنیاده ضرب عنق ایله قتل اولان کفارک عاداتی بویله
خروردر که وضع اصلبسندن خارچدر انکیچون انبیا علیهم السلام
بعض حالات وحیده استلقا ایندرلری و امام محمدک دخی استنباط
مسائلده استلقا عادی ایدی * او علی مناخرهم * راویدن شکدر

مناخر منخرک جمعیدر میم و خاء معجه نك قتحه لر یله و یا کسره لر یله
و یا ضمه لر یله انف معناسنه و نخره الانف ضمه ثقبه الانف در یعنی
برون دلوی و انف تخصیص اولندیغی اول الوجه و صیانتیه اهتمام تام
اولدو غیچوندر * الاحصاء السنههم * حصیده نك جمعیدر فعیله
یعنی دفعوله در يقال حصد الزرع اذا قطعه و حصاءك اضافتی
اسم مفعولك فاعله اضافتی قبیله ندر الا محصورات الالسنه دیمکدر
و اسننا مفرغدر زیرا هل نافیله اولدیغی سبق ایتدی تقدیری دیمکدر که
مایکب الناس فی النار شیء من الاشياء الا حصاء السنههم مقصود
تلفظ ایتدیکی کلام قیچدر کفر و کذب و شتم و لعن و قذف و غیبت
و نهم و بهتان و امثالی کی و یوکلام قصری و حکم حصری غالبدر
زیرا حصاء السنه دن غیرى اعمال موجبیه دخی وارددر و ناسدن
مخفوظ و معصوم اولنلر مستثنا در و بونده اسانی اوراق دید کلری آله که
انکله اکن بچرلر که عرب اکا منجل دیر منبر وزنی اوزره و انك مقولنی
اول آلت ایله مقطوعه تشبیه وارددر زیرا حاصد اولان کیمسه زرع
و شوکی قطعده تمیز ایتدیکی کی قائل دخی فی المثل دلنه کلنی سوبلر
و خیر و شر دیمز حکایه ایلر و بوراده کی حصاءه نسبت ایتدوکی
بمحازدر که مسینه اسناد قبیله ندر و فی الحقیقه فاعل الله تعالیدر
و بونده (الدنيا مرعة الآخرة) مضمونه اشارت وارددر زیرا دنیاده
مزروع اولان خیر و شرک اجر و جزای آخرنده محصوردا و اور و بعض
اعمال وارددر که بعض عوارض حسبیه فنا و اور و بعضیسی حالی اوزرینه
قالور قال الله تعالی (منها قائم و حصید) فافهم الاشارة من هذه العبارة
* الثلثون *

ثلثون ملحات جوعدندر اوج کره اون دیمکدر عشرون ایکی کره
اون دیمك اولدیغی کی یوخسه ثلثه نك جمعی دکلدر و الا طقوزه
ثلثون دیمك و او توزه عشرون دیمك صحیح اولوردی و بردخی بودر که
جوعده تعین یوقدر ثلثون و اخواتی ایسه معانی معینه به داله در
* ان الله فرض فرائض * فرض لغته ایجاب و تقدیر و قطع و بیان

ومفروض معنای نه کاور بوراده معنای ایجاب انسبدر (فرائض
فرضه نك جمعیدر فرضه افتراضدن اسبدر که ایجاب معنای نه در
صکره مفترض معنای نه قلندی بعده معنای شرعی اعجم نقل اولندی
شرط اولسون ركن اولسون ویاخود فرضه صفتدر مفروض
معنای نه ونا اسمیه نقل ایچون علامتدر تأیید ایچون دكل پس
مذکره صالح اولور ذات وعلامه تازی تأییددن منسلخ اولوب مذکره
اطلاق اولندیغی کبی (فرض ایکیدر بری قطعی الثبوت والدلالة در
محکم کتاب ومتواتر سنت واجماع امت کبی انکیچون منکره کافر وتاری
معاقب اولور زیرا هم اعتقادا وهم عملا فرضدر وبری قطعی الثبوت
وظنی الدلالة در مؤلات کبی مثل لفظ قرء کیکه عند الحنفیه معنای
حیض راجحدر یو خسه مقطوع دکلدر ومسح مقدار معین کبی واکا
فرض ظنی دیر که فرض قطعی کبی فاعلی مثاب وتاری معاقب ولكن
منکره افکار اولنماز بلکه تفسیق اولور زیرا عملا فرض واعتقادا
دکلدر دلیل ظنی ایله ثابت اولان نسبه بی ایسه عدم اعتقاددن کفر
لازم کلمز الحاصل فرضیت اعتقاده دلیل قطعی لازمدر انکیچون
دیدیلر که رؤیت امور اعتقادیه دن دکلدر زیرا اختلافیدر اگرچه
عند اهل السنة متفق علیه در (بعدذا شعب ایمان یتش با بدن
زیاده در که فعلی وترکی مشتملدر وفعل وترك فرائضدندر که فعلی
یعنی عمل مأموراتدن وترك منهیاتدندر یعنی ترك تعلیق ایدن نسبه منهی
عنددر پس شعب ایمان وفرائضدندر شهادت بالتوحید وصلاة
وزکاة وصوم وحج وجهاد ووضوء وغسل من الجنابة وغسل
یوم الجمعة وصبر وشکر وورع وحیا وامان ونصیحت وطاعة اولی
الامر وذكر الله وكف اذى واداء امانت ونصرت مظلوم
وترك ظلم وترك احتقار وترك غیبت وترك نمیه وترك تجسس واستیذان
وغض بصر واعتبار وسماع الاحسن من القول والدفع بالتي
هی احسن وترك الجهر بالسوء من القول وكلمة طيبة وحفظ الفرج
وحفظ اللسان وتوبه وتوكل وخشوع وترك اللغو والاشتغال

بما یعنی وترك ما لا یبغی وحفظ العهد والوفاء بالعهود والتعاون
على البر والتقوى وترك التعاون على الاثم والعدوان وتقوى وبر
وقنوت وصدق وامر بالمعروف ونهی عن المنکر واصلاح
ذات البین وترك افساد ذات البین وخفض الجناح ولین وبر الوالدین
وترك العقوق ودعوى الجاهلیة وتودد وحب فی الله وبغض فی الله وتوہد
وحلم وعفاف وبذاذات وترك التدابر وترك التحاسد وترك التباعد
وترك التفاحش وترك شهادة الزور وترك قول الزور وترك الهمز
والهمز الغمز وشهود الجماعات وافشاء السلام والتهادی وحسن الخلق
وحسن العهد وحفظ السر والنكاح والانكاح وحب الفأل
وحب اهل البيت وحب النساء وحب الطیب وحب الانصار
وتعظیم الشعائر وتعظیم الحرمات وترك الغش وترك حمل السلاح
على المؤمن وتجهیز المیت والصلاة على الجنائز وعبادة المریض
واماطة الاذى وان تحب لكل مؤمن ما تحب لنفسك وان يكون الله
ورسوله احب اليك مما سواهما وان یكره ان یعود فی الكفر وان تؤمن
بالله وملائكته وكتبه ورسله وبكل ما جاء به الرسل من عند الله
وبنورك امثالی افعال وتروك که کتاب وسنته امر اولمش وحث
وتحریرض فلنشددر که کیمی فروض عین وکیمی کفایه وکیمی مندوبانددر
وجمع افعال وتر وکده قربت الى الله نیت ایملودر والاخیر کثیر فوات
اولور مثلا کرچه تر وکده اوزوندن ساقط اولمقد نیت محتاج دکلدر
ولکن ترکله مأمورم دیو قصه قربت ایتمکده اجر واردر افعاله کی
نیت کبی پس اجر نیت منوطدر هر نه مقوله عمل اولور سه وهو اجر
بالاخذ والعمل بل اوجب بالنسبة الى من یعرف النظام والخلل
فلا تضیعوها (فرض قطعی وفرض ظنیك هر بری اوزر نه نفر یعددر
(لا تضیعوا تشدیدله نه بدر تضییعدن وتخفیفله اضاعیدن اولمق دخی
جائزدر ولكن مقامه انسب اولان اولکیدر زیرا فرائضده کثرت اولمغله
صیغه کثرت مناسبدر زیرا هر بری مقابله سنده براضا عتدن نهی اولور

(ضیاع هلاك و تلفد بر نسنه بی اضاعت ایتمك مهمل قو مقدر (معنی
 دیمکدر که پس سر اول فرائضی مزوک و مهمل قوما یوب استعمال
 واقامت واحبا ایدیکوزهرنه مقوله فرض اولورسه نیکیم دینک کهنه لکی
 اهما و تجمددی استعمالله در والادین فی نفس الامر ضیاع و کهنکی
 ونجددن بریدر فاعلم ذلك (و فرا نضك افرضی ترك تعلقات ماسوادر
 یعنی رنك تعلق قبول ایدن امورك نقشنی دلدن ازاله و عالم نفریده
 وصوله علم وعیندن بالکلیه انقطاعدرا کرچه بوفرض ابطن البواطن
 در که ارباب ظاهره کوره انکله قیام ایتمك جائز دکل بلکه متمتع کبیدر
 مع هذا جیع فرا نض عبدی مولایه تقریب و غیریدن قطع ایچوندر
 فافهم جدا * وحد حدودا * حد اصلنده ایکی نسنه بی بریدن تمیز
 ایچون وضع اولنان حاجزدر که لسان ترکیده ا کاسینوردیر لحد المزرعة
 وحد الحديقة وحد الدار و امثالی کی فلان حدنی المزدیدکاری کندنی
 آخردن تمیز ایدن مرتبه بی تجاوز ایدر و دائره سندن چقار دیمکدر پس
 جدد منع معناسی واردر انکیچون حد الحمر دینلدی زیر متعاطیسنی
 و غیر بی معاوده دن منع ایدر محاده ممانعه در (حدود الله احکام
 الهیه در که فرض و حرام و کراهت و ندب و اباحتدر بس وحد حدودا
 تعمیم بعد التخصیص در زیر حدودده فرائض و غیر بی داخلدر
 معنی دیمکدر که دخی الله تعالی حد و شرعیه وضع و تعیین ایلدی
 و حلال و حرام ارا سنده سنورل قودی و هر شبنك حدنی بلدر دیکه
 ایدن اونه سنده تجاوز اذن و یرمدی * فلا تعدها * بس سر نفس
 و شیطان و هوی و شهواته تابع اولوب حدود الهیه بی ماوراسنه گذر
 ایتمکوز و الا تخالفت حق سببیه معذب اولورسر (اعتداء مجاوزة الحق
 معناسنه در زیر اعد و تجاوز و منافات التیام در) سوال اولورسه که خیرك
 حدی ار بعین ایکن حضرت عمر رضی الله عنه نه معنادن جلد ثمانین
 ایدردی که ظاهر احد سنتی تجاوزدر جواب بودر که خلافت عمرده شارب
 الخمرك کثرته بناء بطریق الزجر زیاده قلدی مع هذا سنت خلقایه
 دخی اقتدا لازمدر و حضرت علینك کرم الله وجهه حد خردن

هلاک اولانه دیت و یرردم دیدو کی مافوق الاربعینه کوره در زیر
 حددن هلاک اولان کیمسه نك دمی هدر در (و حضرت عمر حد زناده
 اوغلی شهنامه جلد تسعین ده هلاک اولیحق اون جلد دخی مبنه ضرب
 ایتدو کی اجتهدا طریقایه در پس مینه ضربله تعدی ایتمش اولماز
 * و حرم اشياء فلا تنتهکوها * انتهاك بر نسنه نك حرمتی کسر
 ایتمکدر یعنی بر نسنه بی حلال اولمایان و جهله تناسل و لدر یعنی
 الله تعالی نیچه اشیا بی تحریم ایلدی كرك حرمت قطعیه و كرك
 کراهت تحریمیه ایلله پس سر اول محرمات و مکروهاتك پرده سنی
 خرق ایدوب خلاف شرعه تناسل ایتمکوز پس فرضده قطعی و ظنی
 داخل اولدیغی کی حرامده دخی داخل اولدی زیر کراهت تحریمیه ایلله
 مکروه اولان نسنه یه حرام دنلیوب مکروه اطلاق اولنبدیغی دایلی
 قطعی اولدیغی ایچوندر بوندن ایسه عدم اجتناب لازم کلز بلکه
 حکمده حرام قطعی کی اولور اگرچه منکری کافر اولماز و بعض ائمه
 حرام لفظنی دخی اطلاق ایتمش لدر لحم حار کی سؤله هر تنزیهیدر
 و بومقادك بعض تفصیل و اختلافاتی کتب فقهیه دن طلب اولنه
 * و سکت عن اشياء * یعنی نیچه اشیا دن سکوت ایدوب عن اصل
 ذکر ایتدی و ذکر ایتدیکنك دخی حقنده بیان ارسال ایدوب حدوددن
 بر حدده ادخال ایتدی بلکه اجمال و ابهام اوزرینه ترك ایتدی و سکوت
 کرچه ترك کلامه مختصدر ولیکن خصوص اوزرینه ترك وعدم
 ذکر دن مطلقا ترك کلام لازم کلز پس بومقوله سکوت کلام حتی منافی
 دکادر بلکه حق علی الدوام متکلمدر * رجعت لکم * یعنی سکوتی سزه
 مر جتدن اوتوریدر زیر تکثیر حلال و حرامده اختلال و ضیق حال
 واردر بوامتدن ایسه اصر مر فوعدر بومعنادن (بعض بکار اولیا
 بیوردیلر که اجتهدا ائمه سوزیوق ولیکن التزام مذاهب ایدیلر
 تضییق ایتدیلر زیر ملتزم اولسه صدر اولدیک کی امر دین موسع
 و بی حرج اولوردی فافهم جدا و حدیثده کلور (بعث بالخليفة
 السمحة) یعنی ملت احمدیه توحیدده حنیفه در که شر کردن بری در

و عملده سهله در که ادیان سائره کبی دکدر * غیر نسیان * یعنی حق تعالی ناسی اولدیغی حالده زیر نسیانندن منزه در قال الله تعالی (وما کان ربک نسیا) پس سکوتی نسیانندن دکل بلکه حکمتدندر نسیان ذهولدر که بر نسنه نک قوت مدر که دن زوالیدر اگر تعددن ناشی اولوسه مذموم والا معذوردر تنکیم حدیثده کلور (رفع عن امتی الخطاء والنسیان) * فلا یبحثوا عنها * بحث کشف و طلبدر یعنی امور مسکوت عنهانک نفسندن واحوال واحکامندن تفحص و تفتیش اینمکوز بلکه حالی اوزرینه ترک ایدی کوز زیر آگاه اولور که سؤال شدت حاله مؤدی اولور بحجه (اکل عام) کییکه اگر مقابله سنده نعم دنلسه ایدی هر سینه حج فرض اولوردی و عسرت عظیمه اولمغله عهده سندن کلغز قالوردی و دیدیلر که بر نازله ده قبل الوقوع سؤال جائز دکدر و قبل ورود انشرع دخی حکم یوقدر بوجهتندن علما اختلافه دوشوب کیمی اشیاده اصل حرمت و کیمی اباحتدر دیدی و لکن ظاهر اولان بودر که اشیاء نافعده اباحتدر مطلقا دکل اگر چه نافع وضاری تشخیصده قادر اولیانلر نیچه هذیانلر ایتدیلر و یدیلر و ایچدیلر و طائفه ظاهریه بوحیدیتک ظاهری ایلر عمل ایدوب قیاسی رد ایتدیلر زیرا قیاس مسکوت عنه دن بحثدر بوايسه منهیدر (جواب بودر که اجتهاد علمایه تأخیر اولمشدر تا که مأجور اولال و بردخی زمان وحی ده بحث ممنوع ایدی انکیچون یورر (اترکونی مازکتکم) یعنی بحث و طلب و تفتیشدن اوامر و نواهی و حل و حرمت زیاده اولوب امته خرج لازم کلوردی اجتهاد ايسه بویله دکدر بلکه انکله ثابت اولان امر ظنیدر که قطعی به کوره انده سهولت وارد و بونده اشارت وارد که حکمت مسکوت عنهادن دخی سکوت ایتلوردی زیرا هر کس سخن شناس و امر اردان دکدر انکیچون ابن عباس رضی الله عنهما بیورمشدر که (ایهم و اما بهم الله و فصلوا ما فصل الله) بویله دندر که اهل الله برینک رازنی سترایدلر و کندی خاصه لری اولان معنی خود مستور اولمغده اشد واقوادر بوجهتندر که طائفه ملامیه دیرلر را ظاهرده عوام ناسله برابر

و مستور اولدقلرندن نفس اندن حظ ایتمز بلکه کندی کالات و کراماتن اظهار و جذب قلوب و التفات ناسه طالبدر ایددی عارف ايسک سرکی ناداندن حفظ ایلر تا که خلق سنی ملامت ایتسون کر کسه نفسک ملامت اتسون * الحادی و الثنون *

اصلنده الواحد و الثنوندر که واحد اول عدد الحسابدر یعنی حادی اصلنده واحد ایدیکه و او موضع داله نقل اولنیجق الف ایلر ابتدا منهذر اولمغله حا و الف اوزرینه تقدیم اولنوب حادو اولدی صکره و او بایه قاب اولندی غازی کبی و دیمشدر که نسقده اکثر اولان احد و عشرون احد و ثنتون دیمکدر واحد دیمک اقلدر * جاء رجل * یورجل کیم اولدوغی تعیین اولنماشدر ظاهر بودر که یا بلاد بعیده دن و یا اهل بادیه دندر که اعراب دیرلر * الى النبی صلی الله علیه وسلم فقال یا رسول الله دلی * دالک و لامک ضمه لر یله امر در مصدری دلالتدر ارشاد معنانه و دلیل مرشد و مابه الارشاد در یعنی دلیل دالک مبالغه سیدر عالم علیم و قادر قدیر کبی صکره مصدرله تسمیه ایدوب دلیله دلالت دیدیلر پس دلالت مایتوصل به الی الشی دیمک و اولدی المفاظک معانی به و اشاراتک مشار الیهه دلالتی کبی و جمیع اشیاء بواستلوب اوزره فی الحقیقه دلالتدر و دلالت ایلر امارتک فرقی بودر که دلیل و دلالت موجب علم و امارت فحمله ظنی اولان یرده مستعملدر انکیچون اشیاء دلایل الهیه دیرلر زیرا صانع و وحدت وجودینه و کالاتنه دلالتی قطعیه در تنکیم کتاب الهی حقیقه کلور (لاریب فیه * علی عمل * مقصود بر عمل جامع ارشادی طلبدر تنکیم تقسیم محبت اکا دالدر و اول عمل جامع زهددر اگر چه متعلقنده تعدد وارددر و عمل قصدی اولان فعلدر و فعل اعددر * اذا عملته احبنی الله و احبنی الناس * جمله شرطیه تملک صفتیدر الله تعالینک محبتیه مراد میل متعویدر که و احبیت اسمائیه به راجعدر زیرا احبیت ذاتیه کوزه الله تعالی غنی عن العالمیندر و بومحبتک مرتبه شریعتده ثمره سی عبده ارادت ایصال خیردر و حقیقتده حق عبدک صفات کونیه سیله ظهوردر

زیرا بوصورتی عبد محبوب اولمش اولور و عبدك حقہ محبتی ارادت
طاعت و حقیقتی عبدك مظهر حق اولوب صفات وجوبیه سبیل
بروزیدر زیر بوصورتی حق محبوب اولور پس محبتی حقہ عبد
نزول و عبددن حقہ عروج وارد و نزول جهتدن محبتك غایتی معرفت
و عروج یوزندن معرفتك نهایتی محبتدرا انکیچون عارف اولمده حق
محبت حقیقیه اولمز محبت کالات الهیه بی معرفتدن ناشیدر که کمال
محبوب بالذاتدر و ناسك محبتی انکی وجهله در بری روح حیوانی ده یعنی
شهوایه اشتراك ایلددر که انجای نکاح و ازدواجدر و بری حب
روحانیدر که اخلاقده بری برینه تشبه و ایصال خیر و شفقتدر بوراده
محبت ناسدن مراد بوصورتی زیر حب طبیعی اهل دنیا به کوره در
انک ایچون اهل دنیا آخر بری برلندن تبری ایدرلر شول ازدواجدن
صکره بری برلندن تبری ایدن فاعل و مفعول کی زیرا بعد الاتزال
تقبیل و معانقه بی داد اولور * فقال ازهد فی الدنیا یحبك الله *
یحبك جواب امر اوزرینه محبومدر و بوندن فهم اولور که زهد
مقامات عالیہ دندر زیرا محبت الهیه به سبندر فقال ضمیری رسول الله
صلی الله علیه وسلم راجعدر ازهد کسر همزه ایله امردر منع و سماع
بایندن قال الراغب الزاهد فی الشیء الراغب عنه و الراضی منه بالزهد ای
بالقلیل و فی القاعوس التزهد فیہ و عنه ضد الترخیص یعنی زهد فی
و عن کلمه لریله اعراض و عدم اراده مغتناسنه در و قال المطرزی زهد
فی الشیء و عن الشیء زهدا و زهدا اذا رغبت عنه ولم یبرده و من فرق بین
زهد فیہ و عنه فقد اخطا و فتوحات مکیده کور که زهدا مساکی مباح
اولوب یدنده بولمان دنیایی ترکدر پس بوندن فهم اولور که مجرام
و شبهه بی ترک ایتک تقوی و نورعدر یو خسه زهد دکدر و کذلک یدنده
موجود اولمان نسنه ده زهد اولمز اگرچه بعض اهل ظاهر اولور دیو
زعم ایتدیلر و لکن فی المثل دریا ده بالقی صائم کی برنسنه اولور اگرچه
عهدنه قوی و وفادار اولنله کوره بعید دکدر که انله کوره موجود
و مفقود بدر بلکه بعض اهل الله عین ثابته سنک الی یوم القیام واقع

اوله حق احوالی مکاشفه ایتشد در و یدمشلر در که قلیل دنیا انسانی
زهددن اخراج ایتمز و نصایدن آشفه سی قلیل در پس اهل نصاب زاهد
اولمز زیرا مالک و غنی در و بلکه اکامل اصلا برنسنه به مالک اولمز
و اگر مالک اولسه لزم کلرندن اخراج ایدرلر حتی قیص و رداء و جامه لری
بله بر معتدلرینه هبه ایدوب ایدن استعاره ایله انتفاع ایدرلر زیرا
واراق و تصرف فی الحقیقه الله تعالی نکدر و کتب احادیثه کلور که
ترک جماع زهددن دکدر زیرا حضرت علی کرم الله وجهه ازهد
الصحابه ایکن درت منکوحه و اون طقوز سربیه سی یعنی او طه لاق
تعبیر ایتدکری جاریه لری و ارایدی و سید الطائفه جنید بغدادی
دیر ایدیکه (انی احتاج الی امرأه کما احتاج الی الطعام) و قوت رجولیتدن
اوتوری قطب الوقت کثیر النکاح در و زاهدك محبوب الهی اولدیغی
بودر که الله تعالی دنیایی خلق ایده لیدن برو یوزینه نظر ایتمشدر
و اکا بغض ایتشددر و صدر انسانی محل تشریع ایدوب قلبی کنندینه
تفریغ ایچون خلق ایتشددر انکیچون قرأند کلور (ما جعل الله لرجل
من قلبین فی جوفه) یعنی بطن انسانده قلب بر اولمق وحدت وجودله
متصف اولان حقہ مستوی اولمقدندر پس سلسلطان ایچون وضع
و بنا اولمان سرباه اغیار قونددر و روا دکدر الحاصل الله تعالی
محبتده شرکتی قبول ایتمز زیرا غیوردر بوجهندن ترک اغیار ایتدکجه یاره
دعوی محبت درست اولمز و حدیث معراجده کلور که (قال الله تعالی
یا محمد انا وانت و ما سوی ذلک خلقتنه لاجلک فقال علیه الصلاة
و السلام فی الجواب انت و انا و ما سوی ذلک ترکته لاجلک) سؤال
اولنورسه که اشیا اسمادر و دنیا به قدومدن مراد اشیا یوزنده اسمایی
مطالع و حقائق کونیه و الهیه ایله تحقیق در پس مرای حق اولان
اشیا نوجهله مبغوض اولور جواب تنفیر اولمان تعلق دنیا در
یو خسه اعیانی دکل فافهم جدا (سؤال اولنورسه که دنیا ندر جواب
بودر که دنیا اغراض زائله و لذات فانیه در که اولی سماء سابعه نک
مقعدن اعتبار اولنور و آخری تحت الثری در که بوجهله به عالم کون

و فساده دیرل و دنیا تخصیص اولندیغی معظم حجاب اولمده در
 والا جمیع ماسوی حقه پرده در **صکرک** علوی و **کرک** سفلی زیرا
 افعال آلهیه صفاته و صفات دخی ذاته **حج** ایدر واون **سکرزیک**
 عالم ویتش **بیک** پرده دیدگری اسما و صفاته داخلدر پس مقامات
سلوک ظلمت و نور و دنیا و آخرت پرده لرندن خالی دکلدن و زاهدک
 آخرتی عارفک دنیا سیدر و علم ظاهر و باطن دنیا و آخرت کییدر
 پس زهد عابد ترک دنیا و زهد عارف ترک ماسواد و هر نه که عبدالله
 مولی میائنده **حج** اب اوله اکا شیطان دیرل ایضی واسودی اولور
 عارفلر یلورلر اسانه و قلم کلز زیرا اکثر ناس قابل خطاب دکلدن
 (و بر کیمسه دنیایی عن اصل ترک ایتک فعل خیر ایچون طلب
 دنیادن خیر اولور زیرا صوفی ابن الوقتدر که حکم و قته تابعدر پس
 خیر ایچون تحصیل ماله مأمور دکلدن بلکه (الخیر ما اختاره الله)
 مو جنبه اختیاری حقه تابع اولوق کر کدر یو خسه کندی ارادت
 و اختیار یله دور ایتک محض تنزادر * و ازهد فیما عند الناس یحبک
 الناس * ما عند الناسدن مراد مال و جاهدر یعنی خلقدن هر وجهله
 مستغنی اول و مالارینه و مرتبه لرینه التفات ایتمه تا که انلردخی سکا محبت
 ایدوب بعض وعداوتدن خلاص ارله سن زیرا طباع ناس حب دنیا
 اوزرینه مجبوله در پس بر کیمسه یه محبوب بنده منازعه ایتسه لرا کا بعض
 ایدرلر و التفات ایتوب کندی حاللرنده اولسه لرا کا محبت ایدرلر
 نظرایله کلابه که بر جیفه اوزرینه مجتمع اولسه لرا الرنده نوجهله یری
 براری اوزرینه هجوم واقع اولور همان کار (خل الدیار و ما قبلها لاهله
 و فقیحه جیفه بی کلابه نخایه ایدوب دنیا یه دخی حبلاک علی غاربک دیو
 کشاد و یرمکدر) (سؤال اولورسه که نیجه انبیا و خلفاء ضابط دنیا
 و حاکم خلق و انس و جن اولدیلر یو مقوله تسخیر زهده مانع دکلدن
 و شداد و جشید و فرعون و بخت نصر و یونلرک امثال اعداتک
 قبول ایتدکاری دنیا یه ندن اقبال کوستر دیلر حتی نیجه سی بو معنی ایچون
 اسنهاد اولندی حضرت عثمان و علی و امام حسن رضی الله عنهم

و نظاری کی جواب بودر که یونلر دنیا یه تنافس طریقیله دخول
 ایتدیلر بلکه امر حقه تابع اولوب اصلاح عالم ایچون اسم ظاهر ایله
 ظهور ایتدیلر یو جهتدن یونلر فی الحقیقه اهل تجرد در که آرایش
 دنیادن پاکلر در انکیچون حضرت داود و سلیمان علیهما السلام
 کسب یدلر یله تعیش ایدرلر و ملک و دولته التفات ایتلر لردی یو سببدن
 دنیایی خلافت و نیابة ضبط ایتدیلر و معناده درویشلگری باقی ایدی
 پس شونلر که ظاهرلری درویش در که دنیایی کوردکده نوجهله
 اقبال ایده جکلرن یلزلر انلر ار باب عرفان ارا سنده اهل ایمان میائنده
 منافی کیدر (نسأل الله العافیة من الامراض القلبیة و القالییة
 و نعوذ به من شرور الطباع الدنیة و النفوس الایة) (سؤال اولورسه که
 آخر ما یخرج من رؤس الصدیقین حب الجاه نه معنایه در) (جواب
 بودر که حب جاه اگر نفسانی اولورسه اندن خلاصک صعو بنده
 اشارتدر زیرا آخرت یله متصفدر و اگر رحمانی اولورسه یخرج بظهر ایله
 نفس ایلور یو صورتده مراد اسم ظاهر ایله ظهور اولور زیرا
 انسان کامل جمله اسمایی قابلدر و جاه عند الناس مقول اولمقدن
 کرک مناصب و مراتبدن بر نسنه صورتده اولسون خلافت خلفا کی
 و کرک اولسون زیرا ظهور منصبه منوط دکلدن علی الخصوص
 بواعصارده اهل منصب اولوق طریقندن عدولدر مثلاً شیخ اولان
 کیمسه مفتی و قاضی اولماز زیرا درویشلکی منافیدر و لکن بکلر و سایر
 ارباب مناصب زهد و تجرد اختیار ایدوب ابراهیم بن ادهم کی درویش
 اولورلر زیرا طریق ترک مانعی یوق و یو آنه دک سالکی چوقدر فاعرفه
 * الثانی والثلاثون *

* لا ضرر ولا ضرار * لانتک خبری محمد و قدر لا ضرر فی دیننا و شر یعننا
 و لا ضرار دیمکدر (ضرر فتحله نفعک ضدیدر مضرت کییکه عجم
 کزند دیر واحد دن اولور زیرا ثلاثی در و ضرار کسرله مضاره
 معنایه در که اننیدن اولو زیرا مزید در و بونده لانی ایچوندر
 و جائزدر که نهی معنایه محمول اوله پس دیمک اولور که مؤمن اولان

کچمه اخوان مؤمنین دن وانلرک حکمنده اولان معاهد وامل زمتدن
بر کچمه یه ایتدادن ضرر ویرمسون حقنی نقص ایتمکله وجزا
طریقیه له دخی ضرر ویرمسونکه ضار اولانه ادخال ضرر در که
اکا اضرار دیرلر زیرا بومقوله معامله بزم دینزده وشریعتزده
یوقدر وانک صاحبی بزدن دکدر بلکه عفو ایلایه تنکیم حدیثده
کلور (واحسن الی ما لیساء الیک) واکر معاقبه ایدرسه مثلی ایلایه مقابله
ایلایه تنکیم قرآنده کلور (وان عاقبتهم فعاقبوا بمثل ما عوقبتهم به)
(وبعضیلر دیدیلر که ضرر اودر که غیره ضرر ایلایه سن منتفع اوله سن
و ضرر اودر که منتفع اولیاسن پس مغالبه مبالغه ایچون اولور
(وبعضیلر دیدیلر که ایکبسی بر معنایه در که ثانی اولی تأکید در
بوصورتده مزید ثلاثی معناسنه اولوب ضاره ضره دیمک اولور
جاذبت الثوب وسافرت وامشالی واحده محمول اولان کلمات کی ولکن
بعیددر زیرا تاج المصادره (کلور الضر والمضرة والضرار
کزند کردن والمضارة والضرار یکدیگر خلاف کر دن پس کلام
جامع نبوی بی تأکید حمل ایتمک بعیددر (وبونده کندی نفسنه اولان
ضرر دخی داخل وشرعه اولان اضرار خارجدر یعنی کندی نفسکزه
و غیره ادخال ضرر ایتمکوز مکر اذن شرعه اوله حدود وعقوبات کییکه
فی الحقیقه ضرر دکل بلکه عالمه انفسا و آفاقا نفع محض وفائده کلیه در
(وبوحديثك ظاهری انواع ضرری بالکلیه تحریمدر مکر که دلیل ایلایه
مستثنی اوله زیرانکره سیاق نفیده واقع اولمشدر ومضارده اصل اولان
تحریم ومنافعه اباحتدر وفقهده کلور که (لایقتل الحيوان الا لطلب
المنفعة اولدفع المضرة) مثلاً دودالقر که ایپک قوردی دیدکلریدر
قتلی مشروعدر زیرا قتل اولنمدیجف نسیمچندن انتفاع اولنماز و حیوانات
وطیور ما کوله ذبح اولنور زیرا لحمی ایلایه انتفاع ایتمک اکامنوطدر وزنبور
عسل قتل اولنور اگر بلا قتل اخذ عسل ممکن دکل ایسه والا بکروهدر
و کلب عقور و حیوانات و طیور مفترسه وجارحه قتل اولنور زیرا ضرر
بینی وارددر حتی بعضیلرینک قتلی مؤکدد رحیمه وعقرب وفاره

وامشالی کی زیرا (کل مضریقتل) فحوا سنجیه بر پرده که انسان مکرم
دقع ضرر ایچون قتل اولنمق جائز اوله سائرلر بطریق اولی در
و دیمشلددر که بر کچمه جارنه ضرر ویرر وجهله رفع بنای ایلایه
منع اولنور نظر ایلایه که مناره حادثه دن منع اولنور اطرافنده اولان
پیوته اشراقی اولیچق مع هذا اذان وصلاة شعائر دیندندر پس بیوت
غیره اطلاع سبب ویا فوائد جاره مانع اولان رفع بنادن بطریق
الاجوب منع اولنور (وفوائد دید کلری ضوء کییکه حوائج اصلیه دن
وشمس وریح کییکه حوائج زائده دندر ولکن حوائج اصلیه حکمنده در
زیرا ریج نفس رحمانیدر که قوت حیات انکله در وشمسک حرارتیه
ضوء کی انتفاع اولنور خصوصاً که ایام شتاده فقرایه لباس کییدر
وبعض فوائد دخی وارددر که اکامنوطدر مثلاً ثیاب مفسوله بی تجفیف
وامشالی کی الحاصل حق جاری من کل الوجوه محافظه لازمدر زیر
موافق قیامتدن بر موقف عظیم دخی اندن سؤال ایچون معیندر
ویوم قیامتده شر الناس خلق انک ضرر وشرندن حذر
ایتد کلری کچمه در والله حافظ العباد من شروراهالی البلاد

* الثالث والثامن *

* اویعطی الناس * صیغه مجهول ومفعول ثانسی جزاء قرینه سببه
محدوفدر تقدیری اویعطی الناس اموال الناس ودماء هم دیمکدر
* بدعواهم * دعوی دعاءند رطلب معناسنه شرعه شول قوله
دیرلر که انکله غیراوزرنده اولان حقت اثباتی طلب اولنور یعنی اگر
خلقه دعوی مجرده وارزوم حقله اخبارلر یله مدعی علیه انی تصدیق
واعتراف ایتمدن ومدعینک پینه سی اولمدن اموال ودماء و دیات اعطای
اولنسه ایدی * لادعی رجال اموال قوم ودماء هم * رجالده
تنکیر تکثیر ایچونددر که رجال کثیرون دیمکدر تنکیم قرآنده
کلور (فقد کذبت رسل من قبلك (ای ذ و عدد کثیر) وقومک تنوینی
دخی بویه در زیرا مدعینک کثرتی مدعی علیهک کثرتی مستلزمدر
قوم اصلنده رجالدر که رجل انساندن ذکوردر ولکن نساء حکمنده

انلره تابعلردر پس لادعی رجال ونساء دیمك اولور ودماء دمك جمعیدر
قان معناسنه که بحجم خون دیر بوراده قصاصه و دینه شاملدر دیایی
تأخیر ایلدی زیرا خصومت اموال اکثردر و خصومات دماء دن دخی
غرض غالب مالدر خصوصاً که مدعی فقیر اوله و ادعاء مالدن ادعاء
نفسه ترقی واردر زیرا خطر نفس خطر مالک فوقنده ودماء امر هائل
اولدیغنه دخی تنبیهدن خالی دکدر فاععرف یعنی ارباب خصومتدن
چوق ذکور واثاث چوق قومك ماللرینی ودملرینی طلب ایدر لردی
وبین الناس عداوت عظیمه به باعث اولدیغندن ماعدا خرج و زحمت
ظهور ایدردی بعدذا اولکله سی معنای شرطی متضمن اولمغله ثانیکه
ادعادر اوله لازم اولدیکه اعطاءدر و ملزومك انتفاس سندن لازمك
انتفاسی لازم کلدی تنکیم دیرلر او حرف یتقاضی فی الماضي امتناع مایلیه
واستلزامه لتالیه و بعض مواضعده شرطك جزایی استلزامی بعید
وبلکه استلزام نقیضنده اولمغله جزا جمیع ازمنده لازم اولمغله دلالت
ایچون استعمال اولنور تنکیم حدیثه **ککور** (نعم العبد صهییب
لولم یخف الله لم یعصه) یعنی بوراد عدم خوف عدم عصیان
مستلزم دکدر بلکه مستلزم اولان خوفدر پس دیمکدر که عصیان لازم
الحصولدر کرک اوراده خوف اولسون و کرک اولسون زیرا بالفرض خوف
اولسه دخی صدور عصیان ممتنع کیدر شول جهندنکه حیاء مانع
عصیاندر صهییده ایسه خوف و حیاءک مجموعی واردر و حقیقی بودر که
صهییده ایکی نوع عبادت واردر که بری عبادت ذاتیه و بری عبادت
امریه در عوام ناسده ایسه عبادت امریه واردر فقط و عبادت ذاتیه
اشیاءک و ملائکهک نک و اهل جنتک عبادتیه در که تکلیفه منوط دکدر بلکه
فطرت اصلیه نک مقتضاسی اولان عبودیتدر پس صهییبک حقنده
ذنب اطلاق اولنور نسنه یوقدر زیرا حقه انقیاددن غیری کاری یوقدر
کرک امر تکلیفی اولسون و کرک اولسون کویا تکلیف انک عبادت
ذاتیه سنی تقویت ایچوندر بوسیدن مأمور اولسه دخی سلامت فطرت
انی عصیاندن منع ایدر زیرا ملک مشربنده در که منازعه طبیعیه

ونفسانیه سی یوقدر و یوم مشربنده اولان کیمسه جنت وجهنم قیدنده اولن
یعنی خوف و رجاءدن منقطعدر و کذلک مباحده تصرفی دخی یوقدر
بلکه جمیع کاری شرعیدر فاععرف یا کامل الذات والصفة فانه من لباب
العلم والمعرفة * لکن البینه علی المدعی * لکن تشدید و تخفیفله حرف
استدراکدر که بعدالذنی انکله اثبات اولنور بوراده نفی بحسب المعنی در
زیرا تقدیری لایعطی الناس بدعواهم المجردة لکن بالبینة وهی علی المدعی
ویننه بیاندر که کشف معناسنه در نطقله اولسون غیری وجهله
اولسون پس یننه دلالت واضحه در کرک عقایبه و کرک محسوسه یعنی
انکله دعوی ثابت اولان نسنه در افاده بیان اعتباریه واکلاحت دخی
دیرلر زیرا خصمنه انکله غالب اولور و بویاکی معنی اوزرینه شاهدلرک
شهادتلرینه یننه و حجت دینلدی و مدعی شول کیمسه در که قوی
ظاهره مخالف اوله و جانب مدعی ضعیف اولمغله حجت قویه تکلیف
اولندی زیرا امر خفی ذکر ایدر یننه ایسه یمیندن اقوادر بوجهندن
اول امر دن دفعا للفساد اقامت یننه لازم کلدی و جانب مدعی
علیه قوی اولمغله زیرا امر ظاهر ذکر ایدر حجت ضعیفه ایله قناعت
اولندی * والیمین علی من انکر * یمین اصلنده بخارج معناسنه در که
انسانک صاغ الیدر حلفه یمین دیدکری یددن استعاره طریقه در زیرا
مخالف و معاهد اولنور عند الحلف والعهد بری برلرینک یمین اخذ
ایدرلر و عهد و عقدی انکله توثیق ایلرلر انکار ضد العرفاندر زیرا
معروف اولان نسنه منکر و مجهول اولساز پس انکار صفت قلابدر
وگاه اولور که انکار باللسانده دخی استعمال اولنور یعنی برئسنه نک
صورتی قلبده حاصل ایکن انکار لسانله کاذب اولور قال الله تعالی
(یعرفون نعمه الله ثم ینکرونها) و منکر شول نسنه در که عقول صحیحه
انک قبحیه حکم ایده و یا استقباحنده عقول توقف ایدوب شریعت
حاکم اوله یعنی یمین و حلف و قسم بالله انکار دعوی ایلین کیمسه
اوزرینه در اگر مدعینک یننه سی یوغبسه و امام شافعی شاهد واحد
و یمینله قضای تجویز ایلدر کرک مدعی ایله مدعی علیه اراسنده

معرفت و مداینه اولسون و کرک اولسون و امام مالک دیمشدر که عین
توجه ایلمز مادامکه اراده یعنی مدعی ایله کندی اراسنده مخالطه
اولمه ایکی و یا برشاهدک شهادتیه زیرا بویه اولسه سلفها عقلا
اوزرینه غالب اولورلر وقت واحده دعوی مختلفه ده مرارا تحلیف
سببیه بونده ایسه ابدال وارد جواب بودر که نص مقابله سنده رایه
اعتبار اولماز پس حدیث عمومی ایله انک اوزرینه حجتدر وائمه
ثله ذاهب اولمشلردر که قسمامده عین جانب مدعی به دوشرسائر
دعوی کی دکلدر خلافا لابی حقیقه پس زوجین قبل الدخول اسلامه
کلسه لر و معا مسلم اولدق دیسه لر نکاحلری ابقا اولور و اگر زوجه
بترتیب اوزرینه مسلم اولدق دیسه زیرا مقارنت نادر واقع اولور
بوصورتده زوج مدعی اولوب یعنی ایله مصدق اولور دیمشدر که طلب
خصم اولدق تحلیف اولماز و تحلیف اگر قسم باللهه ایسه قاضیک
نیقی و یا اعتقادی اعتبار اولوب توریه و تأویل مفید اولمز و عین
غموسک اثمیه آثم اولور و اگر برامیر و یا برقاضی تحلیف بغیرالله ایسه
نکاح و طلاق و عتق کی و یا خود خصمی بوجهله تحلیف ایسه
و یا کندی اختیار یله اولوجهله قسم ایسه حالف نیقی اعتبار اولوب
توریه و تأویل نافع اولور مثلاً حلف بالعتق بودر که عتق حلف
اوزرینه جزاء ایله عتقی برشبهه تعلیق ایله ان دخلت الدار فملوکی حر
دیمک کی و طلاق وائمه عین دخی بویه در که اکا حلف بغیرالله دیرلر
الحاصل قاضی و امیر طلاقه و عتقه وائمه استخلاف ایسه حالفک
نیقی معتبر در مستحلفک دکل زیرا قاضی و امیرک طلاقه وائمه عینی
الزام اتمک مشروع دکلدر بلکه مشروع اولان حلف بالله اوزرینه
حلالدر و تحلیف حقوق الله ده و حقوق آدمین ده و محمل تهنده
جاریدر میویدر که داود علیه السلام ایامده وسط بیت مقدسه
اولان صخره اوزرینه سمدان برسلسله آویخته قلنش ایدیکه ناس
اوراده تحاکم ایدر لری شویله که هرکیم اول زنجیرمد دست ایدوب
واصل اولورسه دعواسنده صادق والا کاذب اولوردی تا که ارالنده

برخدیعه ظهور ایلدی و اول خدیعه بوایدیکه بردفمه برکبسه آخره
برجوهر ایداع ایتش ایدی اولدخی اول جوهری برنجوف عصا ایچنه
قویوب اخفا ایلدی و صاحب و دیعه اول امانتی اندن طلب ایدیچک
انکار ایدوب اول زنجیرمعلق یانه واروب تحاکم صدندده اولدقلرنده
ابتدا مدعی اگر بودعواده صادق ایسم زنجیر بکا قریب اولسون
دیوب اول زنجیری مس ایتدی بعده مدعی علیه دخی برظرافت ایله
عصایی مدعی یدنه و یروب آل و طرت شعوعصایی دیو تسلیم ایدوب
اولدخی یارب اگر جوهری صاحبنه دفع ایتدو کپده صادق ایسم
زنجیری بندخی مس ایده یم دیو مید ایدیچک اولدخی مس ایتدکه خلق
اوراده تشویشه دوشوب نه عجب سلسله ظالم و مظلوم اراسنی تسویه
ایتدی دیوچک شوم خدیعه سببیه اول سلسله سمایه مرتفعه اولوب
حضرت داوده وحی اولندیکه من بعدین الناس یننه و عین ایله حکم ایلمه
انکیچون بعض علماء دیدیلر که (وآیتناه الحکمة وفصل الخطاب) آیتنده
فصل خطابله مراد البینه علی المدعی والیمین علی من انکر مضمونیدر
و بومعنی شریعت محمدیه ده مقرر اولوب الی الان باقیدر بعدذا حدیث
شریفک عبارتی بلاینه دعوی مال و دماء دن تحذیر و اشارتی
بلا برهان دعوی حال و مقامدن تنفیردر زیرا بوامر خطیر لاف و کرافله
اولماز بلکه صدق دعویه برهان کر کدر و شطح دیدکلری دعوادندر
زیرا رعونت نفس و بقیه طبعدن ناشیدر و شطح شول کله در که قائلنک
عندالله رتبه سنه دلالت ایلمه و انکله خلق اوزرینه افتخار ایده
بوايسه فی الحقیقه حق اوزرینه افتخاردر زیرا محقق اولانه هرشیده
مشهود اولان حقددر و دعوی ربوبیت دخی حدنی جهلمدندر زیرا
انسانک حدی عبودیتدر انکیچون دیمشدر که (رحم الله امرء اعرف قدره
ولم یعدطوره) بوجهندن سر ربوبیت عبودیتده مستور اولوب بحکم
الوقت عبودیتله اشتغال لازمدر یوخسه خادم اولان دعوی محدودیت
ایتمک قلب حقیقتدر و لکن بومقامک اهلی اقل قلیلدر زیرا جمله
پرازندن خلاصه محتاجدر انکیچون کل دعوادن خاموش و اهل

برازخ طویل اللسان اولور و شولکه دیمشردر من عرف الله طال لسانه
 بوندن مراد معارف الهیه فی بسط یو خسه دعوی دکل و دیمشردر که
 محبت امتحان اولنه کلمشدر زیر دعوان خالی دکلدر که سبل و ش
 خروشی و نشیب و فرازه صیت و صداسی وار در محبوب ایسه بویه
 دکلدر بلکه خالص مخلصدر که انده امتحانه صالح اثر قلمشدر و شولکه
 مشاق دنیادر حکم بشریتدر والا کمالک حیاتلری حیات طیبیه و عیشلری
 عیش صافیدر فاعلم ذلك و اعلم حتی تكون من اهل القدر المعلى باذن الله
 المولى ومن ذم بدعواه مع كونه من اهل ذوق الحال فما حال من يدعى
 ولبس عنده ادنى شيء من الاحوال ولا شك ان مثل هذا مكمور بل مسجور
 * الرابع والثلاثون *

* من رأى منكم منكرا * مراد رؤیت بصریه اولور سه رؤیتی تعلق
 ایتیبوب بلکه علی لاحق اولدیغی دخی اکا قیاس اولور زیرا مقصود
 مفسده منکرى دفعدر پس رؤیت و علم اراسته فرق اولماز و شرح
 جامع صغیر رؤیت قلبیه یه یعنی معنای علمه حمل ایتیشدر پس عین
 علمدن اعم اولور من تبعضیه در که بو حکم فرض کسایه اولغه رمزدر
 قال الله تعالى (ولتكن منكم امة يدعون الى الخير ويأمرون بالمعروف
 وينهون عن المنكر) و خطاب جمع مکلف اولان مسلمره در کرک صحابه
 و کرک غیرى تکیم قرأند کلمور (کتم خیر امة اخرجت للناس تأمرون
 بالمعروف و تنهون عن المنکر) و منکر شرعک تقبیح و تحریم ایتدیکدر
 یعنی شول قول و فعل که انده رضاء الله اولیه منکر در که ضدی معروفدر
 و بعضیلر دیدیلر که مکروه و ترک فرض و ترک سنت مؤکده بونده
 داخلدر تکیم ترک جماعت و صلاة جمعه و ختان و امثالی اوزرینه
 اتفاق ایتسه لر مقاتله اولور * فلیغیره بیده * تغییر برسنه فی
 حالندن و صورتندن دوندرمکدر تکیم حدیثه کلمور (کره تغییر الشبب
 ای تنفه) بوراده امر ایجاب ایچوندرو و وجوب شرعه در یو خسه
 عقلله دکلدر خلافا للمعتزله اگر چه بعض امور عقلا دخی مستقیمدر
 (و علمادیمشدر در که امر بالمعروف مأمور بهه تابعدر اگر واجب ایسه

امر دخی واجبدر علی الکفایه و اگر ندب ایسه ندبدر و كذلك منکر
 مکر و هندن منع مستحب و سکوت مکر و هدر و مکر محظور دن منع
 واجبدر اگر قادر ایسه پس قدرت و ارایکن سکوت ایتک محظوردر
 زیرا مفسده یه وقوعه وسیله در تکیم فرق و حرق واده اندن تخلیص
 ایچون مصلی اولور سه دخی نقض لازمدر الحاصل واجب اولان
 یدایله تغییردر اگر یدایله اولان اموردن ایسه کسر و انی خیر و اراقه
 و کسر معارف کی پس بو تغییر عزیمت مقوله سنندندر که ذی قدرته
 ترکنه رخصت یوقدر و ما بعدی دخی حالنه کوره بویه در
 (و فقهادیمشدر در که یدایله اولان امر و نهی امر و ولاته و لسانله علمایه
 و قلبله عوازه موکرلدر بو معنادن هر کس کندی حالنه کوره کارده
 کرکدر کرک مأمور و منهی قبول ایتسون و کرک رد ایتسون قال الله تعالى
 (وما على الرسول الا البلاغ) و بعضیلر دیدیلر که اقویادن اولوب
 نهی اوزرینه مفسده ترتب ایتیه چکن بلور سه امر حکمنده اولور
 هر شهرده وجوه القوم کی * فان لم يستطع * پس اگر یدایله ازاله یه
 قادر اولماز سه اول منکرک فاعلی اندن اقوی و یا بر اقویه مسئند اولق
 حسبیه تکیم زمانه ده بومعنی معروفدر * فبلسانه * پس انی لسان
 یعنی قولله تغییر ایتسون والا عاصی اولور و اگر بلا قدره ترک ایتسه
 و یا مفسده مصلحتدن اکثر اولسه بناء علی هذا انکار قلبه اکتفا ایلسه
 محض ایماندن معدود اولور زیرا مؤمن اثره فتنه دن منهیدر انکیچون
 خروج علی السلطان جائز دکلدر زیرا مفسد کثیره سی واردر
 * فان لم يستطع * پس اگر قولله دخی منعه قادر اولماز سه امرادن
 و علمادن اولمغه و بلکه بوا عصارده علمادخی خوف شر ظلمه دن
 دکه بر نهی لسانلرینه کتوره مزله زیرا یاقتیل و یا نفی بلد و یا حبس
 و اهانت اولور لر * فبقلبه * پس قلبی ایله کراهت و انکار ایتسون
 زیرا بوراده قلبه تغییر تصور اولماز بوجهندن علقتهای تنبا و ماء باردا
 قیلندن اولور و جائزدر که همت قلبله و تضرعه دیمک اوله زیرا
 دیمشدر در که (همه الرجال تهد الجبال) و محتملدر که قلبله تغییر ایتک

حکمی اوله فافهم جدا (بوراده یدایله تغیری تقدیم ایلدی زیرا منعه
اقوادر والامن جهته العمل منع بالقول مقدمه که تحصیل مطلوبه
اقریدر انکیچون تقدیر قول این ایله منع ایتسه اوقدر احسن اولور قال الله
تعالی (فقولاله قولالینا) بعده تغیر بالیددر حتی امام غزالی دیمشدر که
حسبت که حق الله دن اوتوری منکردن منعدر ممنوع اولان کیمسه بی
مقارفة منکردن صیانتدن اوتوری بش درجه در (بری تعریفدر که
ارتکاب ایده جکی نسنه نک حرمت ویا کراهتی وسوء عاقبتی اعلامدر
زیرا جائزدر که حل و حرمتدن بی خبر اوله (وبعدہ قول لطیفله
وعظدر نتکیم ولد والدنه رفقه وعظ ایده واکر غضب ایدرسه
سکوت ایلیم وعبده سید وزوجه ایلیم زوج وتلیذ ایلیم استاذ
ورعیت ایلیم سلطان دخی بویله در (وبعدہ سب وتعنفدر که یا جاهل
یا حق الله تعادن خوف ایتیمسن ویا بونک امثالی سوز دیمکدر
یو خسه فحش کلام دکل (وبعدہ قهرله بطریق المباشره منعدر
کسر ملاهی وارقه خمر و سرندن ثوب حریری اختطاف ومغصوبی
یدندن اخذ وصاحبنه تسلیم ایتک کبی (وبعدہ ضربله ویا ضربه
مباشرت ایلیم تخویددر وشول کیمسه که غیبت وقذفه مبتلادر انک
لساتی سلب ایتک ممکن اولمیدغندن ضربله اختیار سکوت اوزرینه
حل اولنور وقرآنده کلور (فقالتوا الی تبغی) یعنی بوندن اخذ
اولنور که بعض مواضعده تغیر منکر ایچون قتل دخی مشر و عدر
* وذلك * یعنی قلبله انکار وکراهت ایتک * اضعف الايمان * ثمرات
ایمانک اضعفیدر نفس ایمانک دکل کما ذهب الیه الشافعی زیرا
عند الخنفیه ایمان زیاده ونقصان قبول ایتیمز الحاصل شدت وضعف
قبول ایدن ثمرات ایماندر زیرا ایمانندن قلبه متعلق اولان تصدیقدر
یو خسه منکری انکار دکلدر بلکه انکار ثمرات ایماندر (سؤال
اولنور سه که اگر مقصود ثمره ایمان اولسه انتفاء انکارله نفس ایمانندن
خارج اولماق لازم کلور مع هذا بعض روایتده کلور که (ولیس وراء
ذلك من الايمان حبه خردل (جواب بودر که مراد ثمرات قویه

وضعیفه منتفی اولسه ایمان معدوم کبی اولور دیمکدر (سؤال اولنور سه که
بو حدیث شریف (علیکم انفسکم لایضركم من ضل اذا هتدیتیم) نصنه
معارضدر (جواب بودر که معنای آیت کشی مکلف اولدیغی نسنه
بی اشلد کده غیرک تقصیری اکاضرر ویرمز دیمکدر خد مات مکلفه نک
بری دخی امر معروف ونهی عن المنکر در پس امر و نهیک عهده سندن
بیرون اولدقد نصکره مخاطبه امثال بولنسه لایأسد و نتکیم قرآنده
کلور (ولاتزر وازرة وزراخری) و دیمشدر که محل اجتهاد ده اولان
ماده ده حسبت اولماز بوجهتدن بر نسنه نک منکر اولدیغی بلا اجتهاد
معلوم اولمق لایددر بناء علی هذا حنفی شافعی اوزرینه اکل ضب وضع
ومتروک التسمیه ده انکار ایده من و كذلك شافعی دخی حنفی بی مسکر
اولیات نبیددن منع ایلیم من (واقوی اولان اول کیدی (عظ نفسک ثم عظ
الناس) مفهومی ایلیم عامل اولوب بعده غیری نهی ایتک کرک تاکه (انامرون
الناس بالبر وتنسون انفسکم) نمونده داخل اولیمه اگر چه ترک واجب
ایلیم اوزرندن واجب آخر ساقط اولماز ونهی منکرک شرائطی واردر
بری بودر که منهی عنه هنوز واقع اولماش اوله زیرا واقع اولان
نسنه دن نهی اولماز بلکه وقوعی اوزرینه ذم اولنور (وبری دخی
بودر که اول منکری اشلیم جکیمه ظن غالبی اوله مثلاً شارب الخمری
شربه منهی کوره آلت شربی اعدادله والا مجرد یاننده کوزه خمر
اولمق موجب حد اولمیدیغی کبی موجب نهی دخی اولماز زیرا انک یاننده
آلت زنی دخی واردر (وبری دخی ظن غالبی اوله که اگر نهی ایدرسه
مضرت لاحق اولیمه زیرا عند الاکراه خوفدن ناشی تلفظ کلمه کفر
جائز اولیچق ضرورتله ترک انکار معصیت دخی جائز اولور بطریق
الاولی اگر چه قتلنه جرایدن ایشی اشلیمه مأجور اولور کما قال تعالی
(ومن الناس من یشری نفسه ابتغاء مرضاة الله) و بورادن اخذ
اولنور که افیون و خمر و امثالنه مبتلی اولان کیمسه خوف هلاکدن اوتوری
تائب اولماق لازم کلز بلکه بر مدت اکل و شرب ایلیم طبعی تعذیل
ایلیم و بالفرض هلاک مؤدی اولسه دخی شهادت مرتبه سن بولور

ودخی ظن غالبی اوله که منهی اولان کیمسه بطریق التعت منکراتی
زیاده ایتیه زیرا بعض معاند وارد که سکار غما ایشلم دیو مصر و بلکه
اولکیدن دخی بتر اولور (وبری دخی نهی مؤثر اولوب عبث اولیه جفته
ظن غالبی اوله قال الله تعالی (فذكر ان نفع الذكری) و احیاء العلوم ده
کلور که بدعتده حسب سائر منکرانده حسبته در اتم در زیر اعتقادده
دا ردر که اساس الاعمال در و بدعتدن مراد فرق ضاله حالیدر که
سنت و جماعتدن خارجدر و یتش ایکی فرقه دیدکری اهل بدعتدر
اگرچه بواعصارده فروع کثیره سی وارد و صوفیه محققینه
اهل بدعت دین ایمانه کفر اعتقاد یتش کی اولوب کافر اولور زیرا اگرچه
متصوفه دخی اون ایکی فرقه در ولکن اون بری اهل بدعت و بری
اهل سنتدر پس ظاهر و باطنا اهل سنته اطاله ایدن کیمسه مبتدع
وضال و بلکه کافر در و مشهور در که دیرل سوزکی پیلده سویله پس سکا
دخی واجبدر که قول و فعلده حقدن باطله عدول ایتیه سن و لا اهل
بطلانله محشور اولور سن والعیاذ بالله تعالی من العجب والغرور
وعدا لایار من اهل الشرور (و دیمشدر در که منکرده سرائله چهارک
فرقی وارد در که چهارده جمیع ناسه نخوستی ساریه اولوب عقوبته
مستحق اولور تنکیم حدیثده کلور (کل امتی معافی الا المجاهرین) یعنی
اظهار معاصی ایدنلر دارینده عقوبته دن سلامت و عافیت بولمازلر
و حکم جوارله سوء اثرلری غیره دخی ساری اولور پس کرچه فاسق
مستورک حالتدن تجسس اولماز ولکن فاسق معلنک فسقندن نهی
ایتمک اوجبه در تا که ناس انک شرنندن سالم اولهلر (بعد ذا حدیث
مذکورده اوچ نسنه ذکر اولندیکه بری ید و بری لسان و بری قلبدر
زیرا یدک مقبوضی سیف و سنان و لسانک مأخوذی حجت و برهان
و قلبک شانی اعتراف و اذعاندر پس کرکدر که ید ایلله مظاهر
قهر و غضب الهی اولان ککنائس و پوت خیر و مجتمع فسق
و فجور هدم و تخریب اولننه و لسانله حجت و برهان ابراز اولوب
خلفک ظنون و شکوکی رفع و ذکر کثیرله اوهام و خیالات باطله

ازاله اولنه و قلب ایلله دخی وحدت وجود اعتقاد اولوب کثرتدن
ناشی توهم تعدد که شرک خفیدر ساحده عقد دن بعید قلنه و لا
ظاهر شعائر الله و حرمت الله اولان اموری عدم مراعاتله خراب
اولد یغی کی باطن دخی آرایش افکار و تعلقات فانیه ایلله بر باد
اولوب کعبه کنبسه یه و بیت معمور خراباته منقلب اولمغسله آفاق
وانفس دخی صورت مجرده ده قالور و کویا برامر موهوم اولور
الخامس والثلاثون

لاتحاسدوا اصلنده لاتحاسدوا در که احدی التائین حذف
اولنمشدر یعنی بری بریکوزه حسد ایتکور حسد غیرک نعمتی یدندن
زائل اولدوغن استمکدر کندینه حاصل اولنر سه ده و یا خود اندن
زائل و کندینه واصل اولدوغن تمیدر اولکی اخبت و صاحبی
شیطانندن الوثر و حسد عقلا و شرعا و حقیقه مذمومدر بلکه
حاسد حقیقه تده کافر در زیرا معارض الوهیت و مکابرر بوییتدر
و حدیثده کلور (الحسد یا کل الحسنات کما تأکل النار الحطب) سؤال
اولنور سه ده سبئات محو حسنات ایتنر مکر که کفر اوله بلکه حسنات
سبئاتی از هاب ایدر بس نوجهله سبئات حسناتی اکل و ابطال ایدر که
یومعنی بعض مبتدعه مذهبیدر یو خسه مذهب اهل سنت د کل
جواب بودر که حسد حاسدی محسود حقنده بعض اقوال و افعاله
جل ایدر که ثواب حسناتی محسوده انتقالی موجب اولور غیبت و شتم
و اتلاف مال محسود و سعی فی سفک دمه و اثنالی کییکه بونلر مظالمدر
و آخرتده مظالم ایچون اقتصاص وارد و گاه اولور که حسد غبطه
معناسنه اخذ اولنور صورت حسدده اولمغله (لا حسد الا فی ثنین) کی
بتکیم بالاده مرور ایتشدر غبطه اودر که نعمت غیرک مثانی طلب ایلله
زوالنی دکل و دیمشدر در که نعمت دینه ده غبطه واجبه در ایمان کی
و غیریده جائزدر امور مباحه کی و بعض مواده مندوبه در شهادت
فی سبیل الله و الموت فی بلد رسول الله و تصنیف کتب شرعیه
و تدريس علوم مرعیه و اشتهار بالخير و امثالی کی *ولاتناجشوا*

نجش جمله اودر که برمتاعك بهاسن زیاده ایده سن مع هذا شراسنه
 رغبتك اولیه و یا خود شراسنه تحریض ایده سن كما قال فی القاموس
 النجش ان یواطی رجلا اذا اراد یبعا ان یمدحه اوان یرید لانسان
 ان یمیع بیاعة فتنساومه بها بثن کثیر لیمظر الیک ناظر فیمقع فیها اوان
 ینفر الناس عن الشئ الی غیره انتهى والترکیب بدل علی اثاره شئ
 کاثرة الصيد والبحث عن الشئ كما فی تاج المصادر وغیره ونجاشیکه
 صاحب الحبشه در فتح نون وتخفیف یائله در و بعضیلر تشدید دخی
 جائز در دیدلر و انجشة الحادی زمان رسول الله ده صلی الله علیه وسلم
 بر حادی ایدیکه حسن صوتی ایله دوه لری اهلاک ایدردی حادی
 تغنی ایله دوه لری سوق ایلندر * ولاتباعضوا * بغضندر که ضد
 الحیدر یعنی برنسنه دن نفرت وانی کراهندر بو ایسه عداوتی مستلزم
 دکلدر پس بغض عداوتدن اعمدر یعنی بری بریکوزه بغض و عداوت
 اتمکوز مقصود اسباب بغض و عداوته اشتغالدن منع و نهیدر زیرا
 عداوت و محبت اختیاری دکلدر و اعداء الله اولنلره بغض و عداوت
 واجبدر که اکا بغض الله دیرلر حب فی الله کیبکه احباء الله اولنلره
 میل و محبتدر که بودخی واجبدر زیرا اولیایه معادات حقنده و عید
 واردر نتیکم حدیث قدسید کلور (من عادی لی ولیا فقد آذنته بالحرب)
 بوراده ولیدن مراد ولی عرفیدر که فانی فی الله و باقی بالله در یعنی
 هرکیم بنم بر ولی خاصه معادات ایدر سه اکا اعلام ایلد مکه بن انکله
 محاربه ایدرم یعنی معامله محاربه کی معامله ایلر مکه قهر و غضبی
 اوزرینه حواله ایلر یوب آخر مقهور و زبونم اولور زیرا مخلوق خالق
 مقابله دن عاجزدر اشته بو معنایه ایماء ایچون ولاتباعضوا دیدی
 زیرا مبعوض اولنلر اراسنده خواصدن کیسه بولنور سه باغضک
 هلاکی مقرر اولور اتمدی بغضی عن اصل عوام و خواصدن رفع
 اتمک کرکدر عوام و خواصه مطلقا ایمانلرندن اتوری اثبات محبت
 لازم اولدیغی کی بو معنادن دیدلر که سید همایه طالب اولان جمله
 مرغانه دانه افشان اولق کرکدر زیرا همادخی انلرک میاننده در

هر کوردو کی خضر ییل دیدکلری بودر * ولاتباعضوا * تدابر ایکی
 کشی بری برلرینه آرقه لر و یرمک دبرلر یعنی آردلر دونه کدر که
 مواجهه نک مقابله ایدر بوا یسه اعراض اقتضا ایدر انکیچون تدابر
 تقاطع معنا سنه استعمال اولندی و تدبیر دیدکلریدخی دبرنددر یعنی
 برنسنه نک دبرینه و عاقبتنه و صوکنه نظر در پس معنی دیمک اولور که
 بری بریکوز دن تقاطع اتمکوز یعنی وصل معامله سنی قطعه تبدیل
 اتمکوز زیرا مودت فی القربی لازمدر مؤمنلرک حسب جهتندن
 بری برلرینه قرابت قریبه لری واردر بلکه نسب یوزندن دخی بریدرک
 فرزندلریدر و رحم رحماندن مأخوذ در جمیع اشیاک ایسه تجلیات
 حسبیه حقه ارتباطی واردر انکیچون قطع رحم اتمک انقطاع عمر و محق
 برکاته سیدر فاعرف جدا فانک علی مواجهه جمیع الاسماء قطعا قالی این
 تذهب معرضا عن الله فصل وصل لربک فاذا انت عند من تهواه
 و دیمش لردر که ولاتباعضوا یعنی اهواء و مذاهیده اختلاف اوزرینه
 اولما کرزیرا دنیاده بدعت و طریق مستقیمدن ضلال بغض ایجاب
 ایلر و تدابر اتمکوز یعنی بری بریکوزی غیبت اتمکوز زیرا برکیمسه بی
 غیبت آردنجه اولور یوخسه یوزینه اولماز بعضیلر بو معنای اولکیدن
 اولادر دیدلر زیرا تقاطع تباعضده مندرج واندن مفهومی مدر وینه
 دیدلر که تباعض تدابری مستلزم اولماز زیرا گاه اولور که ایکی متعادی
 ترافق ایدرلر و بری برلرندن مفارقت اتملر و تدابر دخی تباعضی مستلزم
 دکلدر زیرا گاه اولور که ایکی متدابر بری برلرینه لمصلحه محبت ایدرلر
 جواب بودر که مقصود شارع امر باطن اولان حال قلبی اصلا حدر
 یوخسه امر ظاهر اولان حال قلبی دکلر و بعضیلر دیدلر که بری برلریکوزی
 استتقال ایدوب تولیه وجوه اتمکوز بلکه استقبال ایدوب بسط وجوه
 ایدیکوز و روبرو اولوکر بو معنی دخی کرچه عبوسه ظاهره و خوشنودن
 نهیدر فاما مقصود ظاهر دن باطنه ارشاد در (بعدا اوج کوندن
 زیاده هجران مسلم جائز دکلدر مگر که غرض دین ایچون اوله ترک صحبت
 فاسق کی پس توبه سی ظهور اتمکجه زجراله الی آخر العمر ترک اولور

سائر تشدیدات شرکی و بدعت اقوای اسباب هجر دندر و احیاده
 کلور که واعظ مبتدعک منعی و اجبدر و مجلسنه حضور دخی جائز دکلدر
 مکر که اظهارود قصد ایلده اگر قادر ایه و الاستماع بدعت جائز دکلدر
 قال الله تعالى (فاعرض عنهم حتى يخوضوا في حديث غيره) پس
 بواعراض هجری مستلزم اولدی رجوع بولمدقه * و لایبغ بعضکم
 علی بیع بعض * صورتی بودر که بر کیمسه برنسنه بی خیاره اشترا
 ایدوب قبل لزوم البیع آخر کیمسه اکا کل بویعی فسخ ایلده بن سکا
 اندن رخیص و یا اول بهایه اندن دخی اجودنی و یره یم دیمکدر که
 بوضع حرامدر زیرائده موجب عداوت و بعض اولان اذای مؤمن
 واردراشته بونهی غبن فاحش اولمدیخی صورته در و الا فسخه داعی
 اولمق لا بأسدر زیرا که کالوجه رخیصه بیعده ضرری دفع وارد
 و بر صورت دخی وارد که اکا صورة السوم علی السوم دیرلر و اول
 صورت بودر که بر کیمسه آخردن ثمن معین ایلده برنسنه اشترا ایدوب
 متعاقبین انک اوزرینه تراضی ایتد که نصکره آخر کیمسه کلوب اکا نقص
 بهائله و یا خود ثمنک مثلی ایلده دخی اجودنی عرض ایده فاما تراضی واقع
 اولسه اکایع من بزید دیرلر که لا بأسدر (و شری علی الشری دخی
 بویله در مثلاً زمان خیاره بایعه دیه که بویعی فسخ ایلده بنانی سندن
 دخی آخر بهائله آلورم و سائر بونلرک امالی دخی منهیدر خطبه اوزرینه
 خطبه کی و بر منهی دخی بودر که اهل قرانک شهره سحر بومله
 بعه جلب ایتدوکی متاعی شهرلی آله قویوب سحر زایدله فروخت
 ایچوندر که عند الشافعی حرام و عند الامام مکر و هدر اگر اول متاعه
 ضرورت و اریسه و اکا احتکار دیرلر که انتظار غلادر * و کونوا عباد الله
 اخوانا * عباد الله نصله حرف ندانک حذفیه در بوصورته اخوانا
 خبر کان اولور تکیم اختصاص و مدخ اوزرینه انتصابده دخی بویله در
 و جائزدر که عباد الله خبر و اخوانا خبر بعد خبر اوله یعنی یا عباد الله
 عبودیت و عبودت ایلده الله تعالی به منسوب اولدو غکز کبی
 اخوتله دخی بری بریکوزنه منضم و مضاف اولوکز قال الله تعالی

(انما المؤمنون اخوة) بومعنی ایسه تحاسد و تقاطع و تباهض و امثالی
 اخلاق سافله بی منافیدر و بوندن اخذ اولور که کافر فی الحقیقه عباد الله
 دکلدر زیر عید اوزرینه واجب اولان امثال امره و لا ینه قائم اولمشدر
 پس انک حقه اضافتی اضافت خلقت یو خسه اضافت تشریف دکلدر
 و جائزدر که عباد المؤمن اولوب الله ده لام اختصاص ایچون اوله تکیم
 (کونوا انصار الله) ده ایکی وجهله قرأت اولمشدر * المسلم اخو المسلم
 * انما المؤمنون آیتندن مستفاد در و بونده تشبیه بلیغ وارد در اصلی
 کاخیه دیمکدر یعنی ایکبسنک میانی دین واحد جمع ایدر ایکی برادرک
 میاننی اب واحد جمع ایتدوکی کبی پس وصفده اتفاق ذاته اتحاد کیدر
 فکیف که اخوت و انتسابده دخی اشتراکی مستلزمدر یعنی فرزند آدم
 اولمغله میانلرنده قرابت قریبه یو غیسه دخی ینه علاقه قویه وارد در کافر
 ایسه بویله دکلدر زیر او وصفده اختلاف وارد در حتی سنی ایلده بدعی اراسنده
 مناکه صحیح دکلدر دیدیلر و امرأ مسلمه نک بدنی کافره ینه نا محرمدر
 دیوقائل اولدیلر پس اخوت بین المسلمین در یو خسه بین المسلم و الکافر
 دکلدر دیدیلر انکیچون مسلمه و کافره بری بریه نا محرمدر (بعد ذالمسلم
 اخو المسلم جمله سی استینا قدر که استعطا فی مشتملدر تکیم دیرلر
) انما هو اخوک و استاذک و ابوک فاعرفه * لایظلمه * یعنی اکا ظلم ایلک
 لایق دکلدر بود دخی استینا قدر که وجه شبه ایماندر زیر حقوق
 اخواندندر که بری برلری اوزرینه دینلرنده و نفسلرنده و ماللرنده ضرر
 اد خال ایتیه لر شول وجهدنکه قطع ارحامدندر بوا یسه اخوت
 اسلامی منافیدر بلکه کافره بله ظلم حرامدر انکیچون دعاء مظلومدن
 مطلقا حذر لازمدر زیر کافر اولسه دخی مستجابدر و حرمت ظلم
 یکرمی دورنجی حدیثده مرور ایتددر * و لایخذک * فتح یاوسکون
 خاء معجه و ضم ذال منقوطه ایلده خذلدن فتحله و خذلاندن کسرله
 مشقندر ترک نصرت و اعانت معنا سنه فارسیده فرو گذاشتن ایلده
 تعبیر اولور یعنی مؤمن مؤمنک نصرت و اعانتی ترکله تهلاکه ینه
 القا ایتن بعض احادیثده (و لایسلمه دوشمشدر افعال دکنکه

همزه سلب ایچوندر یعنی سلم وصلحی ازاله ایتمز و یا خود اسلام
خذلانه دوشور مکدر نکیم تاج المصادره مصر حدر بوصورنده
(ولایخذه معنای سنه اولور الحاصل مسلم دفع ظلمه و امثالند
استعانت ایسه اعانت ایله اگر ترکنده عذر شرعی بوق ایسه
زیرا مواضع ضرورات قواعد شرعیه مستثناست * ولایکذبه *
فنج یا واسکان کافله در ولایضربه و زننده بعضی محدثین دیدیلر که
بوافظه اکثر متونده یوقدر یقال کذب الرجل من باب ضرب ضد
صدق و کذب الرجل مجهول ای اخیر بالکذب پس معنی دیمکدر که
خلاف واقع امره اکابر و یرمیه مکر ضرورت داعیه و یا شرع
لمصلحه اذن و یرمش اوله (وامام بیهقی دیمشدر که کذب قواله اولدیغی
کبی قول و نطق غیر یله دخی اولور پس برسنه دن علی خلاف ماهویه
اخبار ایلسه صدق متنی اولدیغی کبی مثلاً کذب علیک الحج دیسه دخی
دخی حج متنی اولدی یعنی وجودی اولدی پس بکیدن وجوده کتور دیمک
اولدی (و بوراده ولایکذبه بی تشدیدله تکذیبدن اولمغه ذاهب اولدیلر
اگرچه معنائک مساعده سی وارد زرا خبر کذب القاتلیمکده افساد
دین و دنیا اولدیغی کبی خبر صادق تکذیبده دخی سوء ظن و ملال
وانکساره سببیت وارد در بس سن اکا طوغری سویمک لازم کلوب
اولدخی سنی او معناده تکذیب ایتک جائز اولمیشق اول وجهله سندخی اکا
معامله ایتک لازم اولور فاصدق و صدق * ولایحقره * یا ک فقهی وقافک
کسر یله ضرب باندن حقردندر خورطو تمق معنای سنه و قاموسده کلور
الحقر والحقارة الذل والفعل کضرب و کرم والاذلال کالتحقیر
والاحتقار والاستحقار والفعل کضرب والمحقرات الصغار انتهى
ای فیکون الکبار معظمت (یعنی مسلم مسلم عینی ذکرا یتکلمه استحقار
ایلز و کذلک فقیر الحال و کثیر العیال و متغیر الاحوال کور سه استسخار
ایتمز زرا از دراء و سخریت منهی و حرامدر شول جهندن که الله تعالی
بنی آدمی تکریم و تفضیل ایلدی (و یخفیه اخفاردن اولمق دخی مرویدر
خاء معجه و قائله عذر و نقص عهد معنای سنه و لکن قاضی عیاض دیمشدر که

صواب و معروف اولکیدر نکیم ولایحقره روایتی انی تأییدایدر (بعدذا
احتقار برنسینه نک ذاتی ایچون دکل بلکه صفاتی ایچون در پس کافر
وظالم و فاسق کفر وظلم و فسق لری ایچون احتقار اولنور ل قال تعالی
(ومن ین الله فانه من مکرم) چونکه اسلام و طاعت و عدله عدول ایدلر
من کل الوجوه قدر لری مرفوع و معظم او اور نکیم خالد بن الولید
و عکرمه بن ابی جهل و امثالی اسلام و تقوا لری سبیله معظم اولدیلر
حتی خالد سیف الله المسلمون دیوملقب اولدی و عکرمه یه اذیت اولور
دیویدری ابو جهلی سب و شتمدن اصحاب نهی اولندیلر اشته لاتؤذوا
الاحیاء بسبب الاموات حدیثک و رودنه باعث بودر * التقوی ههنا *
استیفا قدر که صورتده تسویه دن صکره معناده تفاوته اشارتدر یعنی
محل تقوی قلبدر که صدر انک ظر فیدر او ایسه مستور نسینه در بس
اهل اسلام کرچه امر ظاهر ایله بر مرتبه ده در و لکن امر باطن ایله عندالله
تفاوتلری وارد در و کاه اولور که عاهت بدن و یا لکن اسان و یاسواد
جسد و یا غمی و عور و عرج و قصر و طول و امثالی ایله معیب اولور فاما
سیرتی جهندن سالمین اسلام و اقوادر بس اکا نظر نقصانله نظر ایتک
کرکدر والا خالق تحقیر مؤدی اولور زرا جمع کائنات مرتبه خلقده
اکامضا قدر قال الله تعالی (ان اکرمکم عندالله اتقاکم) وقال رسول الله
صلی الله علیه وسلم (ان الله لا ینظر الی صورکم و اعمالکم بل الی قلوبکم
و نیاتکم) یعنی اگر قلوب و نیاتک خالصه و صادقیه ایسه منظور حق
اولور سکز والا فلا * و یشیر الی صدره * قائلی راوی حدیث اولان
ابوهریره در یشیر نک فاعلی رسول الله در صلی الله علیه وسلم مقتضای
ظاهر ماضی ایکن مضارعه عدول ایتک اول حالی نظر اهل کماله
استحضار ایچوندر که اکا حکایه حال دیرلر و حکایه حال ماضیه اودر که
زمان ماضی ده اولان نسینه زمان حالده فرض اولنوب اندن حاله دلالت
ایلین لفظ مضارع ایله تعبیر اولنه و اشارت کفله و یا عین و یا حاجب ایله
اولانه دیرلر و او حالیه در * ثلث مرار * بعضی نسخده مرار واقع
اولمشدر مرار کسرله مره نک جمعی در مرار کبی فتحله مره فعله واحد در

تاره و کره و دفعه دخی بویله در (ثلث التقوی ههنايه متعلقدر یشیر
الی صدره یه دکل تکیم بعضیلر زعم ایتدیلر زیر اوصورتده ایهم آمدن
خالی دکلدر (یعنی مراد بودر که جناب نبوت علیه الصلاة والسلام
التقوی ههنا کلامنی تقوانک شأنه اهتمام و بیانه اعتقادن اوتوری
اوج کره تأکید و تکرار ایلوب هر کره سنده ید مبارکه لایله صدر لینه
اشارت دکل تکیم شمائل نبویه ده کلور کان اذا تکلم تکلم ثلثا (وبعض
ادعیه که اوج کره قراءت ایله تقیید اولمشدر بری حس و بری عقل
و بری خیال مرتبه سنه اشارتدن اوتوری در زیر وجود انسان بواوج
مرتبه بی جامع و هر بری بر توجهه محتاجدر * بحسب امری من الشر
ان یحقر اخاه المسلم * (حسب سین مهمله نک سکونیه کافی معنادر که
مقدم خبردر اولنده بازائده در که غیر متعلق بشی در) وان یحقر الخ
تأویل مفردده خبردر مسلم منصوب و اخک صفتی در تقدیری حقر الرجل
اياه المسلم کافیه من جنس الشر یعنی مسلم قرنداشی مسلمی خور طوتمق
جنس شردن بر شر عظیمدر که انک و بالی اکا کافیدر بوراده امر تحقیر
تکریر اولندیغی حرمت اسلامی تأکید ایچوندر (بعد ذابو ترکیب مفرداتی
بالاده شرح اولمشدر اعاده یه حاجت یوقدر * کل المسلم علی المسلم
حرام دمه و ماله و عرضه * کویا سوال وارد اولوب حکم
تحقیرندر حرام میدر حلال میدر دنلد کده کل المسلم الخ اکا جواب واقع
اولدی (کل المسلم مبتدا و حرام خبر و مابعدی بدل کل در زیر اکل
معرفه یه مضاف اولسه احاطه اجزاء ایچون اولور کل التفاح حامض
کیکه جمیع اجزاء تفاح حامضدر دیمکدر و اگر نکره اولسه جائز اولماز
زیرا جمیع افراد تفاح حامض دکلدر بلکه بعضی حلو در کویا
انسانک دمی اجزاء حسیه دن و مالی اجزاء حسیه اسبابندن و عرضی
اجزاء حکمیه دندر که مسلم بواجزاء ثلثه دن عبارتدر و حرمت ظاهره سی
بواوج نسته یه تعلق ایدر و هیکل دمه داخلدر زیر ادم انک مقومیدر
و عرض الرجل جانبه الذی یصونه کما مره و بواوج موضعه مضاف
تقدیر اولور اراقة دمه اخذ ماله و هتک عرضه کی یعنی موجب شرعی

اولدیغی برده امور مذکوره حرامدر و الا تعزیر و قتل اولور و مال مرتد
مأخوذ در زیر فی در انکیچون بعض روا یانده (الابحیهها) کلمشدر
تکیم حدیث ثامن ده مشروحدرو و بعضیلر دیدیلر که عرض ایکی
دور ایدر که شرعا حایه و رعایتی واجب و یا مستحبدر و شولکه
عندالعوام امور معتبره عرفیدر اندن خارجدر انکیچون بعض ادانی
تحقیر اولور دقه سنک عرضک نولاجق دیرلر یعنی انک عرضنی کلا عرض
عدایدلر و حدیثده کلور که (من ار بی الربي الاستطاله فی عرض المسلم
بغیر حق) معنای اکثرها و بالاولا و اشدها فی التحريم دیمکدر
بوراده بغیر حق بعض احوالده استباحه عرضیه اشارتدر مثلاً
صاحب حق اولان خصمی ایچون ظالم و تعدیدر دیمک جائزدر
وشها دخی جرح و خائن اوزرینه شهادت دخی بویله در پس
کسر عرض بغیر وجه شرعی ایسه سفک دم کی در والا لایاسدر
* السادس و اثلثون *

* من نفس عن مؤمن کربة من کرب الدنیا * تنفیس ازاله غم در
یقال (اللهم نفس عنی ای فرج و تفتت الریح اذا هبت طیبه و فی الحدیث
(لا تسبوا الریح فانها من نفس الرحمن) یعنی ریح امور منفسه دندر زیر
نفس که فتح فائله فم و منخردن خروج و دخول ایدن ریحدر انسان
تنفیس ایتدیکه حیات حاصل و ضیق زائل اولور تنفیس شاملدر
مال و مساعدنه و سفارت و رأی و اشارت و دعا و عند صاحب الحق
شفاعت ایله اولان تنفیس کرک تنفیس جزئی و کرک کلی اولسون
اگرچه مطلقاً کامله مصر و فدر (کرب کافک ضمی و رانک فتحیه
کربتک جمیعدر ضم و سکونله کربت حزن شدید و غم غالبدر
کرب الارض دندر ارضی حفرله قلب ایتدی معناسنه اهل حراثت
حالی کی زیرا غم غالب نفس انسانی قلب و آثاره ایدر و بعض نسخده
عن مسلم دشمندر منقاد معناسنه بوضورتده بحسب اللغه ذمی یه دخی
شامل اولور زیرا ذمی دخی بعض احکامده مسلم کییدر حقوق جار
و عبادت مریض و دفع صدقه و امثالی کی پس اکا دخی اعانت اولور

مکر که کفر و معصیه دائر اوله کنیسه به حل و سقی خروغیری کبی
 انکیچون اولاد مسیلمی تحصیل صنایع ایچون کفره به شا کرد لکه
 ویرمک مکر و هدر زبیر انلرک اخلاقیه تخلقه و کفرلینه مساعدیه
 ذریعه در بوجهتند که صبیانه الباس حریر و امشالی محرمات
 ممنوعه در تکه انکه تعود ایلوب بعد البلوغ عودت ایتیمه لر معنی بودر که
 بر مؤمن غم و همهم وضیق و شدت دنیادن بر مؤمن و یابر مسلمان
 مطلقا بر نسنه ازاله و کشف یتسه قلیل و کثیر و صغیر و کبیر و هر نه
 اولور سه اولسون اگر رحتی امور دنیویه دن بر امر حلال و مباح
 ایچون ایتسه والا معصیه اعانت اولان انکیچون کرب دنیا ثله تقیید
 ایلدی و یوتقیید واقعی بیان ایچون اولق دخی جا اردر و محتملدر که
 کرب دنیا کرب آخرتدن احتراز اوله که غم آخرتدر زیرا دنیاده غم آخرت
 قدر مزید و شدید اولسه صاحبیه اولقدر فائده سی واردر که درجات
 عالییه وسیله در مکر که تنغیسی بر از خدن تخلص و یا مجهولی اولان
 موادی تعلیم اوله * نفس الله عنه کربته من کرب یوم القیمه * یعنی
 الله تعالی اندن کرب آخرتدن کربت عظیمه بی تنغیس ایلیمه پس
 کربت اولی ده تنوین قلیل و تحقیر و کربت ثانیه ده تکثیر و تعظیم
 ایچون اولور زبیرا کرب دنیا کرب آخرته کوره یسیر و قلیل و حقیردر که
 لا کربت حکمنده در و مؤمنه عمل حقیری مقابله سنده فضل الهی
 عظیمدر و بونده اشارت وارد که کرب دنیا و کرب آخرت بسیار در که
 هر برنی دفعیچون بر عمل مناسب لازمدر زبیرا جمع جمعه مقابله اولمشدر
 و بوندن مقصود اصل مقابله بی بیاند که بطریق العدل در یوایسه
 فضلی منافی دکلدر پس کربت واحده نک ازاله سی کرب کثیره نک
 زوالنه سببدر قال الله تعالی (من جاء بالحسنة فله عشر امثالها) تکیم
 بناء مسجد مثل ایلله مقابله اولندی مع هذا اکامحصر دکلدر زبیرا
 هر نسنه نک صور بحسب الموطن اولدیخی کبی مجازاتی دخی اکاکوره در
 یعنی عدل و فضلك بحسب الحقیقه موطنی آخرتدر و مرتبه فضلك
 اعلا سی اختصاص دیدکلدر که جناب حقّه مفوضدر و بوندن

اخذ اولور که شان مؤمن قضاء حوائج مؤمنین ده اولمقدر که فضل
 عظیمی واردر زبیرا عمل متعددر انکیچون خیر الناس من ینفع الناس وارد
 اولمشدر سؤال اولور سه که من نفس ده کلمه من عام اولوب کافر دخی
 مسلمان تنغیس ایلیمه آخرتده اول کافر نفی اولور می جواب بودر که
 تعمیر بعددر زبیرا ظاهر شرع بویله مقاماتده اهل ایمانی خیراته تحریضدر
 و اگر کافر دن مکارم اخلاق صادر اولسه عذاب کفری قطعاً تخفیف
 ایتیمه و معاصی به کوره اختلاف واردر ایکی طرفک دخی شواهدی واردر
 ظاهر اولان بودر که مکارم کفارک مجازاتی دنیاده در تکیم ایلیمه
 قبل الا عن عبادتی مقابله سنده الی یوم القیمه عموطویل اعطا اولندی
 چونکه کافرک کفری قلمندن قالبیه ساری اولدی لاجرم عذابی قابل
 تخفیف اولدی مؤمن عاصی ایتیمه بونک خلافتدر زبیرا ایمان دخی
 معنادن صورتیه ساری اولیحق عذابی قابل تخفیف اولدی انکیچون
 عصاة مؤمنین طبقه علیای نارد در فافهم والله اعلم * ومن یسر
 علی معسر یسر الله علیه فی الدنیا والاخرة * کرب دنیا و تنغیسک
 بعضی موادی تخصیصدر که اکا کربت دین دیرلر و معسر اعسار دندر
 تنک دست یعنی فقیر اولمقدر که وجود مال اکا کوره معسر در پس
 اعسرتک همزه سی صیرورت ایچونددر که معسار ذاعسرة دیمکدر عسرت
 یسرتک ضدیددر که ترک انلردن کوجلاک و قولایلق دیوتعبیر ایلر
 الحاصل معسر مطلق مقفدر و لکن عسرت غریم عسرتلرک اشدی
 اولمقله مدیون معسرده استعمالی اکثر اولدی (من انظر معسرا) الخ
 حدیثی دخی انی تأید ایدر معنی بودر که بر کیمه غریمنه یعنی بور چلو سینه
 تیسیر ایلیمه مطالبه بی تأخیر و یا کلا و یا بعضاً ابراء ایتیمکه و یا مطلق
 فقیره تصدق و دفع ضرورت ایتسه کرب معسر مؤمن و کرب ذمی
 و کرب مستأمن الله تعالی انک اوزرینه تیسیر ایلیمه دنیاده توسیع رزق
 و حفظ عن الشدائد ایلله و آخرتده تسهیل و حساب وظل عر شده
 تظلیل و امشالی ایلله یعنی دنیاده تیسیر معسر نوجهله قلب معسر
 سبب فرح اولدیمه آخرتده الله تعالی انی تفریح و اسباب نشاطی

تهیه ایله جزاء وفاق اعطا ایلله و فقهمده کلور که فرض نافله دن
 افضلدر الا برقاچ مسئله ده دکل اولکبسی اراء معسر مندو بدر ولکن
 انظار واجبدن افضلدر وایکجیبسی ابتداء سلام سنتدر واکن رد
 واجبدن افضلدر و اوچنجیبسی وضوء قبل الوقت مندو بدر ولکن
 وضوء بعد الوقتن افضلدر که وضوء بعد الوقت فرضدر و تیسیرده
 تعلیم علمدخی اشارت واردر زیرا جاهلک امری عسیردر تسلیکه دخی
 رمز واردر زیرا مرید ذوق حال و فیض ملک متعالدن معسر در
 و انسانی فضل کندی نفسنده کامل وغیری مکمل اولمغه در پس
 استاذ ظاهر عسرت جهلی بسرت علمه تبدیله سبب اولدیغی کی
 استاذ باطن دخی عسرت حجابی بسرت کشفه تحویله باعثدر انکیچون
 معلوم و مسنک اولمزلرک سائرلر اوزرینه فضل زائداری واردر زیرا
 دیمشدر که الفضل للمتقدم استاذایسه اقدمدر کرکسه سنی جهندن
 احدث اولسون و هر قومک رئیس و متبوعی مفضل و مکرمدر فاعلم ذلک
 و تسلیم و تعلیم هر بری قرآنده مذکوردر قال الله تعالی (و یرکبهم
 و یعلمهم الکتاب و الحکمة) زیرا طهارت نفس یالکن کفر و شرکدن
 دکلدر بلکه ادناس باطنه نک جمله سندن طهارت لازمدر و از جمله
 ادناس وارجاس تعلق ماسوادر کما قال الله تعالی (لا یمس الا المطهرون)
 فافهم * و من ستر مسماستره الله فی الدنیا و الاخرة * قضای روایتده
 من ستر علی اخیه دوشمشدر بوراده ستر بدنی لباسله و عینی اخفائله
 ستره شاملدر و سترحق دخی اکا کوره حله جنت و کشف رحتله
 ستردن اعمدر زیرا علی ملاء الناس عریان و افترضاح امره ائلددر
 دیمشدر که اگر حقوق اللهدن ایسه زنی و شرب خمر و امثالی کی
 ناسدن ایسه قتل و سرقه و نظائر کی ستر حرام و امام و والی به
 رفع و اخباری واجبدر اگر مفسده ترتب ایتمزسه و اکا نصیحت واجبده
 دیرلر غیبت محرمه دیمزلر و دیمشدر که فسقله معروف اولمزلرک حاللری
 والی به عرض وذوی البیوتادن اولمزلرک عثراتنی اقله ایده لر مکر که
 حدوده متعلق اوله که انده جمیع ناس اعلی و ادنی و سلطان و رعیت

برابر در

برابر در وذوی البیوتات اشرف ناسدر که ترک انلره و جاق صاحبیری دیر
 اگر عنعنه ایلله و کابرا عن کابر ایسه و عجم خانواده دیر و بوندن اخذ
 اولنور که ستر ظاهر لازم کلدیکی کی ستر باطن دخی لازمدر مثلاً
 عارفدن استماع ایتدیکی اسراری کتم ایده و نادانه افشا ایتیه والا
 فضاحتیه کوره جزا بولور قال الله تعالی (یا عبادی انما هی اعمالکم
 ترد علیکم) و عارف بالله اولانه دخی کرکدر که بوا عصارده خاموش اوله
 و دکه بر سخن شناسه اعتماد ایدوب ستر رازی برداشته قلمیه ای نیجه
 عارف کشف سرایتمکله سر و بردی منصور کی و نیجه لر دخی حاللرینه
 کوره مبتلی اولدیلر یا ستر العیوب و یا کشف الکروب استرنا بکنف
 رحتک و فرج عنا کما فرجت عن خواص خلیقتک * و الله فی عون
 العبد ما کان العبد فی عون اخیه * تعمیم بعد التخصیصدر ما بوراده
 مدت معناسنه ظرفدر مده کون العبد فی عون اخیه دیمکدر و یا خود
 موصوله در و الله فی عون العبد الذی کان فی عون اخیه معناسنه
 بوصور تده کان زائده اولور مظهر که عیددر مضمر موضعنده وضع
 اولندیغی استعطاف و ایدان ایچونددر که عید عجزله بله قرنداشنه اعانت
 ایدیچک الله تعالی اظهار لطفله اولدر بوراده عونک ظرفیتدن
 دوام و ثبات مأخوذدر پس و الله یعین العبدن ابلاغدر عیدک اعانتی
 ماله و بدنله اولمغه شاملدر و حقک عوننی تیسیرامانی و قضاء حوائجدر
 مقصود واجب و مندوب و مباح اولان امورده معاونددر یوخسه
 حرام و مکر و هده دکل والا اعانت معصیتله عاصی اولمش اولور
 قال الله تعالی (و تعاونوا علی البر و التقوی و لا تعاونوا علی الاثم
 و العبدوان) پس تعا هدا را مل و احسان یتامی و موا ساة فقرا
 و نصرت ضعیفا ایلله ظلمه و فسقه و جباره به مساعدده ایتیه زیرا
 کفر و معا صیده ابوبین کا فزیننه بیله مساعدده منیه بدر مع
 هذا حق غالبیری واردر فکیف که سائرله * و من سلك طریقاً *
 یقال سلك المكان دخل و سلكه غیره و اسلكه ادخله طریق بولدر
 ایاق ایلله طرقی و ضرب اولندیغی ایچون طریق دیملدی

بوراده حسی و معنوی اولفیه شاملدر و طریق تنکیر ابتدیکی افاده
ایدر که طرق جنت چوقدر و علوم دینی به دن هر بری اکا بر طریق قدر
* یلمس * بعد الجماله حال و یا صفتدر التماس طلبدر اصلی لمسدندر که
ید ایله مس در یعنی لمس ظاهر بشره ایله ادراکدر مس کی صکره انکله
طلبدن تعبیر اولندی زیرا برنسه طالبی اولان کیمسه حال تتبع ده
لمسدن خالی دکلدر و بعضیلر دیدیلر که لمس احساسدر لامحاله و مس
اعمدر زیرا بعض مس وارد که انده احساس اولماز * فیه * ضمیر
طریقه راجعدر * علما * تنکیر علوم دینی به دن هر برینه شمول ایچوند
علم نفس بر وحدیث و کلام و فقه و اصول فقه کی زیرا موصل جنت
اولان بو علومدر و علوم عربیه دیدکلی علم لغت و صرف و نحو
و امثالی علوم شرعی حکمنده در زیرا علوم شرعی بی تحصیل و سبله در
پس علوم فلسفیه بونلردن خارجدر منطق و غیری کی مکر که تعلیمی
برای رد اوله بودخی عند الخواص ممنوعدر و بونده سلوکه اهل
تصوفک سلوک مخصوصنه و طریقله طریقت معهوده سنه و علم ایله
علم الهی به اشارت وارد و تنکیری تعظیمدن خالی دکلدر زیرا علم
تصوفکه علم الدنبر سائر علوم اراسنده عظیم القدر در زیرا معلومی
اجل المعلومات اولان الله تعالیدر و سائر علوم موصل جنت ایسه بو علم
عزیز موصل حضرتدر اگرچه جاهلی بسیار و محبوب حق بشماردر
بعدذا التماس علمه نیت خالصه کرکدر زیرا نیت روح عملدر و سائر
عباداته تطرق ایدن ریا و اغراض فاسده طلب علمه زیاده در زیرا علم
وسیله جاه اخروی اولدیغی کی ذریعه جاه دنیوی دخی اولور و العلم
حجاب دیدکلی اهل بنداره کوره در زیرا علم مال کی سبب غرور
و شرور در الامن عصمه الله تعالی * سهل الله له به طریقاً الی الجنة *
به ضمیری طریقه رجوع ایتک اظهاردر تنکیم مابعدی اکا قرینه در
زیرا طریق علم طریق عمله و طریق عمل دخی طریق جنته سالکدر
پس علم بالواسطه جنته موصل اولدی الحاصل بلا علم عمل و بلا عمل
جنت اولماز انکیچون قرآنده کلور (جزاء بما کانوا یعملون) یعنی اگرچه

عمل موجب جنت دکلدر و لکن زربانک پایه می کیدر که ذر وه زربانه
وصول پایه ل و ساطتی ایله اولدیغی کی درجات عالیه به ترقی دخی عمل
شرعی و ساطتیله در پس تسهیلدن اخذ اولنسدیکه طریق جنت
صعبدر و اکا سهولت استین طریق علم و عمله سلوک ایدر و لا جنته
سهولته منتهی اولماز و بوندن فهم اولنسدیکه کرچه علم عمل معنویدر و لکن
عالم و عامل اولان کیمسه کویا طریق حسی جنته در و غایت طریق
جنتدر انکیچون (و ازلفت الجنة للمتقین) وارد اولدی زیرا علم و عمل
طریق جنت اولفیه کویا عالم و عامل اولنره دنیاده جنت تقریب
اولشدر تنکیم جناب نبوت صلی الله علیه و سلم غزوه بدرده پیوردیلر
(قومرا الی جنة عرضها السموات والارض) وحدیث مذکورده علم
تخصیص بالذکر اولدیغی شرف زائد نه دلالت ایدر زیرا ذات حق
اقرب و سائر صفات و کمالاتی مستبعددر پس علم ظاهر و عمل شرعی و علم
باطن و حال مرعی بی جامع اولان کیمسه قیامتده فوق الکل اولور
* و ما اجمع قوم فی بیت من بیوت الله * مانافیه در بیت اسلمنده
کیچمه ده انسانک مأوایی یعنی بیوت ابتدکی برده صکره بلا اعتبار
اللیل دخی اطلاق اولندی جمعی ابیات و بیوت کلور لکن بیوت مسکنه
اخص و ابیات شعره کوره دینلور و بیت حجر و مدر و صوف و و بردن
تخذ اولنلر اوزرینه واقعدر و بیت شعر اکا تشبیه اولمشدر زیرا
جسد اخلاط اربعه و بیت ارکان اربعه اوزرینه ظاهر در که سبب
ثقیل و سبب خفیف و و تداندر و بیت الله و بیت عتیق کعبه به علم عالیدر
و اهل بیت آل نبویه متعارفدر بیوت الله ده اضافت تشریف ایچوند
ناقه الله کی بیوت الله کعبه به ملحق اولان مساجددر که ایچنده درس
علوم شرعی و ذکر الله اولنمغله معظمه و مشرفه در و سائر بیوت عبادات
دخی مساجده ملحقه در الحاصل بیوت الله مواضع معظمه در پس
واضع محقره خارجدر حمامات و معاطن ابل و مرايض غنم و مزابل
و امثالی زیرا بو مواضعه صلاة مکر و هه اولیحق سائر اذکار و افعال
شرعیه دخی بویه در و بوندن ظاهر اولور که بیوت الهیه فی الوائدن

بالطوب بختوراته دخی مطیب قلمی کر کدر خصوصاً یوم جمعه ده که منزل الملائکه در * یتلون کتاب الله * قرأنی وانت حکمته اولان کتب شرعیه بی قاری و علی سبیل التتابع تالی اولدقلری حالده یعنی مانیسنی محافظه و معانیسنی مراعات و مطالع و موقف حضورده الله تعالی اوزرینه قرائت و مشاهده ایله که اکا حق تلاوت دیرلر کا قال الله تعالی (الذین آتیناهم الکتاب یتلونہ حق تلاوته) و بونده دخی کتابی جلاله به اضافت تشریف ایچوندیر کتاب مکتوب الهیدر که مکتوب اولدیغی جهتدن نظم و مقصود و مدلول اولدیغی وجهدن معنی و کلام نفسی اولدیغی یوزدن غیر مخلوقدر * ویتدار سونه ینهمم * التدارس بهم درس خواندن یعنی بریره کلوب درس او قومق که بعضی تعلیم و بعضی تعلم و استکشافله اصلی درس که اثردر زیر تدارس ایدنر علمک اثرنی بری برلرندن اخذ و حفظ ایدرلر و بومعنی مداومت قرائت ایله اولغله مداومت قرآنه درس دیدیلر (و بعضی احادیثده کلور قدر سوهائهم علموها یعنی بوکلماتی اولا تعلم و قرائت و ثابا غیره تعلیم و تفهیم ایدیکوز) بونده مدارسه نیک فضیلتیه اشارت واردر اگر مدرس و متدرسک غرضلری حق ایسه یعنی شهرت و تحصیل ریاست و جاه دکل ایسه و الاعمالری هبا و عمللری وبال و عمرلری ضایع و تجارتلری کاسد و فاسددر و اویله در سخانه صنم خانه کبیدر زیر اصحابی حقدن غیره برسانش ایدرلر حق ایسه صورته نظر ایتمز بلکه کلوب و قصود و نیاتیه نظر ایدر * الاتزلت علیهم السکینه * معلوم اولاکه الله تعالی بنی اسرائیلک تابوتنده سکینت قومش ایدی یعنی صور حیواناتدن بر حیوانک شکل و صورتی که اورادن بر ریج محبوب و یابر حرکت خاصه ظهور ایتسه بنی اسرائیلک قایلری اول علامت سببیه ساکن اولوردی و عقببنده اثر نصرت حصوله کلوردی و انلره آفاقدن اعطا اولنان معنی امت محمدک مخلصلرنه انفسدن احسان اولندی یعنی سکینت انلرک قایلرند بر قوت روحانیه و بر حالت غیبیه و نور ربانی در که خائف و مضطرب ایکن ساکن و یا امان اولوب تسلی بولورلر

وحر نلری زائل اولوب فرحناک اولورلر نیکیم غزوه احدده کلور (ثم انزل علیکم من بعد النعم امنه نعاماً یغشی طائفة منکم) یعنی اول حالت هائله منافی راحت ایکن قایلرینه سکینه نزول ایتمکله سکون دلدن ناشی خوابه وار دیرلر و خوف ایچنده امنه ایر دیرلر و اکاسکینه دیدیلر زیر نفس انسان اکاساکن اولوب غیره میلی قطع ایدر نیکیم سکین دیدیلر بچاغه زیر اصحابی انکله قطعی ممکن اولان نسنه بی قطع ایدر و اگر مذبح ایه حرکتدن تسکین ایلر بس سکینه سکوندندر که ضد الحار که در و سکونده ثبوت واردر انکیچون قلب بسبب السکینه ساکن و ثابت اولور قال الله تعالی (هو الذی انزل السکینه فی قلوب المؤمنین و بوندن فهم اولندی که بوسکینه نیک محلی قلوبدر زیر قلب مدار اعضا و قوادیر بس قلب ساکن اولیجی جمله اعضا و قوی دخی ساکنه اولور انکیچون امور خطیره ده اهل دل حاضر اولق کر کدر ناکه ثباتله حراد حاصل اوله قال تعالی (اذالقیتم فئته فاثبتوا) بوا عصارده ملوکک غالباً مغلوب اولدیغی عسکرتک عدم قابلیتندندر اگر کر جک رجال اولایدیکه اهل دلدلر دل ثابت نلری مضطرب قلمزدی و لکن بومعنا بی فهم ایدن قلبدر * و غشیتهم الرحمة * غشی تغطیه در که ترکیده یوریمک ایله تعبیر اولنور قال تعالی (یغشی اللیل النهار) ای یجعل اللیل یحیث یستر بظلمته نور النهار یقال غشی اللیل النهار اذا ستره (یعنی رحت الهیه انلری تغطیه اید و بوریه و قابلایه مقصود رحت خاصه در که تلاوت و دراستک نتیجه سی و عمل مخصوصک اثر ایدر قال تعالی (اولئک علیهم صلوات من ربهم ورحمة) یعنی عند المصیبه استرجاع و صبر ایدنلره رحت خاصه و عامه واردر (و رحت اراده نفع العبد معنایسه اولور سه صفت ذات و انعام و احسان اراده اولور سه صفت فعل اولور * و حفتهم الملائکه * حفت حاء مهمله ایله حفو قدندر که اشتمال حول الشیء معنایسه در قال تعالی (و حفتناهما بنخل) ای جعلنا النخل مطیفة باحفتهمای ای جوانبهما (و حافین من حول العرش) ای محذقین باحقنه و جوانبه (والاحداق کرد چیری

در آمدن (یعنی ملائکه رحمت انلری محیط و چورانی شتمل اوله سماء
دنیا به وارنجه بلکه عرشه ایرنجه تا که انلری آفاندن حفظ ایدله لمصاحفه
ایلیه لر و ثل الرنده اولار و دعا لرینه آمین دیه لر و تلاوت لرنه قولاق
طوته لر زیرا ملائکه به تلاوت قرآن فضیلتی اعطا اولنماشدر انکیچون
بنی آمدن استماعه حریر صلردر و اغزلر فی تالیرک اغزلر نه وضع
ایدر لر تا که قرآن دخول ایلیه بوجهتدن اسنیا که تطهیر افواه ایتک
مسنون اولدی کافی الجامع الصغیر و شروحه (سؤال اول نور سه که
جبرائیل علیه السلام قرآن او قوشدر زیر بلا قرائت وحی اولماز
(جواب بودر که جبریلک وقت نزول و تنزیله حالی القاء وحی در
اکایسه قرائت و تلاوت دیمزلر قال تعالی) ولا تعجل بالقرآن من قبل
ان یقضی الیک وحیه * و ذکرهم الله فممن عنده * یعنی مقام عنایت
و قریبه اولان ملاء اعلی اراسنده انلری ذکر ایدله و ثلارن ایلیه و انلرله
و حسن حال لرله مباحات قله یا عالم مثاله تجلی مثالی ایله تجلی ایلیوب
سویلیه و یا مقام ار واحد قلیلر نه القائله تعریف ایلیه زیر اهر موطنه
کوره بر نوع کلام الهی وارد و اول ملائکه نک اقرب کر و بیون
دیدکاری در تخفیف رائله که ملائکه عرشدر و ملائکه عالیه دیدکاری
یونلردن خارجدر (و بعضیلر ارواح انبیاء و اولیا و شهدای دخی ادخال
ایتدیلر و لکن صحیح دکلر زیرا مقصود اشری ملک یانده و صفدر
یو خسه بشری بشر عنبدنده دکل زیرا ارواح خواص بشره
او مقوله لک حاللری معلومدر خصوصاً که بوامدن اولنلر اهل قرآندر
و بونده مقام قریبه اولان ارواحی یعنی ملائکه بی قرب سلطانده
اولان خواصه تشبیه وارد که بطریق التفهیم در زیر بری قرب معنوی
و بری قرب حسی در و معنی تمثیل ایله صورت بواور و تلاوت اوزرینه
اجتماعه ذکر الله اوزرینه اجتماع دخی داخلدر زیرا ذکر دخی
قرآنددر انکیچون ذا کر اولان کیمسه هم ذکر و هم تلاوت نیت ایتک
کر کدر تا که ایکی وجهله مثاب اوله و استماع ذکرده دخی یو وجهله
نیت ایدله (و همچنین خصوص اوزرینه اجتماع ذکر حقننده حدیث

طویل وارد و مبتدی به کوره افضل اولان ذکر لسانی و متوسطه کوره
ذکر قلبی و متتهینک ذکر جیم مراتبه ساریدر که لسان و قلب
و روح و سر اکا برارد و انک هر نفسی تسبیحدر نتکیم حقیقت اهلنسه
معلومدر و اجتماعه قوت زائده اولدیغنه اهل ظاهر و باطن متفقد
ولکن آدانی مراعات و محافظه لازمدر * و من بظاہر عمله لم یسرع به
نسبه * بطأ تشدید طائله در و با تعدیه ایچوندر بطوء سرعتک ضدیدر
قال فی تاج المصادر التبطنه در نکی شدن و یعدی بالباء و اجازه بعضهم
ان یكون التبطنه متعدية انتهى و فی القاموس بطوء ککرم بظاء بالضم
و بظاء کتاب و ابطاء ضد اسراع و بظاء علیه بالامر و ابطاء به
اخره انتهى (لم یسرع اسراعند در ایومک معنا سنه که فارسیده
شتاییدن ایله تعبیر اولنور و تعدیه سی بائله در یکافی الحدیث (اسرعوا
بالجساره و هو الظاهر و فی القاموس (اسرع فی السیر کسرع و هو
فی الاصل متعد کانه ساق نفسه بحمله او اسرع المشی غیرانه لما کان
معروفا عند المخاطبین استغنی عن اظهاره و منه الحدیث قلبسرع المشی
انتهی (نسب و نسبت ابوین جهتندن اشتراکدر نسب بالطول دیرلر
بین الالباء و الابناء اولان اشتراک کی و نسب بالعرض دیرلر بین الاخوة
و بنی العم نسبت کی و فلان فلانک نسبتدر دیرلر قریبی معنا سنه و حدیثده
کلور که (کل سبب و نسب منقطع یوم القیمه الاسبی و نسبی) نسب
تقوادر نسب آب و کل دکل و الا ابولهب و امثالی دخی انکله منتفع اولمق
لازم کلور و دنیاده نسب ظاهری دخی منقطع دکلدر انکیچون مهدی
منتظرانک اولادنددر و عدم انقطاعه اشارت ایچون حدیثده کلور
(یا علی انا وانت ابوا هذه الامة) معنا بودر که هر کیمکه سوء عملی دنیاده
تبطنه و تأخیر ایلیه آخرتده نسبی آنی تعجیل و تقدیم ایتز یعنی نسب
مجردیله مرتبه صاحبی اولماز دنیاده اولدیغی کی و بلکه کافر ایسه
مرتبه دکل جنته بله کیرمز و انبیا و اولیادن شفاعت بولماز قال الله تعالی
(فاذا نفخ فی الصور فلا انساب بینهم) یعنی قیامتده کنعانه پدری نوحدن
وازره اوغلی ابراهیمدن و قابله قرنداشی هابیلدن و واهله یه زوجی

لوطدن و ابوالهبه برادر زاده سی رسول الله دن علیه وعلیه السلام
 و علی هذا فائده یوقدر و تفاسیرده کلور که (وانذر عشیرتک الاقرین)
 آتی نزول ایتد کده رسول الله صلی الله علیه وسلم مکده جبل صفایه
 حیقوب و اقاربنه خطاب ایلوب (افتدوا انفسکم من النار فانی لا اغنی
 عنکم شئاً) بیوردیلر وینه حدیثده کلور (یا بنی هاشم لا یأتینی الناس
 باعمالهم و تأتون بانسابکم) پس بوندن فهم اولندیکه کافره مؤمندن
 فائده یوقدر زیرا فائده شفاعتله اولور مؤمن ایسه کافره شفاعتله
 مأذون دکلدر نیکم قرأند مواضع عدیده ده مصر حدر و مؤمندن
 مؤمن عاصی به کر چه شفاعت اولور و لکن اول شفاعت انی مطیعلم
 مرتبه سنه ایصال ایتمز و الا عامل ایله غیر عامل برابر اواق لازم کلور
 یوتسویه ایسه قرأند نفی اولمشدر فاما شول کیمسه نک که صلاحی
 یوزندن اقرار بی اراسنده جهت جامعه واردر یوصورتده صالح کنندن
 اصلح اولان قرینه الحاق اولنور قال الله تعالی (یدخلونها من صلح
 من آبائهم و ازواجهم و ذریاتهم) پس صلاحله تقییدده انساب
 مجرده جبلنه تمسک ایدنلرک اطماع فارغه سنی یعنی عملدن خالی اولان
 طمعلرینی قطع واردر اشته (المرء مع من احب) و امثالی اکا کوره فهم
 اولنه (واطفال دخی الحاقده صلحا کیدر نیکم حدیثده کلور) ان الله
 لیرفع ذریه المؤمن الیه حتی یلحقهم به فی درجته (زیرا بو ذریه مراد
 اطفالدر و کما فی المقاصد الحسنه للسخاوی و اطفال کفار حقتده
 درت قول واردر یا خدام اهل جنتدر و یا ابویه تبعیتله نارددر
 و یا بعد البلوغ نه صفت اوزرینه اوله حق ایسه اول وجهله محشوردر
 و یا آخرتده صبیان و مجانین و اهل فترت امتحان اولوب اکا کوره حکم
 الهی واقع اولسه کر کدر و صورت امتحان بعد البلوغ اولان حالتی
 اظهار ایچون اولور و مجانینه کوره بعد العقل و اهل فترت کوره بعد
 ارسال الرسل اولان حال معتبر اولوب نتیجه هر نه ایسه اکا کوره معامله
 واقع اولور و الله الحفیظ ای مؤمن بومقامی بو وجهله فهم ایدوب
 غیر خیالاته وجود و بریه سن و صلاح نه ایدیکه بالاده ذکر اولمشدر

پس شول کیمسه نک که قول و فعلنده خلل واردر دعوی صلاح و طمع
 حقوق اهل فلاح ایتمسون زیرا میباند بون بعید واردر نظر ایله که
 حدیث مذکورده معقولی محسوسه تشبیه ایتدیکه معقول طریق کالده
 تأخر و محسوس طریق حسی ده تأخردر پس بر فرس که لنک اوله
 و یا بر حار که بنم اصلم فرسدر دیه بن کیلان جنسندم دیمک مفید اولماز
 مادامکه قافله دن کری تالمش و مشی و اسراعدن زبون و عاجز اولمشدر
 و اگر دعوی مجرده کافی اولایدی روافض و شیعه امام علی به کرم الله
 وجهه مقرب اولوردی و لکن دعوی محبت اعتقاد و عمله مقارن
 اولمدیغندن بعد اولدیلمر و سائر دلخی بوقیاس اوزرینه در مثلاً
 صلاة و صیام و غیره احکام قیدنده اولیان اشق مقوله سنک
 حاجی بکاش و امثالی ایله مناسبتی ندر و الله علیم بما یصنعون
 بعد ذلک سفیان رحمه الله بو حدیثله نسبد کفایت معتبر اولماق
 اوزرینه استدلال ایتشددر (جواب بودر که معنای مذکور
 امر آخرت کوره در پس احکام دنیا انک اوزرینه ترتب ایتمز بناء علی
 هذادنیاده دفع عار ایچون کفایت لازمه در (وامر ظاهرده ایکی نسنه نک
 پری برینه اقترا نه کفایت لازم کلیچک امر باطنیه پری برینه اتصاله
 مناسبت لازم اولدیخی بطریق الاولی در قال تعالی (قل کل یعمل علی
 شاکلته) پس اسم رحمان امداد آلهی هر کسک استعداد نه کوره
 وارد اولوب هر تسنه بی مشاکل و مناسبتله الحاق ایدر و الا سنک
 آینه و فرس انسان و خار صکل و حجر جوهر اولماز (ذلک
 تقدیر العزیز العلیم) و تدبیر الرب الحکیم ولاید رکه الالفهیم
 * السابغ و الثلثون *

* ان الله کتب الحسنات و السیئات * بو حدیث شریفه کر چه محدثلر
 قدسیدر دیمشدر و لکن بحسب المعنی قدسیدر یوخسه بحسب النظم
 و الهیئه دکل والا ان الله یقول انی کتبت الحسنات و السیئات دیو
 تعبیر اولنوردی و فی الحقیقه احادیثک جمله سی قدسیدر زیر رسول الله
 صلی الله علیه وسلم فانی فی الله و باقی بالله اولمغله حق انک لسانیه مکلم در

کتاب قدر معناسنه در تقدیر برنسنه نك كبتنی تبیین در حسنات امور
 حسنه در که موجب رضا و ثواب در وسببات امور قبیحه در که باعث سخط
 و عقاب در (یعنی الله تعالی محسنلک جمیع حسناتی و مسیئلتک جله
 سیئاتی علم سابقنده تقدیر ایش در که هر حسنه و هر سیئه صاحبندن
 یعنی مکلف اولن در که انس و جن در وقت مخصوصه صدور ایدوب
 علم و عین بری برینه مطابق اولسه کر کدر زیر ابداز لک آینه سیدر که
 از لده تقدیر اولنان بلاز یاده و لانه قصار ابدده ظاهر اولسه کر کدر و اول
 تقدیر اولنان حسنات و سیئات اعیان ثابته نك احوالیدر و اعیان ثابته
 حقائق اسماء الهیه نك صوریدر که اکا حقائق موجوداته ظلال و عکوس
 دیرلر که هر بری ظل الوجود الحقیقی در انکی چون بوظلالدن مظلولا ته
 و مظلولا تدن دخی وجود حقیقی به سیر و ترقی لازمدر تا که خیال عینه
 مبدل اوله یعنی خیال زائل اولوب حقیقت ظهوره کله * ثم بین ذلك * یعنی
 تقدیر اتدن صکره مذکور اولان حسنات و سیئاتی تبیین و تفصیل ایتدی که
 بومعنی مفصل اسمنه راجع در و بوفصیل ایکی وجهله در (اولکبسی
 قلم اعلادن لوح محفوظه الی یوم القیام اور کائنه نك خیرا و شررا
 ارتسامیدر و بوفصیل علم الاهیده اولان اجمال نك تفصیلیدر که
 بوفصیلدن اول کنز مخفی و مغلق و مبهم کی ایدیکه هیچ بر فردک
 اکا و قوفی بوغیدی زیرا نه فرد و نه خود زمان و مکان و اریدی و انس
 و جن ترتیب کائنده جله دن مؤخر خاق اولمغه ثقلین دینلدی زیرا
 ثقل نسنه آخر حرکت ایدر و جله دن کبر و قلاور بس ترتیبک اولی
 عقل اول که قلم اعلادر و آخری انساندر (و ایکنجی وجه بودر که لوح
 محفوظه مفصله لا مثبت اولان امور دخی نجوما یعنی متفرقه اربابی
 اوزرینه الی آخر العمر تنزیل اولنور نتکیم لیله برأ نده سفره کرام لوح
 محفوظدن اول سندده مقدر اولان اموری انتساخ ایدوب سنه وفاتده
 بردخی انتساخه صالح نسنه قالمایوب تفصیل حال یکون بولسه کر کدر
 اشته تفصیل اول دفعی و ثانی تدریجی در (یدبر الامر من السماء الی الارض
 و دخی (یتنزل الامر ینهن) سری بودر * فن هم بحسنه * حسنات

مفصله نك نتائجی و ظهوراتی تفصیل در (ای رجع فعل الحسنه
 یعنی هم قصد فعلی ترجیح در زیر نفس انسانده واقع اولان قصد
 معصیت بش مرتبه در که هاجس و خاطر و حدیث نفس و هم وعزم در
 هاجس برنسنه نك قلبه ابتداور و دی اعتبار یله در اگر جاری و منبسط
 اولورسه خاطر دینلور و اگر فعل و ترک میاننده تردد واقع اولورسه
 حدیث نفس اطلاق اولنور و اگر فعلی ترجیح ایدرسه هم دیرلر و اگر
 اول هم و قصد قوت بولوب جزم مرتبه سنه بالغ اولورسه عزم اولور
 و هاجس ایله اجاعا مؤآخذ اولنماز زیر انسانك كندی فعل
 اختیاری سی ایله دکل بلکه دفعنه قادر اولمدیغی امر فحائی در (و خاطرک
 کر چه دفعنه امکان وارددر و لکن خاطر و حدیث نفس حدیث صحیح ایله
 مرفوعدر و بواوچ نسنه یاز لماز زیر قصد یوقدر و هم بالسببه سببه
 یاز لماز و لکن اگر الله ترک ایدرسه برحسنه و اگر اشلرسه برسیئه یاز یلور
 یعنی انك اوزرینه یا لکر فعل یاز یلور که واحده معناسی بودر زیرا
 هم مرفوعدر و عزم عند المحققین مؤآخذیه در و بعضیلرانی هم
 مرفوعدن قلیدلر (و زایه ده کلور که هم معصیت ایتکله آثم اولماز
 اگر تصحیم عزم ایتزسه والا آثم عزمله آثم اولور یوخسه عمل بالجوارح
 ایله دکل مکر که عزم مجرد له تمام اولور امور دن اوله کفر کی بوضور تده
 عزمله کافر اولور کرک اقوال و افعال کفردن برنسنه صادر اولسون
 و کرک اولسون * فلم یعملها * پس اول حسنه بی برمانع حسیله اشله
 یوخسه قدرتی و ارایکن کسلنك اولوب فعله کتورمه دیمک دکلدر
 زیرا بوضور تده عدم مبالات واقع اولمش اولور که از دراء حسنه دن
 خالی دکلدر نتکیم بر کیمسه تمجده نیت ایدوب و لکن وقتنده بقضاء الله
 پیدار اولسه انك اوزرینه اعیان لیل یاز یلور فاما تهجد قیدنده اولمایوب
 خاطره مطلقه سی ایله مصلی یاز لماز * کتبها الله عنده حسنه کاله *
 حسنه كتب نك مفعول ثانسی در تضمین تصحیر اعتبار یله کامله
 دفع توهم ایچون حسنه یه و صفدر زیرا مجرد هم ایله حسنه کامله
 کاتب اولمقی عقلا استبعاد اولنور پس هم مجرد ایله حسنه کامله یاز لمقی

فضل الهی قبیله ندر و بعضی را دیدی که حسنه حال موطئه در حال
 موطئه شول اسم جامد در در که بر صفت ایل موصوف اولوب فی الحقیقه
 حال اولان اول صفة در موصوف انی توطئه و تمهید ایچون کلسدر
 (انا از لناه قرأنا عربیا) کبی فتدبر و کتابتک عندیت ایله تقید اولندیغی
 حسنه نك شأنه اعتناء در والا الله تعالی به نسبتله عندیت حسیه اولان
 پس دیمک اولور که الله تعالی حکمنده حسنه کامله دن معدود در کرك
 آورده اذن حقله کتابت حفظه اولسون و کرك اولسون پس بو حدیث
 ملائکه نك افعال قلوب به اطلاعه دلالت ایتمز بلکه خلافت دلالت ایدر
 و بعضی را دیدی که الله تعالی ملائکه بی مطلع قیلوب کتابت ایله امر ایدر
 و یا خود حسنه ده رایحه طیبه و سیئه ده رایحه خبیثه خلق و اظهار ایدر
 ولکن بو اقوالده نظر وارد در زیرا اعمال خالصه نك مراتبه کوره سدره
 منتهاسی وارد و بعض سدره منتهی وارد در که انی انجیق حق بیلور پس
 اول عملی کتابت و رفعه ملائکه به سبیل بو قدر ز را اصلنه واقف دکلر در
 پس مرجع دخی بو یله در فافهم قال ابن عبد السلام الملك لا سبیل للملك
 الی معرفة باطن العبد فی قول اکثرهم انتهى وقال ابو حنیفه رح ان سلم
 علیه احد عند قضاء الحاجة یرد السلام بقلبه لا بلسانه لئلا یلزم كتابة
 الملائكة فانهم لا یکتبون الامور القلیبة وقال فی ریحان القلوب الذکر
 الخفی هو ما خفی عن الحفظ لاما یخفی به الصوت وهو خاص به
 صلی الله علیه وسلم ومن به اسوة انتهى واما قوله تعالی (ام یحسبون انا
 لانسمع سرهم و نجوا هم بلی و رسلنا الیه یم یکتبون) فلا یدل علی اطلاع
 الملك علی السر بل الله هو المطلع علی السر واما النجوى وهو ما یسر و نه
 فاما ینهم فیه من الاعمال الظاهرة للملك اطلاع علیه هذا هو اللاح
 * ومن هم بهما فعملها کتبها الله عنده عشر حسنات * یعنی
 شول کیمسه که قصد حسنه ایدوب فعله کتوره الله تعالی اول حسنه بی
 مقام عندیده ادنی الامر اون حسنه کتابت ایلیه یعنی اول عمل مقام
 قبوله مقرب اولوب اون عدد اجر و ثوابه مکافات اولنه کما قال تعالی
 (من جاء بالحسنة فله عشر امثالها) و بو معنی مقام نفسدن مقام قلبه

ترقی اعتبار یله در یعنی مرتبه نفسده اعمال سیات مقوله سیدر که آحاد در
 یعنی بره بر یاز یلور مرتبه قلب ایه مرتبه عشرات و مرتبه روح مرتبه
 مأت و مرتبه سر مرتبه الوقدر که هر برنده اولان تضاعف خلوصه
 کوره در خلوص ایه اسرار الهیه دن بر سر عظیمدر که غایتی نفسانیدن
 و بلکه غیر ییدن خلاص اولمقدر * الی سبعمائه ضعف * محذوفه
 متعلقدر که حاندر ای متصاعده تلك الحسنات العشر الی سبعمائه
 ضعف قال الله تعالی (مثل الذین ینفقون اموالهم فی سبیل الله کمثل حبة
 انبتت سبع سنابل فی کل سنبله مائة حبة) ضعف کسرله یانته
 مثل و یاز یاده ضم اولنان نسبه در که عددده استعمال اولنور یدی
 یوزی تخصیص ایتدیکی عربک اول عددی کثریده استعمالنه بناء در
 و یا خود اسماء سبعة نك هر بری یوزر رحته تقسیم اولندیغنه کوره در
 ز را حسنه اسمک الله تعالی به ایماندنر اسم الله ایه اسم اعظمدر که
 طقسان طقوز اسمی جامعدر که احدیة المجموع اعتبار یله یوز او اور
 اصول سبعة ایه یوزدن متخبردر کویا اسم اعظم اسماء سبعة دن
 عبارتدر فافهم جدا * الی اضعاف کثیره * ای متصاعده تلك
 السبعمائه الی اضعاف کثیره لا یعلمها الا الله بعضها فی مرتبة المأت
 و بعضها فی مرتبة الالوف و بعضها فی مرتبة لیس لها حساب قال الله
 تعالی (والله یضاعف لمن یشاء) وقال الله تعالی (من ذا الذی یقرض الله
 قرضا حسنا فیضاعفه له اضعافا کثیره) و حسنات مضاعفه نك
 یدی یوزدن ز یاده سی تحدید اولندی ز را باب ترغیبه ایهام محدوددن
 اقوادر (و حسنات حرمک هر بری یوزیک ایله تحدید اولندیغی ز یاده
 ترغیبدن او توریدر ز را بین الناس یوزیک استعظام اولنور و بی حساب
 یرینه معدود قلنور نظر ایله که (الصوم لی وانا اجزی به) دیو صومک
 جزاسنی کندی ذاتنه نسبت ایلدی پس کیت و کیفیتی کندی بیلور
 انجیق قال الله تعالی (فلا تعلم نفس ما اخفی لهم من قره اعین) یعنی
 متهمدر ایچون اخفا اولنان اجور نفوس ملکیه و بشریه و جنبه
 ادرا کنندن خار جدر و امام یدر ابوری دیمشدر که حکمت تضعیف

حسنات طاعات عبدی ایدی خصماندن تخلصدر زیرا مظالمه
بطریق العدل اولان حسنه واحده دفع اولنوب تسع حسنات کنندی
نفسیچون قالور بس تضعیقاته خصماندن تعلق ایتمز * ومن هم بس سبئه
فلیم عملها * یعنی شول کیمسه که قصد سبئه ولکن سوء عاقبتنه نظر
ایدوب خوفا من الله تعالی ترك ایلمسه اعضا وجوارحدن هر قنغیسنه
متعلق اولور سه اولسون بس بوندن فعلنه قدرت وار ایکن ترکی اخذ
اولنور زیرا عجزله تارك دینار نیکیم بر فاحشه و اربوب بابی مخلق بواسه
ویا خود آلتی منشیره اولسه و یا خود هجوم محسبیدن خوف ایلمسه که
وعلی هذا نظارتی چوقدر بوسورتده ترك قائده سی یوقدر
* کتبها الله عنده حسنه کامله * زیرا سبئه اولدیغنی یلنوب و موجب
غضب الهی اولدوغنی فهم ایلیوب خوفا و حیاء ترکی حسناتدن
معدود در انکیچون ترکنه وافف اولان مؤمن صالح ابواتدک دیر
یعنی ابواشدر اشد و کلک نسنه که ترکدر فاعرفه و دیمشدر در که تروک
مقوله سی اسقاط عقابده نیته محتاج دکدر ولکن تحصیل ثواب ایچون
نیت لازمدر مثلاً ترك زنی ایدن کیمسه نک قصدی امر شارع امتثال
ونهمیدن اجتناب ایسه بونیت اوزرینه مثاب اولور مطلق ترکی اوزرینه
دکل و بورانددر که دیرلر مباح نیته مندوب و یا واجب مرتبه سنه ابر
و بونده الله تعالی فضل جسمینه اشارت وارددر که عمل قلبی عمل جسد کی
قلدی و دفع استبعاد ایچون کماله وصف ایلدی * وان هم بها فعلها
کتبها سیئه واحده * یعنی بر کیمسه قصد سیئه ایدوب خار جده
انی وجود و کتور سه بر سیئه یازیلور زیاده دکل زیرا جزاء سیئه
عدل بایندن و تضاعف حسنات فضل قییلنددر پس کرم الهی به
مناسب اولان عدلده معامله بی تقلیل و فضلده مقابله بی تکثیر ایلیمه
ولیکن حرم الله استثناء اولمشدر که اوراده بر سیئه یوز بیک سیئه در که
حسنه کی مضاعفدر زیرا مقام عالینک حرمت عظیمه سی وارددر که
اول حرمی هتک ایتمک سائر حرمتلری هتک ایتمک کی دکدر پس
شان مؤمن سیئاتدن ایتمک کان اجتنابدر نظر ایلیمه که هم معصیتی کلمه

شرطه ایراد ایدوب بالفرض قلدی زیراروی ایمان ظلمات معاصی ایلیمه
سواد پذیر اولمق لایق دکدر و بوقایده عنده دیمدی زیرا عنایت
مقام قریبدر که اعمال صالحه به مناسبدر معاصی ایسه بعد اقتضا ایدر
بوجهتدن ساحه حضوره سزا دکدر اشته بوحديث شریفدن
فضل الهی نه مرتبه ده عظیم اولدوغنی معلوم اولدی و کلمات بلیغه نبویه
نوجهله اعتبارات لطیفه بی مشتمل اولدیغنی ظهور بوادی (فاحمد الله
علی سابق عنایت و لاحق هدایت جدا یکون لك کلا قوت فی کل الاوقات
* الثامن والثلاثون *

* ان الله تعالی قال * ان الله عنوانیله معنونه اولان احادیث قدسیه نک
اکثری صیغه مضارع ایلیمه اخباردر که بقول در بورا ده ماضی واقع
اولمشدر مائده بر در و جا ژدر در ککه ماضی تقدمه دلالت ایلیمه
* من عادی لی و لیا * معادات موالاتک ضدیدر که عداوت و بغض
ایلمکدر یقال عاداه اتخذه عدوا صیغه مفاعله مبالغه ایچوندر بعض
روایاتده (من اهان لی واقع اولمشدر که اهان انت اکرامک و مهین
مکرمک ضدیدر عدو ایلیمه ولی کی و بوراده لی کلمه سی ولی به متعلقدر
و کرمانی دیمشدر لی اصلنده ولی به صفتدر ولکن تقدم ایتمکله حال واقع
اولمشدر یعنی ذوالحال نکره اولمغله حال انک اوزرینه تقدم ایتمشدر
(بعدذا ولایت ولی دندر قرب معنا سنه انکیچون حبیه ولی دیرلر
زیرا محبوب محبه قریبدر و اصطلاحده ولی حقه قریب اولانه دیرلر
قریب معنوی ایلیمه و مقام قرب مقام قاب قوسین دیر که دائره ده اولان
خط متوسط کیدر و اکا قرب صفاتی دیرلر چونکه صفات و ذات محو اوله
اکا مقام او ادنی دیرلر که فنا فی الله در و خلوت دید کلری بودر که
(لا اله الا الله ای لاموجود الا الله مرتبه سیدر چونکه مقام فرقه
عودت حاصل اوله اکا بقا بالله دیرلر که اسماء و صفات حقه له ظهوردر
و جلوت دید کلری جمیل بودر که (محمد رسول الله مرتبه سیدر و بوندن
فهم اولندیکه ولی یالکزشرعه قائم اولان دکدر بلکه ملکوت سموات
وارضه یعنی اسرار الهیه به نا ئل و حکمتخانه حقه داخل اولاند

بومعناك اولی ایسه ماسوا دن اعراض و اوسطی اعمال شرعیه ایله
حقه اقبال و آخری مشاهده حق و وصول جناب رب مطلقدر و یوندن
اخذ اولندیکه جاهل ولی اولماز بلکه اولاً عالم باحکام الله کرک تاکه
عالم بالله اوله پس هر جاهل امی در کرکسه علم مجردی اولسون ولیکن
هر امی جاهل دکلدر بلکه بعضیسی معلّم من عند الله در و بعض
عرفاء برمریده سؤال ایدوب قرانی حفظ ایتدکی دیدکده اولدخی
لا د بوجک اول عارف دیدیکه (واغوثة من مرید لا یحفظ القرآن
فیم یتعم فیم یتزعم فیم ینساجی ربه) وولی ایکیدر بری ولی عام لغویدر
یعنی مؤمن صالحدر که اقوال و افعاله شرعه خلل و یرن اموردن
محفوظ در اگرچه حقیدن محجوبدر و بری ولی خاص عرفیدر که
حق تقوا لله متقی در و السنهده ولی بوولی در که عرفیدر و حق تقوی
نفسندن بالکلیه خروجدر و بلکه غیریتدن تخلصدر که انک صاحبینه
مخلص دیرلر قح لامله قال الله تعالی (الا ان اولیاء الله لا خوف علیهم
ولا هم یحزنون الذین آمنوا و کانوا یتقون) ای آمنوا ایمانا کشفیا حقیقیا
لا حجاب رسماً و کانوا یتقون حقیقه التقوی لان الاطلاق مصروف
الی الکمال و علیه قوله تعالی (ان اولیاءه الا المتقون) یعنی خلقتک
خواص اولیای سی حقیقت تقوی و عوام اولیای سی صورت تقوا لله
متصف اولددر و وعید خواصه معادات ایدلره در نتیکیم
قرائن اکا دلالت ایدر و قرآنده اولیاء الله خواص مؤمنین ایله تفسیر
اولمشددر و فی الحدیث القدسی (اولیای تحت قبای لا یرفهم غیری
یعنی عوام اولیای معروفلدر که مستر اولاجق حالری بو قدر بلکه
مستر اولان اهل حالدر که اولیاء عرفیه در (بعداً معادات ولی
قلبدن بغض و انکار و قصد سوء و قالدن اذی و جفا و سب و شتمله
اولور نتیکیم کفار قریش و غیریلر رسول الله صلی الله علیه و سلم
و اصحاب رضی الله عنهم حقنده بومعاده بی ایتدیلر مع هذا خارجده
موجب یوغیدی بلکه اکرام و اجلال و قبولی موجب و ارایدیکه انلری
دنپاده ضلال و آخرتده و بالدن تخلص ایچون دعوت توحید

و شریعت رب متعالدر (و شول محاکات و مخاصمات که استخراج حق
و یا کشف خامض ایچون واقع اولور معاداتدن خار جدر و علامت
ولایت حقوق الله و حقوق عباد الله ایله قیام و کرامت علیه ایله تحققدر
کرک اوراده کرامت کونیه اولسون و کرک اولسون زیراً مقصود بالذات
الهیاتدر کونیات دکل * فقد آذنته بالحرب * همزه ممدوده ایله
ایذانددر که اعلام معناسنه در حرب جنک ایتددر دارالحرب بلاد
مشرکیندر که انلره بزم ارامزده صلح بو قدر یعنی تحقیق بن اکا اعلام
ایتدم یعنی بلیش اولسونکه بن انکله جنک ایدرم و اسماء جلاله می
و مظاهر قهریه می انک اوزرینه حواله ایلرم تاکه مقهور و مغلوب اولور
و معرض هلاک کلور الحاصل معاملة محارب کی معامله واقع اولق
مقرر در زیراً عدو خیب عدو در نتیکیم عدو صدیق و صدیق
عدو عدو در چونکه ولی الله تعالی نصرته ایدر لاجرم منصوردر
قال الله تعالی (ان تنصروا الله ینصركم) خصوصاً که ولی اعدی الاعداء
اولان نفس اماره بی قتلله زیاده محبوب الهی اولمشددر (مرویدر که
الله تعالی بعض اولیایسنه بیوردیکه امارهده یعنی فضول دنیای ترک
کندی راحت نفسکی تجلددر و اما بنی ذکرک بملک تشرف غرضی
ایچونددر (فهل والیت لی و لیا و هل عادیته فی عدو) پس موالات اولیا
انفع اعمال و معاداتی اضرا فعالدندر و بونده تسلیه احبا وارددر زیرا
اعداسنه بالذات مبارزه ایله وعددر و تحذیر اعدا دخی وارددر که
تدمیرله و عیددر و دیمشدر که جمیع معاصی محاربه حق مقوله سننددر
اگرچه بری برلرینه نسبتله شدتده تفاوتلری وارددر انکیچون (اکل الربوا
و قاطع الطریق اوللره محارب الله و لرسوله دنلدی قال الله تعالی
(فان لم تفعلوا فاذنوا بحرب من الله و رسوله و قال الله تعالی) انما
جزاء الذین یحاربون الله و رسوله (الایه و عظیم جرم عظیم جزایی
مستلزمدر معادات اولیایسنه فوق الكل در و اهل معاداتک اولی
ابلیسدر که آدم صنی الله علیه السلام عداوت ایتددر بوجهندن
نقد اعداء اولیا و ارایسنه لایسنه ابلیسده در علیهم مایستحقون ایلا

ونهارا سراو چهارا * و ماتقرب الی عبدی بشی احب الی مما افترضت
 علیه * ما نافیه و تقرب طلب قربت و بشی ده با سببیه و احب
 نصبه شبك صفتیدر و عمله هو احب الی تقدیرنده در و احب افع
 بمعنی المفعولدر محبوبتر معناسنه افتراض فرض و واجب قلمدر که
 متعدد در پس ماء موصوله نك عائدی محذوفدر که افترضنه دیمکدر
 فرض بوراده فرض عین و فرض کفایه به عامدر و واجب دخی انده
 داخلدر زیرا اعتقادا فرض دکل ایسه ده عملا فرضدر (مقصود
 بودر که فرائض ایله اولان تقرب نوافل ایله اولان تقربیدن احب و اقوادر
 اگرچه ایکبسی دخی سبب محبت و باعث قریبدر زیر فرائض اختیار
 حقدرونوافل اختیار عبددر اختیار حقه تابع اولمقدده ایسه حکم نفسدن
 بالکلیه خروج وارددر انکیچون نوافلده عجب و پنددار چوق اولور
 بوسببیدن بعض اولیا فرائض و سنن مؤکده اوزرینه اقتصارا یتشالدر
 زیرا نوافلده عملی نفسه اضافت وارددر (و بعضیلر دخی جمله اعمالک
 مثوباتی غیره هبه ایتشالدر و انلره مفلسون دیرلر که فضل حقه اعتماد
 ایتشالدر در اعماله دکل و بهاء الدین نقشبندینک (ما فضلیا نیم) دیدیکی
 بو بایندر (بعدهذا فرائض ایله اولان تقریه قرب فرائض دیرلر که
 کمال الهینک طور انسان مظهرنده ظهور بدر پس بومرتبه ده
 الله تعالی کندی کماله ظاهر و انسان مظهردر و بو بایندر که
 حدیث قدسیده کلور (قال الله تعالی لسان عبده سمع الله لمن حده)
 الحاصل عبد ربک مرآتی اولور که رب هرایشی انکله ایشلر و ایشلر
 و کورر و تکلم ایدر و علی هذا زیرا بومقامده صفات و احوال عبد
 ذات حقه مرآت و وجود بینه مظهردر فافهم جدا و احذر من الحاد
 فقد بینت لك سبیل الرشاد * و لا یزال عبدی یتقرب الی * و بعض
 روایانده یتحب کلمشدر تحب دوستلق کوسترک و کندینی سودر مکدر
 تکیم الله تعالی نعم الهیه ایله عبادت تحب ایلدی یعنی کندینی سودردی
 زیرا احسان باعث مهر بانی و واسطه تعریف رحمانیدر * بالنوافل *
 نافله نك جمیدر که فرض اوزرینه زائد اولان عملدر مطلقا کرک

صلاة وصیام و کرک غیری (و امام اعظم نکاح حقه افصل نوافل
 الخبرات دیدیکی عند المحققین زیاده پسندیده دوشمشدر زیر نکاحده
 سرقربت و وصلت و توسیع دائرة تجلی وارددر و اولیانک نوافل
 خیراته تساری حق عبودیتله قیام و اظهار مرؤت و شکر وجود
 امکانی و وجود کمال انسانی ایچوندر (وفی الحدیث افلا اکون
 عبدا شکورا) فاعرف و مشایخ طریقته اقامت ایتدیککی نوافل صلات
 بو بایندر خصوصاً که بونده رتبه مظهریتی اظهار و تحقیق وارددر
 زیرا ورثه رسوادر رسول الله دن صلی الله علیه و سلم سنن
 قالمشدر پس ورثه دخی رسوله اسوه در اگرچه آنلردن صادر
 اولانه مستحبات دیرلر مع هذا سنت اطلاق دخی لا بأسدر زیرا طریقت
 مسلو که در و حدیثده دخی (من سن سنننا لم یضل) دیوافظ سنت ایله تعبیر
 اولمشدر فاما علماء رسوم بو نکرک اعداسیدر زیرا فهملری ساده
 اولدوغندن نقش سنن کوزلرینه کیرمز و فی الحقیقه وضع الهی اولدوغنه
 عقلماری ابرمز برابرم سوزمن اکامل انسانک اوضاعنده در که کشف
 صحیح و الهام صریحدن ناشیدر یوخسه غیری اشخاصک دکل و شاعر
 خوش دیمشدر که (پادشاهسن ایتدو کلک شمدن کری قانون اولور
 فتأمل و کن علی الانصاف لا علی الاعساف * حتی احبه * احب
 مرفوعدر زیرا حتی ایتدائه در یعنی اعراب جهندن ما بعدنک ماقبلنه
 تعاقی بوقدر بویله ایکن بینه ماقبلنه غایتدر ماقبلی نوافل ایله تقر بدر
 پس نوافله اشتدک غایتی محبوب الهی اولمقددر (سؤال اولور سه که
 قرب فرائض ایله قرب نوافل میاننده تعارض وارددر زیرا احد همدان
 هم اولان محبت و تقرب آخردن دخی مفهومدر (جوابی بالاده در که
 فرائض یله تقرب وانک نتیجه سی اولان محبت نوافل ایله اولاندن اقوادر
 اگرچه یکبسی دخی وسیله در (وبری دخی بودر که فرائض وسیله تقرب و
 نوافل وسیله محویتدر) و بری دخی نوافلک احبیتی فرائضدن صکره در
 زیرا تارک الفرض اولانک نافله سنه اعتبار بوقدر انکیچون دیمشدر که
 فرضی ترک و نافله به مسارعیت ایتک هوایه اتباعک علامتندندر

زیرا فرض اصل و نافله انک مکملاتندندر (بعد از محب او در که محبوبک
محبوبه منصف اولد و غندن انک رنگنه کرر ز پرا اول محبوب انک آثار
و اسماسندندر نتکیم سلطان رعیت جامه سینه کیر و ب تبدیل کرر ز پرا
رعیت فی الحقیقه انک صور اسماسیدر بوضوئده سلطان مظهر
صورت رعیت اولمش اولور کذلک الله تعالی عماء دیرل بر مرتبه بر رخیه
وضع ایتشدر که اول مرتبه ده عروج اعتبار یله عبده عالم وقادر و سایر
اسماء الهیه اطلاق اولور وینه اول مرتبه ده نزول اعتبار یله الله تعالی به
تعجب و ضحک و فرح و معیت و امثالی صفات کونیه اثبات اولور و بوندن
حقک نزاهته خلل کلمر نظر ایلله که قرآنده (حتی نعلم) پیوردی یعنی حقک
علم از لیبسی زمان ایلله مقید د کل ایکن مظهر کوره مقید اولدی پس
بحسب المظهر تقید اطلاق ذاتی بی منافی اولدی و من مشی علی المراتب
لم یعثر اشته عبد محبوب مولی اولیحق مولی دخی انک صورتته کیرر
انکیچون عبد محبوبده حق مشاهده ایتین حقدن محبوب اولور نتکیم
(جعت فلم تطعمنی الخ اکا دالدر و عبدک محبوبیتی قریب مقدار در
و قریب دخی متابعت نبویه به کوره در قال تعالی (فاتبعونی یحببکم الله
یعنی اتباع تام اولیحق محبت الهیه دخی کالده اولور نتکیم حبیب الله
دینلدی زیرا جمیع اسماء الهیه ایلله علی وجه الکمال متصفدر
* فاذا احببته کنت سمعه الذی یسمع به و بصره الذی یبصر به
و یده الذی یبطش بها و رجله الذی یمشی بها * و بعض روایاتده (و فوآده
الذی یعقل به و لسانه الذی یتکلم به) دخی الحاق اولمشدر بوراده
کنت دن مفهوم اولان کینونت یا تحقق و ثبوت و یا تحول معناسنه در
زیرا ذاتک صور مختلفه ده ظهوری حدیثله ثابتدر جوارح انسانیه دخی
صور متنوعه قییلندندر و تادن مراد ذات الهیه در (سمع حس الاذن
(و بصر حس العین در بصر ضمه ابصار دندر که کور مکدر (ببطش
فتحله و کسر طاله و ضمه باب اولدن و ثانیدن بطشدر که عنف
وسطوت ایلله اخذدر یقال ید باطشه و قریب بوم ببطش ای تسلط علیهم
من ببطش بهم یقال بطش هو و باطشسته کخرج و اخرجه کافی تاج

المصادر و بوم مقاسده علماء ظاهر دیدیلر که مراد سمع و بصر و اخذ
و مشی مرضی و محبوب اولمشدر که بونلری ما خلق له ده استعمالدر
واهل حقیقت دیدیلر که بومرتبه به قرب نوافل دیرلر که عبد ظاهر
و رب مظهر یعنی رب قوای عبد اولور جمیع الحاصل ذات حق صفات
عبده مرآت و احوالنه مظهر اولور بوضوئده ظاهر و مرئی و مشهود
عبد و قرب فرائضده حق اولور و بوباید بعض اکابر بوضوئده مشهور که
(صفات ذاتنا ذات الصفات) یعنی کنت ده ذات الصفاته و سمعه ده الخ
صفات الذات اشارت واردر پس درمک اولور که برزم مرتبه علم و عینده
صفات ذاتنا ذات الصفات و انک قلبی در (و بونده مقصود مرتبه
ظهورده اولان اعتباری باندرو الاحق (والله غنی عن العالمین) و فقیحه
کائناتدن مستغنی در انکیچون دیدیلر الا آن علی ما علیه کان * و ان سألنی
اعطینیه * حذف مفعول تعمیم دن او توری در تقدیری دیمکدر که
و ان سألنی شیئاً من الاشیاء اعطینیه ایاه نکا قال (واتکم من کل ماسألتوه)
مقصود بودر که اول مقامه یعنی حضرت احدیه به واصل و اسرار
سموات و ارضه نائل اولان مالک خزائن او ابصو و معنی برنسنده
ضرورتی اولماز نتکیم ابوطالبه خطابا حدیثده کلور (ونت یاعم
لو اطعته اطاعک) یعنی مطیع حق اولان مطاع اولور و سؤالنه اجابت
بولور مکر که سؤالی حکمته مخالف اوله نتکیم نیجه مسؤل اند و اولیادن منع
اولندی و بوندن فهم اولور که سؤال مقتضیات عین ثابته دن اولدیغی کبی
منع دخی اولیه در (پس منع و عطادن هر بری مقام علم و حکمتندندر
یعنی علم حق معلومه تابعدر که احوال معلوم هر نه ایسه ظهورات
خارجیه اکا کوره اولور پس حق عدلدر که مقتضای استعداد اوزرینه
قاعددر بفعل الله مایشاء سری دخی بودر اگر اهل اسرار دن ایسک
و بومرتبه به وصولده چون و چرا اولماز زیرا مرتبه قضا و قدر در
فاعلم ذلک و اعلم * تسلیم من المهلک و تخلص من الخلل و لن استعاذنی
لا عیدنه * لئن ده لام مؤلفه در که بعد تقدیم القسم لفظاً او معنی شرط

اوردینه داخل اولور تقدیری والله ان الخ دیمکدر که قسمدن مراد
مضمون جمله بی تا کید در ظاهر اولان استعاذ بی در بآ استعانت ایله
نتکیم قرأ نده کلور (فلاستعذ بالله) ولکن اهل حدیث نونله ویا الله ضبط
ایتملر در که نون وقایه در بآ نزع خافض اوزرینه در بونده دخی
مفعولی یعنی مستعاذ منهی حذف تعمیم ایچوند زرا مقام تأیید انی
اقتضایدر (عوذ التجادر که فارسیده پناه گرفتن بکسی ایله تعبیر اولور
وعباد ایله لیا ذک فرق بودر که عباد دفع شر ولباذ جلب خیر ایچوند
قال المتنبی (بيت) یا من الودیه فیما اؤمله (ومن اعوذ به مما احاذره)
استعاده خلاص و محفوظ اولق طلب ایتمکدر لایعینه ده لام جواب
قسمدر اعاده کیمسه ایچون بلادن منع و حفظ دیله مکدر و فی التزیل
(وانی اعیز ذاک) یعنی مریمی سکا سفندررم ووسنک پناهکده قیلورم
(سؤال اولور سه که استعاده واعاده بی تا کید ایتدی سؤال واعطایی
ایتمدی (جواب بودر که استعاده محل خطرده اولمغله دفع تشویش
وتسکین دل ایچون تا کید ایلدی نظر ایله که انبیا علیهم السلام
نصرتله موعود ایکن تاخرندن اضطراب واقع اولمحق (متی نصر الله
دیدکرنده (الان نصر الله قریب) ایله محراب اولدیلر که تا کیدی
متضمندر اگر چه بعضی ادعیهده دخی حرف تا کید ابراد اولمشددر
(واذا سألت عبادی عنی فانی قریب) کبی زرا بوسؤالده تحقق واردر که
اذا کلمه سیله تعبیر اولمشددر مانحن فیه ده اولان سؤال ایسه اادات
شرطله در (بعد ذابو حدیثک بخاریده لاحقه سی واردر نتکیم کلور
(وما ترددت فی شیء انا فاعله ترددی فی قبض نفس عبیدی المؤمن
یکره الموت وانا کره مسائته ولا بدله منه) مقصود فعل متردد کاره
کبی معامله سنی بیانددر ولکن بالاده ذکر اولند یعنی اوزره مرتبه عمایه کوره
الله تعالی صفات کونیه ایله متصف اولور پس کراحت مظهر
اعتباری ایله در ظاهر اعتباریله دکلدر زرا ظاهرده صفات کونیه
اولماز که ذات الهیه تراحت تام اوزرینه در بونک نظیریدر که کلور
(ومن اتانی بمشی ایتسه هرولته) یعنی حق تعالی کندی ذاته مشی

وهروله اثبات ایتدی که ایکبسی دخی صفات کونیه دندر پس تاویل
ایتمیوب علی ما اراد الله حالی اوزرینه ایتک کرکدر وعبدک موتی
کراحتی جریمه سی اوزرینه مؤاخذ خوفندندر یوخسه موت باب
لقا ونحفه المؤمن اولدیغن بیلور بناء علی هذا الله تعالی انی عفو
ومغفرتی ایله مقابله ایدوب کراحتی رفع ایدر پس عبیده لازمدر که لقاء
مولایی کراحت ایتسه زرا عاشق معشوقه اقبال ایدر یوخسه ادبار
ایتمز والاعاشق اولمیان حجابده وعذابه قالور نعوذ بالله من الفراق
والبعد ونسأله الوصال والقرب بحرمه اهل الموده والقربی
* التاسع والثلاثون *

* ان الله تجاوز لی عن امی * تجاوز کاهدن کیمکدر بوراده ترك
معنا سنده در که متعدیدر زرا خطا مفعول صریحیدر وبعض روایته
عن الخطا دوشمشددر بوسورتده لازم وصیغه مفاعله نک سری
بودر که الله تعالی مذنبی مؤاخذ و مذنب دخی عفو ی طلب ایدر
چونکه عفوایده مطالبه دن تجاوز ایتمش اولور (لی کلمه سی لاجلی دیمکدر
یعنی بدن اوتوری و بنم خاطرمی تطیب وقدرمی رفع وشانمی تعظیم
واعلا ایچون) امت ایله مراد امت اجابتددر زرا امت دعوتک کفر
ومعصیت وخطا ونسیانندن تجاوز یوقدر قال الله تعالی (ان الله لا یغفر
ان یشرک به) وقال (فاخذهم الله بذنوبهم) وامت شول جماعته دیرلر که
انلره رسول ارسال اولنه * الخطا * مهموز مقصور در مد ایدن خطا
ایتدی زرا مهموز ممدود اولماز ممدود اولان معتل ناقصدر عطا جفا
وفازنی وامشالی کبی پس خطاده اولان الف فتحه طایی بیان ایچونددر
بوراده خطادن مراد آثم خطادر یوخسه حکم خطا دکلدر زرا
آخرته عقاب ترتب ایتسه دخی دنیا ده ضمان وکفارت مرتفع اولماز
مثلا مخطئک مال و دینی ضمانی وخطا قتلک کفارتی وسهوا محدثا
قلینان نمازک قضاسی وامشالی کبی زرا بونلر حکمی دلیل منفصل ایله
معلوم اولمشددر (وبوراده خطا ایله مراد ضد الصواب دکلدر والا
خطیئه اوزرینه مؤاخذ مرفوع اولق لازم کلور وناصواب اولان

صواب اولیٰ اقتضای در بوضوح و نه پنهان فائده قائلان بلکه
 ضد العمد در که فاعلک خلاف قصدی واقع اولمقدر بوجهتند در که
 حد و قصاصله مؤاخذة اولمماز زیرا حق الله کوره مخطیبت در فاما
 حق عبده کوره خاطیبت در انکیچون ضمان عدوان و دیت واجب اولور
 و خطا او در که برنسنه بی صید ظن ایلوب رمی ایتسه انسانه
 و یا حربی قیاس ایدوب مسئله اصابت ایلیه و یا نشانه اوق آتوب آدمی به
 طوقنسه و یا برصبی اوزرینه ساقط اولوب اتی اهلاک ایتسه و علی
 هذا که نظارتی چوقدر * و انسیان * نسیان برنسنه ک قوت مدر که
 و حافظه دن زوانیدر شویله که حصولی سبب جدیده محتاج اوله صائمک
 ناسیا اکل و شربی کییکه افطار و کفارت و اثم لازم کلز صلاة بویله دکلدرد
 زیرا صلاتک هیئت مدر که سی وارد و حدیث ده کلور (عرضت علی
 ذنوب امتی فلم اذنبنا اکبر من آیه اوسوره اوتیه اثم نسیها) یعنی اول آتی
 و یا سوره بی مکنندن اوقومغه قادر اولیه و بعضی لم معنای ترک
 حل ایتدیلر زیرا انسان عربده نسیان ترک معنای سنه در قال الله تعالی
 (ولا تنسوا الفضل بینکم) یعنی فضلی ترک و اهمالی قصد ایتکوز و قال الله
 تعالی (فلما نسوا ما ذکرناه) ای ترکوا و قال الله تعالی (نسوا الله
 ای ترکوا طاعتیه) (فنسیم) ای فترك رحمتهم و حق بود در که نسیان
 ترک و ذهول و غفلتده محله کوره مستعملدر و قرآنده کلور (واذکر ربک
 اذ انسیبت) یعنی اولامشبت الهیمی نسیان واقع اولوب صکره تذکر
 ایتسه ان شاء الله دی انکیچون جناب نبوت صلی الله علیه وسلم بوایتک
 نزولند نصکره ان شاء الله دیدی کویا فاعتی تدارک قیلندن اولدی
 (ورسول الله بش موضعه سهو واقع اولدی اگرچه انلرک سهوی
 سهوات اتمه قیاس و اندن بحث اولمماز و حدیث ده کلور (اللهم ذکرنا
 مانسینا و علمنا ما جهلنا) تنکیم برآیتده برکله نسیان ایتشلدی صکره
 اصحابدن برینک لسانندن استماع ایتدکه تذکر ایتدیلر و بوراده دخی
 نسیاندن مراد اثم نسیاندن که اثم خطا کی مرفوعدر مادامکه سببی
 تعاطی ایتیه زیرا واجبی تفویت ایتسه اثم اولور اشته (ربنا لاتؤاخذنا

ان نسینا و اخطانا) بو معنی اوزرینه محمولدر تنکیم بالاده تفصیل اولمشدر
 و ظاهرا اولان بودر که کویا دعاء مذکور لایله معراجده افواه اهل ایماندن
 صادر اولوب بنی اسرا بیک خطا و نسیان اوزرینه مؤاخذة
 اولمقدری کی مؤاخذة دن استعفا و طلب تخفیف ایدیچک دعاری
 مستجاب اولدیخی حدیث مذکور له اخبار اولندی * و ما استکرهوا علیه *
 صیغه مجهوله در کره فتحله مشقت و ضمله قهر در یقال (اگره
 علی الامر ای حمله علی فعله قهرا و الاستکراه کراهیت داشتن جبر
 یعنی انلردن بطریق الاکراه و الاجبار صادر اولان ذنوبک مؤاخذة سنی
 دخی ترک ایتدی بوسبب دن ردت اوزرینه اکراه و قهرا حل اولنان کیمسه
 کافر اولماز تنکیم قرآنده کلور (الامن اکره و قلبه مطمئن بالايمان)
 دیمشلدرد که بو حدیث قتل و زنی و اوطاه و شهادت زور و حکم بالباطل
 و امانتک غیریه مخصوصدر که بومقوله کاهلرا کراهله حلال اولما زل
 پس بونلرده اکراه معتبر دکلدرد بلکه فاعله اثم وارد سیری بودر که
 والله اعلم بومقوله لرده فاعلک فعلی غیره تعلق ایتکله اختیاردن خالی
 دکلدرد ردتده ایتسه من کل الوجوه اختیار یوق بلکه اضطرار کلی وارد
 و خایه ده کلور که برکیمسه آخره زهر ایچورسه ایکی وجه اوزرینه در
 اگر زهر ایدوکنی بلیوب ایچور دیسه قصاص و دیت لازم کلز بلکه
 حبس و تعزیر لازم کلور و اگر اغزنه صب ایتدیسه دیت لازم کلور
 و اگر زهر لی شربتی یکنه و بروب اولدخی شرب ایدوب هلاک اولدیسه
 دیت لازم کلز زیرا اختیار یله نوش ایتشدر ولیکن خدا عه سی حسبیه
 استغفار و تعزیر لازم کلور و بوندن نفس اماره حائسه دخی اشارت
 وارد در که انک خطا و نسیانی دخی مسئنی و غیر معفو اولان قیلندن
 خطا سنی بودر که طریق و حدتدن عدول ایدوب ضلال شرکه
 دوشمشدر شرکله مخلوط اولان ایمان ایتسه مقبول دکلدرد قال الله تعالی
 (وما یؤمن اکثرهم بالله الا وهم مشرکون) و شرکدن مراد وجودده
 توهم تعدددر یعنی وجود واجب و وجود ممکن اثبات ایتکدر وجود ممکن
 ایتسه معدومدر پس انی اثبات ایتک جهلدر مکر بحسب الاعتبار اوله

دنيا امر ونهي انك اور زينه مبنيد ر وصلاتك نوافلي بو وجوده
تسکر طریقه بقیله در فرائض وجود واجبه شکره دائر اندی کی
ونفسك نسبیاتی بود که عهد ارلی اونو تشدر که اقرار تو حید و عمل
بالشرائع در زیر اگر چه مقام علمک حالی عمل دکلمدر شول جهتد نکه
ارواح اوزرینه تکالیف یوقدر فاما مقام عینک حکمی علم و عملک
مجموعیدر که علم صفت روح و عمل صفت جسد در و عمل شرعی
معراج علم و معرفت و بودنی زردبان مشاهده در زیر بلا معرفه
اولان مشاهده معتبر دکلمدر نظر الیه که جمیع ناس اشیا بی مشاهده
ایدلر فاما صورتی کورر و حقیقتن بلزل تبدیل جامده سلطانی
کورب بلینلر کی چونکه نفسمده شرک و خلاف تو حید و ترک عمل اوله
فلاح بولماز نسال الله ان یسهل طریقنا الیه و یقوی توکلنا علیه
* الحدیث الاربعون *

* کن فی الدنیا کانت غریب * کار تشبیه و تخییل ایچوندر غریب
غریبتدندر که وطندن بعید اولمقد ر و هر متباعد و جنسی اراده
عدم النظر اولانه غریب دیرلر و علمیه غرباء دیدیلر زیر بین الجهمال
قلتلری وارد و غراب دندلی ذهابده ابتعاد ایتدو کیچون عنقاء
مغرب کییکه بر جارب به اختطاف ایلوب اغراب و ابتعاد ایلدی یعنی
دنیا ده بروجهله اولکه کندیکه غریب الدیار تخییل ایله اگر چه
ظاهرده وطنده سن زیر حالک غریب حالنه بکر زبر مر غریب در
پس خلقه مختلط اولمه و فی نفس الامر خائف و ذلیل اول نتکیم
غریب اولان کیمسه مواس بولمه دیغندن متوحش و طائف و ذلیل در
و دنیا ده بقا لله تحدیث نفس ائمه زرافانی در و وطن اتخاذ ایدوب تکثیر
تعلقات ائمه بلکه غریبک تعلقی قدر تعلقی ایله و آشمارلک و ارایسه
دخی بیکانه اولمغه سعی ایله زیر اما سوادن منقطع اولمده یار حقیقی به
متصل اولمسن و غریب و وطنه آرزو ایتدو کی کی سندخی
وطن روحه و وطن سره آرزو ایله که بری عالم ملکوت و بری دخی عالم
لاهور در و ابوالبشر آدم علیه السلام ترایدن مخلوق اولمغه کرحه

جنتدن وطنه اهباط اولندی ولکن بو وطنه وطن جسد دیرلر که
وطن کونیده اولان غریب کییدر و غریبتدن مقصود بر مراده وصول
و بعده وطنه عودت و دارینه دخولدر نتکیم آدمک هبوطی خلافت
واسماء حسنیای اظهار وصفات علیایی ابراز ایدی بوسیدن بعد تمام
المصلحه بینه وطن روحه عودت ایلدی اگر چه دنیا ده دخی من وجه
وطنده ایدی زیرا مکاشفه قریب و بعید بر در * او عابر سبیل *
اولکات عابر سبیل دیمکدر که عامی خاص اوزرینه عطف قبیلندندر که
نوع ترقی متضمندر زیر عابر سبیلک تعلقاتی غریب مقیمک تعلقاتندن
اقلدر پس اولکه سی تخیر و اباحت ایچون اولمقدن نتکیم بعضی اهل
حدیث ذاهب اولمشدر بل معناسنه ترقی ایچون اولمق اولی و احسندر
عابر هبور دندر کچمک معناسنه صعودن و کوریدن گذر کی سبیل معتاد
السلوک اولان یوله دیرلر کرک انده التوا و اعوجاج اولسون و کرک
اولسون و صراط اندن اخصددر که معتاد السلوک اولدوغندن ماعدا
انده اصلا اعوجاج اولمه بلکه جاده مستقیمه اوله و طریق بونلردن
اندر زیر مطلق رجل ایله طرق و ضرب اولمه ان یوالدر نوجهله
اولور سه اولسونکه معتاد و غیر معتاد و مستقیم و معوجه شاملدر
معنی بودر که و یا خود و بلکه سن کندیکه دنیا ده بولچی کی خیال
ایلله که دنیا سنک سبیل کی ممرک و آخرت منزل و مقر کدر قال الله تعالی
(وان الدار الاخرة هی دار القرار) و این سبیل خفیف الثقل اولیحق
نوجهله سرعت و سهولتله قطع راه ایدر سه سندخی بار دنیا ای
اویز کدن تخفیف ایدوب یوالکی آسان طلوت و عقبات آخرتی سهولتله
گذر ایله و مسافر کفایت مقصداری زادله سالک اولدیغی کی سندخی
فضول دنیا بی ترک ایدوب زاهد اول و قلبله قناعت ایله و بولچی منزل
بمنزل مقصده طوغری سیر و حرکت ایتدیکه کی سندخی اسم کونیدن
اسم الهی به و اسم الهیدن مسمای حقیقی به سفر و سیاحت ایله و تکمیل
اسفار ایلوب آخر منزل و حدیده قرار ایت و ترمیزی روایتده (وعد
نفسک فی اصحاب القبور) زیاده سی دخی وارد یعنی کندیکه میت کی سبیل

زیرا دیشلورد که کل آت قریب و بلکه تعیناتی از اله ایلوب
فنا فی الله ای که جسمک جانکه قبر کی اولسون تکیم وارد اولمشدر که
(موتوا قبل ان تموتوا) ای موتوا بالاخیار قبل الموت بالاضطرار
وفی الحدیث (من اراد ان ینظر الی میت یشی بین الاحیاء فلینظر
الی ابی بکر) یعنی حضرت صدیق رضی الله عنه نفسندن فناء تام
بولغله میت کی اولمشدر که قلب و تحرکی حقله در وینه حدیثه
کلور (اذا تحیرتم فی الامور فاستعینوا من اهل القبور) یعنی اهل فناءدن
استعانت ایدیگوز که انلر کلمات تامه جامعه در که استعانت والتجایه
صالحلردر شول جهتدیکه الله تعالی انلر یوزندن ظهوری وارد
پس اعتماد فی الحقیقه حقیه دراعوذ بدانیال واعوذ بکلمات الله التامات
وامثالی معنای مذکوره داندرا کر چه حقایقندن بی خبر اولنلر مناقشه
ایدوب تا ویلات فاسده ایارلر و بلکه طور عقلمدن خارج اولان اخبار
صحیحه نک موضوعینه ذاهب اولور اولک کالاتعام * و کار ابن عمر *
یعنی عبدالله بن عمر رضی الله عنهما که عبادله اربعه دن وحدیث
مذکورک راویسیدر زیرا رسول الله صلی الله علیه وسلم بروقتده
ید مبارکه لن عبدالله مذکورک او موزلینه قویوب (کن فی الدنیا الح
دیو کا خطاب ایشلرایدی و بو مناسبتله اهل حدیث ذیل حدیثه
کلمات عبداللهی ایراد ایدیلر اگر چه کلمات آیه فی الحقیقه بر حدیث
هر فوعدن منترعدر که اول حدیث بودر (اغتم خمساً قبل خمس
حیاتک قبل موتک وصحتک قبل سقمک وفراغک قبل شغلك وشبابک
قبل هرمک وغناک قبل فقرک) و بونک نظاری کی * یقول اذا امسبت *
یعنی چن مسایه داخل اولسک که اول اللیلدر واخشامه مساء دنلدی
زیرا ظلمتی حسبیه انسانی مسائه ایقاع ایدر انکیچون کلاه سیئه
دنلدی و مسائه بده ایلدی زیرا خلق الله الاعظمدر که اصلدر
ونهار انک اوزرینه متفرعدر که عارضدر زیرا شمس و قمرک خلقی
حادثر * فلاننظر الصباح * یقال انظره فلا یحتاج الی کلمه الی صباح
اول النهار در که افقک حاجب شمسله اجراری وقتیدر و فجرله دخی

تفسیر اولمشدر که صبح صادقدر و سراجده مصباح دیدیلر زیرا نور یله
خانه دنیا ضوء شمسله مضی اولدیغی کی یعنی اخشامه ابرسک صباح
اولور دیو منتظر اولمه بلکه هر نفسکی نفس اخیر یسل زیرا نیچدر
موت فانی ایله مبتلی اولمشلورد پس موتک سن معلومی و سبب معلودی
یو قدر بو جهتدن قهارک ناکاه قهر و بطشندن حذر ایتملورد
و کیچه بی زمان راحت دیو غافل بولنماق کر کدر * واذا اصیبت *
و چن صبحاحه داخل اولسک کرک فجر که نهار شرعینک اولیدر و کرک
طلوع شمس که نهار عرفینک ابتدا سیدر و صباحده فجر اعتبار اولنق
اقوادر زیرا بین الفجر والطلوع اولان نور یله نور شمسدر که تحت
الارضدن منعکسدر یو خسه نور آخر دکلدر تکیم بعضیه لرها ذاهب
اولمشلردر و شفق دید کلری دخی بویله در که وراء جبل قافدن
انعکاس نور شمسدر انکیچون مستحب اولان خرتدنصکره اولان
بیاضک غیو بیته دک صلاة عشیایی تأخیردر * فلاننظر المساء *
پس اخشامه منتظر اولوب طول امله دوشمه بلکه املکی قصر و عملکی
مد ایله اگر ناکاه موت کلورسه سنی کار حقه و آخرته متهی بولسون
کویا اشارت ایلر که ای ناسک سالک سن بر بلد بعیدی قاصد کی سنکه
ما بینده مخوف وادیلر و مهلاک مفازلر و قطاع طریق وارددر پس
صبحاح و اخشام قییدنده اولما یوب همان منزل المفه سعی ایله والا
بلکه یولده قانوب هلاک اولاسن و مراده ایرمه سن اشته اهل دنیا لله
اهل آخرتک فرقی بودر که اهل دنیا بر سنه خصوصاً چون برهفته
ویار شهر و یار سنه یه دک تمسک و یا حجت و یرر که نقصدی نسبتیه
تبدیل ایدر و ظن ایلر که اول وقتدک معمر اولسه کر کدر بو جهتدن
هر خصوصده ان شاء الله دیمک مشروع اولدیکه نام حتی ذکر
واستحضارده یقظه وارددر نظر ایله که صدر اولده درت درهم دینی
قلان کیمسه نک نمازنی قیلقندن امتناع اولنوردی زیرا انده رایحه
غفلت و طول امل وارددر مکر که دینه وفایده جک قدر مالی متروک اوله
یادینده عدم مبالاتک حالی بو اولیجق مال غیری حلال کی اکل ایده نک

حالی نیجه اوله واهل آخرت ابن الوقت اولمله حدلرن تجاوز ایتزل
بلکه نقد الوقت نه ایسه انکله معامله ایدرل و نفسلرن اضاعت ایتزل
زیرا نفس اصل الکل در که محافظه انفس ایدن ساعاتی و مراقبه
ساعات ایدن بومی و اسبوع و شهر و سنه و تمام عمری ضبط ایتش
اولور و دنیا و آخرتده فلاح بولور و بومقلمدن دیدیلر که طائفه
صوفیه جهله ذکر ایتدکری هر نفسلری نفس اخیر اولدیغندندر
مختصره ایسه تلقین ذکر اولنق سنقه ثابتدر بوجهندن هر مؤمن
هر نفسده کندی نفسنه تلقین ذکر ایدوب مبداء و معادن انی آگاه
ایتمک کرکدر تا که موطن دنیادن برزخه سهو و نسیانله کتمیه بلکه
ذکر و حضورله انتقال ایده که خیر مقدم بونده در * و خذ من صحتک
لمرضک * یعنی چونکه حال انسان صحت و مرضدن خالی دکلدر
لاجرم زمان صحتده بقدر القوه زیاده جه اجتهاد لازمدر تا که حال
مرضده عاجز اولوب تقصیر واقع اولیجق کسری صحتده اولان
عبادتله منجبر اوله بوسیدندر که الله تعالی مسافر و مریض و پیره
زمان اقامت و صحت و شبابتده اولان اعمالی ثوابن یزار که کمال کر منه
مناسب اولان بودر و اگر زمان صحت و امثالنده کسلنک و عملدن
قاعد و ذکردن ساکت ایسه وقتی بالکلبه ضایع اولور * و من حیاتک
لموتک * یعنی زمان حیاتیکی موتکدن نصکره انتفاع ایده جکک اعمال
صالحیه صرف ایله و الاحیایکنده میت کی اولورسن و موتکدن نصکره دخی
تعمدن محروم قالورسن زیرا هر صلاح و فسادک تخم بوراده اکیلور
و حاصلی اوراده بچلمورنکیم (الدنيا مرزعة الآخرة) اکا دایل روشندر
وامام غزالی رحمه الله ار بعینده بومحمله بوزیاده دخی بواندیکه
(فانک یا عبد الله لاتدری ما اسمک غدا) بوراده عبد الله علم دکل بلکه
معنای لغویسنه محمولدر که اذا امسیت و ما بعدنده اولان خطابانک
مخاطبدر پس دیمک اولور که زیرا سن ای الله قولی یارن یعنی قیامت
کونی بلز سنکه اسمک ندر یعنی نه اسمله ندا و ذکر اولورسنکه سکا
یا عبد الله و یا طبع الله می دیرل و یا خود یا عبد الدنيا و عبد الشیطان

و عبد الهوی و یا فاسق می سولرلر پس بودنیاده اسم ظاهره اعتبار
یوقدر هر نقدر شرفه دلالت ایدرسده زیرا ابوبنک وضع ایندیکی
اسم کونیدر بلکه اسم حقیقی به اعتبار واردر که اسم الهیدر نکیم
رسول الله صلی الله علیه وسلم جدی عبد المطلب سابع ولادتنده
الهام الهی ایله اسم محمدله موسوم قماش ایدی انکیچون اقوال و افعالنده
عمره بعد اخیری محمود کادی و اسم عبد الله کی نکیم کلور (وانه لما قام
عبد الله) اسم محمد و سایر اسماء شریفه و القاب مشرفه دخی اسم
حقیقی اولدی اگر چه ظاهرده اسماء منسوخه در زیرا نظر مسلمانک
اول اسمانک حقایق ایله قیامتده در انکیچون او مقوله اسمایی تبدیل ممکن
دکلدر حتی قریش معاند و معتزلی اسم محمد پرینه حاشا مذم دیو
اطلاق ایدر لردی رسول الله پیورلر دیکه الله تعالی بنی محمد خلق
ایلمشدر یوخسه مذم دکل پس انلرمذم مخیلی ذم ایدرلر یوخسه
محمدی دکل و حضرت علی کرم الله وجهه ولادتنده پدری ابوطالب
اوراده حاضر اولمغله والده سی فاطمه اسدیبه انک نامی اسد وضع
ایتش ایدی صکره پدری حاضر اولدقده بن ولدنک عز علوم و علو
قدر بولدو عن استرم دیو اسدی علی به تحویل ایلدی بومعنادن علی
هم اسد الله و هم ولی الله اولدی یعنی اسم علی اکا اسم حقیقی اولدیکه
علوم ذات و صفاتله قائم اولدی و قدر عالی بولدی و شول درجه به بالغ
اولدیکه امت مرحومه نک اب ثانیسی اولوب طرق حقه اربابنک
سلسله سیدخی انده نهایت بولدی و علی هذا و بوفقر الفات ار بعده
روضه مطهره ده سرنبویله مراقبه ده ایکن کوردنکه عالم مثالده
برغلغله پیدا اولوب عالم غیبدن تفقد اولنسون هر کسک اسمی
یزده میدر دیو خطاب واقع اولوب هر کسک وجودی اول حالت
هائله دن لرزه دار اولدقده بوفقر دخی بردفترده کندی اسممه نظر
ایدوب ثابت بولیجق سرور عظیم حاصل اولوب سنه کلام و الحمد لله
علی عنایتیه الازلیة السابقة و هدیته الابدیة اللاحقة و دیمشدر که
هر عصرده قطب وجودک اسم الهیسی عبد الله در اسم کونیدی

هر نه اولور سه زير الله تعالى نيك الاهيت والوهيت والوهي مراننده حقيقت
عبادت وعبوديت وعبودت ايله قائم و متحققدر وجميع كل بشر بوسيله
صورت بولمشد ايمدى اى مؤمن اسم كوني به باقى بلكه بر اسم الهى ايله
ارتباط حقه ايله كور تا كه دنيا و آخرتده نامك عالى و قدرتك متعالى اوله
فاعمل بذلك * الحادى والار بعون *

معلوم اوله كه بومحله دك شرح اولنان احاديث شريفه نك ترتيبى مشاهير
محدثين دن امام نواوى به مضاف اولوب امام مزبورك دخی غرضى
قواعد و اصول شرايعى جامعه اولان كلمات نبويه بى جمع ايتك اولمغله
ايكى حديث جامع دخی اربعين اوزرينه زياده ايدوب مجموع احاديث
مرتبه قرق ايكي اولمغله بزخی نسخ صحيحه ده موجود اولديغندن
اولوجهله شرح ايتشدر پس احاديثك عهدي قرق ايكي اولمق
اصلدندر يوخسه صكره دن الحاق اولمق اوزره دكلر * لايؤمن
احدكم * يعنى سزدن بريكرك ايمانى كامل اولماز پس مقصود كمال
ايمانى نفيدر يوخسه اصل ايمانى دكل تكيم نظارندن معلوم و روشندر
* حتى يكون هواه تابعا لما جئت به * بعض نسخ ده تبعا دوشمشدر
فحتين ايله تابع معناسنه مفرددر كه جمعى اتباع كلور و جمعى دخی استعمال
اولور تبع تابعين كى هوى قصرله مراد و مشتهى نفسى كه برهان
سماوى و دليل عقلى اكا مساعده ايميه الحاصل هواى نفسك شرعا
مذموم اولان طرفه انحرافنه ديرلر امور جاهليه و امثالى كى زيرا جئت
به دن مراد شرعدر و شرع امور طبعيه و عقليه و جاهليه بى رفع
ايچون وارد و نازل اولمشدر معنى ديمكدر كه تاكه انك نفسك هواسى و
عقل قاصر نك مدعاسى بنم جانب حقندن كيتور ديكيم شرع مطهره تابع
اوله پس شول كيمسه كه شرع الهى و منهاج محمدى بى قيوب هواسنه
و عقل قاصر نه تابع اوله انك ايمان و تصديق ناقصدر اكر كامل
اولايدى شرعا مذموم اولان امور جاهليه و محرمان و مكرهات جانبه
ميل ايتزدى زير اهدى ايله هوى و حقه باطل بريرده مجتمع اولماز بس
بوئنده اهل ايمانى مخالطه كفره و فجره دن تحذير وارد زيرا سوء قرين

آخر انسانى جاده دن اخراج ايدر وضلاله دوشور و بوتنبهه دخی
مشتملدر كه امر شرعى بى كراهت ايتمك كر كيدر بلكه هر مأور اولديغى
خدمته طيب نفسله حركت ايله والا اسئثقال شرع كفردر و بوئنده
اشارت وارد كه شارع اعتراض جائز اولديغى كى مرشد كامله دخی
اعتراض جائز دكل بلكه تسليم و انقياد كر كيدر و اكر خدمته و متابعتده
حب طبعيه بى يوغيسه باري حب اختيارى ايله معامله ايله يعنى برسته
طبعاً مكرهه ايسه ده (وعسى ان تكرهوا شيئا وهو خير لكم) موجب
ايتار و اختيار ايلوب نفس خائى انك فعلنه حل ايليه و تدر بخله
رياضت و تقليد ايله رك آخر نفسندن خروج و ارادتى ارادت شيخنده
افنا ايدوب شيخله بكياره اوله و خدمتى لذتله و متابعتى حلاوتله ايله تاكه
(ان الدين عند الله الاسلام) سر نه ايره و اسلامى حقيقى اوله
والله القادر معين لعمده القاصر (بعد ذا معلوم اوله كه عشق و هوى
و محبت ديدكلى اصلنده حقيقت واحددر كه هيو لا نيدر پس كيفيت
مجازله تكيف ايدرسه مجاز والا حقيقت اولور نكيم قيس عامرى
اولاننده عشق ليلاده و سواسه تابع ايكن آخر اول شهوت طبعيه
عفت حقيقيه به مبدل اولوب صورتدن معنايه و حسدن عقله
و عقلدن روحه و روحدن عين سرله نظره انتقال ايلوب قنطره
مجازدن وادى حقيقته عبور قلدى و عاشق مجازى ايكن عاشق حقيقى
يعنى عاشق ايلي ايكن عاشق مولى اولدى و صورتى سرده محو ايتدى
و باب اشپادن خانه اسمايه و اندن صدر سمايه ترقي قلدى بوجهندن
هوى و عشق ديدكلى معنى واسطه وصول و رابطه عاشق و معشوق
اولدى چونكه عين روح قلبه و عين قلب دخی هيكله نظر ايليه اكر
نفس مداخله ايلوب سرقه نظر ايلرسه شهوت خفيه مخالطه سيله
اول نظر حرام اولور و انك صورتى جنك سمايه صعود و اسراق سمع ايتمى
كبيد كه اكا ذيله مخلوط اولمغله مر دوددر و اكر مداخله نفسدن سالم
اولور سه اول نظر حقيقت و حلال اولور زيرا اكا حقه حقه نظر ديرلر
اوليكى به نفسله خلقه نظر ديدكلى كى اشته هوى اصلنده حق

و باطله صالحدر چونکه شریعت مداخله و سواستن و طریقت
مخالطه نفسدن خلاص اوله آینه انفس و آفاقد کورین صورت
حق اولور و نفس انسان مجازدن قورتیلور که اکا هوای باطل دیرلر
و بورادن فهم اولدیکه کرچه انسان حق و باطله مستعد در و لیکن
هر کسده اولان کیفیت مجاز حقیقه متحول اولماز بلکه اول کیفیت
تلطیفه محتاجدر بو وجهدن کفار و فسقه نک حجابلری غلیظ
و هوای باطللری شدید اولمغله برزخ بطلان و مجازده قالدیلر
و مؤمن و مطیع اولنلر حقه و حقیقه عدول ایلیوب شر نفسدن سالم
اولدیلر انکیچون شارعده متابعت ایلدیلر زیرا هواسنی هوای حق ایدن
امر حقدن منحرف اولماز و اکا شریعت و حقیقه میل ایتیک لذیذ
و سهل کلور پس هر کسک قلبی زده ایسه میلی دخی اورایه در کل امدی
اغراض نفسدن خلاص اول تا که دور تده صافی اولوب
مرآنکده صورت حق ظهور ایده و باطل زاهق اوله و السلام
* الهانی و الاربعون *

* قال الله تعالى * معلوم اولاکه الله تعالى به قول و تکلم اسناد اولنور
کا قال الله تعالى (واذ قال الله يا عيسى بن مريم) وقال الله تعالى (وكلم الله
موسى تكليما) و لیکن نطق اضافت اولنوب نطق الله دنلر زیرا نطق
اصوات مقطعه در که لسان انی اظهار و آذان انی و عی و حفظ ایدر
کا قال فی القاموس النطق تکلم بصوت و حروف یعرف بها المعانی
و انطقه الله یعنی انطاقی حقه نسبت جائزدر تکلم کلور (انطقنا الله الذي
انطق كل شيء) فاما نطق انسانه مخصوصدر که غیره یا بطریق
التشبيه دلالت یورندن و یا بطریق التبعیه اطلاق اولنور (یقال
ماله ناطق ولا صامت ای حیوان ولا غیره من المسال * یا ابن آدم *
معلوم اولاکه ابن آدم و ولد آدم نوع انسانده مستعملدر بوجهتدن
ابو البشر دخی انده داخلدر پس اناسید ولد آدم اناسید نوع الانسان
دیمکدر و الاجناب نبوت صلی الله علیه وسلم نفس آدمدن افضل
اولمق لازم کلور بعض اهل معرفت دیمکدر که آدم علیه السلام

ترایدن مخلوق اولمغله بطریق الاستبعاد (ماللتراب و رب الارباب) دیدیلر
و ظن ایلدیلر که انسان ضعیف رب قوی ایله ائتلاف ایتز بس یا ابن آدم
عباسارقی ایله ملزم اولدیلر هم ظاهر و هم باطنا و ظاهرده وجه الزام
بودر که یا حرف ضعیف ایکن اسم قوی اولان آدم ایله مجتمع اولدی
و معناده الزام بودر که تحت خطایده مناجات واردر که خلقه ائتلاف
و صحبتدر بس اگر لایق بزم خاص اولسه باده نوش مناجات و مکالمه
اولماز دی بوجهتدن ترایده آب سری ظهور ایلدیکه فیض علم خاصدر
بو معنایه تراب ضمه تراب اولدی فتحله که ترخشک مقابلدر و آب تراب
لطیفدر فاعلم ذلك فانه من العجايب تضمن التراب للماء لفظا ومعنى
واشکر علی هذه اللواحق الزائدة فانها ليست في كلام ذلك البعض
وهی من لباب المعرفة * انك مادعوته * ما توقيت ایچوندر که
زمانیه در مادام معناسنه مابعدنده غفرت کلمه سنه ظرفدر دعا طایدر که
مطلوب منه اولان حقه تذلل و التجا و اظهار عبودیتدن عبارتدر
و حدیثده کلور (الدعاء مخ العبادة) یعنی عظم بدن مخله و بدندخی
عظمه استمساک ایتدوی کی مخ عبادت دخی دعا در که قوام عبادت
دعا لله در انکیچون هر عبادت دعا لله مختوم اولمق کرکدر و الاحقنه
جفا ایتش کی اولور زیرا کریمدن سنه طلب اولنماق کریمه اذیتدر
نتیکیم لیمدن مطلوب اولمق اکا اذادر * و رجوتی * الرجاء توقع
حصول الخیر فی المستقبل و دیمکدر که رجائک علامتی حسن طاعتدر
قال الله تعالى (ان الذين امنوا والذين هاجروا وجاهدوا في سبيل الله
اولئك يرجون رحمة الله) بس بلاطاعة رجایه امتیه مجرده دیرلر که
اهل هوانک حالیدر * غفرت لك على ما كان منك * بوراده علی
مصاصبت ایچوندر که مع معناسنه درکا فی التنزیل (الحمد لله الذي
وهب لي على الكبر) ای مع الکبر (تقدیری دیمکدر که غفرت ذنوبک
مع ماصدر منک من الذنوب الکثیره کثرت و صغائر یعنی ابن آدم مادامکه
بنمدر کا همه ال آچوب صدق و خلوصله تضرع و نیاز و بیدن
مغفرت ذنوب و عفو خطایار جا و توقع ایلرسن یعنی بو حال سنده اولدیه

سنگ کاهلری هر قدر چوق اولورسه ده عفو و مغفرت ایدرم مادامکه
حق عبد اولیه زیرا مظالم شهیددن بله معفو دکلدر فکیف غیریدن
مکرکه حق تعالی دن بر طریقه ارضاء خصوم واقع اوله بودخی اگر حق
کافر و حق حیوان دکل ایسه مکرکه حق تعالی دن اکادخی بر تدارک
واقع اوله که بورا سی مسکوت عنه در اگرچه بعض صورنی الله تعالی
بوقیره تعریف ایلشدر و لیکن ستری اولی اولمغله تحریر اولمندی
* ولا ابالی * مبالات و اکثرات قایم معنای سنه در که عجم بالک دیر
باء عربیه ایله ای لا اکثر بذنوبك العظيمة الكثيرة مادمت علی الداء
والرجاء و طلب العفو والمغفرة بوراده بعضی لم مبالاتی بالذن اخذ
ایتمشدر کویا بر کیمسه نک مبالات ایتم دیدوکی بالمی اکا مشغول قلمم
و خا طرمه کتورم دیمک اوله ولیکن اهل لغت مبالاتی بلوده یعنی
ناقصده درج ایتمشدر یو خسه بالده یعنی اجوفده دکل پس بن سنگ
ذنوب کیره کی مبالات ایتم دیمک سنی کاهک ایچون بلو و امتحان ایدوب
ناره ادخال ایتم و کترتی قایم دیمک اولور زیرا کاهه قدر کترنده اولسه
ینه منتهای در حقک عفو و مغفرت و سایر صفات جلیله سی ایسه منتهایه
دکلدر پس منتهای غیر منتهای یاننده یدی در یادن قطره کبیردر که
بی مقدار در ای عارف نظر ایله بو حدیث شریفده دعایه که نوجهله
صورت و معنایی جا معدر زیرا صورت معنا نک ترجا نیدر پس
دعا ده رفع ید ایتمک باطنده اولان تذلل و عبودیت نشاندرد و عبود
صورت و معنایی جامع اولمغله ایکی یوزدن حقه النجا ایتملور در تکیم
اکمل الموجودات صلی الله علیه وسلم استسقا ده و غیر یده رفع ید
ایدلر و دعا ده مبالغه ایلرزدی و تأمل ایله که رجائله خوفه دخی
اشارت قلدی زیرا رجاء خوف معنای سنه دخی کلور زیرا خوف
و رجاء متلازمدر قال الله تعالی (ما لکم لاترجون الله وقارا) ای لاتعتقدون
له وقارا و عظيمة فتخافوا عصيانه و تفکر ایله که رجوت منی دیمدی تا که
حال عارفه دخی اشارت ایلر زیرا زاهدک رجاسی عطا و عارفک رجاسی
الله تعالی در و امعان نظر ایله که مغفرتی دعا و رجائله مقید قلدی تا که

عبد مغرور اولیه و عبودیتله قائم اوله اگرچه الله تعالی نک عفو و مغفرتنه
فی الحقیقه قید یوقدر انک ایچون (و یغفر ما دون ذلك لمن يشاء) دیو
مغفرتی مطلق ایراد ایلدی و تحقیق مطالعه قلکه تحدید ذنوب ایتمدی
زیرا اکا نسبتله قلت و کثرت بر در انک ایچون بر توحیدله بیک شرکدن
تجاوز ایلر و تدقیق ملاحظه قلکه مغفرتی عدم مبالاته تقویت ایلدی
زیرا عندالکریم عطا استکثار اولمغز پس عفو خطا دخی معاملة
عطا کبیر فاعرف جدا * یا ابن آدم لو بلغت ذنوبك عنان السماء *
قال فی القاموس عنان السماء بالكسر ما بدالك منها اذا نظرتها
واعنان السماء نواحيها بس عنان سحاب معنای سنه در که ظاهر اولان
مرتبه سیدر و اضافت ادنای ملا بسه ایچوندر زیرا سحابک سمایه
طوغری ارتفاعی وارد و همان سعادن معدوددر زیرا هر مرتفع سعاد
حتی نبات ارضدن مرتفع اولمغله سماء دینلدی یعنی ای ابن آدم اگر
سنگ کاهلرک کترتی جهتدن وهوالا کثر الاظهر و اغلظتی جهتدن
تجسد ایلوب سمایه متصل کی کورینن سحابه ابرسه و یرایله کولک اراسنی
طولدرسه بس بو عبارت کترتنن کایه در زیرا بین الناس اول وجهله
متداولدر شول جهتدنکه بین السماء والارض بشیوز یللق مسافه در که
ما بین المشرق والمغرب کی و انسانک وسعته حس ایندی کی بو قدردر
بس خطاء انسان سحاب و سمایه دک بلکه عرش دک چیقسه و جمیع
عوالمی بر قلسه ینه عندالله بر صغیرة عریضه ده نقطه قدر دکلدر تکیم
امام شافعی رح قرب احتضارنده دیمشدر (ولما قسى قلبی وضافت مذهبی
(جعلت رجای نحو عفوک سلما) تعاضمی ذنبی فلما قرنته (بعفوک ربی کان
عفوک اعظما) قوله تعالی تعاضمی ذنبی ای عظم بالاضافة الی بقال امر
لا تعاضمه شیء ای لا یعظم بالاضافة الیه کافی القاموس * ثم استغفرتنی
غفرت لك * استغفار سؤال مغفرتدر اللهم اغفر لی ذنبک کی واستغفر الله
دخی انک مقامنه قائمدر زیرا طلب معنای سنه خبردر تکیم مرور ایتمشدر
یعنی عنان سمایه بالغ اولور ذنوبک اولدقدنصکره رجوع ایلوب بندن
طالب مغفرت اولسک سنی مغفور و خطا الی کی مستور ایدرم و آثارنی

SOLEYMANIYE G. KÖTÜ

İsmi: Seyyid Majid ef.

Yer: Ayit No.

Fakı Kavi No.

4

Tasni No.

297.2

الحمد لله الذي جعلنا من عباده المخلصين

الذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله

والذين هم خير خلق الله